



Apomasaris Apotelesmata; siue, De significatis et euentis insomniorum ex Indorum, Persarum, Aegyptiorumque disciplina;

<https://hdl.handle.net/1874/430014>

90
+
Leuclauius
APOMASARIS

APOTELESMATA,

siue

DE SIGNIFICATIS ET

EVENTIS INSOMNIORVM, +

ex Indorum, Persarum, Æ-

gyptiorumque disci-

plina.

+
Depromptus ex IO. SAMBVCI V.C.

bibliotheca liber, Io. Leuclaui

interprete.



FRANCOFVRTI.

Excudebat Andreas Wechelus.

M. D. LXXVII.

Cum privilegio Caf. Maieft. ad decennium.

ALPHABET

THE FIRST PART

1650

BY JOHN WALLIS

OF ST. JOHN'S COLLEGE, OXFORD

PRINTED BY J. STANLEY

IN THE YEAR 1650

Price

Two Shillings

per Copy

London

Printed

at the

Printers

Office

in

St. Dunstons

Church

Street

London

1650

Printed

at the

Printers

IO. LEVNCLAVII
AD MAGNIFICVM
ET GENEROSVM DOMI-
num HIERONYMV M BECK
à Leopoldstorf, Cæs. Maiest. con-
siliarium, & annonæ bellicæ per
Pannoniam præfectum, in
Apomasarem ab se con-
uersum

PRÆFATIO.



*Q*UVM anno superio-
re proximo, reuerso
mihî è Pannoniæ li-
mitaneis oppidis atq;
burgis, uti veteres lo-
quebantur, græcum
hunc Apomasaris libellum è bibliote-
ca sua legendum exhiberet IO. SAM-
BVCVS, V. C. cuius equidem de me be-
ne meriti nomen cum honore, ceu par

PRÆFATIO.

est, & surpo; quòd eius me lectio mirifica voluptate quadam impleisset, facere nò potui quin eum & Latine transscriberem, & bona cum optimi viri pace, cuius ipse codex erat, cum alijs communicarè. Sperabam enim fore nò minus ut eum alij natura arcanorũ studiosi, probarent; atque mihi, non perfunctoriè totum hoc argumentum tractanti, placuisset. Nam expositas heic reperièbam interpretationes visorum nocturnorum plerasque nò argutas modò, sed etiã diuinas: in quo mihi lubenter ad sensuros arbitror, quicumque rem totam adtentius considerabunt. de ceteris, qui ex animi sui libidine pro reijculis habere solent, quacumque morosis ipsorum cerebris haud arident; Hippoclide nulla, quod aiunt, cura. Non enim nescio, quæ nobis illi sint obiecturi, totum ut genus hoc scriptionis suspectum

PRÆFATIO.

Etum reddant. Nihil observatione somniorum vanius atque futilius esse clamabunt. eamdem ne superstitione quidem carere posse dicent. Græcorū quoque voces adyicient, quibus illi vulgò perhibebāt homines stolidos à somniis, quasi pennis quibusdam extolli. Præterea morem hominum nobis opponēt, qui somnium adpellare consueverunt, quidquid falsum & fictum est. alia denique non pauca, instituti nostri carpendi caussa, proferent; quæ nobis neque commemorare omnia, neque refellere visum fuit: ut animo lectoris, ad ipsum Apomasarem tendentis, oratione prolixiore molesti non simus. Non insitiamur, ut in alijs rebus bonis & utilibus; ita in hac etiam observatione quemdā esse abusum posse, cum superstitione, curiositate nimia, vanitatēque cōiunctum: Sed interim prorsus eorū explo-

PRÆFATIO.

dendam esse sententiam dicimus, qui omnem propterea rationem sumendorū è visis nocturnis præfagiorum evertūt. quippe nequaquam dubium est, somnia quædam esse, quæ planè diuinitus hominibus immittantur. horum exempla sacris è litteris, & omnium temporum historia, peti plurima possunt. Et apud Homerum videmus Achillem fateri, somnia diuina esse, quum ait:

A Ioue proueniunt quia somnia ---
 Quòd si etiam certiori res auctoritate confirmanda est, scimus in libro vatis sacri per scriptum esse, futurum extremis temporibus, ut in populo, verum cæli numen colente, iuuenibus visa quædam, & somnia senibus offerantur. atque hoc ipsum oraculum etiam sacris iterum in litteris est repetitum. Et quis adeò perfrictæ frontis fuerit, ut huiusmodi visa, diuinitus obla-

PRÆFATIO.

oblata, velesse reijcienda, vel non ob-
 seruanda, dicere audeat? Sunt item
 somnia, quæ temperamentis humorum
 in singulis hominibus congruunt. nec
 illa quidem negligenda, si medicis pa-
 rere volumus. nam colligi de his quasi
 præfagia quedam morborum imminen-
 tium ex abundantia vel atra, vel fla-
 ue bilis, vel pituitæ, vel purioris etiam
 sanguinis, possunt. Itidem natura qui-
 busdam offerri visa directè rem ipsam
 monstrantia, nec aliqua cum obscurita-
 te, sed absque ambagibus, constat. Et
 quis illa mète præditus neglexerit? im-
 mò quod maiorē meretur admirationē,
 nonnullis offeruntur somnia, quæ species
 veras exhibent, & res intellectu facil-
 limas ostendūt. Ita M. Tullij de Octa-
 uio, qui deinde C. Cesaris Augusti no-
 men habuit, illustre somnium fuit. Nā
 per quietem videre visus est, aurea

PRÆFATIO.

catena puerum de cælo in capitolium de-
mitti, acceptis à Ioue flagris. De eo-
dem Catulus somnium habuit, in cætu
patriciorum puerum quemdam acce-
dentem in capitolio ad Iouem, recon-
dere in sinu imaginem Romæ, à Ioue tra-
ditam. Quumque neutri tunc notus ad-
huc esset Octavius, uterque postea de
forma, quam in somnis conspexissent,
illum fertur adgnouisse. Sic & Ale-
xandri regis somnium evidens fuit, quo
radix ei salubris per quietem est obla-
ta, quam draco decerperet. Mitto de
Cambyse, mitto de Xerxis, aliorum-
que somniis, apud Herodotum, ceteros-
que scriptores historiarum, expositis, lo-
qui: de quibus omnibus, si rectè rem æ-
stimare velimus, certissime colligetur;
observationem visorum nocturnorum
aliquam non licitam modò, sed etiam
necessariam esse. Quod autem inter-
pre-

PRÆFATIO.

pretationem horum adtinet, necesse est fateamur, in hac quarumdam nationum supra mortales ceteros industriam, sollertiâmq; & acumen omnino maius fuisse. Id quum ab hoc nostro Apomasare non ignoraretur, trium potissimè gentium disciplinam in explicandis hisce sequutus est, Persarum, Ægyptiorum & Indorum; licet Arabum quoque mentionē nonnumquam faciat. Persarum quæ sapientia fuerit, cuius erant quasi custodes, quos ipsi magos adpellabant, ex Herodoto patet: de cuius narrationibus licet cognoscere consultos à regibus & alijs fuisse magos, si quando somnia semet obtulissent, quæ alicuius esse momenti viderentur. & dexteritatem horum in explicâdo magnam fuisse, res ipsæ probarunt. De Indorum philosophia, qui Gymnosophistæ dicebantur, apud Plu

PRÆFATIO.

tarchum in Alexandri Macedonum regis vita, pleraque memoria prodita legimus. Egyptiorum denique disciplina, quum alia, tum etiam hæc, quæ somniorum interpretationes cõplectitur, ne sacrarum quidem litterarũ testimonia desiderant. nobis omnia recensere non lubet, quum pleraque vulgò quoque notissima sint. Itaque non abs re colligenda sibi putavit horum iudicia noster Apomasar, quæ quidẽ in multis propè diuinum aliquid habet. Quis ipse fuerit, certò nõ constat. Existimabat ornamentum illud Germaniæ nostræ, Ioachimus Camerarius, Apomasarem eundem esse, qui Albumasar usurpatur. sed pace tanti viri dixerim, nullo id pacto verisimile videri. Nam Albumasar cognomentum erat eius qui vero nomine Iaphar adpellabatur, ut in eius vita perscriptum legimus.

De-

P R Æ F A T I O.

Deinde constat *Albumasarem* fuisse
Arabem, & religionem *Saracenicam*
 sequutum. At noster hic *Apomasar*,
 si *Græcus* non fuit, *Arabs* tamen,
 & *Saracenus* haberi nullo modo po-
 test; quum apertissima *Christiana* re-
 ligionis indicia liber ipse contineat. *V-*
tinam quidem illum integrum exhibe-
 re potuissemus. nã in libri veteris prin-
 cipio, quem *Sambucus* habet, foliũ u-
 num deest, & præterea duo periere fo-
 lia; quæ pro singulari studio suo, quo vir
 præstantissimus in omni litterarum ge-
 nere prodesse rei litterariæ nititur, iã-
 dudum ut suppleret, operam dedit;
 sed irrito conatu. quamobrem boni
 consulendum, quod superat, censeo. nec
 est, quod dubitem, horum publicationẽ
 viris bonis & eruditis gratam fore;
 quum *Apomasaris* cõmentatio longo
 post se intervallo libros *Artemidori*,
 qui

PRÆFATIO.


qui eiusdem sunt argumenti, relinquat. Accuratè iudiciorum siue interpretationum discrimina constituit in personis regum, magnatum, plebeiiorum, diuitum, pauperum; reginarum, mediocrium feminarum, nuptarum, innuptarum; item senum, virorum, infantū. monet anni quoque diuersa tempora cōsideranda, quasiq̄ue momenta horarum, quibus ipsa se visa offerunt, examinanda. Quædam non nego videri posse superstitiosa. sed sunt eadem mediocriter tolerabilia. Paganorum extrariorumque scripta legimus, plena superstitionibus ethnicis; & his paucis quasi nauis non cōtemnendi corporis haud ignoscemus? Quotiens uxores numero multitudinis dicit, (nā & hoc fortasse quispiam reprehenderit) Ægyptiorū veterū Persarūque verba retinet. idē existimandum de ijs, quæ concubinarū
men-


PRÆFATIO.

mentionem continent. Hanc aut Apom-
 masaris editionem, magnifice domine,
 tuum præferre nomen certas ob causas
 volui. Nam quum in ista peregrinati-
 one mea, qua regiones hasce videre lu-
 buit, ex Sambuci nostri, qui te maximi
 facit, aliorumque sermonibus, multa de
 singulari tua virtute, sapientia, rerum
 usu, humanitate, in litteras ac littera-
 tos propensione, accepissem: rectè me
 facturum existimaui, si natam in hac
 regione lucubratiunculã, tibi, qui præ-
 clarum eiusdem lumen es, inscriberem.
 Accedebat & pristini mei consilij re-
 cordatio. nam dudum ipse mecum con-
 stitui, meos in litteris labores non igna-
 ris omnis doctrinæ proceribus, quod
 vulgò fieri videmus, sed eruditis & re-
 cto iudicio præditis offerre. quod insti-
 tutum sequenti, non occurrebat in hoc
 quidè tempore, quem in hisce locis ma-
 gnifi-

PRÆFATIO.

gnificentia tuæ præferrem. Nam & cognitione doctrinæ varia atq; exquisita superas alios, & plura tuis in peregrinationibus vidiſti, quam in hiſce regionibus quiſquam tui ſimilium. Immo Perſas ipſos, & Aegyptios, & Arabes, & Indos adiſti; quæque ſunt in locis illis remotiſſimis eximia, tuiſmet oculis ipſe perluiſtaſti. Quapropter cui potius, ut idoneo iudici, commentationem hanc exhiberem, quàm tibi, reperire potui neminem. Te quidem, quod ſupereſt, maiorem in modum oro, vir generoſe, meum ut hoc compellandi te conſiliū, benignè pro illa tua excellēti virtute bonitateque interpreteris; & Apomaſarem ipſum, cum interprete, qui tuæ ſe clientele dedunt, comiter excipias.





APOMASARIS

APOTELESMATA,

siue

DE SIGNIFICATIS

Et euentis insomniorum liber.



nam & ipse magno deos amore prosequatur, qui omnia singulatim ei euentura, visis nocturnis prius indicabant. atque hæc semper ego subtiliter dissoluebam, ac veritatem ex me ipse præcognoscebam, & inueniebam. quapropter ea nunc expono, de quibustum ipse experiundo cognoui, tum illi prisce Pharaonitæ, alijq; disciplinis eorum eruditi: & quidem omnia, quæcunque mortalibus offerri per visa possunt, exposita interpretabor.

Periit in vetusto libro folium primū, quo caput I. II, III, & pars IIII, continebatur.

MORTVORVM RESVR-

rectionis interpretatio, ex Indorum disciplina.

v.

SI quis in somnis videre visus fuerit, mortuos resuscitados: quo in loco vi-

a sum

sum hoc mortuorum resurrectionis oblatum dormiēti fuerit, eo in loco pœnas iniusti dabunt: & iniurias passi, ius suum celeriter obtinebunt. Nam in resurrectione iudex iustus est solus Deus. ideoque iudiciū hoc, quoad humanitus fieri potest, eandem cum illo vim habet.

DE RESVRRECTIONE

VI. *mortuorum consimiliter, ex Aegyptiorum disciplina.*

SI quis in somnis suscitationem mortuorum videre visus fuerit, ea res victorum liberationem, ac bellorum finē significat. Præterea propinqui hominū in ijs locis degentium, si peregrè absint, breui conspiciētur: & à Pharaone dignitates, ac larga munera consequentur. Mulieres etiam illorum locorum, citra periculum parient: & si morbus ibidem est, cessabit.

DE RESVRRECTIONE

VII. *mortuorum, ex disciplina Persarum.*

SI quis in somnis suscitationē mortuorum videre visus fuerit, quo in loco visum

visum offertur, ibidem ex vinculis liberatio, & ex calamitatibus ereptio sequetur. Erit & profectum à rege gaudium. Si annonæ penuria sit, cum fertilitate commutabitur.

DE PARADISO, EX IN-
dorum disciplina.

VIII.

SI quis vir bonus visus sibi fuerit ingredi paradysum, saluus erit: quia lætum nuntium diuinitus ob ea, quæ rectè fecit, accipit. Sin maleficus est, respiscet ac salutem consequetur.

In opibus quoq; mundanis adsequendis felicitatem hoc visum denotat.

Si visus sibi fuerit comedisse de fructibus arborum paradisi: sapientiam & cognitionem in fide sua consequetur: quia paradisi fructus, diuinæ bonæq; doctrinæ sunt.

Si visus sibi fuerit, alij de fructibus istis impertiri: doctor euadet, prout distribuerit ac impertuerit.

Si fructus illos accepisse visus sibi fuerit, at non comedisse, nec impertuisse alteri: diuinas quidē ille res adsequitur,

at non agnoscit. ideoq; fructum absolutum non fert.

Si non comedit. alteri tamen imperijt: ipse quidem, ceu vanæ cupidus gloriæ damnabitur: at alter ille, qui fructum scilicet accepit, salutem adipiscetur.

Si quis vitus sibi fuerit ingredi paradysum, ac mori: ea mors fidei detrimētum denotat.

DE IGNE GEHENNE,

IX.

ex Indorum disciplina.

SI quis videre visus sit, se ad ignem Gehennæ damnatum; interitui mancipabitur, quod vti sceleratissimus homo suū ipse videat exitiū. Sed tamen hoc ipsum ei diuinitus indicatur, vt respiscens animæ suæ saluti consulat.

Si ignem Gehennæ duntaxat adspexit, non tamen ad eū damnatus: in mundanas ærumnas incidet. Quantò autem vel propiori, vel longiori ex interuallo, ignem Gehennæ viderit: tantò vel propiorem, vel remotiorem ærumnam expectet.

Si regi visum hoc oblatum fuerit iudicia sua peruertet, ac diuinitus punietur.

Si ob-

Si oblatum mulieri fuerit, marito infidiabitur, adulterijs sese, stuprisq; polluens.

Si puero fuerit oblatum, ad personam parentum eius referendum erit.

DE ANGELIS, EX INDORUM disciplina. X.

SI quis in somnis aliquē ex diuinis istis angelis videre videatur, qui sacris in libris nominantur ac describuntur: ex lato aliquo nuntio gaudium reperiet.

Nam si eo loci bellum imminet, velox & ingens aduersus hostes victoria sequetur.

Si qua est afflictio, cum læticia commutabitur.

Si morbus, ad integram valetudinem fiet reuersio.

Si paupertas, in opulentiam commutabitur.

Si mulieri prægnanti visum hoc oblatum fuerit, marem pariet.

Si regi fuerit oblatum, ac præterea, quod cum angelo sit colloquutus: quidquid hoc fuerit, siue bonum, siue malū, immutabiliter eueniet.

Si videre duntaxat angelum visus sit imperator, nec colloquutus cum eo fuerit: aduersus hostes victoria significatur, eiusq; populus incrementum sumet, ac pauperes ipsius satiabuntur.

Similiter si quis angelum viderit, pro nomine diuino decertaturus: is se saluū esse sciat.

Si quis angelum videre visus fuerit carētem nomine, nec sacris in literis descriptum: gaudio læticiaq; paulò minore potietur.

Si quis eunuchū videre videatur ignotum, formosum, procerum: etiam is pro angelo habeatur, propter puritatem, & similitudinem cum angelis, quodq; libidinis carnalis minimè capax sit. adeoq; similis erit euentus ei, qui visum angeli comitatur. Quidquid etiam læti denuntiauerit, maturum habebit exitum.

Itidem si quis aliquem eunuchorum sibi cognitorum, & magnatum, & dignitatibus spectabilium videre visus fuerit: similem res euentum sortietur ei, quem in angelis statuimus.

DE PROPHEtis, APOSTO-
lis, & doctōribus, ex Indorum disciplina. XI.

SI quis in somnis Prophetam, vel Apo-
stolum, vel Doctorem, vel Martyrem
videre visus fuerit: etiam illi vim eādem
habebunt, quā de angelis diximus. Re-
rum tamen exitus erit aliquanto exilior.
quippe visum angelorum homo delictis
obnoxius, aut malus, haud impetrat:
Prophetę verò, cum illis alijs, etiam vul-
gò dormientibus offeruntur.

Si quis in somnis Dominum nostrum
Iesum Christum viderit, eumq; Christū
esse sciuerit: is & animæ salutem inue-
niet, & opes mundanas, & maximam vi-
ctoriam. Quod si etiam cum eo collo-
quutus fuerit, quid ex eo audiuerit, citra
dubitationem teneat. Quin & beatus
est, huiusmodi qui viso potitur.

Si quis Christum in domo quadam i-
gnota videre visus fuerit, & ipse cui vi-
sum hoc offertur, si domum ingressus
fuerit, at nō vicissim exierit: moriturum
se quidem breui sciat, sed salutem nihilo-
minus consequuturum. Quin & hære-
des

des ipsius ingenti dignitatum opumque copia satiabuntur.

Quod si etiam aliquis vel apostolum quendam, vel patriarcham viderit, Christum se videre putans: cōsimilis erit exitus rei, sed exilior & inferior priore.

Si quis visus sibi fuerit in somnis per suffragia collocatus in solio ceu Patriarcha, nationi suæ cum imperio præerit.

Si electus presbyter visus sibi fuerit, excelsus & dignitatibus cōspiciuus erit, & imperatoris populum cum potestate reget. itidem iustus erit.

Si Diaconus factus fuerit, inferiori honore potietur, pro ratione discriminis, quod horum est, inter se comparatorum.

Si mulieri tale visum oblatum fuerit, à marito suo cum infamia diuertit.

Si quis in somnis librum aliquem Apostolorum, vel Doctorum, vel Prophetarum, audiente populo, legerit: inter personas magnatum imperatoria quadam cum dignitate referetur, & iuste se geret, & laudem promerebitur.

Si tale visum imperatori fuerit oblatum,

tum, peramabilis populo suo fiet, ac iudex iustus erit.

Si liber ille fuerit Euangelium, quem aliquis videre visus fuerit: excelsam dignitatem potestatemque consequetur propterea, quod in somnis id fecerit, cuius peragendi potestatem laici non habent.

DE FIDE, VARIIS MO-

*dis ex disciplina Indorum expo-
sita quedam.*

XII.

SI quis in somnis visus sibi fuerit, quum professione Christianus esset, hebrai-
fasse: minimè perfectus est in religione,
sed incredulus, & blasphemus: adeoque
præceptum in interitum ruet.

Si visum hoc imperatori se offerat, no-
uam in populo suo sectam excitabit.

Si homini plebeio, sua sponte falsum
testimonium perhibebit.

Si mulieri, marito suo struet insidias.

Si seruo, aduersus herum suum con-
sultabit.

Si quis in somnis visus sibi fuerit à Chri-
stiana fide ad Agarenos defecisse: confi-
milis sequetur euētus ijs, quæ dicta sunt.

a s Si quis

Si quis visus sibi fuerit magus factus, opum & pecunię cupidus euadet. quippe magi se rebus mundanis oblectant, nequaquam de compensatione, quę in altera vita fiet, solliciti.

Si quis visus sibi fuerit adorare idolũ, vel cum eo colloqui, vel luctari, vel verberare, vel ab eo verberari: si adorauit, erga Deum mendax erit, propter ipsius idoli mendacium: qui verò colloquutus est, aut luctatus, aut percussit, aut vice versa percussus est: in ærumnam grauẽ incidet, quę quidem ex mendacio proueniet.

Si quis in somnis simulacrum ligneum adorauerit, opera magnatis alicuius indigebit, hominis improbi: apud quem preces eius locum non inuenient.

Si factum ẽ stipite simulacrum adora- uerit, hæresiarcha fiet, qui de verbis rixa bitur, & mendax erit.

Si argenteum simulacrum adoraue- rit, periurus & mendax erga coniugem erit.

Si aureum fuerit simulacrum, auda- cissimus erit, & ab imperatore adflige-
tur

tur atque punietur: plurimis eum malis
vndique cingentibus.

Si visum hoc oblatum imperatori fue-
rit, ab aduersarijs adfligetur. Vt enim ar-
gentum ad mulieres refertur in somnio-
rum interpretationibus, sic aurum ad vi-
ros. Idem aurum quantam extra somnū
læticiam homini suppeditat, tantundem
ærumnarū adfert ei, qui in somnis ipsum
viderit.

Si fuerit simulacrum æreum, vel fer-
reum, vel plumbeum: is, qui viderit, fal-
sò diues erit. Hæc enim omnia mundi
vasa sunt.

Si quis in somnis visus sibi fuerit ignē
adorasse: dignitatē potestatemue quæ-
rit, propter vim ignis.

Si quis adorauerit carbones, aut ignē
flamma, fumo, fuligine carētem: aurum
per iniuriam quæsitum possidebit, pro
quantitatis ratione, qua ignis oblatu-
erat: & fidem suam amittet.

Si quis se videre visus fuerit ordinem
Presbyteri nactum, preces pro populo
fundere: principatum populi consequetur,
& oēs erga se beneficos experietur.

Idem

Idem si visus sibi fuerit librum populo legere, sapiens ac doctus erit.

Si visum illud oblatum imperatori fuerit, & tropæa statuet, & sapiens erit.

Si quis in somnis visus sibi fuerit tesseram aliquibus dare, in virum maximum euadet, ac insigni voce præditus, populos arbitrato suo colliget:

Si fuerit oblatum hoc imperatori, magnates suos ad cōsultationes bonas conuocabit: eritq; lōgæuus, & laticia copiosa fruetur, propter eam voluptatem atq; gaudiū, quod de tessera data percipitur.

Si ipse quidem non dederit, alterum verò dantem audierit: eadem est in somnij & interpretatio, & solutio.

Si pauper est, qui hoc in somnis vidit: magnatibus inseruiet, ac plurimum proficiet.

Si muliercula videre visa sit, vniuerso populo spectaculū turpitudinis erit.

Si quis visus sibi fuerit Ecclesiam struxisse, si quidem imperator est, mulierem ornabit & extollet denuò, pro ratione magnitudinis Ecclesiæ: si plebeius, diuitias à muliere locuplete consequetur.

Si

Sin mulier est, innupta maritū accipiet:
nupta, vidua fiet, & alteri nubet.

EIVSDEM GENERIS,

ex Persarum disciplina.

XVIII.

SI quis in somnis visus sibi fuerit adora-
rare simulacra, quibus indita sint ma-
ximorum siderum nomina, vel ipsius so-
lis simulacrum: imperatori preces offe-
ret, & exauditus tam propè ad imperato-
rem admittetur, quàm propè solis à si-
mulacro in somnis abfuit.

Si visum hoc oblatum fuerit impera-
tori, amicitiam cum alio rege cōtrahet,
& amorem eius impetrabit.

Si lunę simulacrum fuerit, homini se-
cundum regem primo preces offeret, &
exauditus accedet ad eum tanto ex in-
teruallo, quanto in somnis à lunari simu-
lacro abfuit.

Si quis in somnis visus sibi fuerit ado-
rare Veneris simulacrum, apud homi-
nem Augustæ primū gloriam inueniet.
Itidē cæteris de syderibus, & imperato-
ris magnatibus, eadē est interpretatio.

Si quis sibi videatur adorare ignem il-
lum in templis inextinctum, aut quod
fumus

fumus quasi quidam foetidus ex igne sit ortus: si rex est, ab hostibus ei bellum inferetur, & in fugam conijcietur. Sin fumus ille fragrans fuerit, celebri aduersus hostes victoria potietur.

Si plebeius hoc videre visus fuerit, regi seruiet, ac eueniet ei pro foetoris ratione.

Si mulier fuerit, pro ratione odoris ei quid erga maritum accidet.

Si quis sibi templum struxisse visus sit, & in eo posuisse ignem, quem populus adoraret: si quidem imperator est, in con filio suo regem creabit, quem populus accipiet.

Si visus sibi fuerit imperator murum nouum struxisse, vel intra, vel extra murum vrbs suæ: similiter regem cõstituet, ac populus eum, vnà cum regni confor te, recipiet: si quidem murus antiquus non dirutus fuerit. hoc verò si fiat, in regno ipsius mutatio quædam sequetur.

Si plebeius, aut procerum quispiam, hoc sibi visus fuerit absque mandato regis facere: perduellis fiet, ac si quidem structuram absoluerit, victor euadet: si
autem,

autem, superabitur ac delebitur à rege.

Si mulieri visum hoc oblatum fuerit, apud Augustam ei, pro ipsius rei ratione, quiddam eueniet.

D E F I D E C O N S I M I L I -

ter, ex Aegyptiorum doctrina.

XIII.

SI quis in somnis sibi videatur adorare deos, vel simulacra, vel animalia, vel arbores: gratiam Pharaonis & magnatū ipsius inueniet, pro ratione nobilitatis simulacrorum, animalium, arborum.

Si quis solium Pharaonis adorauerit eo modo, quo principes ipsius consueuerunt: princeps fiet, par Pharaonis principibus.

Si virgam Pharaonis adorauerit, aut gestauerit, aut in eius curru sederit: primus ei à consilijs erit.

Si visus sibi fuerit insedis Pharaonis equo, vel selle equestri: siquidem voluntate Pharaonis hoc fecerit, mulierem suam ei dabit: sin præter eius volūtatē, puellam ipsius inibit, ac depræhēdetur.

Si quis cum Pharaone cubare visus sibi fuerit, instar vxoris erit Pharaoni, & arcanorum ipsius in primis conscius.

D E

Indorum disciplina.

SI quis in somnis visus sibi fuerit iudex populi factus, nec ad iudicandum idoneus fuisse: siquidem expeditionem suscipit, admodum miserabilis factus, ad egestatem redigetur.

Si regi oblatum hoc visum fuerit, aduersus hostes suos triumphator euadet, seque aduersus eos strenue geret.

Si quis iudicis officio fungens, sibi preter morem iudicium aliquod exercuisse visus sit: maiorem sapientiam & cognitionem adquiret.

Si quis ab ignoto iudice iudicari visus sibi fuerit, iudicium hoc omne pro certo teneat. Nam ad Dei personam iudex ille refertur.

Si quis in somnis alterum prius somnium alicui videatur enarrare, quidquid audierit, teneat.

Si quis in somnis stateram, vel campanum, quod vocant, loco quodam librari viderit: ea de persona iudicis intelligat. Quod si litem habet, ac inter librandum ea viderit ex æquaribus suum obtinebit:

fin

fin autem, nō obtinebit. Etenim stateræ lances, ad iudicis aures referuntur. Quæ autem in ipsis sunt lancibus species, partium aduersariarum rationes significât.

Si stateram æquam puramque videre videatur, iudicem loci iustū esse cognoscat: sin peruersas fractasue lances viderit, eius loci iudicem, quo loco somniū vidit, iniustum cogitet.

Si fractum temonem stateræ viderit, de quo lances dependent, sciat loci iudicem vel in periculo constitutum, vel moriturum.

Itidem statuendum de eo, quod campanum vocamus.

Modij quoque, cum mensuris, eandem proportionem interpretationem habent, sed inferiorum iudicum personis accommodantur.

DE IVDICIBVS ET

iudicio, ex doctrina Persarum.

XVI.

SI quis in somnis se more iudicis sedentem videre visus fuerit, & homines ipsius oblectatos iudicatione: senator regius fiet, ac diligetur.

Si visus sibi fuerit in iudicis confedis-

folio, sed iudicium non exercuisse: de gloria sollicitè contendit, & gloriam à rege consequetur.

Si quis in iudicio litem sibi contingere per quietem viderit, ærumnas ac sollicitudines inueniet. at verò si aduersariū ab se superatum videre visus fuerit, tam ærumna, quam sollicitudine liberatur. Sin ipse visus sibi fuerit superatus, de re quadam sollicitus est, quæ parum ei prosperè succedet.

Si pugnasse sibi visus fuerit, & iudicem gladio percussisse: maximum quædam, aut magnum saltem virum in seruitutē rediget, ac in eo læticia potietur.

Si quis videre visus fuerit se, quum iudex esset, è iudicio pulsum: in magnam incidet iniquitatem.

Si folium suum putruisse, vel fractum viderit: periculum ad regis personam pertinet.

Si iudex maceriem tribunalis furto sublata, aut concrematam, aut ruptam videre visus sit, dignitate sua spoliatur.

DE IVDICIBVS, ET

XVII.

iudicio, ab Aegyptijs petita ratio.

SI

SI quis in somnis visus sibi fuerit iudex fidelis factus: Pharaoni fidelis erit in vniuersis rebus.

Si visus sibi fuerit in iudicijs suis populo placuisse: populi odiū promerebitur.

Si visus sibi fuerit in iudicijs suis neruis cedere, accipit à Pharaone potestatem militiæ, existimationis, dignitatum.

Si visus sibi fuerit iudex principū Pharaonis factus, maximam ad gloriam perueniet.

Si per quietem visus sibi fuerit esse iudex, & diem obiisse: longa quidem vita fruetur, sed fidem suam perdet.

Si morbo cœliaco laborare visus sibi fuerit, in periculū & paupertatē incidet.

Si febrili morbo teneri, ex iniuria fiet opulentus.

Si videre visus fuerit manus sibi longiores factas, serui eius potentiam gloriamque consequuntur.

Si se canum aliqua parte factum, honorem eo, quem iam adsequutus est, maiorem apiscetur.

Si pedes suos longiores factos, grādæuus longa vita potietur.

rium pilis.

XVIII.

*a Dignitatis
apud Agare-
nos nomen,
quasi dicas,
primi consilia-
rij. Meminit
Cedrenus.*

Quidam conuento Ameto, Sereimi filio, Mammunæ^a Protosymbuli somniorum interprete: videre visus sum, inquit, in somnis, crurium meorum pilos spiffiores factos, & auctos: quos equidem forfice tondebam. Ille homini respondit: Rationes & opes tuæ creuerūt. tu verò quantum pilorum tuorum abscidisti, tantum eas, malè negotia tua gerendo, deminuis. atque ita rem habere, deprehensum est.

ALIA AD EVNDEM

XIX.

relata questio.

Quidam ex Protosymbuli Mammunæ proceribus in somnis vinctum se toto corpore videre visus est, & corporis quidem totius pilos excidisse: pudendorum verò crines magis auctos. itaque de suis quædam ablegavit, qui somnium hoc, vsurpatum pro suo, somniorum interpreti renuntiaret. at ille: Maximus vir, inquit, hoc somnium habuit, non tuum est. Veniet autem in periculum, nec de opibus reliquum ei quidquam erit,

erit, præter solas ipsius mulieres. Vti dixerat interpres, ita post paucos dies accidit.

DE HOMINIS MEMBRORUM ^{XX.}
significatione, ex Indorum disciplina.

SI quis in somnis hominem notū, aut noto similem videre videatur: hoc visum in homine illo noto suum fortietur euentum.

Si iuuenem ignotum viderit, hostis est is, quem videre visus est.

Si senem vel ignotum, vel notū: senex ille fortuna somniantis est. sin autem, contrarium denotatur.

Si totus canus est, & corpulentus: felicior etiā is est, cui visum hoc oblatū fuit.

Si quis in somnis visus sibi fuerit iuuenis adhuc permistos capillis canos habere cepisse: ad honorem euehetur.

Si iam permistos capillis canos habens, magis sibi canuisse visus sit: consimili modo incrementum honoris capiet.

Si caput suum totum album factum videre videatur, ingētes ærumnas herum ipsius oppressuras sciat.

Si barba prorsus incanuerit, in ipsius somnian-

somniantis personam turpitude cadet.

Si quis videre videatur capillos capitis sui prolixiores, ipsissimosq; factos: si rex est, opum, subditorum, curruum incrementum experietur, & populo suo pergratus erit: si plebeius, opes cōsequetur: si pauper, afflictionem & indignationē inueniet: si mulier, maritus eius ditescet, ac potens fiet.

Si quis ab aliquo de coma capitis aliquid abscissum sibi videre visus fuerit, si rex est, opes eius, & populus, & arma deminuentur: si plebeius, similis erit euentus: si pauper, ærumna sua liberatur: si mulier, à viro suo separata diuertit.

DE SIGNIFICATO PI-

XXI.

lorum, ex Persarum doctrina.

SI quis incanuisse sibi visus fuerit, si quidem populi princeps est, populus eius debilitabitur: si cum potestate non est, opes ipsius deminuentur.

Si totus canuisse visus sibi fuerit, in afflictionem magnam, & perpetuam sollicitudinem incidet.

Si rex capitis sui capillos elegantes & magnos videre videatur, populus eius
& læ-

& læticia, & à bello magna securitate fruetur.

Si rex barbam suam spissam viderit, aurum eius multiplicabitur, & opes eius vique celebrabuntur.

Si viderit à tonsore capillos suos ornari, & refecari: si quidem notus est tonsor, palàm is regijs ex opibus auferet: si ignotus est, hostes regij opes ipsius regis intercipient.

Si pauper barbam prolixam habere sibi videatur, æs alienum contrahet.

Si cui excidere menti barba visa fuerit, ad egestatem redigetur, nec se diuitijs potiturum amplius speret.

DE SIGNIFICATO PI-

lorum, ex Aegyptiorum doctrina. XXII.

SI cui visi fuerint pili capitis eius elegantes & magni, si de numero principum Pharaonis est, gloriam consequetur: si plebeius, magno principi seruiet.

Si visum hoc ipsi Pharaoni fuerit oblatum, vires aduersus hostes suos inueniet.

Si plures sibi Pharaonem capillos habere visus fuerit, plures imperio suo prouincias subijciet.

Si capillos incanuisse viderit, eius thesauri deminuentur, & exhaurientur.

Si nigriores & asperiores factos viderit, thesauri eius ampliores euadent.

Si se peccentem capillos, nudasse viderit: & debilitabitur ipsius populus, & ipse affligetur.

Si seipsum abscidisse sibi pilos viderit, pro tonsuræ modo, deminuetur etiam ipsius exercitus.

Si cui plebeio visa iam indicata se obtulerint, pauper fiet.

Si mulieri, maritus eius morbo graui, vel in bello vitam finiet.

Si cui visa fuerit barba venustè prolixior facta, diuitias ampliores adquiret.

Si longiores facti pili, quàm par erat: in morbum & ærumnam mediocrẽ incidet, quia facilè rursus ornari possunt.

Si cui capilli rariore facti videantur, in afflictionem diuturnam, & paupertatem incidet.

Si viderit enatos sibi pilos in naribus, & malis, aut fronte: semper ab eo, qui cū potestate præest, punietur.

Si se viderit eos euellentem cum diffi-
cultate

cultate, ærumnam abijcere nititur.

Si eos vngentem se viderit, atque hoc facto, pilos ipsos fluxisse: suis ex ærumnis magno cum detrimento liberatur.

DE VNCTIONE, EX

Indorum doctrina.

XXIII.

SI quis in somnis vnxisse sibi caput & capillos oleo fragranti visus fuerit, si rex est, vt opulentus euadat, & populum suum ornet, totis viribus nititur: eaq; res ei prosperè cedit.

Si plebeius, ostentator erit, & adpetens gloriæ.

Si mulier, erga maritum suum semet ostentando, fraudes neçtet.

Si feruus, oculis duntaxat seruiet.

Si quis ex omnibus indicatis modò, visus sibi fuerit oleo perfundi, plebemque vultu conciliare: in casum aduersum, morbum, & indignationem incidet.

DE VNCTIONE, EX

Persarum doctrina.

XXIII.

SI quis vnxisse sibi caput & capillos oleo visus fuerit, ornamenti causa: si rex est, arma pariter & exercitum aduersus hostes expediet.

Si medij ordinis est, opes atque substantiam suam meliùs constituet.

Si pauper est, rationes suas ornabit, vt victus ei non desit.

XXV. DE VNCTIONE, EX
Aegyptiorum doctrina.

SI quis vnxisse sibi caput & capillos oleo visus fuerit, per ostentationem erga quosuis quæuis quisque peraget: maximus, erga maximos: inops, erga sui similes.

XXVI. DE MOSCHO, ET COM-
posita fragrantia, ex Indorum disciplina.

SI quis in somnis visus sibi fuerit vngerere seipsum moscho, vel galæo, vt bene redoleat: si rex est, felici nuntio populos beabit, qui quidem eum sic desiderabunt, vt ipsam fragrantiam, & bonum illum odorem.

Si plebeius est, consimiliter erga proximos optimè semper redolebit.

Si quis impertiri vicinis fœtorem quendam visus sibi fuerit, vniuersorum odia promerebitur, & tanta quidem, quanta fœtoris ipsius penetratio fuerit.

Si rex ab aliquo moschum, vel aliam
quan-

quãdam rem ex compositione plurium
fragrantem, in vase quopiam accepisse
visus sibi fuerit: lætum nuntium ab alijs
accipiet, pro modo quantitatis eorum,
quæ in somnis accepit.

Si plebeio visum hoc oblatum fuerit,
confimiliter & ipse pro modo quantita-
tis, lucrum & opes inueniet.

DE MOSCHO, ET COM-
posita fragrantia, ex Persarum & Ae- XXVII.
gyptiorum disciplina.

SI quis in somnis visus sibi fuerit vnge-
re seipsum moscho, vel alia re compo-
sita fragrantis odoris: triumphis potie-
tur, & apud subditos suos seipsum subli-
miorem efficiet.

Si plebeius fuerit, pro modo vnctionis
apud vicinos suos excelsior euadet.

DE VASE, QVO SUFFI-
tum facimus, & fumigatione, ex XXVIII.
Indorum doctrina.

SI quis alijs suffitũ fecisse visus sibi fue-
rit, eo vase, quo facere suffitum sole-
mus: is ad illos, quibus suffitum fecit, &
efficacia simul, & dulcia verba proferet:
efficacia, ratione ignis: dulcia, ratione
fragan-

fragrantia. Quin & arcanum suum credet eis.

Si suffitum in templo duntaxat, absente populo, fecisse visus fuerit: consimiliter arcanum suum templi praesidibus credet, ac Deum placabit.

CONSIMITER EX PERSARUM & Aegyptiorum disciplina, de vasis ad suffitum factis, & fumigatione.

XXIX. **S**I quis sibi visus fuerit notis hominibus praeter morem suffitum facere, si rex est, ad maximos quosdam mittet, ut arcanum suum audiant: ac propter vim fumi, aduersus hostes in consilijs bella molietur.

Si plebeio visum hoc oblatum fuerit, lites & rixas contra proximos suos excitabit.

Si se viderit vestimenta sua, quae gestare solet, perfumigasse: seruos suos, & subditos, ad vtilitatem suam idoneos reddet.

Si se cubilis sui stragula perfumigasse viderit, mulierculis suis benefaciet.

DE VESTITV ET TONSURA, ex disciplina Indorum.

XXX. **S**I quis visus sibi fuerit totum dissecisse caput suum,

suum, instar monachi: resipiscet, & ab ærumnis atque delictis liberabitur, fidemq; suam ornabit.

Si rex est, regnum suum amittet, & in afflictione rebus humanis excedet.

Si mulier maritata, vidua fiet.

Si mulier innupta, nullo contracto matrimonio morietur.



si pilos amittere nequit, rex quidem novum exercitum ex hominibus alia lingua utentibus comparabit, & opes ipsius augebunt: plebeius autem, & pauper, hoc oblato sibi viso, æs alienum & calamitates arcesset: mulier maritata, concipiet, ac marem pariet.

Periit hic quoque foliū unum.

INTERROGATIO DE

vite arbutiva.

XXXVI.

Quidam ex Mammunæ Protosymbuli proceribus, Sereimum somniorum interpretem adiit, seq; vitem arbutivam habere dixit in ædibus, quæ vas albas ferret. eam sibi visam vas tulisse nigras. Cui somniorum interpretes Sereimus respondit, esse quandam de ipsius

ipsius vxoribus ex Æthiope seruo præ-
gnantem. Hominis coniecturæ, respon-
dit euentus. Nam ex Æthiope nigrum
illa puerum peperit.

XXXVII.

DE TINCTURA PILO-
rum, ex Indorum disciplina.

SI quis visus sibi fuerit tinxisse pilos ca-
pitis & barbæ, in conatu occultandi
canos suos, nec tamen illos plenè fuisse
tinctos: periculum faciet, an vitia sua tur-
pitudinèq; possit occultare: sed ob tē-
tata frustra tincturā, latere nō poterit.

Si tincturam efficacem fuisse viderit,
occultationem suam perficiet.

Si regi triumphis claro visum hoc obla-
tum fuerit, arcani sui occultationem sa-
nè quàm prudenter instituet. Si nulla
tincturæ vis fuerit, ob eam ipsam caus-
sam frustra secretum suum occultare co-
nabitur. Sin efficax esse tinctura visa fue-
rit, desiderium animi sui diuina vi qua-
dam, & suo cum emolumento perficiet.

Si mulieri fuerit oblatū, adulterij per-
petrandi causa maritum fraude circum-
ueniet, ac pro modo tincturæ dolus ei
sucedet.

DE

DE TINCTURA, EX

XXXVIII.

disciplina Perfarum & Aegyptiorum.

SI quis in somnis tinxisse pilos suos visus sibi fuerit, vt eorum colorem mutaret: si quidem est ex eorum numero, qui cum potestate sunt, ornare per mendacium populum suum studebit: si plebei⁹, fallò & ipse facultates suas ornabit.

Si quis viderit pilos suos per tincturam detrimēto quodam adfectos, opum suarum amissionem, magnamq; calamitatem experietur.

Si quis visus sibi fuerit studuisse per tincturam pilos suos albos facere, gloriæ cupidus hoc fecit: sed parum poterit, & opes ipsius deminuentur.

Si quis videre visus fuerit, ornatus causa faciem sibi nouacula tonderi: alia quidem extrinsecus bona monstrabit hominibus, sed in abdito mali successus erūt.

DE MANDUCATIONE

XXXIX.

capitis, ex Indorum doctrina.

SI quis in somnis visus sibi fuerit comedere cerebrum è capite noti hominis, heres ipsius erit, & opibus ipsius, omniq; auro potietur: sin ignoti, citra laborem

rem & opes, & auri vim maximam à magnate quodam consequetur.

Si caput ouillum coctum edere visus sibi fuerit, opibus hominis in magna dignitate positi, & lucro potietur: non sine labore tamen.

Si caput ouillum, assatum: hostem suum oppugnabit, ut opes ipsius diripiat: ac superior eo quidem euadet, verum ob asationem ab igne factam, cum ærumna diuitijs eius fruetur.

EIVSDEM GENERIS, EX

Persarum & Aegyptiorum disciplina.

XL. Siquis in somnis ouillum caput edere visus sibi fuerit, ingens gaudium & diuitias consequetur.

Si hominis caput edisse visus sibi fuerit, capiti suo superiori fraudes struet, ac maleficium patrabit. fortassis in ipso etiam folio succedet.

Si quis in somnis videre visus sit adlata sibi ab aliquo capita vel pecudum, vel hircorum, vel ceruorum, vel aliorum cornutorum animalium: magnum imperium suscipiet, capitaque principum captiua congregabit, pro modo factæ in
somnia

somnis adductionis. Fieri verò nequit,
vt hoc alicui visum offeratur, præter Pha
raonem, eiusq; successorem.

Si pauper aut plebeius in somnis vel e-
misse, vel inuenisse caput, visus sibi fue-
rit: aurum inueniet, X puta solidos, aut
C, aut CIO.

DE PILIS BARBÆ, ALA-
rum, & pubis, ex Indorum disciplina. XLI.

BARBÆ pili, sunt ornamentum oris.
Os ipsum pro hominis domo inter-
pretari solemus, qua eius domestici con-
tinentur. quippe dentes sunt personæ
domesticæ.

Si quis in somnis visus sibi fuerit barbæ
crines vel per tonsuram ornare, vel vn-
gendo, vel pectendo: suæ domus faciem
ornabit, vt hominibus opulentior atque
speciosior adpareat.

Si viderit pilos alarum suarum auctos,
vel prolixiores factos: filiarum suarum
opes conspiciet. Si nullæ filiæ sint, refe-
ratur ad puellas ei cognatas.

Si pilos istos exaruisse vel defluxisse
viderit, contraria filiabus aut cognatis
eius euenient.

c Si quis

Si quis in somnis prolixiores spiffiores-
que factos pubis suæ pilos videre sibi vi-
sus fuerit, grauiter & immifericorditer à
loci principè punietur, pro eo quidem
modo, quo & ipsi facti videntur proli-
xiores.

Si crines eosdem effluxisse viderit, for-
midare potentem illum desinet.

Si visum hoc regi fuerit oblatum, de
hisce pilis auctis: ab aduersaria natione
bello petetur, & adfligetur.

Si idem rex defluxisse sibi pilos vide-
rit, aduersus hostes victoriam, læticiam-
que speret.

Si mulier hoc videre visa sit, si quidem
aucti fuerunt, maritus eius adfligetur &
punietur: sin defluerunt, ex matrimo-
nio læticiam reperiet. Quod si adhuc in-
nupta est, virginitatem amittet.

DE PILIS BARBÆ, ALA-
rum, & pubis, ex Persarum & Ae-
gyptiorum disciplina.

XLII.

Q V A N T V M in somnis barbæ pili au-
gescunt, si cum potestate sit, cui so-
mnum offertur: tantundem populus
eius domesticus incrementi tumet: sin
ple-

plebeius, opes & prædia consequetur.

Si quis videre visus sit, auctos adeò sibi crines alarum, vt vsque ad costas eius se se porrigant: opes à patruo & auunculo, vel ab amita & matertera, vel a fratre, vel sorore, vel similibus horum cognatis nanciscetur, & eas vxori suæ dabit.

Si videre visus sit alas sudâtes, in seipso calamitates experietur.

Si quis videre visus sit pubis crines auctos, pro ipsorum crinium multitudine, plures etiam habebit hostes, & iniuriarum auctores.

Sin eos defluxisse, vel nudatos viderit: ex hostium suorum ruina læticiã capiet.

DE PILIS CORPORIS,

ex Indorum disciplina.

XLIII.

RELIQUI pili corporis, aurum & opes omnibus hominib⁹ portendunt.

Si quis visus sibi fuerit spissiores nactus crines, & totus ijs indutus: & opes consequetur, & incrementum sumet.

Sin pilos corporis amissos, seque nudum à pilis mansisse viderit: si rex est, thesauri & aurum eius deminuentur.

Si cui visum hoc oblatum fuerit, homini

mini ærumnoso, vel in vincula cōiecto,
vel egrotanti, vel ere alieno grauato, vel
alia simili calamitate: malis istis liberabi-
tur, & vicissim læticia fruetur.

Si plebeio, pauper fiet.

Consimiliter si quis vnxisse totum cor-
pus sibi visus sit, ac pilos fluxisse, seq̄; nu-
dum ab eis mansisse: si diues est, diuitias
suas amittet: si pauper, diuitias reperiet:
si mulier, arte quadam apud maritum in
gratia se ponet.

Si quis vnxisse sibi visus sit, nec tamen
fluxisse pilos: si diues est, indignationem
ac periculum incurret, sed liberabitur.

Si quis ægrotus hoc viderit, cum mor-
bo diuturno conflictabitur.

Si quis afflictus, aut in custodia deten-
tus, aut æris alieni mole grauatus, aut alia
re simili: eius ita comparatæ res erunt, ac
si iam cernat liberationem suam, non ta-
men liberabitur.

DE PILIS RELIQVI COR-

XLIIII.

*poris, Persarum & Aegyptiorum con-
sentiens interpretatio.*

PILI corporis, omnium quædam ve-
lut armatura sunt, etiam brutorum
anima-

animalium. Si quis ergo pilos corporis sui deminutos videre videatur, detrimētum quisque capiet, pro ratione studij facultatumq; suarum.

Similiter si corpus vnxisse sibi videatur, eoq; modo pilos radicitus euulxisse: sponte suas opes deminuet.

Si quis vnxisse corpus hoc modo sibi videatur, qui locuples est, agrorumque fructus expectat: malè prædia cum fructibus administrabit, & perdet.

DE SOMNIO PRO- XLV.
tosymbuli.

MAMMUNAS ille Protosymbulus somnium habuit, quo sibi visus est esse in templo maximo, nimirum in^a *Mic- Vulgo Me-
cham vocat.* ca, siue in Abrahami tabernaculo: quūque superiorem in partem abiisset, vbi solium est, iuxta duos angulos, in eis minxit, * * * correptusq; formidine, velut in peccato maximo: clam ad somniorum interpretem Sereimum misit, qui pro suo somnium hoc vsurparet, idq; declarari à Sereimo peteret. At ille coarguens hominem: Non hoc, ait, oblatum est tibi somnium. quippe non ortus

es de Protosymbuli semine. Propterea nullam ex me interpretationem habebis. Ibi tum hominem coram conuentum hortatus est Protosymbulus, interposito quoque iureiurando, ne somnij solutionem occultaret. At ille: Quatuor, inquit, anguli templi, quibus in angulis vrinam reddidisti: quatuor liberos portendunt. Duo partis illius superioris, vbi thronus est, throni & imperij successores erunt: duo partis inferioris, procreabuntur illi quidem ex te, verum imperio solij tui non potentur.

XLVI. DE VRINIS, EX IN-
dorum disciplina.

SI quis in somnis sibi videatur repletus vrinam excreuisse, si qua hominem afflictio vel indignatio premit, ea liberabitur: si opulentus est, qui somnium habuit, aliquid opibus suis detrahet ad impensas & erogationes in scorta, pro ipsius vrinæ copia.

Siquis sibi visus sit in vas quoddam vitreum minxisse, si rex est, mulierem infamem de semine suo pregnantem reddet, ac neque foetus vteri, nec ipsa finem
opta-

optatum adsequetur, propter imbecillitatem vitri.

Si plebeius est, liberos ex coniuge sua procreabit.

Si quis sibi visus sit in vas aureum minxisse, difficulter mingendi morbo laborabit.

Si verò in vas lapideum defossus, opes suas in terra defodiet.

Si in vas argenteum, rex quidem, aut procerum aliquis, cum ancillarum venustissima rem habebit: plebeius, sua cum vxore semet oblectabit: pauper, opulentæ mulieris vel amorem, vel matrimonium promerebitur.

DE VRINIS, PERSARVM XLVII.
& Aegyptiorum consentiens interpretatio.

QVÆCVNQVE in aluo concluduntur, opes portendunt: & ex ea quacunqve reijciuntur, opum amissionem denotant.

Si quis minxisse sibi visus sit, ad libidines suas pecuniam erogabit.

Si quis in vestimenta sua minxisse sibi videatur, idque conspectum ab alijs: in scortatione deprehendetur.

Si quis in vase quodam sibi minxisse videatur, si vas ipsius est proprium, sua cum uxore liberis operam dabit: sin alienum, alienam inibit.

Si visus sibi fuerit urinam excernere coactus & artatus, exigentur ab eo, quas iniuste collegit, opes: & grauitur affligetur.

Si quis in terrae faciem visus sibi fuerit sanguinem mingere, mulierum causa maximas impensas faciet, ac gaudio potietur. quippe terra mulieris interpretationem habet.

Si quis urinam propriam bibisse sibi visus sit, impensas in res suas faciet, ac rursus impudenter expensas suas recipiet.

DE AVRIBVS, IN-

XLVIII.

dorum ratio.

AVRES vel VXORES, vel sorores, vel filias significat: auditus ipse, ad fidem refertur. Si quis igitur in somnis videre visus sit aures suas pulcherrimas & maximas factas, oblectationem inueniet in vxoribus, aut sororibus, aut filiabus suis.

Si aurem sibi abscissam viderit, vel filiam moritur, vel vxor, vel soror.

Si

Si aures sibi diffissas, vel deminutas, vel arefactas viderit, in morbum diuturnū incidet aut vxor eius, aut soror, aut filia.

Si surduisse sibi visus sit, in animi morbum incidet, ac grauiter peccabit.

Si ex parte visus sibi fuerit surduisse, cōsimiliter etiam morbus magis particularis erit.

DE AVRIBVS, EX PER-

sarum & Aegyptiorum disciplina.

XLIX.

SI quis videre visus sit aures suas pulchriores maioresque factas, in amico suorum arcanorum cōscio voluptatem ac læticiam videbit.

Si quis in aures præter morem suum adhibuisse sibi visus fuerit, suum aliquē diuitem faciet, aut amicum arcanorum cōscium, idq; de opibus alienis.

Si non habebat in more, vt in auribus semet ornaret: suis ex diuitijs eos collocupletabit.

Si videre visus aurem sibi fissam, aut vulneratam, aut malè adfectam: per hominem suum, vel amicum arcanorum cōscium, offensam aliquam patietur.

Si aurem abscissam integrè viderit, ab

eorum amicitia prorsus excluditur.

Si quis in somnis obstructas sibi putaverit aures, si rex est, subditorum suorum preces planè repudiat, & esse rata sua vult consilia.

Si plebeius, rationes suas rescindet, ac familiares suos faller.

Si mulier, in scortationem incidet, nec vlli obtemperans, impudenter se geret.

DE VOCE, INDO-

L.

rum doctrina.

VOX & oratio viri, nihil est aliud, quàm eius apud populum fama & prædicatio.

Si quis in somnis canere sibi videatur, & eleganti voce præditus esse: gaudium atque commendationem apud populum inueniet.

Si rex est, iucundum quoddam decretum in populo suo breui promulgabit, ac diligetur.

Si rex in somnis & videre sibi videatur, & audire quosdam voce canentes, & suaviter quidem: de hostibus suis hilari nūtio beabitur.

Si quis autem in somnis, & videre sibi
videa-

videatur, & audire, vocem suam tenuē factam, & imbecillem: vitam plenam doloris, & afflictionem inueniet. quod si etiam aduersarium habet, ab eo superabitur.

Si populi princeps hoc somnium habuerit, in bello discedet inferior.

DE VOCE, PERSARVM LI.

& Aegyptiorum ratio.

SI quis in somnis videre visus sit, vocē suam ampliorem maioremq; factam: eius liberi & ampliores fiēt, & sublimiū ad tollentur: hostibus formidinem inuenientibus.

Si quis sibi cithara canere videatur, aut cithara canentem audire: si rex est, aduersus hostes suos consilia struet, ac superabitur.

Si chordas incisas videre videatur, calamitas ad populi sui principes pertinet.

Si quis sibi raucus factus videatur, contemptui seruis suis erit.

Si pauper est, cui visum hoc offertur, in paupertate sua morietur.

DE OCVLIS, INDO- LII.

rum ratio.

Ocv-

OCVLI sunt fides, & sententia, & lux animi.

Si quis in somnis visus sibi fuerit prorsus obcæcatus, fidem suam perdet, nec diu superstes erit.

Si cui visus fuerit alter oculus obcæcatus, fidem suam ex semisse perdet, ac in præsentia multorum pudore adficietur.

Si cui cõtraxisse lippitudinem oculi sui visi fuerint, grauitèr ille quidem delinquet, at resipiscet.

Si quis somniauerit, visum se quidem hominibus, quasi nihil cerneret: verùm nihilo minus oculos suos absque vitio mansisse: populũ quod attinet, impurus esse putabitur: sed erga Deũ purus erit.

Quantum in somnis decessisse sibi de lumine viderit aliquis, tantundem habebit in fide vitij.

Si quis somniauerit, oculis se medicinam facere, quò subtiliùs videant: hic cor suum ad Deum reapse dirigit, & de altera vita sollicitus est.

Si quis somniauerit, se quidem fuisse cæcum, sed à populo pro vidente habitum: itemque lumen suum vitiatum, sed igno-

ignorante populo: eius occulta opera tendent ad animæ ipsius interitum.

Si quis habere oculum in pectore visus sibi fuerit, quo videat: si rex est, filium procreabit, orthodoxè cū ipso regnatē.

Si plebeius est, opes & gloriam subito reperiet.

Si mulier, ad opulentioris viri matrimonium perueniet.

Si necdū nupta, locupletis copulabitur.

DE OCVLIS, PERSA- LIII.
rum & Aegyptiorum interpretatio.

SI quis in somnis cecatus sibi visus fuerit, si rex est, celeriter amisso regno, diem obibit.

Si plebeius, grauem ad paupertatem deueniet, exiguum ad tempus superstes.

Si maritata mulier, breui facta vidua, vitam cum morte commutabit.

Si quis sibi pulchros & magnos oculos adquisiuisse visus fuerit, si rex est, in populo, exercitu, domesticis suis oblectabitur: & inimicos suos terga dare coget.

Si plebeius, opum, laticia, prosperitatis eorum, quæ gerit, incrementū sentiet.

Si mulier, ex venustate sua, & marito,
& li-

& liberis oblectationem capiet.

Si quis videre visus sit, oculos suos lipitudine corruptos, si rex est, exercitus eius graue detrimentum ab hostibus capiet: ac si filium habeat, morbo corripitur. præterea deminuentur ipsius thesauri.

Si plebeius, pro conditionis suæ modo rerum euentus experietur.

DE PALPEBRIS ET SV-

LIIII. *percilijs, ex Indorum disciplina.*

TAmpalpebræ, quàm supercilia, oculorum sunt ornamentum.

Si quis palpebras & supercilia videre videatur facta formosiora, solidior erit in fide sua, & voluptatem suis ex liberis capiet.

Si facta magis deformia viderit, si rex est, morbo corripitur, & in hostium formidinẽ incidet, non tamen superabitur.

Si plebeius, in morbũ quidem incidet: at minimè fidem suam perdet.

Si quis videre visus fuerit, defluxisse sibi supercilia, tanquam lepra infecto: si rex est, peribunt ipsius currus, & exercitus malè administrabitur.

Si quis

Si quis videre videatur ornantem se supercilia sua vel nouacula: vel tinctura, liberis suis acquirere gloriam conabitur, & voti compos erit.

Si plebeius erit, apud populum fides ei non derogabitur.

DE PALPEBRIS ET SV-

percilijs Persarum & Aegyptiorum interpretatio.

LV.

SVPERCILIA cum palpebris gloria decusq; faciei sunt.

Si quis igitur ea videre videatur factum spissiora, tum ornatiora, quam prius erant: in medio multorum gloriam, & honorem, & aduersus hostes victoriam inueniet.

Quod si expers coniugij fuerit, expetitæ mulieris matrimonio potietur, & ditescet.

Si quis ea videre videatur nudata, veluti quæ defluerint: eius liberi non succedent in ipsius regno, suoq; desiderio priuabitur, ac inter ipsum & cõiugem eius inimicitia & odium exister.

Si plebeius fuerit, quodcunque in ornatu suo gratissimum habebit, amittet.

DE

LVI.

FRONS & nasus, ornatus sunt & opes,
hominum oculis expositæ.

Si quis ergo videre videatur, frontem
suam latiore factam, & maiorem, non
sine venustate tamen: potestatem & o-
pes inter homines inueniet.

Si rex est, aduersus hostes ei victoriæ
portenduntur.

Si mulier, eius liberi gloriam conse-
quentur amplissimam.

Si quis videre videatur, nasum suum
ad faciei deformitatem excreuisse: pro-
speritate quidem ille fruatur, sed pudore
coram hominibus adficietur.

DE FRONTIBVS ET NASO,

LVII.

ex Persarum & Aegyptiorum doctrina.

FRONS munimentum est, & septum
cerebri.

Si quis ergo videre visus sit, frontem
suam vel ruptam, vel aliud passam: opes
ipsius nudabuntur, totusque formidine
percussus trepidabit.

Si regi visum hoc oblatum fuerit, the-
sauris suis aliquid euerturū mali cogitet.

Si vi-

Si videre visus sit frontem suam validā atque formosam, egregiè munitas & fructuosas opes suas vniuersas intelligat.

Si quis videre visus sit nares obstructas sibi, nihil vt amplius olfaciat: si rex est, sciat illi periculum ab ipso imminere, qui primo loco de mūdānis negotijs ad regem refert: quia princeps illa cerebri pars à fœtore fragrantiam per nares discernit.

Si plebeius hoc videre visus fuerit, vxor eius ab arcanorum conscio seruo ipsius, vel amico per adulteriū polluitur.

Si mulier, maritus eius eam fraude circumueniet.

DE GENIS, CEREBRI

membranis, & ore, Indorum ratio.

LVIII.

GENÆ ac membranæ cerebri, significant parandi victus negotium.

Si quis ergo videre visus sit aliquid in partibus hisce passus, vel vulneratus, vel sectione læsus: impotentiam in negotio quærendi victus intelligat.

Sin easdem videre visus sit factas pulchriores, ornatum & incrementum suæ negotiationis interpretetur.

Os hominis domus est, quo cuncta comprehensa clauduntur.

Si quis ergo videre visus sit, os suum maius atque robustius factum: tantundem & domus ipsius munitior & amplior euadet.

Si quis videre visus sit os suum vulneratum vel percussum, id malum ad eum referat, cuius fidei domum suam credidit.

Si, cui somnium hoc oblatum fuit, nullum domus suae custodem habet, de vxore intelligat.

LIX. EIVSDEM GENERIS, EX

Persarum & Aegyptiorum disciplina.

Si quis videre visus sit genas suas, & cerebri membranas, & os, eleganter dilatata: si rex est, aut populi princeps, gloriam atque decus bello partum intelligat.

Si plebeius, aut mulier: quisque negotijs illis, quae tractat, incrementum in melius portendi cogitet.

Si quis sibi visus fuerit in hisce partibus aliquid passus, ratione illi contraria, quae indicata est, somnium interpretetur.

Si quis videre visus sit os suum ita laxum, ut loquendi vel comedendi facultas

tas

tas impedita sit: si rex est, aduersi quidam in thesauris suis, ac credituum diminutionem experietur.

Si plebeius est, paupertas significatur.

Quod si quis os suum sic obstructum videre visus sit, vt prorsus comedere nequeat: quicumque fuerit, citò morietur.

DE DENTIBVS, INDORVM, LX.

Persarum, & Aegyptiorum consentiens interpretatio.

OMNES hominis dentes, ad omnes ipsius cognatos referuntur. Nam anteriores duo, ad ætatis maturæ liberos, vel parentes & fratres, vel alijs magis propiores cognatos interpretando referimus.

Si quis ergo videre visus sit aliquem ex anterioribus hisce dentibus aut labefactatum, aut denigratum, aut corruptum à vermibus: ad eos cognatos, quos prædiximus, euentus spectat.

Si quis duos hosce dentes videre visus sit candidiores, aut aptiores solito: læticiam & pulchritudinem cognatorum proximorum portendi sciat.

Si videre visus sit alterum ex hisce den-

tibus longiorem factum, ab vno prædicatorum cognatorum indignationem & afflictionem capiet.

Si videre visus fuerit alium dentem inter eos enatum, ad coartationem aliorum: hic homo filium procreabit, aut habebit fratrem vel sororem, ad oppressionem & extinctionem reliquorum cognatorum.

LXI.

DE LINGVA, EX

disciplina Indorum.

SI quis in somnis videre videatur abscissam sibi, vel minutam linguam, vel auctam adeo, ut eam mouere nequeat: si rex est, in iudicijs suis errabit: aut si sapiens est, negliget ac perdet sapientiam suam, & hostium obstabunt ei tropæa, magnumque detrimentum capiet.

Si plebeius est, in litibus suis inferior discedet, ac ærumnâ perpetuâ inueniet.

Si mulier, læticia mariti & amore potietur. nã quæuis mulier linguâ suam maritum ad iram prouocat.

Si quis in somnis videre viderit habentem se subtiliorem ad loquendum, largioremque linguam: si rex est, in omnibus edictis & iudicijs suis admirabilis ac purus erit.

Si

Siplebeius, litem habens, superiore uadet, ac suis in negotijs prosperos successus experietur.

Si mulier, & odio prosequetur, & impudenter tractabit maritum suum.

DE LINGVA, PERSA-

rum & Aegyptiorum ratio.

LXII.

SI quis linguam suam mutam factam videre visus fuerit, si rex est, princeps notariorum ipsius erit in periculo: atque ipsemet aduersi quiddam experietur in ijs oneribus, quæ à scripturis dependent.

Siplebeius, ac miles, occulta cordis eius non patefient. (dent.

Si pauper, res ei modo diuerso succe-

Si mulier, pudore adficietur, & à vultu virorum remouebitur.

Si cui visa fuerit lingua sua facta facunda, si rex est, merito primum ex notarijs suis diliget, eumq; cohonestabit, & ipsius occupationes ad regis emolumentum prosperè succedent: itidemq; cæteris erunt fructuosæ.

Si quis ita vulneratam sibi linguam videre visus sit, vt in loquendo nihil impedi-
menti sentiat, sed tantum in com-
dendo:

dendo: eius opes & annui reditus ab omnibus impediuntur, adeoque pauper & inops fiet.

Si cui lingua balbutire visa sit, opus ille quoddam molitur, quod in nihilum recidet: ita tamen, ut nihil ipse detrimenti capiat.

DE DENTIBVS, INDO-

LXIII. *rum Persarum & Aegyptiorum consentiens interpretatio.*

POST anteriores, quatuor dentes proximi, ad consobrinos & remotiores cognatos in somniorum interpretatione referuntur.

Si cui oblatum in somnis fuerit, ex dentibus suis aliquos labefactatos, aut ruptos, aut aliquo morbo adfectos: ad cognatos, quos diximus, ea res pertinet.

Si videre visus sit euulsos, mors cognatis eius accidet.

Si cui visus fuerit inter hosce dentes, alius dens enatus: breui de supradictis ei, qui somnium habuit, cognatus emerget: ac si quidem ille dens recens natus, dentes ceteros coarctauerit, etiam heres ille reliquos in angustum coget. Sin eis
orna-

ornamento fuerit, & ipse cæteris decus
& honestamentum cognatis erit.

Si quis videre visus sit hosce dentes,
de quibus est dictum, pulchriores sibi fa-
ctos, aut ornatiores: gratiam & gaudium
in cognatis indicatis reperiet.

DE DENTIBVS, QVOS

caninos vocant, Indorum, Persarum,

& Aegyptiorum ratio.

LXIII.

DENS caninus, sustentaculum & ful-
cimen est tam domus hominis, quã
generis: innixorum ei secũdum Deum,
& in eum respicientium.

Si quis in somnis fractum sibi dentem
illum caninum videre visus sit, in pericu-
lum veniet incorrigibile, qui maximè
firmus in eius domo familiaq; fuerit, ac
vicissim spem correctionis habebit.

Si quis dentem illum caninum vide-
re visus sit album, & elegantem factum:
læticiam ex illo, quem maximè firmum
diximus, percipiet.

Si quis videre visus sit caninum illum
dentem ad tantam longitudinem porre-
ctum, vt ori sit impedimento ad capien-
dum cibum atque potum: etiam maxi-

mè firmus iste in domo & familia ipsius, impedimento erit homini, & ad omnia bona loco cuiusdam obstaculi. Sed corrigi tamen poterit, quum & dentis prominentia per limam facilè cæteris exæquari queat.

DE DENTIBVS INTIMIS,

tam superioribus, quàm inferioribus, ex Indorum, & Persarum, & Aegyptiorum disciplina.

LXV.

DENTES, qui molares dicuntur, ad cognatos impuberes & sub tutela constitutos, in somniorum interpretatione referuntur: ac superiores quidem, ad mares: inferiores ad sexum fæmineū pertinent.

Si quis in somnis videre visus sit vnum ex his vel labefactatum, vel nigredine obductum, vel dolore correptum: aliquem ex cognatis hisce, quos diximus, morbus inuadet.

Si quis ex eis vel à verme corruptus, vel fractus esse visus fuerit: cognatus huiusmodi supra spem conualescēdi morbo diuturno laborabit, & ex paupertate morietur.

Si quis

Si quis eisdem pulchriores factos, ornatosue videre videatur: ex cognatis illis, quos diximus, oblectationem capiet.

Si eos polire sibi videatur, ut albescant: dictos cognatos pecunijs & vestibis exornabit.

Si prominere visi fuerint, ad impedimentum sermonis: id somnium familiæ rixas, & ob hæreditatem lites portendit.

DE CERVICE, EX

Indorum disciplina.

LXVI.

CERVIX potestatem, & opes, & gloriam, & omnem hæreditatem significat.

Si quis ergo videre visus sit cervicem sibi crassiorē, & robustiorē, quam prius erat, factam, ut speciosa tamen, & elegans esset: si rex est, ex opibus suis, & gloria, & exercitu, & potestate, ceterisque simpliciter omnibus, voluptatem capiet.

Si plebeius est, vel pauper, in omnibus actionibus suis plebeius quisque laudem inueniet: diuitias pauper.

Si quis videre visus sit cervicem sponte sua sibi ligatam, vel ab aliquo manu cōstrictam: tam ipse, quam vniuersa ipsius hæreditas ad alterum illum perueniet.

d s Si

Si qui ceruicem constrinxit, aut colligauit, ignotus & iuuenis est: iunior hostē significat, cui tradetur: si senex, fortunā ipsius denotat, & bonum res exitum fortietur.

Si quis videre visus sit exiliorem factā ceruicem suam, & imbecilliozem: si rex est, in fide sua primū errabit, ac deinde calamitates experietur, omnemq; gloriā tam ipse, quā exercitus eius amittet.

Si plebeius est, in paupertatem & afflictionem incidet.

Si plebeij hominis vxor, in exitium vitæ per scortationem ruet.

Si quis videre visus sit, radi & ornati ceruicem suam: quisquis ille fuerit, cum erogatione ac sumptu fidem vitamque suam vniuersam exornat. Erogationem fieri necesse est, propter pilorum amissionem.

Si pauper est, liberationem ex ærumna denotat.

LXVII. DE CERVICE, PERSARUM & Aegyptiorum consentiens interpretatio.

CERVIX totius corporis robur denotat,

tat, quemadmodum & in brutis animalibus, boue, leone, equo, quadrupedibus cæteris viderelicet.

Si quis ergo videre visus sit ceruicem suam crassiolem factam, ac validiorem, quàm priùs erat: si rex est, præliator & bellicosus erit, & hostibus formidabilis.

Si plebeius est, & miles: ceruicosus erit, & parùm obediens.

Si quis videre visus sit exiliorem factã ceruicem suam, & debiliorem: si rex est, aduersa prædictis accident.

Si plebeius, consimiliter obstaculum sentiet.

Si quis videre visus sit ceruicem suam vulneratam, vel vlcerosam, vel sanguinẽ ex ea manãtem, vel instar porci ligatam: hæc omnia patefactionem opum, cum afflictione portendunt.

Si mulieri visum hoc oblatum fuerit, maritum suum vexabit, auriq; gratia cū eo rixabitur.

Si quis videre visus sit vel se percussum ab aliquo, vel alium ab se gladio percussum in ceruice: qui percutit, percusso seruiet, & ab eo beneficijs adficietur,
pro

pro modo dignitatis & opum ipsius: qui verò plagam accepit, apud illum alterū erit in gratia. Et quidem vel maximè tū erit in gratia, quum sanguis effluerit.

Si sanguis nullus adparuit, beneficium minus erit.

LXVIII. DE CLAVICVLIS HV-
merorum, Indorum interpretatio.

HVMERORVM clauiculas de concubinis interpretamur, quæ magis ad-
amantur, quàm vxores legitimæ.

Si quis videre visus sit hæc clauiculas ampliores factas, mulieres nuptas, quas concupiscit, amore prosequetur: & ex concubinis suis voluptatem capiet.

Si mulier hoc videre visa sit, amore viri alterius ardebit: aut si nulli viro copulata fuerit, vulgo sese prostituet.

Si cui visa fuerit fracta clauicula, magnas in aduersitates incidet, & à concubinis suis separabitur.

Quòd si fractam curasse sibi visus fuerit, hæc ipsa curatio portendit correctionem illius, quod de concubinis est dictum.

DE CLAVICVLIS, EX CON-

*sentiente Persarum & Aegyptiorum
interpretatione.*

LXIX.

Si quis videre videatur hasce claviculas pulchras robustasq; factas, inueniet aduersus hostes suos exercitum, & currus, & victorias, quas expetit.

Si pauper est, laboriosus & industrius erit.

Si quis videre visus fuerit hasce claviculas constrictas & coarctatas: hostes suos formidabit.

Si pauper est, in morbum & penuriam alimentorum incidet.

DE BRACHIIS, EORVM-

quæ suris, ex Indorum disciplina.

LXX.

BRACHIA cum suris eorum, siue musculis, ad fratrem, vel ætatis maturæ filium referuntur.

Si quis ergo videre visus sit ea maiora robustioraque facta, si rex est, potentia ipsius intelligitur, quæ quidem aduersus hostes eius insurget & augetur.

Si filium habuerit, aut fratrem, in eam videbit læticiam, quam exoptabat.

Si plebeius est, consimiliter ex filio vel fratre

fratre voluptatem capiet, ac ditescet.

Si mulieri visum hoc oblatū fuerit, ad mariti cōmodum interpretatio spectat.

Si quis in somnis videre videatur brachia sua debilitata, vel attenuata, vel fracta: si rex est, aduersi quid accidet ipsius duci, & exercitui: atque uti supra diximus, vel filius eius, vel frater in morbū & adflictionem incidet.

Consimilia plebeio quoque portentuntur. Nam & adflictionem, & morbum, & egestatem in fratre, vel filio suo, videbit.

Si mulier hoc somnium habuerit, à marito diuertet, aut vidua fiet.

DE BRACHIIS, PERSARUM & Aegyptiorum interpretatio.

LXXI. **B**RACHIVM, & musculos eius, ad fratrem, vel primum ex seruis interpretando referimus.

Si quis brachij musculos auctos, vel fractos, vel arefactos, videre visus fuerit, si quidem brachium ipsum adhuc vegetum sit, maior homini calamitas portenditur, in omnibus desiderijs suis fraudato.

to. Amittet autē fratrem suum, vel primum ex seruis.

Si videre visus sit musculos instauros, & recuperatas eorum in agendo vires: ab ærumna & afflictionibus citò liberatur.

Si quis in somnis videre visus sit eos factos & crassiores, & robustiores: in ijs, quæ sperat, atque desiderat, potestatem ac gloriam inueniet.

Si videre videatur brachium magis pilosum, quàm priùs erat, facultates maiores acquirat.

Si pauper hoc somnium habuit, similiter & ipse ditescet.

DE MANIBVS, IN-
dorum rationes.

LXXII.

MANVS & digiti, ad opera fidei hominum referuntur.

Si quis sibi visus fuerit plures adquisisse digitos in manu, in precando magis assiduus erit.

Consimiliter si videre videatur vnum ex digitis amissum, in precibus suis negligentior, & minùs assiduus erit.

Digi-

Digitus maior, siue pollex, ad preces diluculi refertur.

a *Græcis*
δευτέρως, à
lingendo.

Secundus, qui & ²index, ad preces horæ diei tertiæ refertur.

Medius, ad preces horæ sextæ.

Proximus illi digitus quartus, ad preces horæ nonæ.

Minimus, ad preces vespertinas,

Quidquid horû alicui acciderit, ad indicatas preces interpretâdo referimus.

Similiter si quis alicui digitus visus fuerit, vel frigore mortuus, vel prorsus abscissus, ac auulsus: is homo peccatum maximum committet.

Si restitutum sanatumq; videre visus sit, ad resipiscentiam & conuersionem perueniet.

LXXIII. DE MANIBVS, EX PERSARUM & Aegyptiorum disciplina.

MANVM de hominis primo & fidei seruo interpretamur.

Si quis videre visus sit abscissam sibi manum, vel enectam frigore, vel adustâ: si rex est, seruû primû & fidelem amittet.

Si per vstionem manum suam perderit, in bello & pugna moritur, qui ei fidelis est.

Si

Si plebeius hos somnium habuerit, seruum pro facultatibus suis primum amittet: aut si seruo caret, propter morbum opus eius cessabit, & ad egestatem redigetur.

Si maritata mulier, virum amittet.

Si quis videre visus sit manum suam maiorem robustioremq; factam, si rex est, laticiam atque profectum in præcipuo seruo suo reperiet.

Si plebeius est, tam in seruo, quam operibus suis vniuersis oblectabitur.

Si quis videre visus sit manum suam vulneratam, aut ligatam: eius seruus periculosas opes, ac formidolosas acquirere.

Si quis videre visus sit digitos suos minores factos, in seruo suo fraudem odiumq; deprehendet.

DE VNGVIBVS, EX

Indorum traditione.

LXXIII.

VNGVES omnem potestatem dignitatum, & opes significant.

Si quis videre visus sit vngues suos ita mutilatos, vt non promineant extra viuas carnes: opum dignitatumq; suarum iacturam faciet.

e

Si

Si regi visum hoc oblatum fuerit, thesauri & exercitus eius deminuentur, & hostes ipsius vexabunt eum.

Si mulieri, venustatem suam perdet, ac in paupertate morietur.

Si quis videre visus sit vngues suos radicatus euulsos, calamitas & violentior, & acrior erit: atque etiam breue vitæ spatium portenditur.

Si quis videre visus sit vngues suos auctos, & prominendo sic incuruatos, vt metuendum videretur, ne frangerentur: quæstum faciendo maximas opes, non sine metu tamen, consequetur. Sumet autem incrementum tam in dignitatibus, quam potentia.

Si rex huiusmodi somnium habuerit, thesauri eius implebuntur, & amplior fiet exercitus, & aduersariarum nationum regionem in potestatem rediget.

Si quis videre visus fuerit vngues suos ordine, ac decenter ornatos: in omnibus studijs & institutis suis læticiam inueniet, & fide sua perpulchrè ornabitur.

DE VNGVIBVS CONSIMI-

LXXV. *liter, Persarum & Aegyptiorum interpretatio.*

VN-

VNGVES ad seruum primæ auctoritatis, & fidelem, qui domini sui thesauros habet in potestate, referuntur.

Si quis videre visus sit, vngues suos creuisse venustè ac decenter: si rex est, semper eius dilectio confirmatur erga primum & fidelem ipsius seruum.

Si plebeius, læticiam tam in amico, quàm seruo suo inueniet.

Si quis videre visus sit vngues fractos, aut euulsos, in periculũ veniet is, qui ei fidelis est, & in negotiatione sua cessabit.

Si quis visus sibi fuerit vngues suos ornasse fornice, seruum suum fidelem instruet ac ornabit.

Si quis vngues suos ornatos videre visus sit, eius seruus in sublimitate ipsius decenter seget.

DE PECTORE, IN-

dorum ratio.

LXXVI.

PECTVS hominis, est vis prudentiæ ipsius.

Si quis videre visus sit, ampliari & aperiri solidè pectus suum: si rex est, munificus erit, & opes alijs largietur, & magnanimitate præditus, in bellicis rebus ex-

cellet, victorijsq; potiatur.

Si agricola est, in operibus suis profectum maiorem experietur.

Si plebeius, consimiliter industrius & sedulus erit.

Si quis arctius minusq; sibi factum peccatus videre visus fuerit, si rex est, parcus erit, odiumque promerebitur, & reprehensionem in ijs quæ decreuerit.

Si plebeius, artabitur in vita sua.

Si mulier, nunquam pariet.

DE PECTORE, PERSA-

LXXVII.

rum & Aegyptiorum consentiens interpretatio.

PECTVS, hominis vitæ murus & munimentum est.

Si quis in somnis videre videatur peccatum suum pinguius latiusq; factum, grandævus erit, & opulentus, pro modo pinguitudinis.

Si miles est, in bellis successus habebit prosperos.

Si mulieri visum hoc oblatum fuerit, multis editis liberis, tamen expers liberum erit.

Si quis videre visus sit peccatum suum, vel
atte-

attenuatum, vel imbecillius factum, vel
cœsum plagis: morbos complures expe-
rietur, & vitæ spatio non longo fruetur,
& valde vexabitur, & pauper erit.

DE VENTRE, EX

Indorum disciplina.

LXXVIII.

VENTER, & quæ ventrem vndique
cingunt, & ventre clausa, de opibus
& liberis hominis intelligitur.

Si quis videre visus sit ventrem suum
contractum magis, quàm solebat: ca res
mortem liberorum portendit, & opum
perexiguam copiam.

Si quis eundem videre visus sit intu-
muisse, ac inflatum esse, citra morbum
tamen: magno liberos numero procrea-
bit, & multas possessiones habebit.

Si quis videre visus sit ventrem suum
inflatum, qui cæteroqui sit vacuus: pri-
uatim pauper erit, at opulentus esse po-
pulo videbitur.

Si quis sibi visus fuerit admodum esu-
rire, rebus in omnibus sollers ac laborio-
sus erit, proq; modo famis ditescet.

Si quis sibi visus fuerit satiatus, quum
esurierit: eo ipso tempore saturabitur, &
quid-

quidquid inuestigat, ac singulari cum desiderio & sollicitudine inquirat, inueniet.

Si quis visus sibi fuerit aqua satiatus, quum sitiret: si quidem aqua frigida, dulcis, pellucida esse visa fuerit, vitam hilarem exiget, auriq; magnam adquiret copiam. Sin turbida, tepida, & insuavis: in afflictione, morbo, acerba fortuna vitam finiet.

DE VENTRE, EX PERSARUM & Aegyptiorum disciplina.

LXIX,

SI quis per quietē videre videatur ventrem suum pinguiorem maioremq; factum: eius domus & opes incrementum sument, pro modo pinguitudinis.

Sin attenuatum contractumq; videre videatur, tā curis, quā domestica multitudo cum læticia liberatur.

Si quis sibi tormina ventris sentire visus fuerit, afflictionem & sollicitudinē in domo sua reperiet.

Si quis videre visus fuerit ventrem suū ita ruptum, vt curari nequeat: citò familiam suam, & nulla quidem testatione facta, perdet.

DE

DE SCOPTVLIS ET MAM-
mis, ex Indorum disciplina. LXXX.

MAMMÆ proculdubio ad filiam re-
 feruntur.

Si quis mammas suas pulchras & pin-
 gues videre videatur, in filia sua læticiam
 inueniet.

Si quis eo loco vulnus, aut plagas acce-
 pisse visus fuerit: morbo filiæ laborabūt.

Si filiam nullam habet, ad proximam
 genere malum pertinebit.

DE SCOPTVLIS, EX
Indorum disciplina. LXXXI.

SCOPTVLÆ ad vxorem viri legitimã,
 hoc est, ad matrem liberorum ipsius,
 referuntur.

Si quis alterutram scoptularum excuf-
 sam fractamue videre videatur, vxoris
 legitimæ morbum intelligat, & rixam
 quandam, sine pleno tamen diuortio.

Si quis easdem maiores factas videre
 visus sit, cum robore gloriam vxor eius
 adquirit, & maritus ipse verbis eius,
 quasi subditus, cedit.

Si videre videatur scoptulam suam ab
 se remotam separatamq; ab vxore sua,

mortem obeunte, citò seiungitur.

Si mulier hoc videre visa sit, si quidem filiam habet, filia morietur: sin autem, de cognatis proxima genere faminci sexus obibit.

DE SCOPTVLIS, PERSARUM & Aegyptiorum rationes.

LXXXII.

SCOPTVLÆ fratrum diuitias & robur significat, idq; propterea, quòd ab eis brachia dependeant.

Si quis videre visus sit scoptulam suam aliquid passam, eius frater admodum adstringetur. Si fratre caret, ad consobrinos, aut alios genere proximos, casus aduersus pertinebit.

Consimiliter, si quis videre videatur, solidiores maioresque factas scoptulas suas: ex antedictis personis leticiam capiet.

DE INTESTINIS, ET INTERIORE membrorum quasi sylua, rationes Indorum.

LXXXIII.

SI quis videre videatur intestina sua per anum egressa, suspensaque: de familia & domo ipsius aliquis per occasionem rixarum exhibit, relictis possessionibus & facultatibus: ac nihilo minus reuertetur.

uertetur, ob eam caussam, quòd intestina plenè abscissa non fuerint. Adfligetur & is, cui visum hoc oblatum fuerit.

Si quis sibi visus fuerit de proprijs intestinis comedisse, opes à suis hominibus consequetur.

Consimiliter si visus sibi fuerit aliena comedisse intestina, de bonis alienis ditescet.

Si quis videre videatur egressum iecur per anum, si rex est, thesaurus eius dissipabitur, & ipse morietur. quippe iecur, quasi quædam sanguinis radix est: & sanguis aurum opesq; significat.

Si plebeius quispiam huiusmodi somnium habuerit, sanè quàm periculose curabitur, & facultates ipsius publicabuntur, & ita morietur.

Si quis sibi videatur inuenisse iecur alterius hominis, idq; sustulisse: thesaurum inueniet aureum, pro iecinoris inuenti magnitudine.

Consimiliter & in omnibus medullis eadem est interpretatio.

Si quis visus sibi fuerit inuenisse iecur & pulmonem arietis, aut hirci, aut alte-

rius animalis cornuti: diuitias magnatis alicuius, & in dignitate constituti, vniuersas apiscetur. Quippe cornua dignitatibus respondent.

DE INTESTINIS ET VISCE-

LXXXIII

ribus, Persarum & Aegyptiorum rationes.

SI quis videre visus fuerit, exisse iecur suum per anum: si opulentus est, & æconomum suum, & omne desiderium amittit. nam iecur vniuersæ carni alimoniam suam distribuit. Sic nimirum & priscae leges nostræ statuerunt, quum adolescens deprehensus fuisset filiae pontificis nostri raptor, vt iecur ipsius aues deuorarent: quoniam iecur est omnium libidinum cupiditatumq; causa. Quin & is ipse, cui somnium hoc oblatum fuerit, in afflictione morietur.

Si quis videre videatur, exisse pulmonem suum vel supra per os, vel infra per anum: cum periculo desiderium suum, & auctoritatis primæ seruum amittit. Nam pulmo refrigerio suo cordis igni solatium præstat.

Si pauper hæc videre videatur, citò morietur.

Si

Si quis omnium, inde vsque à rege, ad
 extremæ fortis hominem, aliquid sibi
 visus fuerit in corde passus: hoc ipsum
 quoq; subitam mortem propterea por-
 tēdit, quòd cor ad hominis vitā spectet.

Si quis videre visus fuerit intestina sua
 & egressa, & abscissa: diuitias suas amit-
 tet, ac in ærumna morietur.

Si mulier hoc somnium habuerit, libe-
 ri eius exoptati vitam cum morte com- LXXXV.
 mutabunt.

DE VENTRIS VERMI-

bus, Indorum ratio.

SI quis videre visus sit ventrem suum
 repletum vermibus, qui quidem in
 eo alantur: in eius domum multitudo
 peregrinorum veniet, ibidem alenda,
 donec ipsius res in angustum redigātur.

Si rex est, nouum instituet exercitum,
 eumq; ditabit.

Si mulier, ex scortatione grauida fiet.

Si quis videre visus fuerit vniuersum
 corpus suum carniuoris repletum ver-
 mibus, contra voluntatem animi sui po-
 pulum & ipse pascet.

Sin

Sin pauper est, pro vermium multitudinis modo ditescet.

DE VERMIBVS, PERSA-

LXXXVI. *rum & Aegyptiorum interpretatio.*

SI quis sibi per quietē vermibus vescivisus fuerit, colonos acquireret, de quibus lucrum faciet.

Si quis ventrem suum vermibus repletū videre visus fuerit, si vir maximus est, imbellem coget exercitū, & indignis subsidia feret, & in his opes suas amittet.

Si pauper est, ampli⁹ pauper esse perget, & auxiliares imbecillos nanciscetur.

Si quis sibi visus fuerit vermem per anū excernere, tam sollicitudine, quā vexatione illorum liberatur, quos nullo cum emolumento suo secum habuit, adeoq; miseriam suam omnem expuet.

Si mulieri visum hoc oblatum fuerit, ex scortatione pariet, ac fœtus in lucem editus minimè superstes erit.

Si quis sibi visus fuerit ex plagis vermes reijcere, magis ille quidem ditescet, at parcus erit.

DE TOTA HOMINIS

LXXXVII.

carne, ex Indorum rationibus.

CAR-

CARNEM vniuersam ad omnes diuitias & aurū interpretādo referimus.

Si quis carnem suam magis auctam videre visus fuerit, aurum & opes pro modo carnis ipsius adquirat.

Si quis sibi carnem humanā edisse visus fuerit, ex cōuicijs & obtrectatione detestetur, pro quantitate carnis, quā comedit.

Si visus sibi fuerit assatā hominis carnē edisse, per vsuras opes iniustas adquirat.

Si pauper hoc somnium habuerit, à superiore punietur.

Si mulier, ex furtiuo concubitu liberos imbelles edet.

DE CARNE, EX PERSARUM & Aegyptiorum disciplina.

LXXX-VIII.

CARNEM de pluribus interpretamur.

Si quis factus sibi carnosus & crassior visus fuerit, in copia vestium læticiā inueniet, pro ratione carnis auctæ.

Si quis attenuatum se videre visus fuerit, si diues est, opes suas occultabit, & per simulationem erga homines pauperis speciem præ se feret.

Si pauper est, morbo & egestate vitam finiet.

Si

Si mulier, apud maritum, vel propinquos suos, in odio erit.

Si quis videre visus fuerit carnem suam, quæ esset alba, denigratam instar æthiopsis mædax, & ridiculus, & infidelis euadet.

Si mulieri visum illud oblatum fuerit, de ea patefiet, quòd scortum sit: & à marito per diuortium separabitur.

Si quis videre visus fuerit se, qui esset albus, alium colorem nactum: in diuturnum febrilem morbum incidet.

Si quis vulneratam carnem suam videre visus fuerit, instar papularum: per monetariam solidos aureos adquiret, pro modo pustularum.

DE SVSPENSIONE IN

LXXXIX.

crucem, siue furcas, ex Indorum literis.

SI quis in somnis videre visus fuerit, se de sententia illius, qui rerum potitur, per vim & coactionem de collo suspensum: pro modo sublimitatis, ad quam elatus in suspendendo fuit, dignitate ornabitur.

Sin is, qui somnium habuit, æger est, aut adfligitur: vi malis istis liberabitur, ac tandem læticia fruetur.

Consi-

Conſimiliter, ſi quis videre viſus fuerit, ſe tradentem alterum ad ſuſpēdium, ſi rex eſt, aut populi princeps, primūm erga illum, qui traditur, excandescet ac irascetur: ſed honore deinceps eundem adficiet. Is autem adfectus honore, contra Deum delinquet.

Si quis ſibi carnes hominis in crucem acti manducaſſe viſus fuerit: ab excelſo quodam homine non ſine peccato diuitias conſequetur, pro modo & quantitate carnum, quas comedit.

DE SVSPENSIONE IN XC.
crucem, ex Perſarum & Aegyptiorum diſciplina.

SI quis ſibi viſus fuerit adfixus cruci, ſi pauper eſt, ditescet: ſi diues, per vim & ſupplicia maiores opes lucrabitur.

Si quis ſibi neruis excoriatus & cæſus eſſe viſus fuerit, atque ita cruci adfixus: pro modo flagrorum, quibus adfectus eſt, populo vel numeroſo, vel exiguo cū potestate præerit, ſupra eos euectus.

Si quis in crucem actus ſibi viſus fuerit de ſublīmi viciffim descendiffi, dignitatem amittit, etiam diuitijs ipſius in nihilum redactis. Si

Si quis sibi visus fuerit in crucē actus,
& incensus: in altum euehetur locum, &
populi princeps erit, ac deinceps pro-
pter vim ignis necessario peribit.

DE COSTIS, EX

Indorum disciplina.

XCI.

CO S T Æ mulieres significant, ac su-
periores quidem, & maximæ, legiti-
mæ sunt vxores: inferiores autem, adfi-
nes ob propinquitatē generis cognatæ.

Si quis videre visus fuerit aliquas de
superioribus magnis costis fractas: ei
misericordia imminet ab vxoris siue morbo,
siue rixa.

Si quas ex inferioribus costis fractas
videre visus fuerit, à supradictis genere
sibi cōiunctis, fæminei sexus, affligetur.

Si quis videre visus fuerit costas sibi
robustas latasq; factas, in vxore sua, vel
eo, qui eius familiæ cum imperio præ-
est, læticiam inueniet.

Costæ sunt quasi parietes domus, &
ad eos interpretando referuntur, qui
domum custodiūt: ac si quid eis illatum
damni fuerit, ad eorum personas perti-
nebit, qui domus custodes sunt.

Si

Si quis videre visus fuerit primas costas suas incurabiliter fractas, ceconomus & administrator domus eius morietur, ac ipse grauius affligetur.

Si quis videre visus fuerit costas suas solidiores maioresq; factas, eius opes in tuto erunt, & custodes illarum gratiam inuenient.

DE COXIS ET RENIBVS,

ex Indorum disciplina.

XCII:

COXAS de persona illius, cui somnium offertur, ob eam causam interpretamur, quod omnis ibi vis hominis sita sit.

Si quis videre visus sit coxas suas maiores, latiores, robustioresq; factas: in seipso robur, gaudium, sanitatem, & fecunditatem inueniet.

Si quis eas partes fractas videre visus sit, vel quod ex earum morbo nequeat ambulare: in afflictionem, & morbum, & orbitatem liberorum incidet.

Si quis videre visus sit coxas flagris aut gladio con fractas, breui morietur.

EX PERSARVM ET AEGY-

priorum doctrina consimiliter.

XCIII:

SI quis coxas suas maiores solidioresq; factas

f factas

factas videre visus fuerit, in vxorib⁹ suis
laticiam inueniet. Si nullam vxorem ha-
bet, ex hæredibus suis voluptatem per-
cipiet.

Si quis videre visus fuerit coxas suas
attenuatas & imbecilles factas, vxores
suas odio prosequetur.

Si coxas medias dissectas videre videat-
ur, ressecabitur eius erga vxores & pro-
pinquos spes, ac peregrè morietur.

DE VIRGA VIRILI,

ex Indorum disciplina.

XCIII.

INTERPRETATIO virgæ virilis ad fa-
mam, & potestatem, & liberos viri
pertinet.

Si quis penem suum maiorẽ robustio-
remq; factũ videre visus sit, & ob digni-
tatẽ celebrabitur, & liberos mares pro-
creabit.

Quòd si regi somnium hoc oblatum
fuerit, primum longæuus erit, & filium
successorem videbit.

Si quis videre visus sit penem suum val-
de distentum, quem adueniens alius
quispiam præhenderit: si rex est, gau-
dium ipsius multum incrementi sumet:

& qui

& qui penem eius præhendit, nimirum regis arcanorum conscius, potestatis regiæ particeps erit.

Si alicui plebeio visum hoc oblatum fuerit, in studio & instituto quisque suum sumet incrementum.

Si mulier visa sibi per quietem fuerit adquisivisse virgam virilem, subolem masculam pariet, ipsius familiæ decus inferentem.

Si quis sibi visus fuerit duos nactus penes, prolem masculam consequetur, alteram ab illa, quam prius & ipsam masculam habebat. Si nullam habebat, duos simul procreabit mares, siue gemellos.

Si quis abscissum sibi penem videre visus fuerit, ei filius morietur, & ipse filio non diu superstes erit.

Si non abscissum prorsus videre visus fuerit, vxor ei marem pariet, qui editus in lucem morietur: & ipse calamitatem experietur, quæ tamen deinde rursus mutabitur & corrigetur.

Si quis videre visus fuerit penem sibi supra modum in longitudinem porrectum, in

filiolaticiam videbit, & celebris ac magnus euadet.

Si penem sibi minorem factum, ac marcidum, videre visus fuerit: dignitate sua deturbatus ad egestatem redigetur, & liberi eius in morbum & inopiam incidant.

xcv. INTERROGATIO DE
virga virili.

QVIDAM quum recens vxorem duxisset, Sereimum Mammunæ somniorum interpretē hoc modo consuluit. Per quietem, inquit, videre visus sum penem mihi prorsus abscissum. Cui Sereimus: Ab hac, ait, hora sex menses numerato, quo quidem sexto mense sine liberis decedes. Postquam sextus mensis impletus fuisset, homo ille nullis post se relictis liberis viuendi finem fecit.

xcvi. EX PERSARVM ET ÆGYPTIORUM disciplina consimiles
interpretationes.

SI quis penem suum & crassiolem, & robustiorem factum videre visus fuerit: si populi caput est, populus eius magnus, potens, opulentus erit.

Si

Si pauper, & plebeius: in professione ac instituto vitæ suæ mutationem fieri videbit.

Si supra modum penem sibi longum factum videre visus fuerit: per vxorem abundè multum honoris, gloriæ, diuitiarum inueniet.

Si quis abscissum sibi penem videre visus fuerit, grauiter punietur, & inops fiet. Quòd si quis equis abundat, eos amittet.

Si quis videre visus fuerit penem suum detectum, & conspectum ab aliquibus: in repræhensiones & infamiam incidet, & arcanum eius publicabitur.

Si quis videre visus fuerit penem suum priuatim in loco suo detectum, arcanum mulieris eius ibidem manifestum fiet.

Si quis duos sibi penes habere visus fuerit, breui & vxorem, & liberos habebit.

Si quis videre visus fuerit vxorem suã virili præditã virga, filiũ illustrẽ habebit.

Si quis sibi visus fuerit cum eunucho noto cubuisse, quasi cum muliere: diuitias ei suas, & arcana credet: si cum ignoto, beneficijs hostem suum adficiet.

DE PVDENDIS, EX

XCVII.

Indorum disciplina.

SI quis videre visus fuerit abscissa sibi pudenda, si quidem bellator est, in hostium suorum manus tradetur.

Si populi caput est, populus eius peribit, & ad inopiam ipse perueniet.

Si quis pudenda sua rupta videre visus fuerit, ab hostibus suis vincetur.

Si pudenda sibi maiora robustioraque facta videre visus fuerit, si rex est, aduersus hostes suos præpotens erit, & neminem omnium metuet.

Si plebei⁹, cõsimiliter omnis expers formidinis erit, & facultates suas augebit.

Si quis sibi videre visus fuerit, cute scissa virile membrum excidisse: illius vxor pariet, illa quidem, sed ex alterius concubitu, idq; furtum depræhendetur.

Si quis sibi visus fuerit ea parte nimio pondere grauatus, aurum pro ipsius herniæ modo quantitateque reperiet, & ab omnibus hostibus suis, ipsoq; principe suo sibi metuet.

XCVIII.

PERSARVM ET ÆGY-

ptiorum consimiles interpretationes.

SI

SI quis abscissa sibi pudenda videre visus fuerit, si liberos habet, morientur: nec alios procreabit, quum pudenda quidam sint quasi canalis & ductus seminis.

Si rupta fractaue sibi pudenda videre videatur, liberi eius diuturnis erunt morbis obnoxij.

Si quis pudenda solidiora maioraque facta videre visus sit, ex liberis suis voluptatem percipiet. Si liberos nullos habet, marem procreabit.

Si qui cunuchus est, videre sibi videatur pudenda recuperata: gloriam adipiscetur, & ex animi sui desiderio ditescet, ejusque propinqui ad eum peregre reuertentur.

Si quis sibi visus fuerit testem laeuum amisisse, femillam non procreabit propterea, quod inde faeminei fetus oriantur.

Si dextrum testem amisisse sibi visus fuerit, nullos mares procreabit.

Si videre visus sit abscissa cum penè pudenda, citò morietur.

DE FEMORIBVS,

Indorum traditiones.

XCIX.

FEMORA de cognatis omnibus interpretanda sunt.

Si quis ambo sibi femora videre visus fuerit contusa, solus peregrè morietur.

Si femur vnum contusum videre visus fuerit, cum paucis suorum peregrè vitam finiet.

Mulier si videre visa fuerit contusa sibi femora, marito peregrino copulabitur, & prorsus à propinquis suis remota peregrè deget.

Si pauper hoc somnium habuerit, in tormentis extinguetur.

Si quis femora sua facta crassiora videre visus fuerit, si rex est, ex domesticis suis, & exercitu, & seruis oblectationem capiet. Quippe nequit ad regem dici, Cognati tui: sed, Serui tui: quoniam à Deo regnandi potestatem habet.

Si plebeio visum hoc oblatum fuerit, cognati eius ad aliquam euehentur gloriam, eaq; res ipsi iucunda accidet.

Si mulieri, magnam ex liberis suis oblectationem capiet.

PERSARVM ET ÆGYPTIORVM
consimiles rationes.

C. SI quis femora sua penitus contusa videre visus fuerit, eius vita pœnis obnoxia

noxia ridebitur ab alijs: idq; propterea, quòd postquã hominis femora contusa sunt, ridiculè mutilatus pedes trahat.

Si mulier hoc somnium habuerit, & vidua fiet, & liberos amittet.

Si quis femora sua facta crassiora solidioraq; videre visus fuerit, in ijs quisque proficiet, quæ studiosè cõsequitur. Nam de robore femorum, cursus augetur.

Si quis in femore plagam accepisse sibi visus fuerit, non adsequetur id, quod studiosè quærit: sed impeditus affligetur.

DE GENIBVS, EX PERSA-

rum Indorum & Aegyptiorum

ci.

disciplina.

GENV ad quoduis hominis opus refertur.

Si quis se offendisse, vel offensum genu suum videre visus fuerit: in professione studioq; suo miseriam acrem ad tempus inueniet.

Si quis secta, vel exiccata genua sua videre visus fuerit, adeò quidem, vt incedere liberè nequeat: ad egestatem perueniet, angustaq; ratione victus vtetur.

Si curatis genibus commodè sibi visus

f 5 fuerit

fuerit visus, post paupertatem diuitias vicissim consequetur.

Si genua tumore cancroso sic corrupta videre visus fuerit, prorsus vt moueri nequeat: morbo diuturno prorsus interit.

Si genua sibi videre visus fuerit ad acriter currendum confirmata, in omni opere suo prosperitatem experietur.

Si mulier hoc somniū habuerit, pedes eius veloces sunt ad capiendum virum.

DE SANGVINE AC HVLCE-

CII.

re, ex Indorum disciplina.

SANGVINEM & hulcera de auro & facultatibus interpretamur.

Si quis videre visus fuerit manantem ex plaga vel fluxu sanguinem, qui rubedine sua vestes ipsius aut carnem inficiat: pro modo sanguinis, qui defluxit, aurum inueniet.

Sin ex hulcere visus sibi fuerit pollutus, aurum inueniet, at cū labore. Nam sanguis haud sine molestia & doloribus in hulcus mutatur.

Si quis videre visus fuerit venas suas sponte apertas, aurum erogabit, pro modo sanguinis, qui promanauit. Sin se inuito,

uito, pro portione fluxus, aurum & ipse expendet.

Si bibisse vel comedisse sanguinem visus sibi fuerit, aurum alienum non sine peccato consequetur. Nec enim perceptio, vel esus potusue sanguinis, diuinitus est permissus.

Si quadam in parte corporis ortum apostema videre visus fuerit, pro illius quantitate diuitias adquiret.

PERSARVM ET ÆGYPTIORVM *consimiles rationes.*

CIII.

SANGVIS est vis hominis, & vita.

Si quis videre visus fuerit fluentem sibi è naribus vel capite sanguinem, eius visi damnosum euentum ad caput, siue superiorem suum referat.

Sin è carne profluxit sanguis, maximam tolerabit inopiam, & vitæ brevis erit.

Si quis videre visus fuerit præ copia sanguinis tumescentes sibi venas, si rex est, longa potietur vita, suosq; thesauros auget.

Sin plebeius, quisq; sua in professione ac studio mutationem experietur.

Si

Si quis morbi caussa sanguinē sibi misisse visus fuerit, si quidē vel adflictus est, vel in necessitate constitutus, omni ærūnaliberabitur: sin autem, damnum & sollicitudinem acrem inueniet.

Si videre sibi visus fuerit, ex hulcerosa corporis parte quiddā promanasse: aurum per iniuriam lucrabitur, inq; facto depræhendetur, & ablatum vicissim exigetur.

DE STERCORE AC VRINA,

CIII. *Indorum, Persarum & Aegyptiorum rationes.*

SI quis sibi visus fuerit sustulisse stercus humanum, aurum lucrabitur, sed infamis interim erit, propter inuentæ per quietem rei fœtorem.

Si videre visus fuerit vestes humano stercore fœdatis, cum quibus coram aliis quibus comparuerit: alienas opes lucrabitur, & in facinore depræhendetur.

Si comedisse stercus humanum visus sibi fuerit, aurum hostis sui nequiter ac pugnando lucrabitur.

Si iumentis stercus ederit, maius erit lucrum, & peccatum minus.

Si

Si quis videre visus habuerit per anum excreuisse stercus in fellam propriam, expensas è domo sua faciet. quippe sella locus est expēsarum ipsius. ac si quidem id, quod excretum est, siccum fuerit: expensa non magna est. sin humidum, maxima.

Si quis visus sibi fuerit in alienam sellā excremēta reiecisse, in peregrinam personam sumptum faciet.

Sin peregrinam in terram simpliciter, in mulierem sumptum erogabit, ad peregrinationem.

Si quis visus sibi fuerit per coactionē & lætionem excernere sapiūs, si rex est, vi cogetur exhaurire thesauros suos ad impensas militares.

Si plebeius est, per vim aurum eius diminuetur.

Si pauper, in famem ac vim incidet.

Quantum enim cunq; stercoris per anum excernitur à præditis ratione, vel brutis: de facultatibus hominis interpretandum est.

Si quis visus sibi fuerit sanguinem, vel aquam, per anum excernere: damnum acrius erit.

Si

Si quis visus sibi fuerit quasi quandam leguminum speciem excernere, liberatur ærumna.

Si per anum lapides & saxa sibi visus sit excreuisse, si æger est, aut adfligitur, malis istis liberabitur: sin autem, homines in familia nullius frugi dimittet.

Si serpentes excreuisse sibi visus sit, ab hoste dom^o eiusdē particeps liberabitur.

Si lūbricos reiecerit, familia ipsius pro modo multitudinis lumbricorum. . . .

Si pauper est, ad opulentiam reuertetur, idq; propterea, quod lūbricos ipsum corpus infestantes abiecerit.

Si sanguinem excreuisse sibi visus sit, diuitias cum peccatis dimittet.

Si visus sibi fuerit in eo sanguine volutatus, aut inquinasse vestimenta: rursus illorum peccatorum & diuitiarum fit particeps.

Si quis visus sibi fuerit minxisse sanguinem, ad infamiam & dedecus suum subolem procreabit.

Si visus sibi fuerit minxisse bilem, subolem gignet vitiosam, & citò morituram.

Si visus sibi fuerit in vas minxisse vitreum,

treum, si rex est, cum indigna se muliere consuescet & rem habebit: ac pregnātem illam quidem ex se reddet, sed ante partum foetus extinguetur.

Si plebeius est, vxorem vitæ breuis, & pluribus obnoxiam morbis ducet.

Si visus sibi fuerit inuenisse foueā stercoreibus plenam, ad quam nō nihil offenderit: à furibus & calumniatoribus inescabitur.

Si visus sibi fuerit & lapsus in illam foueam, & prorsus obrutus: per escas eorum & illecebras obruetur.

Si foueam duntaxat videre visus fuerit, ac foetorem tantummodo sensisse: nihil ij proficient, qui hominem inescare nitantur, sed paulum modo vexabitur.

DE PLAGIS ET VVLNERIBUS, *Indorum rationes.* CV.

SI quis se videre visus sit gladio percussus ab aliquo noto, beneficijs ab eodem adficietur. (ficiet.

Sin ab ignoto, inimici opera pacē con-

Si q̄s visus sibi fuerit acceptū vulnus curare, semet in hominū oculis ostētabit.

Si quis sibi visus fuerit hulcerosus, & pluri-

plurima nactus apostemata: eius opes incrementum sument, cum illius formidine, qui rerum in ijs locis potitur.

Si contagio pestis copiose correptum se videre visus fuerit, diuitiæ proferentur in lucem, quas occultauerat.

Si quis videre visus fuerit corpus suum pustulis albis repletum, aurum ex monetaria lucrabitur, habita pustularum multitudinis ratione.

Si pustulæ nigræ fuerint, iacturam ex monetaria faciet, pro copia pustularum, & grauius affligetur.

Si quis duro quodam tumore visus sibi fuerit intumuisse, instar vtris: domum adquiret, cum solidis opibus.

Si à vento visus sibi fuerit intumuisse, in hominum quidem oculis diues esse putabitur, at egebit domi.

DE PLAGIS ET VVLNERI-

CVI.

*bus, Persarum & Aegyptiorum
interpretationes.*

SI quis videre visus fuerit, erupisse sibi pustulas: ex maturis agrorum fructibus ditescet.

Sirus nullum habet, ab ijs, qui rura possident,

fidem, pro modo pustularum ditabitur.

Si cui caro sua visa fuerit intumuisse per apostemata hulcerosa, totum hoc ad opes refertur, secundum interpretationem ipsarum partium, quæ ex hulceratae sunt.

Caput enim ad eum, qui rebus summa cum potestate præest, refertur:

Ceruiæ, ad illum, cui somniū offertur:

Dentes, ad omnes cognatos:

Humerorū clauiculæ, ad cōcubinas:

Brachia, ad fratrem, vel propinquū,

qui alicui in delicijs & amoribus est:

Stoptulæ & costæ, ad vxorem:

Manus, ad auctoritatis primæ seruū:

Femora, ad cognatos:

Crura & pedes, si quis pauper est, ad vitam ipsius: si rex, ad primæ auctoritatis & arcanorum consciū seruū.

DE LEPRIS, SIVE SQUA-

mis cutis, ex Indorum disciplina.

CVII.

OMNI modo lepra de diuitijs cum infamia coniunctis intelligitur.

Si quis videre se visus fuerit infectum lepra, pro lepræ ipsius ratione ditefcet: ignominia tamen adfectus, & abditus.

Si solam quis carnem adfectam videre visus fuerit, non etiã faciem: ditescet ille quidem, sed odium populi sui nõ incurret. Edicta tamẽ eius parum populo placebũt, si rex est, & vita breui fruetur.

Si plebeius, diuitias absque odio consequetur.

Si mulier, cum viro maximo confuescet, & ab eo ditabitur.

DE LIMFATICIS, PERSARUM & Aegyptiorum rationes.

CVIII.

SI quis visus sibi fuerit limfaticus esse, vel vrgeri à dæmone, in ipsius populi conspectu, vel in templo: si rex est, læticiam cum longa vita reperiet, & aduersus hostes triumphabit.

Si plebeius, à principe lædetur, at vulgus ei benefaciet, ob eam commiserationem, qua erga limfaticos moueri homines solent.

Si priuatim vrgeri à dæmone visus sibi fuerit, si quidem rex est, aduersus hostes occulta inueniet loca, victoriaq; de ipsis potietur, & ad finem desideria sua perducet.

Si

Si plebeius, diuitias inueniet, & occultabit eas, nec patefient.

Si mulier hoc somnium habuerit, fœtum marem edet, isq; ad populum olim maximus erit.

DE LIMFATICIS EX

Indorum disciplina.

CIX

SI quis visus sibi fuerit vrgeri à dæmone, beneficentiam principis experietur, & diu viuet.

Si dæmonem videre visus fuerit, qui tamen ipsum non corripuerit, aut inuasit: homini regio preces offeret. ac si quidem adloquutus eū fuerit dæmon, ab homine isto regio exaudietur.

Si quis videre visus fuerit se percussum à dæmone, vel ab seffo: metum ac supplicium à principe rerum potente, homineq; excelso inueniet.

Si quis visus sibi fuerit percussisse dæmonem, vel obsessum, eosq; superasse: sciendum, non posse visum hoc in pauperem cadere, sed duntaxat in virum aliquem maximum. Is enim aduersarium suum pedibus obteret, ac superabit.

DE LEPRA, CONSENTIENS

Indorum, Persarum, & Aegyptiorum

CX.

interpretatio.

SI quis infectum se lepra videre visus fuerit, si rex est, ob mulieris amorem omnibus erit spectaculo, & vestitum nouum excogitabit, & efficax erit, & lucrum faciet.

Si plebeius, opes ex indumentis inueniet.

Si mulier, ex scortatione vestem adquiret.

Si quis visus sibi fuerit, quum esset infectus lepra, liberatus à lepra: diuitias vestitus resipiscendo dimittet, bonumq; sibi nomen parabit.

DE TEMVLENTIA, EX

CXI.

disciplina Indorum.

SI quis in somnis se videre visus fuerit inebriatum, pro ipsius ebrietatis modo diuitias & potestatem inueniet.

Si quis absq; vino sibi visus fuerit inebriatus, pro temulentie modo formidinem & supplicium à magistratu reperiet.

Si quis sibi visus fuerit inebriatus ex facticio dulci potu, magnati alicui seruiet,

uiet, & ab eo diuitias consequetur.

Si visus sibi fuerit inebriatus aqua, per mendacium hominis opulenti speciem præ se feret, deq; potestate aliena gloriabitur.

DE TEMVLENTIA, PERSARUM & Aegyptiorum rationes.

CXII.

TEMVLENTIAM ad rationum facultatumq; abundantiam referimus.

Si quis vino sibi visus fuerit inebriatus, magnam auri copiam adquiret.

Si absque vino fuerit inebriatus, ac remorbum inueniet.

Si quis inebriatus vino sibi visus fuerit, euomuisse, ab eo princeps extorquebit ac reposcet, quidquid auri lucratus iniuste fuerit.

Si quis visus sibi fuerit ex ebrietate torminum dolores in intestinis sentire, maximum lucrum consequetur, & prodeur à suis domesticis, inque metu versabitur.

Si quis visus sibi fuerit inebriatus aqua, vel etiam absque aqua temulentus ex sobrio factus: ab eo, qui rerum in locis ijs potitur, inuitus in ordinem redigetur.

DE MACIE CORPORIS, *SI-

ue gracilitate, ex Indorum, Persarum, &

CXIII,

Aegyptiorum disciplinis.

INTERPRETATIO gracilitatis in corpore nihil habet boni, nec vlli hominis membro quidquam cōducibile portendit, excepta lingua muliebri.

Si quis se, quum carnosus esset, tenue factum videre visus fuerit: aduersos quique casus in professione atq; opere suo experietur.

Si membrum vnum videre visus fuerit gracilius factum, pro membri attenuati ratione sequetur euentus.

Caput enim, de principe ipsius intelligitur:

Collum, de ipsomet:

Humerorum clauiculæ, de cōcubinis:

Brachia, de fratribus & adgnatis proximis: (bus:

Scoptulæ & costæ, de legitimis vxori-

Venter, de familia & opibus:

Femora, de cognatis.

Quòd si rex est, qui attenuata sibi femora videre visus fuit, ad familiarissimos ipsi seruos interpretatio refertur.

Ma-

Manus intelliguntur de seruo in primis familiari.

Sin pauper est, qui somnium de manibus habuit: ad vitam & victum ipsius referuntur.

Crurium pedumq; interpretatio, si rex est, vel gentis princeps, ad eum spectat, qui primus est inter arcanorum conscios:

Sin pauper, ad vitam ipsius.

Obesitas siue carnositas apta cuiusque membri, pro indicatarum personarum ratione, bonam interpretationem habet.

DE CRVRIBVS ET PEDI-

bus, ex Indorum disciplina.

CXIII.

SI quis crura sibi fracta, vel abscissum pedem videre visus fuerit: si rex est, ab homine sibi fidelissimo, & arcanorum in primis conscio seiungitur.

Si plebeius, dimidium vitæ ac victus amittet, & opibus atque lucro, quo potius fuerat, priuabitur.

Si mulier, aliquem ex suis, quem diligit, aut seruum amittet.

Si quis ambos sibi pedes abscissos videre visus fuerit, si rex est, non diu viuet, & ante mortem familiares ac fidos amittet.

Si plebeius in paupertate ac supplicio citò morietur.

Si mulier, amicissimos sepeliet, & ipsa quoque breui sepelietur.

Si quis crura pedesque suos ferreos factos videre viuis fuerit, si rex est, vita longa fruetur, & hostes suos conculcabit, & gratissimum sibi seruum magnam ad gloriam euehet.

Si plebeius, diuitias saluas & solidas inueniet, cum vita beata.

Si mulier, ex carissimis oblectationem capiet, & diu superstes erit.

Si quis crura sua vitrea facta videre viuis fuerit, vitę breuis erit, & subito extinguetur, propter ipsius vitri fragilitatem.

Pedum digiti de precibus intelliguntur, quemadmodum & de digitis manuum prius est dictum.

DE CRVRIBVS ET PEDI-

bus, Persarum & Aegyptiorum rationes.

CXV.

CRVRA & pedes columnę sunt corporis, absque quibus foret, necesse esset corpus ruinam pati, & humi reptando miserè affligeretur.

Si

Si quis videre visus fuerit crura pedes-
que suos eiusmodi morbo correptos, vt
ambulare nequeat, quicumque fuerit, in
professione sua quisque præpedietur, de
qua victum scilicet sibi parat.

Si quis videre visus fuerit abscissa sibi
crura & pedes, si opulentus est, aut opti-
matum quispiam, seruum suum amitteret,
& adflactus morietur.

Si pauper, breui extinguetur.

Incessus enim pedum pauperem alit,
Incessus enim pedum pauperem alit,
quum is, qui diues est, cū dolore ac mo-
lestia quidem, sed viuere tamen absque
pedibus, ministerio seruorum vtendo,
possit.

Si quis sibi claudicare visus fuerit, ac
vicissim restitui: si vir aliquis maximus
est, obstaculum à seruo primæ auctori-
tatis habebit: ac si quidem curatus fue-
rit, seruum suum castigabit & corriget.

Si plebeius est, in professione atque o-
pere suo quisque frustrationem sentiet.

DE NVDITATE EX IN-

dorum disciplina.

CXVI.

SI quis visus sibi fuerit in loco quodam
subitò denudatus, & quod ipsius par-

tes secretæ coram populo palàm adparuerint: eius arcana patefiēt, & ipse adficietur ignominia, grauiterq; vexabitur.

Si priuatim totus denudatus fuit, sciat se negotia quædam tractare: quæ cuiusmodi fuerint, siue bona, siue mala, perficiet.

Si quis sibi visus fuerit in templo domini denudatus, in oculis sui principis omnibus spectaculo erit.

Si regi se visum obtulerit, quasi nudus à populo cōspectus esset: arcanum quoddam ipsius ad populum reuelabitur.

Si mulier huiusmodi somnium habuerit, spectaculo propter furtiuum concubitum omnibus erit.

Si seruus, mendicus fiet, eiusque fraus detegetur.

Si quis priuatim sibi visus fuerit denudatus, interim vel linteum gestans, vel tibiale: sollicitudine liberabitur, & ærumnis, quas patitur. Si eger est, conualescet: si ære alieno grauatus, id ipsum dissoluet.

Si mulieri visum hoc oblatum fuerit, cum viro suo pugnabit & rixabitur.

A P O T E L E S M A T A. IC7
DE NVDITATE, EX

*Persarum & Aegyptiorum
disciplina.*

CXVII.

SI quis visus sibi fuerit abieciſſe veſtes,
& eſſe nudus, vt cum homine collu-
ctetur: ſi quidem inimicitia cum illo in-
tercedunt, & lædere hominem nititur:
efficiet id, quod conatur: ſi amicitia cõ-
iuncti ſunt, beneficus in illum alterum
erit.

Si visus ſibi fuerit nudatus ad lauandũ,
exiguam in adſtictionem incidet, pro ra-
tione temporis, quo lauare viſus fuit.

Si quis viſus ſibi fuerit nudus amnem
natatu tranſieciſſe, vel inceſſu, ad collũ
vt vſque mergeretur: cum ampliffimo
viro, pro quantitate fluminis, colloque-
tur: ac ſi quidem fluuium tranſiecerit,
ſuperabit eum, nec quidquam ab eo ſibi
metuet: ſi autem, contrarium accidet.

Si mulier videre viſa fuerit ſeipſam pri-
uatim nudatam in domo ſua: dolos viro
ſtruet, inq; facinore depræhendetur.

DE AMPVTATIONE

*capitis, Indorum & Persarum
rationes.*

CXVIII.

SI

SI quis caput amputatum sibi per quietem videre visus fuerit, idque separatim à reliquo corporis trunco: si seruus est, emancipatur: si æger, conualescet: si afflictione, vel ære alieno premitur, ab iisdem liberabitur.

Si regi visum tale oblatum fuerit, omnis eius sollicitudo, metus, cura, cū gaudio commutabitur.

Si quis sibi visus fuerit ab homine noto decollatus, voluptatis eius & gaudij particeps erit.

Si visus sibi fuerit impuberis pueri manu decollatus, si æger est, breui morietur: si rex, per nuntium confirmatur, & gloriam maiorem adipiscitur.

Si mulier prægnās tale somniū habuerit, marem pariet, ac maritus eius morietur. Quippe caput eius, maritus est.

Si quis sibi visus fuerit, ex semisse decollatus: non plenè, sed ex semisse, quæcunque dicta sunt, euenient.

Si quis gladio visus sibi fuerit iugulatus, iniuriam ab aliquo accipiet.

Si alterum iugulasse visus fuerit, si quidem eum nouit, adficiet hominem iniuria

tia: si autem, iniuriam personæ peregrinæ inferet.

Si quis videre visus fuerit se, quū pro fide martyriū subiret, decollatū esse: quicunque fuerit, maximam ad gloriam perueniet, & anima ipsius in altera vita salutem consequetur.

DE AMPVTATIONE CAPI-

tis, ex Persarum & Aegyptiorum disciplina.

CXIX.

SI quis alteri subditus, amputatum sibi caput videre visus fuerit, imperatorem sibi dominum amittet, & indies ipse læticia maiore potietur.

Si quis amputatum sibi caput videre visus fuerit, ab homine potente beneficijs adficietur.

Si visus sibi fuerit alteri armato caput amputasse, seruiet amplissimo viro, qui ab eo beneficium accipiet.

Si quis sibi visus fuerit ab anteriori parte gladio percussus ab homine noto, si sanguis emanauerit, læsus à ledente magnum bonum cōsequetur: si nullus profluxit sanguis, beneficium minus erit.

Si quis gladio visus sibi fuerit ad mortem

tem vulneratus, pro ictuum multitudi-
ne magnis ab alio beneficijs adficietur.

Si rex visus sibi fuerit alterum ferire
gladio, per indignationem & iracundiã:
pro impetus sui modo, beneficijs homi-
nem breui adficiet.

Rursus si rex, aut alius quispiam, visus
sibi fuerit erecto corpore serui gladio
percussus, in seruitutem redigetur.

Si mulier visa sibi fuerit vel percussa
gladio, vel instar pugnæ virilis percussis-
se: gloriam adsequetur, & marẽ pariet.

DE CÆDE AC IUGVLA-

CXX.

tione, ex Indorum disciplina.

SI quis in somnis visus sibi fuerit homi-
nem iugulasse, iniuria iugulatum ad-
ficiet. Quippe cædes hominis iure diui-
no minimè probatur, nec alijs est per-
missa legibus.

Si quis iugulatricẽ manum extende-
re visus sibi fuerit, res iniustas molietur.

Si quis hominem visus sibi fuerit in-
terfecisse, de pulcherrimis & primis fa-
cultatibus suis ei benefaciet.

Consimiliter si quis visus sibi fuerit a-
lium contumelijs adfecisse, erga nota-
tum

tum infamia beneficus erit.

In omnibus denique visis infomniorum, qui ab aliquo superatur, à superante beneficijs adficitur.

Si quis visus sibi fuerit inter luctādum prostrauisse alium, ornabit in lucta victū & prostratū. quippe superato maior est.

Si quis sibi visus fuerit cēdem patrasse, vel interfectus ab alio: ruptum fuisse ventrem, & effluxisse intestina: rursusq; ab alio cluta, & in ventrem ipsius reposita: citò morietur, & obloturæ purificationem saluus fiet.

DE CÆDE AC IUGVLA-
tione, Persarum & Aegyptiorum
rationes. CXXI.

SI quis sibi visus fuerit hominem iugulasse, iugulatus rationes illius, qui iugulauit, auferet: vel propter effusionem sanguinis, perdet.

Si quis visus sibi fuerit alterum baculo iugulasse, per alium quendam illi benefaciet. Nam virga siue baculus ad amplissimum virum refertur.

Si visus sibi fuerit hominem gladio interemisse, per mulierem ei benefaciet.

Sila-

Si lapide necauit, oratione vehementi & efficace proderit illi, qui visus fuerit interemptus.

Si visus sibi fuerit hominem saxo ferijſſe quidem, sed non occidiſſe: bene de ipſo mereri conabitur, at institutum animi ſui non perficiet.

Si iaculando læſiſſe quendam visus ſibi fuerit, aut ipſemet ab alio læſus: ſi iaculo petitus obierit ex teli vulnere, citò morietur: ſi nō obierit, ad mortem uſq; cum aduerſa valetudine conflictabitur.

Qui telum emiſit, ei ſtruet inſidias, in quem telum directum fuerit. ac ſi quidē iactus teli proſperè ceciderit, conficiet hominem: ſin autē, diuerſus euētus erit.

Si rex visus ſibi fuerit brutum aliquod animal telo ferire, præfectos ſuos aduerſus hoſtes ablegabit: ac ſi quidem iactu teli feliciter animal ipſum attigerit, hoſtes ad arbitrium voluntatis ſuæ adigit: ſin autem, contrarium accidet.

Si rex hominem notum ferire visus ſibi fuerit, aut voluiſſe ferire: ei hominē à regis iracundia periculum imminet: ſin ignotū, inſidias rex hoſtibus ſuis ſtruet.

A P O T E L E S M A T A. II;
DE NVTIBVS OCVLORVM,

& contractionē nuptiarum, ex In-
dorum disciplina.

CXXII.

SI quis visus sibi fuerit nutu adtraxisse
alterum vicissim adnuentem, propo-
situm quoddam animi sui perficiet.

Si quis innuisse mulieri visus sibi fue-
rit, si mulier adsenſa est, eo tempore læ-
ticiam inueniet, pro ipsius mulieris for-
mæ ratione: quæ si tetra fuerit, mæro-
rem inueniet, propter eius deformita-
tem. Sin illa non est adsenſa, diuersum
ab eo, quod cupiebat, eueniet.

DE SPONSA.^a

CXXIII.

SI quis se videre visus fuerit amictum
ornamentis sponsæ, citò morietur:
aut in cædem incidet, & interficietur.

*a deest, Ex
eorundem
disciplina.*

Si quis visus sibi fuerit mulieri copu-
latus, nouum inueniet gaudium, no-
uamque potestatem, pro modo formæ
mulieris.

Similiter & adffictiones, pro ratione
deformitatis illius.

Si quis sibi visus fuerit diuortio sepa-
ratus ab vxore sua, potestatem suam a-
mittet, ac vexabitur.

h Si

Si pauper hoc somnium habuerit, admodum egenus erit, & fame vexabitur.

Mulier & vis, & potestas est viri.

Qualem igitur in somnis eam videre visus fuerit, siue eleganter ornatam, siue cultus omnis expertam: tales & euentus sequentur, nimirum inelegantiam calamitates, ornatum laticia.

DE NVTIBVS, PERSARVM

CXXIII.

& Aegyptiorum interpretationes.

SI quis visus sibi fuerit innuere homini noto, credet illi arcanum suum, & opes suas ipsius fidei committet: modò nutus ipsius ille rationem intellexerit.

Si seni cuidam ignoto innuit, isq; vim nutus intellexit: fortuna somniantis ad meliora tendet.

Si non noto seni, res in eiusdem noti hominis persona euentum sortiatur.

Si quis visus sibi fuerit innuisse mulieri egregiae, atque illam ad sensam esse: de tempestiuis agrorum fructibus oblectationem percipiet.

Si rus nullum habet, ex professione atque operis suis, laticiam & lucrum inueniet.

DE

DE REGE ET CRUCE,

ex Indorum disciplina:

SI quis sibi visus fuerit portare crucem CXXV.
in templum, vel domum suam: ab ex-
celso quodam & amplissimo viro, ac for-
tassis ab ipso rege, magna læticia beabi-
tur, & ab hostibus victorias reportabit.

Si quis ablatam sibi crucem videre vi-
sus fuerit, in afflictionem incidet, & ab
hoste suo redigetur in servitutem.

Si crucem visus sit recuperasse, mœsti-
ciam suam deponet.

Si quis inuenisse venerabilia crucis li-
gna visus sibi fuerit, eorumque bonam
partem nactus, aut integram fortè cru-
cem: regno potietur, & christianissimus
erit.

Si ea visus sibi fuerit in loco quodam
noto veneratus, à rege læticiam & opes
consequetur, ac iustus adpellabitur.

Si visus sibi fuerit ad eum locum mo-
uere, quo in loco venerabilia ligna sunt:
ad supplicandum imperatori veniet, ac
si quidem ex eo loco visus sibi fuerit sal-
uus euasisse, quodq; desiderabat impe-
trasse: locum preces ipsius habebunt.

Si rex visus sibi fuerit in sinum mulie-
ri crucem dedisse, veritatē ad eam pro-
feret, ac fortasse liberos ex ea suscipiet.
Nequit autem fieri, vt hoc imperatoris
somnia de alia sit, quā de Augusta.

Si quis in loco, quo in loco nulla crux
erat, conspectam recens crucem videre
visus fuerit: in eum locum non multo
post caput & magistratus veniet. Ac si
quidem ibi Christiani fuerint, eiusdem
nationis princeps Christianus eis impe-
rabit.

Si quis regem vel reginam in domum
suam venisse per quietem viderit, pro-
pterea quod rex amabilis est, & ab om-
nibus expetitur, si quidem ignotus rex
est, hunc angelum domini esse cogitet:
& quidquid aduersi est eo loci, cum lati-
cia & salute commutabitur. quod si etiā
bellum ibi viget, victoria sequetur.

Si quis visus sibi fuerit cum rege noto
colloquutus, si quidem verborum regis
ad se prolatorū meminit: ea pro immu-
tabiliter veris habeat, quandoquidem
iste rex ad personam regiam refertur,
nec vnquam rex mendacium proferet.

Si

Si quis à rege donatiua visus sibi fuerit accipere, diuitias & salutem animæ consequetur.

Si à rege aurum signatum accipere visus sibi fuerit, vel à rege, vel fide sua vexationem inueniet.

Si rex aliquem ex priscis regibus, decessoribus suis, aut alterius terræ principē, in somnis videre visus fuerit: ad Christi personam id referat, & quidquid audierit ex eo, firmiter teneat. Ad bonum enim, quæ dicta sunt, tendunt: quum malum à Christo proficisci nequeat.

DE MULIERIBVS, ET SV-
etione mamillarum, Indorum rationes. CXXVI.

SI quis videre sibi visus fuerit anum vegetem, ignotam: hæc anus fortuna est hominis. ac si quidem cum ea rem habuit, tantum felicitatis apiscetur, quantum ab ea visus est sibi diligi.

Sin cum ea duntaxat est colloquutus, in omnibus negotijs eatenus desiderium suum perficiet: quatenus mulieri carum se fuisse vidit.

Sin ea nota fuerit, ac deformis: pro modo complexum affligetur.

Si nota, sed elegans tamen: minor erit adflictio.

Itidem senex incognitus, si formosus sit: hominis est fortuna.

Senex notus, vel de illo ipso noto, vel de simili, vel de aliquo eiusdem nominis intelligitur.

Puella magni boni atque læticiæ significationem habet, pro venustatis ipsius ratione.

Si quis visus sibi fuerit cum puella versatus, aut colloquutus, cui tecta facies esset: occultè læticiam ac boni quid inueniet, vulgo rem ignorante.

Cōsimiliter in ceteris mulieribus, quas ad prosperos casus retulimus, vultus obuelatiōes de gaudijs occultis intelliguntur.

Vt simpliciter deniq; rem declaremus, potioris interpretatio gaudij, quod per mulieres in somnis visas portenditur, in ijs, quæ conspiciuntur virgines, cōsistit.

Itidem ignota notæ præstat.

Quin & formosa per tincturam facta, solidiorem læticiam portendit, quam inornata.

Impudica quoq; meretrix mulieri notæ præ-

tæ præfertur, & quanto magis quispiam cum meritorijs mulierculis cōsuescere sibi per quietem videtur, tanto plus opū adquiret, si mundanas res adpetit.

In religiosis autem personis, & solitudinarijs, huiusmodi visum vexationem portendit.

Si quis visus sibi fuerit habuisse rem cum scorto, diuitias ampliores adquiret, sed per iniuriam.

Si quis videre visus fuerit, alium quendam notum coëuntem cum vxore sua: tam ipse, quā vxor, & ipsius cognati, ab illo, qui cū ea rem habere visus est, opes & omnem auxiliij copiam inuenient.

Si tantum videre visus fuerit osculatū, vel colloquutum cum ea, non congressum: auxilium ab eo per verba duntaxat consequetur.

Si quis formosa cū muliere coire sibi visus fuerit, illo āno gaudiū & opes inueniet.

Si fuerit ignota, plus inueniet.

Si quis in congressu cum muliere, visus sibi fuerit eam reperire viro similem, in secretis naturæ partibus: illum annū sibi prosperū ac latum experietur, & marē

procreabit, qui familiam suam vniuersam magis etiam nobiletabit.

Si quis visus sibi fuerit in coitu cum vxore sua, vel concubina, vestem gestare sordidam: ad condicionem deturbabitur humilem, & ab hostibus suis in seruitutem redigetur.

Si quis videre visus fuerit vxorem suam, quæ prægnas esset, parietem masculum: femillam edet, & is, qui somnium hoc habuit, affligetur.

Si grauida non erat, & marem peperisse visa fuit: mœrorem & ærumnam magnam inueniet.

Si prægnas, edere femillam visa est: marem pariet, ac lætabitur.

Si non prægnas, femillam visa est parere: thesaurum, & opes, & gaudium inueniet.

Si quis videre visus fuerit vel vxorem suam vel seipsum grauidum factum: nouas diuitias inueniet, ac lætabitur.

Si quis emisse visus sibi fuerit paruum mancipium masculum, sollicitudinem & afflictionem reperiet.

Si mancipium feminei sexus emit, læticia potietur.

Si

Si quis visus sibi fuerit masculi mam-
millas fugere, vincetus in custodiã conij-
cietur.

Sciendum est autem, adspectiones
mulierum, quę per quietem offeruntur,
tam exiguarum, quam magnarum: gau-
dij significationem habere, maioris aut
exigui, pro venustatis earum modo.

Si puero in somnis oblatum fuerit, ma-
trem suam esse mortuã: potestatem ille
quidẽ adipiscetur, at fidẽ illius amittet.

Si puer videre visus fuerit matrem suã
assata carne humana vescentem: ample-
xibus illa se meretricijs oblectabit, eaq;
de re hominum sermo frequẽs ad ipsum
erit, propter assaturam.

Erit etiam res tota vera, quoniam ipsa
reapse vesci visa fuit.

Si videre visus fuerit matrẽ suam car-
ne cruda vescentem, dubio procul aper-
tam illa scortationem exercebit.

DE MULIERIBVS, EX PER-
sarum & Aegyptiorum disciplina.

CXXVII.

SI quis visus sibi fuerit habuisse rem cũ
anu, à principe quodam sene potesta-
tem consequetur.

h s Si

Si visus sibi fuerit eam rogasse, vel indicasse tantum, non etiam expleſſe desiderium suum: laborabit in re, quæ fieri non poterit, nec ab ipſo perficietur.

Si quis visus sibi fuerit coiuisse cum eunucho noto, vel iuvene: secretum suum eis credet.

Si visus sibi fuerit cum personis indicatis compræhensus, secretum ipsius publicabitur.

Si quis cum muliere formosa cubuisse visus sibi fuerit, si fundum aliquem habet, multipliciter in eo semet oblectabit: si nullum habet, pulchræ pariter & amplæ terræ dominium adquiret.

Si quis visus sibi fuerit coiuisse cum virgine, si rex est, voluptati votoq; suo primo satisfaciet.

Si plebeius, à magistratu diuitias cum formidine coniunctas consequetur.

Si quis videre sibi visus fuerit mulierem benè vestitã & formosam in domo sua, suam vel alienam, colludentem secum, & in luçta quasi congregientem: si rex est, aut vir amplissimus, annum pro desiderio suo ad omnia respondentem experietur.

Si

Si visus sibi fuerit eiusprehendisse mammillam, & lac expressisse: magnam illo anno læticiam consequetur.

Itidem mulier ipsa maximè regij gaudij particeps erit.

Si visum illud plebeio fuerit oblatum, annuas quisque diuitias in professione sua reperiet.

Si seruo, nō multo post manumittitur.

Si pauperi, ditescet.

Si quis cū meretrice nota rem habuisse visus sibi fuerit, si rex est, læticiam inueniet, & occultabit eam.

Si plebeius, & ipse multiplici gaudio potietur, ac locuples fiet.

Si rex, aut optimatum quispiam, cum maritata muliere rem habuisse visus sibi fuerit: familiam ipsius extollet ac ditabit, & viri eius dignitatem euehet, prout diffusa latè, diditaq; fama commistionis fuerit.

Si plebeius, similiter familia mulieris gaudium ex eo capiet qui cum illa rem habuit.

Si pauper hoc somnium habuerit, potius opera mulieris ditescet.

Si

Si quis videre visus fuerit, mulierem suam, prægnatam factam, intumuisse: si rex est, auri sui thesauros cum sollicitudine implebit.

Si plebeius, in professione sua quisq; mutationem experietur.

Si videre visus fuerit imperator, Augustam suam peperisse subolem masculam: hostile^a mandatum ab inimicis accipiet.

a hoc est, numerum.

Si plebeius, sollicitudinem, & afflictionem, & morbum inueniet.

Si videre visus fuerit imperator, Augustam suam peperisse femillam: peregrinorum regum thesauros consequetur, & hostem suum prostrabit.

Si visus sibi fuerit ipsemet imperator prægnas factus, incrementum sumet exercitus eius, & alijs principatibus ac imperijs potietur.

Si visus sibi fuerit instar mulieris peperisse, vel marem, vel femillam: vnam ex rebus publicis suis amittet, maximusque delebitur ab hostibus exercitus, & ipse in afflictionem ac sollicitudinem veniet.

Si ple-

Si plebeius quispiam somnium hoc habuerit, ac præterea, quod infantem lætetur: ab eo qui rerum potitur, punietur & detrimentum accipiet.

Si quis visus sibi fuerit plurimas in domo sua puellas recēs consequutus, si rex est, aut optimatum quispiam, opibus alienis atque læticia totidem annis potietur, quot puellæ numero fuerint.

Si magna earum multitudo fuerit, menses intelligentur.

Si visum hoc plebeio fuerit oblatum, & quidem præter morem: diuitias & sollicitudinem inueniet.

Quæcunque per quietem impuberi fuerint oblata puero, visæ masculi de persona matris intelligentur: femillæ, de patris persona.

Si quis videre visus fuerit vxorem suã in scortatione depræhensam, morbis vxor vexabitur, & in odio apud maritum erit.

Si visus fuerit notus esse, qui cum ea scortationem commisit: obsecrabit hominem, & exaudietur.

Si ignotus, hostis est, à quo in seruitutem redigetur. Si

Si videre quis visus fuerit filiam suam, surreptā à noto quodam adultero, fraudulentè raptor è raptæ paternis opibus interuertet.

Si adulter ignotus est, con similitè hostis eius de ipsius substantia furripiet.

Si quis visus sibi fuerit coiuisse cū matre, vel sorore: beneficijs indignum adficiet, eaque de causa vituperabitur, ac ipsum met facti pœnitebit.

Si quis visus sibi fuerit emisse puellam, eamque ad consortem vitæ suæ comparasse: si placuit, & ab eo diligi visa est, alteram ille potestatem adquiret ad eam, quam prius habuit.

Si quis visus sibi fuerit ornare vxorem, vestitu facultates suas excedente: tam dignitatem, quàm professionem suam ornabit sua cum gloria.

Si visus sibi fuerit armillis aureis vxoris brachia circumdedisse, acrem in vxore morbum & angustiam experietur.

Si quis visus sibi fuerit, caput mulieris aurea duntaxat corona cinxisse, maritus eius in afflictionem & mœrorē incidet. Etenim mulieris caput, maritus est.

Si

Si in corona cum auro gemmas & vniones quoque continet, morbus modicus erit, ac deinceps gaudio fruatur, propter gemmas & vniones.

Si visus fuerit anulis eam ornasse, desiderium amborum ex voto succedet.

Si mulier visa sibi fuerit amisisse vel fregisse coronam suam, breui vidua fiet.

Si visa sibi fuerit anulos suos perdidisse, diuitias suas amittet, ac in paupertate morietur.

Si visa sibi fuerit perdidisse suas armillas, ex angustia perueniet ad læticiam.

Si quis visus sibi fuerit vxorem suam vestibus rubris induisse, gaudium inuenient, ac marem procreabunt.

Si mulier visa sibi fuerit gestasse stolam virilem, absque calceis tamen: si prægnas est, marem pariet: si maritum habet, serui causa præstigijs eum circumueniet.

Si mulier videre visa fuerit in aures sibi recens à marito suo donatas, si prægnas est, famellam edet: si marito caret, ancillam ad oblectationem suam consequetur.

Si

Si videre visa fuerit in aurem suam fractam, vel filia, vel ancilla fidelis, morbo laborabit.

Si fissæ ruptæq; fuerint in aures, in afflictionē filia vel ancilla causa incidet.

DE NVPTIIS, EX

Indorum monumentis.

CXXVIII.

SI quis visus sibi fuerit adparasse prandium, causa nuptiarum: in arcanis potestatis suæ quibusdam adiutoribus utetur.

Si quis eorum pocillator esse visus sibi fuerit, damno ab eis adficietur.

Si cymbala, citharas, & ludiones adhibuit: in afflictionem & lamentationem incidet.

Si cereos accensos in cena protulit, potestatem inueniet, eamq; cum alijs communicabit.

Si cum cereis iucundas quoque cantilenas adhibuisse visus sibi fuerit, longæuus erit, & ex potestate sua læticiam & oblectationem capiet, pro suauitate vocis in cantilenis adhibitæ.

DE NVPTIIS, PERSARVM

CXXIX.

& Aegyptiorum interpretationes.

SI

SI quis visus sibi fuerit multos ad nuptias suas inuitasse, illum hominem multi sequentur & comitabuntur pro modo conspectæ per quietem multitudinis, & ab eo beneficijs adficientur.

Si visus fuerit ludicra ibidem & citharas habere, percipiet^a mādāta, de quibus *ar rerum nouarum nuntios accipiet.*

Si visus sibi fuerit diuersis eos vnguentis perfundere, pro modo ipsius fragrantia præclarā ad populum famā habebit.

Si visus sibi fuerit per suffitus optimis amicos odorib⁹ impleſſe, terribilia quædam edicta faciet, quæ pro ratione fragrantia vim obtinebunt.

Si visus sibi fuerit vina dulcia fragrantiaq; magna copia miscuisse, de potestate sua largietur eis, & locupletes faciet.

Si visus sibi fuerit coiuisse cum muliere, cuius causa nuptiarum instituta sollemnitas: omne desiderium votumque suum perficiet.

Sin cum ea cubuit ille quidem, at non coiuit: impedimenta quædam & moras in negotijs suis experietur.

DE MORTVIS, ET MOR-

CXXX.

te, & sepultura, ex Indorum disciplina.

Si quis in somnis visus sibi fuerit mortuus, ea mors de fidei damno intelligitur. præterea lōgū vitæ spatiū denotat.

Si visus sibi fuerit sepultus, sepulchrū ipsum ad plenam certitudinem interitus eius, nequaquam respicientis, spectat.

Si videre visus fuerit defectum aliquem rerum ad sepulturam pertinentium, & carminum funebrium: is defectus ad spem refertur.

Si quis olim mortuum videre visus fuerit, quasi qui reuixerit, seq; minimè mortuum, sed viuere dicat, cum eius admiratione, cui somnium offertur: eam confessionem fieri de corpore mortui iudicet, confirmatus ex sacris litteris, quæ deum non esse deum mortuorum, sed viuentium tradunt. Itaque mortuus ille, qui per quietem viuere cernitur, salutem adeptus est: at qui viuus adhuc, per quietem mortuus adspicitur, ad interitum condemnatus est.

Si quis videre visus fuerit eum, qui adhuc viuuit, mortuum efferri, & in lectica depor-

deportari: sciat illum fidem suam deser-
 turum, & in ea potestatis excelſitate fu-
 turum, vt populum ducat, & ſibi ſubij-
 ciat, pro modo multitudinis, quæ funeri
 efferendo interfuit. Spes tamen erit reſi-
 piſcentiæ, propterea quod necdum ſe-
 pultus fuit.

Si quis viſus ſibi fuerit ſepulchrû ſtrue-
 re, reſipiſcet: & alterius vitæ manſiones
 ſibi parabit.

Si quis ſibi minimè viſus fuerit mor-
 tuus, & ſepeliri tamen: ea res hunc ho-
 minem in vincula, cuſtodiam, & angu-
 ſtias coniectum iri portendit.

Si quis in cuſtodia detineri viſus ſibi
 fuerit, eo loco, quem non nouit: is adfli-
 ctiones & anguſtias vitæ ſequutura iu-
 dicatur experturus.

Si quis viſus ſibi fuerit à mortuo rem
 aliquam mundanam accipere, bona
 mundana & acceſſionem diuitiarum
 conſequuturus iudicatur.

Si quis videre viſus fuerit mortuum ſe-
 cum colloquutum, de que fide præcepta
 tradentem: talis eſt interpretatio. Qui
 ſomnium habuit, in fide ſua gaudium in-

ueniet: quoniam qui mortuus est, illum alterum mundum respicit.

Si quis visus sibi fuerit mortuo dedisse cibum, aut potum: portenditur eum valetudine debili futurum, qui dedit, & aurum suum amissurum.

Si mortuo vestimenta noua dedit, quæ nullus gestauit: acri morbo laborabit, & opes suas deminuet.

Si mortuum ijs induit, quæ ipse gestabat: quicumque sibi visus est vestes exuisse, citò morietur.

Si non voluit id quidem facere, sed non fecit: moritur, non citò tamen.

Si visus sibi fuerit in ecclesia, vel alibi, à mortuo trahi: etià ipse tardè moritur.

Si mortuum visus sibi fuerit arcessiuisse, qui & sequutus sit eum, & rursus discesserit: periculum homini à magistratu imminet, ac rursus liberatur.

Si quis visus sibi fuerit insistens mortui vestigijs obambulare, omni modo mortui vestigia sequens, breui vitam finiet.

Si quis cum mortuo sibi noto rem habere visus fuerit, hæredibus eius benefaciet.

Sin cum ignoto, potentem & amplissimum quendam hostem obteret.

Si quis videre visus fuerit mortuum coëuntem cum vxore, vel filia sua: qui somnium hoc habuit, ab hæredibus defuncti gratiam & lucrum impetrabit.

Si quis videre visus fuerit mortuum, qui reuixerit, dormientem: hic somnus ad æternam quietem atque salutem refertur.

Sin mortuum quendam deformem, aut squalentem, aut disiectum, aut oblitum puluere, videre visus fuerit: ea verò ad torturam & ad afflictionem mortui, etiam ante iudicis aduentum, spectant.

Si quis mortuum ægritudine laborantem videre visus fuerit, cogitet illū deo facinorum suorum rationem reddere.

Si mortuus dicere visus fuerit, caput sibi vehementer dolere: sciat rationum discussionem ad caput mortui spectare, ad patrem putà, vel matrem, vel principem, quorum nomine torqueatur: quū illi nimirum crediderint, ipse cūcta flocificerit.

Si ceruix ei dolet, suæ ipsius animæ
i 3 debi-

debitique caussa punitur.

Si brachia, fratrum caussa torquetur:

Si manus, seruatorum fidelium caussa:

Si humeri & costæ, vxorum caussa:

Si venter, liberorum caussa, & malè administratæ familiæ:

Si femora, cognatorum caussa:

Si crura & pedes, propter fideles seruos, & aurum suum.

Et hæc quidem horum est perpetua & certa interpretatio.

DE MORTVIS, ET MOR-

te, & sepulchris, ex Persarum & Aegyptiorum disciplina.

CXXXI.

SI quis se mortuum videre visus fuerit, magno principi seruiet: ac ditescet quidem, sed non absque inuidis oculis.

Si visus sibi fuerit sepultus, tantas opes consequetur, quantum sibi visus fuerit adgesta terra coopertus.

Si videre visus fuerit omnes in morbo de vita ipsius desperantes, diuitias inueniet, sed minores.

Si quis visus fuerit vel ipse sibi reuixisse, vel quòd alius iam mortuus reuixerit:

opes

opes quidem adsequetur, sed potestatem amittet.

Si regi visum hoc oblatum fuerit, ex afflictionibus, & difficultatibus, & bellis eripitur, ac victorijs potitur.

Si plebeius, è seruitute principis extrahitur, atque ditescet.

Si rex visus sibi fuerit mortuus, aut ab alijs de morte sua nuntium accipere: gaudium cum vita diuturna consequetur, sed equi deminuentur.

Si quis videre visus fuerit lectica se mortuum efferri, lecticæ interpretatio maximam ad personam pertinet.

Si humeris gestatus fuit, in altum euehetur, & præterea longæus erit.

Si pauper hoc somnium habuerit, vitam beatam & opes speret.

Si quis parare sibi visus fuerit sepulcrum suum, etiam ipse quæstum faciet ac ditescet in ijs, quæ in vita consequi summa contentione nititur.

Si visus sibi fuerit adhuc viuus sepeliri, quisque in professione studioque suo maximam & diuturnam quidem in ærumnam incidet.

Si quis visus sibi fuerit in custodiam datus, si peregrinationem aut profectio- nem habet, iter facere desinet; sin autē, in omnibus quæ perquirat, impiedietur.

Si quis à mortuo quid accepisse visus sibi fuerit, emolumentum à principe ca- piet, sed interim cum aduersa quoque valetudine conflictabitur.

Si quis mortuum periucundè secum colloquutum vidisse visus fuerit, gratio- sum ab eo responsum feret, qui rerum potitur.

Si rex visus sibi fuerit cum aliquo re- gum iam olim mortuorū colloquutus, aut cum comitatus: bello vexabitur ab hostibus stultis, ignotis: & exitum victo- riosum inueniet.

Si quis sibi visus fuerit cum mortuo quodam noto colluctatus, vel præliatus: si mortuus vicit, à principe multabitur: sin qui mortuus est, ab altero victus fuit, à metu principis ille liberatur, & corro- borabitur.

Si rex visus sibi fuerit in mortuum di- rexisse telum, & feliciter iaculatus esse: suos aduersus hostem stultum, ignotum
able-

ablegabit, eumque de medio tollet. si aberrauerit, contrarium accidet.

Si quis à mortuis aliquid visus sibi fuerit sustulisse, pro modo inuentæ rei lucrum à principe consequetur.

Si quis visus sibi fuerit mortuo dedisse pallium suum, vel calceos: qui dedit, morte minorem seruum suum amittet.

Si ei vestem dedit interiorem vel subuculam: filia ipsius morietur.

Si tunicam siue diploidem dedit, vxorem suam, vel propinquam sepeliet.

Si^a cabadium, siue scatamangium dedit, breui morietur ipsius vxor.

Si^b faceolium vel camylauchiū, ipsemet morietur.

Si te gentia partes secretas tibialia, liberius morientur: aut si liberos nullos habet, adgnati proximi.

Hæc interpretatio ad omnes vniuersè, reges quoque, pertinet.

Si quis visus sibi fuerit humeris portasse mortuum, funeris ergo: si rex est, ab hostibus suis in seruitutem redigitur, & in regno suo indignum extollet.

Si plebeius, excelsis seruiet, eosque comitabitur.

a cambadium, hoc est, humerale.

b πῶτις κερφαλῆς φόρημα, Suidas: fasciola, tegumentum capitis.

Si quis visus sibi fuerit ex hominis mortui sepulcro carnem, vel os aliquod sustulisse: per eadem à principe fortunas alicuius impetrabit.

Si quis visus sibi fuerit viuus sepulcro mortuorum inclusus, pro quantitate fœtoris à principe supplicij adficietur.

Si quis sibi visus fuerit mortuus, ibidē mutabit fidem suam: & euehetur cum ijs, qui eum punient.

Si quis reuixisse visus sibi fuerit, quū esset mortu⁹: magna formidine liberatur, & in humili cōdiciōe ac loco versabitur.

Si quis visus sibi fuerit cū mortua muliere vestita rem habere, in amplissimæ mulieris amplexus veniet.

Si quis hæreditate mortui domum ad se deuolutam videre visus fuerit, à principe læticiam & potestatem consequetur.

Si quis mortui pilos sustulisse visus sibi fuerit, si pauper est, opulentus fiet: si plebeius, & ipse ditescet: si rex est, exercitū & potentatum aliorum principum per vim adquiret, pro multitudine pilorū.

Si rex visus sibi fuerit portasse mortuū in regiā suam, virū quēdā amplissimum captiuum tenebit.

Si

Si rex videre visus fuerit quosdam adferentes sibi mortuum, hostilium nationum capita bello in potestatem rediget.

Si plebeio somnium fuerit oblatum, quasi abscissum mortui caput sustulerit: a principe cum metu collocupletabitur.

Si mulier ad sepulchra venisse visa sibi fuerit, vel cum mortuo colloquuta: ista de dolis, quibus erga maritum utitur, accipiuntur. Si viro caret, per luxum & lasciuam æuum exiget.



DE OSCVLIS, EX

Indorum disciplina.

Desunt capita duo.

CXXXIII

SI quis visus sibi fuerit aliquem osculatus amoris & adfectionis ergo, beneficijs alterū, quem osculatus est ex amore, adficiet. sin coitus caussa, vice versa qui osculum dedit, alterius beneficentiam experietur.

Si quis visus sibi fuerit alterius collofixisse osculum, qui osculatus est ei benefaciet, qui osculum tulit.

Si brachio fixit osculum, in fratrem vel seruum fidelem beneficus erit.

Eadem

Eadem in cæteris quoque membris est interpretatio, sicuti iam antè declaratum est.

Similiter si quis visus sibi fuerit mortuum quendam notum hominem osculatus: vel in animam defuncti, vel hæredes eius beneficus erit.

Si ignotum, principi cuidam gratificabitur, & eidem seruiet qui osculum dedit.

EX PERSARVM ET ÆGYPTIORUM DISCIPLINA CONSIMILES INTERPRETATIONES.

CXXXV.

SI quis visus sibi fuerit hostem notum reconciliationis causa deosculatus, inimicitias cum eo maiores exercebit.

Si hostis ille non erat, arcanum suum cum eo communicabit.

Si quis visus sibi fuerit osculatus mortuum, quicumque tandem sit, inde usque à rege ad alios inferiores: tantam inueniet ægritudinem, quantum in osculando mortuum desiderij sensit.

Si quis visus sibi fuerit iumentum osculatus, in vita sua lucris & bono potitur.

Si visus est osculari simiam, deprehendet

det hostem versutum, non magnas habentem vires, fraudulentè quendam amorem erga se simulantem.

Si cognatum aliquem osculatus est, beneficus in illum erit, pro modo declarati per quietem amoris, & osculi.

DE VOMITIBVS, EX

Indorum disciplina.

CXXXVI.

SI quis inuitè, sed citra molestiam tamen, vomere visus sibi fuerit: si rex est, rescindet ab se decreta, pactaq; cum gentibus inita.

Si plebeius, quisque professioni suæ aduersa experietur.

Si quis sponte sua per quietem, & amare vomit: si quidè persona religiosa est, & quieti solitudinariæ dedita, directa ad deum via deflectet.

Si plebeius, exigentur ab eo malè, quæ malè congeffit.

Si quis visus sibi fuerit cibos duntaxat vomere, quos edit: ex malo & afflictione acerba non sine sumptu & impensa euadet.

Si quis potu per quietem vomitum ciere velle visus sibi fuerit, nec tamen quid-

quidquam efficit: à principe supplicij
adficietur, in exactione pecuniarum vel
rationum: nec tamen illas perdet, aut
tradet: sed diuinam potius mercedem
accipiet.

CXXXVII DE VOMITIBVS, PERSA-
rum & Aegyptiorum traditiones.

SI quis aroma quoddam vomere vi-
sus sibi fuerit, in eius domo rixa pro-
pter opes excitabitur.

Nam quæcunque venter intra se clau-
dit, diuitiæ domus sunt.

Si quis sanguinem vomere visus sibi
fuerit, pro modo reiecti sanguinis auro
spoliabitur.

Si duntaxat aquam vomit, etiam hoc
ipsum ad detrimentum auri refertur.

Si bilem vomit, morbo liberatur, cum
impensa tamen.

Si succos vnà cum cibis, hoc itidem ve-
teres de auri iactura interpretati sunt.

CXXX- DE MVLIERE SACER-
VIII. *dotis munere fungente.*

QVÆDAM aliquãdo muliercula Sæ-
reimum interpretem somniorum
con-

conueniens: Quid hoc quæso rei est? inquit. Vifa sum hac nocte mihi per quietē sacerdotis instar preces pro populo concipere. Cui Sereimus: Quānam, ait, hora visum hoc oblatū tibi fuit? Nona, inquit. Tum ille tres mēses abituros respondit, ac deinde futurum, vt à coniuge suo separata concipiat ex scortatione, ac pariat. quod quidem ita euenit.

DE PURGANTE MEDICAMENTO, *ex Indorum disciplina.*

CXXXIX.

SI quis visus sibi fuerit propter morbū, quo laborabat, medicamentum sumpsisse: fidem suam corriget.

Sin absque morbo sumpsit, ad valetudinis hoc conseruationem refertur, & exornationē patrimonij: pro ipsius medicamenti efficacitate.

Si quis visus sibi fuerit sumpsisse medicamentū purgans, magnamq; sordium copiam per anum egressisse: pro excrementorum quantitate suarum rerum ac rationum iacturam faciet.

Si nullum habuisse medicamentū hoc efficacitatem visum fuerit, in malum coactio-

actionis incidet, nec quidquam efficiet.
 Si medicamentum purgans euomuisse visus sibi fuerit, à supplicio principis liberatur.

DE PURGANTE MEDICA-

mento, ex Persarum & Aegyptiorum

CXL.

rationibus.

SI quis purgationes sumpsisse visus sibi fuerit, pecuniarum suarum iacturam per contentiones & rixas faciet.

Si rex est, ad prosternendos hostes thesauros suos exhauriet.

Quòd si morbi causas depulit, hostem suum delebit: sin autem, ab hostibus fœdè conspurcabitur, & ex irritationibus acerba quæq; patietur.

Si mulier se purgasse per quietem visa sibi fuerit, infidiabitur fœtui, quem utero gestat, & alium non pariet.

Si non est prægnas, impensas faciet in artificia conceptiones impediëntia, scrutandi studio: remq; pro voto conficiet.

Si quis purgasse visus sibi fuerit, & magnam è vêtre copiam excreuisse, multam debilitationem sui: ad egestatem redigetur, & morbis ærumnisq; vexabitur.

Si

Si quis visus sibi fuerit sumpsisse pharmacum letiferum, idque patefactum in corpore suo fuisse per pustulas, & alia signa: quicūque tandem hic fuerit, ab hostibus suis deprimetur.

Si mulier pharmacum sumpsisse visa sibi fuerit, omnesque pilos inde defluxisse: pro modo deficientium pilorum ad egestatem redigetur. Si regi visum hoc oblatum fuerit, hostem fraude perdet, pro modo pilorum cæsis ipsius copijs.

Si quis visus sibi fuerit sumpsisse pharmacum, quo instar vtris inflatus fuerit: ab hoste diuitias consequetur, cum formidine principis, idque pro modo tumoris.

Si quis pharmacum sumpsisse visus sibi fuerit, & vngues excidisse, cum ipsius insigni macilentia: morbum & iratum principem experietur, ac quisque debilior in ijs fiet, quibus alioqui valebat.

Si quis medicamentum sumpsisse visus sibi fuerit, ad abigendum venenū, quod efficacitatem habuerit: per intercessionem ac deprecationem alterius, ex difficultate sua liberatur: si non fuit efficax, diuersus euentus erit.

SI quis in somnis visus sibi fuerit habuisse dominium terræ celebris admodum, & suis inclusæ limitibus: uxorem sibi formosam inueniet, prout ipsa terra visa fuit esse bella.

Si videre visus fuerit, terram illam minime certis inclusam finibus, sed amplâ, & iccirco permeatu difficilem: pro ipsius amplitudine diuitias & oblectationem inueniet.

Quod si etiam in terra certis inclusa finibus prata camposq; virides conspexerit, hoc ipsum ad maius ornamentum & fidem mulieris spectat.

Si eadem in terra prædium consitum hordeo viderit albo, & maturo: id de opib⁹ & recta valetudine interpretaberis.

Si frumento duntaxat consitum, interpretationem pecuniarum habet, cum sollicitudine ac desiderio, idq; propterea, quod frumentum per molam, & ignem, & alia tandem eò peruenire necesse sit, vt panis inde conficiatur.

Si confitum leguminibus, de afflictione ac pœna intelligitur.

Si sesamo & milio, somnium hoc ineffabiles opes, cū summa facilitate comparandi, summoq; gaudio, portendit.

Si struxit in prædio domos, hoc de incremento diuitiarum, & bona administratione domestica intelligitur.

Si is, qui somnium hoc habuit, ex corū est numero, qui possessionibus carēt, ac in solitudines secedunt: de opibus animi accipitur.

Si quis visus sibi fuerit ingressus terram ignotam, planam, amplam, & magnam: peregrè proficiscetur, & sine difficultate reuertetur, propter ipsam terræ planiciem.

Si eam se terram fodere visus sibi fuerit, de quæ humo egesta comedere: tantum ex peregrinatione quæstus faciet, quantum edisse visus fuit.

Si videre visus fuerit in ea terra foueam, in quā ipse ceciderit, mox tenebris obrutus: in latrones incidet, ac morietur.

Si videre visus fuerit foueam non omnino tenebrosam, reuertetur.

Similiter & de fouea statuendum, quæ simpliciter non est in ampla spatiosaque regione. nam hîc ruina furum ac prædonum incurfus, & afflictiones, pro modo & quantitate foueæ, portendit.

Si quis inueniendi putei causa fodere visus sibi fuerit in terra sua, si quidem nullam reperit aquam, alijs dolos struet, & interim ipsemet adfligetur.

Sin aquæ satis inuenit, si rex est, auri thesaurum inueniet, pro modo ipsius aquæ: atque etiam hæres ei nascetur.

Si plebeius aliquis huiusmodi somniû habuit, beata vita gaudioque potietur, prout aqua pellucida fuerit.

Si visus sibi fuerit soli puteum occlusisse, solus emolumentum percipiet.

Sin vsum eius & alijs cõcessit, ad ipsius quoque propinquos emolumentum perueniet.

Consimiliter ædificia noua spectant ad incrementa diuitiarum.

Si quis soli sibi visus fuerit ædificare, sibimet ipsi suas opes amplificat.

Sin & aliorum in vsum, alijs quoque diuitiæ ipsius proderunt.

Si

Si quis domum suam videre visus fuerit
 ampliorem factam & maiorem, opes &
 gaudium mundanum ei portenduntur.

Sin is, qui somnium hoc habuit, solitu-
 dinarius est: de diuitijs animi accipitur.

Similiter & ab his diuersa in ædificijs,
 in vtrisque personis diuersos quoq; for-
 tientur euentus.

Si quis videre visus fuerit ianuas & li-
 mina domus suę recēs aperta, hoc ipsum
 de diuortio cum mundo, & exitu animę
 siue naturali, siue p̄ter naturā, accipitur.

Ac si quidem apertio ianuarum & por-
 tarum ad partes domus interiores tēdit,
 interitus generis ipsius portenditur:

Sin ad exteriora, spectat interpretatio
 somnij, tum ad ipsius, tum ad domestico-
 rum nullo sanguinis vinculo coniuncto-
 rum interitum.

Si quis videre visus fuerit terram secū
 colloquatam, quantum sanè prodigium
 & miraculum est, terram loqui: tantum
 admirationis apud omnes excitabitur
 ob ea bona & opes, quibus ille potietur.

Si regi visum hoc oblatum fuerit, lon-
 gæuus erit, & absque bello cum admira-
 tione

tione cæsis hostibus suis, eorum regionem adquiret.

Si quis excitatus recordetur, ea verba, quæ terra protulit, de rebus esse mundanis: quod ijs significatum est gaudium, eueniet.

Sin terræ verbis peccata coarguebantur, ad ea dubio procul interpretatio referenda erit. Deum quidem ille metuat, & à sceleratis suis factis sese conuertat.

Si verborum non meminit, indicatum animi corporisq; gaudium minus erit.

Si quis visus sibi fuerit possedisse terram planam & latam, in cuius medio collis excelsus situs esset: eius interpretatio collis ad virum eminentem spectat, pro ipsius collis excelitate.

Quæ circum hunc collem sunt, de copia prouentuum intelliguntur.

Qui somnium habuit, aut hominem illum excelsum, cum facultatibus eius, in potestatem rediget: aut eminentem virum comitabitur, & cum eo viuet, & beneficentiam ipsius experietur, tantum eius præsidio munitus, & in omnibus

bus ei parens, quanto colli visus esse fuerit propior.

Si visus sibi fuerit ad latus collis habitasse, cum quidem is in ipsius esset dominio: adiunget illi se viro eminenti, & ab eo protegetur, tantum eius praesidio munitus, quanto propius à colle abfuit.

Si videre visus fuerit terram suam dimidia parte deminutam, si rex est, dimidia pars imperij eius ab hostibus occupabitur, & ipse citò morietur.

Si plebeius, ad inopiam redigetur, & citò vitam finiet.

Si terram parte quadam deminutam videre visus fuerit, quicumque tandem fuerit, in angustiam, & afflictionem, & vitam miseram incidet.

Si quis autem hoc videre visus fuerit in alterius sibi noti domini terra, calamitas ad eius dominum spectat.

Sin ignoti, de seipso somniū intelligat.

Si quis terram suam scissam videre visus fuerit latiore factam, si quidem rex est, longæuus erit, & hostium suorum terra potietur. Sin plebeius, & opes ipsius, & negotiatio duplicabitur.

Si pars terræ duplicata fuit, eadem erit
& prosperitatis ipsius ratio.

CXLII. *EX PERSARVM ET ÆGY-
ptiorum disciplinarationes consimiles.*

Si quis in somnis visus sibi fuerit recēs
dominio terræ nemoralis, saltuosa,
opacæ, & irriguę potitus: si rex est, regio-
nes, & homines, & familias, & opes co-
rum in potestatem rediget. ac regioni-
bus quidem, hominibusq; potietur, pro-
pter arbores: familijs, propter nemorum
densitatem: opibus, propter aquam.

Si plebeius est, vel pauper: opes à prin-
cipe consequetur.

Si visus sibi fuerit abundasse terra gla-
bra, plana, opulenta: si rex est, solitudi-
nes oppidis exornabit & excolet.

Si visus sibi fuerit in ea venari, volupta-
tē ex deductis ab se colonijs percipiet,
prout ipsa venatio successerit.

Si plebeius est, in professione sua quis-
que sumet incrementum.

Si quis visus sibi fuerit terram suā fru-
mento consecuisse, monstratamq; fuisse
pulchram segetem: opum in expectatio-
ne positarū sollicitudine se macerabit,

Si

Si hordeum fuerit, in promptu diuitias inueniet. Nam hordeum pastus est brutorum animalium.

Si legumina, ex diuitiarum expectatione afflictiones inueniet.

Si videre visus fuerit, ex omnibus hisce semetem parum prosperè successisse: propter ipsam frustrationem afflictione sua liberatur.

Si terram suam fodere visus sibi fuerit, deq; humo egesta comedere: diuitias otiosas & inutiles acquirit, idq; propterea, quod humus egesta comedi nequeat.

Si visus sibi fuerit possidere terram voraginosam, accliuem, decliuem: si rex est, inconstantis & duplicis animi nationem, à suis longè remotam, in potestatem rediget.

Si cum accipitre visus sibi fuerit in eiusmodi terra fecisse aucupium, si quidem res prosperè cessit: missis copijs cōfestim eos in potestatem rediget, ac profert, propter accipitris pernicitatem.

Si in voto suo frustratus est, vanum laborem impendet.

Si cui plebeio visum hoc oblatum fuerit,

rit, in professione quisq; sua difficultatē
experietur, nec opes ex ea consequetur.

Si quis in terra puteum fodisse visus si-
bi fuerit, & aquam bellam inuenisse:
peruenustam vxorem inueniet, è qua li-
beros elegantes suscipiet, propter aquæ
puritatem: itemq; diuitias, pro ipsius a-
quæ copia.

Si visus sibi fuerit ædificia struxisse in
terra sua, si rex est, breui regionem illo-
rum hominum inhabitabit, de quibus
voluptatem capiet, pro ædificiorum pul-
chritudine.

Si plebeius, tam genus, quã opes ipsius
incrementum sument.

Si quis visus sibi fuerit ædificium ope-
relatericio sumptuoso struxisse, confi-
mitem habebit euentum: nisi quod in-
terueniat vis & coactio, propter mate-
riam igne coctam.

Sin ædificiũ latericij partim operis est,
partim lignei: tam opes ipsæ, quam viri,
iucundiores erunt, idq; ratione lignorũ.

Si videre visus fuerit terram secum lo-
quutam, si rex est, nũtium laticia plenũ
præter expectationē accipiet, pro modo
collo-

colloquij, quod terra cum eo habuit.

Si plebeius est, in professione quisque sua profectum sentiet.

Si rex visus sibi fuerit in terra sua recēs colles siue tūbas ordine collocasse, pro modo magnitudinis & multitudinis earū, denuò mittit optimates, qui terrā in potestatem redigant. atq; hoc somnium regi duntaxat, & magnati offertur, nec in aliam personam cadit.

Si rex videre visus fuerit quōsdam ingressos montes suos ligna cædere, si quidem hoc bona cū ipsius pace fit, vnum ex suis volens amittet: sin aut, per ipsius hostes interibunt.

Si videre visus fuerit inextincto montes suos igne combustos, cum vento vehemente: hostili bello populus ipsius segetis instar excinditur.

Sin absq; vento, cædes minor erit. atq; hoc ipsum quoque regi, vel alicui procerū duntaxat offertur. Nam si maximè vsuueniat, vt alius quispiam huiusmodi somnium habeat: tamen ad personam regis, vel optimatis alicuius interpretatio pertinet.

Quòd

Quòd si passus est aliquid vel à fumo,
vel ab igne: casus hoc aduersi significa-
tionem habet.

Si terram suam deminutam videre vi-
sus fuerit, potestas eius deminuitur, &
in professione quisque sua detrimen-
tum capiet.

Sin videre visus fuerit terram suam, vel
domum dilatatam, maioremq; factam:
tantundem & potestas, & opes ipsius au-
gescent.

DE VISO CVIVS-

CXLIII.

dam nocturno.

QUIDAM ex Mammunę proceribus
per quietem huiusmodi somnium
habuit. Visus sum, inquit, stare in cam-
po spatioso & plano, qui quidem ab ini-
tio gramine denso abūdabat: sed postea
nudus & glaber factus est. Ad ista som-
niorum interpretes respondens: Hoc, ait,
diffidentiam & inconstantiam animi si-
gnificat in eo, cui somniū oblatum fuit.
Huic iudicio in ista persona res ipsa re-
spondit.

DE TERRÆ MOTV, EX

CXLIII.

Indorū, Persarū, & Aegyptiorum disciplina.

SE

SI quis in somnis videre visus fuerit terræ motum, qui quodam in loco acciderit: edictum regis nouum portēditur, quod terrore sit impleturum & quassaturum animos incolarum.

Quòd si terræ motus vbique est, generale regis edictum erit: sin particularis, edictum quoque particulare promulgabitur.

Si videre visus fuerit domum suam tantummodo motam, à rege, vel eo qui rerū potitur, edictū in domo sua recipiet.

Si videre visus fuerit post terræ motū sequutam ruinam ianuæ, vel tignū fuisse ruptum, vel concidisse parietem, quo domus clauditur: edicto regis iracundia declaratur.

Ac ianuæ quidem ruina portendit ruinam eorū, qui propius à natura patremfamilias adtingunt.

Ruptura tignorū, ruinam hominum in domo præcipuorum.

Parietis ruina, casum ipsius patrisfamilias denotat.

Si quis videre visus fuerit solum palatium motu terræ quassatum, eius terræ
motus

motus interpretatio regis mortem spectat, vel filij regis, vel filia, vel coniugis, vel cognati: vel propinquis regis acutas ægritudines portendit.

Si rex ipse videre visus fuerit quassatâ terræ motu ipsius urbem, aut regionem, aut palatium: hoc non ad eorum, quos diximus, obitum refertur: sed ad bellum à nationibus imminens, & formidinem ipsius, vel ad insidias ei structas, & inimicorum eius detectionem.

Si regi per quietem oblatum fuerit, quasi terræ motu corruerit ipsius palatium, vel thronus: breui morietur.

Si ruina, ceu dictum est, nulla in terræ motu acciderit: fama terroris hostilis erit.

Si de palatij secretis ædificijs vnum corruerit, in quo tamen nec thronus, nec ædes regia sit: ad hominem regi familiarem ruina spectabit, ex hostili metu.

Si quis videre visus fuerit locum quemdam terræ motu demersum, qui locus aut valde planus sit, aut montuosus: bonis viris à rege periculum impendet. Nam

Nam planicies eam significationem habet. Mons autem, virum eminentem ac opulentum denotat, prout ipse mons altus fuerit.

Si cui somnium fuerit oblatum, quasi terræ motu ciuitas demersa sit: si quidem nota est, calamitas ei cum interitu per famem imminet, aut cædem, aut iram regis.

Sin est ignota, peribit infesta regi natio.

DE ÆDIFICIIS, EX

CXLV.

Indorum disciplina.

SI quis visus sibi fuerit ingressus domū ignotam, ibique vidisse locum, terram, incolas ignotos: aut notos quidem illos, sed antè defunctos: sciat domum illam de altero mundo intelligi, atque hominem, cui somnium hoc obuenerit, citò vitam finiturum.

Si visus sibi fuerit eodem die tum ingressus, tum egressus: resipiscet, de quæ mansionibus alterius vitæ sollicitus erit, & salutem adipiscetur.

Sin & domus, & ædificium, & locus, & humus, nota sunt: gaudiū mūdānum, & mo-

& moles opum, pro cōdicionis ipsorum
 ædificiorum ratione, portenditur.

Quòd si ædificium factum est ex argil-
 la, materie latericia, & tignis: qui som-
 nium habuit, & opes, & læticiam absque
 peccato consequetur.

Sin ex marmore, vel saxis: longa vita
 fruetur, & erunt ipsius opes inexpugna-
 biles.

Sin ex latere sumptuoso constat ædifi-
 cium, etiam hic læticiam gloriamq; re-
 periet: at cum labore, propter materiam
 igne coctam.

CXLVI.

INTERROGATIO

de somnio.

MV L I E R quædam Sereimum som-
 niorum interpretē hoc modo con-
 suluit. Videre visa sum, inquit, ex postu-
 bus valuarum domus meæ illam, quæ su-
 perior est, in inferiorem delapsam: ia-
 nuarumq; duarum vnā intrò, exteriùs
 alteram cecidisse. Tum ille vicissim mu-
 lierem interrogare, maritumne ac libe-
 ros haberet. Illa se habere fassa, sed adj-
 ciente, maritū abesse peregrè cum filio,
 filiam secum degere: Sereimus in hanc
 senten-

sententiam respondit. Quoniam exte-
rius vna ianua cecidit, altera intro: mari-
tus tuus cum ea de postibus, quæ supe-
rior est, cum filio scilicet, ac filij sponsa,
breui ad te reuertetur: idque propterea,
quod intro ruina facta sit. Filia verò tua
viro copulabitur, & peregrè discedet.
Vti Serpimus interpretatus fuerat, ita res
euenit.

DE MIGRATIONIBVS,

Indorum rationes.

CXLVII.

SI quis visus sibi fuerit ex ædibus suis in
alteras migrasse, si quidem alteræ pul-
chriores sunt, maiorem ad gloriam atq;
læticiam perueniet.

Quòd si ærumna quadam & morbo
vexabatur, ea cum gaudio bonaq; vale-
tudine commutabuntur.

Si venit in ædes deteriores & arctio-
res, ex gaudio in afflictionem, & egesta-
tem, & angustiam incidet.

Si migrare visus sibi fuerit, & ignorare
tamen, quo sese cõferat: hoc ad mortem
eius, & migrationem ad alterum mun-
dum refertur.

Si videre quis visus fuerit ædificia sua
dilata-

dilatata maioraq; facta, cum luminis ampliore copia: si rex est, leticiam in ueniet & regione largiore potietur.

Si plebeius, quisque profectum in studio professioneq; sua experietur.

Si videre visus fuerit collapsum ædificij parietem, vel solarium, vel fornicem, aut tignum fractum, aut clauis nudatam ianuam, aut combustam: hæc omnia de ruina patrisfamilias, aut cognatorum eius accipiuntur.

Itidem ruina tignorum, ad viros: ianuarum & parietum, ad mulieres refertur.

CXLVIII. DE ÆDIFICIIS, EX PERSARUM & Aegyptiorum disciplina.

SI quis visus sibi fuerit ingressus domum peregrinam, ignotam, in qua vir illustris sit: si rex est, gaudium inueniet, ac tantum admirationis merebitur, quantum ipsa merentur ædificia.

Si plebeius quispiam somnium haberit, quasi ædificia quædam ei fortè obueniant: & opes, & uxorem formosissimam inueniet, pro ratione pulchritudinis ipsorum ædificiorum.

Si visus sibi fuerit rex ingressus urbem nouam,

nouam, quam antea nunquam viderit, & in ea conspexisse magnifica & speciosa ædificia, quæ ipsi perplacuerint, urbē denique ipsius in potestate fuisse: magnū consequetur gaudium, & cum mulierū venustissima voluptatem capiet.

Si minimè visa fuerit vrbs ipsi^o regno & imperio subiecta esse, quadam ex natione gaudium percipiet: sed cum muliere peregrina semet oblectabit, idque propterea, quod vrbs peregrina sit.

Si rex visus sibi fuerit imperasse, noua vr̄i struatur ad habitationem ipsius regia: si quidem ædificium regię fuit absolutum, sobolem masculum, quę ipsi succedet, procreabit.

Si iactura regię fundamenta videre visus fuerit, ea res ad Augustę conceptionem pertinet.

Si videre visus fuerit collapsum palatij parietem, Augustę moritur.

Si quis visus sibi fuerit reliquisse domū suam, vt alias in eades migraret: si quidem illæ posteriores fuerint pulchriores, votum animi sui perficiet: sin deteriores, contrarium accidet.

Si rex visus sibi fuerit imperasse, vt sacerorum templorum columnę altius duceretur, statimq; factũ, vt altiores essent: regni sui proceres honoribus euehet.

Si pro vetustis nouas substituissẽ colũnas visus sibi fuerit, homines quosdam nouos in loca magnatum veterum extollet.

Si rex visus sibi fuerit imperasse, vt eđes sacra sublimius adtolleretur, & ornaretur: ea res ipsius regno læticiam sublimẽ & ornamentum portendit.

Similiter si alij quoq; per quietem oblatum fuerit, quali templum altius adtolleretur, & exornaretur: regis ad personã, ceu dictũ est, interpretatio pertinet.

Si quis videre visus fuerit, princeps alius cuius loci templum collapsum, vel inflammatum: personæ regis ex morte calamitas imminet.

Si tale quid inferiori templo acciderit, & visum regi fuerit oblatum, aut alij: regis afflictionem portendit.

Nam omnia templa regis ad personã, vel eius, qui rerum in eo loco potitur, interpretando referimus.

Orna-

Ornatus etiam, ruinaq; templorum, ad eundem spectat.

DE VISIS PER QUIE-
tem sacerdotibus.

CXLVIII

SI quis in somnis videre visus fuerit, sacerdotem ornatū habitu suo quēdam in locum venisse, quo loco mos nullus erat, sacerdos ut ingrederetur: id somnium de incolarū eius loci metu & afflictione, à principe profecta, intelligitur.

Consimiliter si princeps visus sibi fuerit præter morem in locum quendam venisse: hoc ad formidinem & afflictionē incolarum refertur, minorem tamen.

Si quis videre visus fuerit ingressum ad se sacerdotem, qui suo in lectulo cubuerit: is amicitiam cum illo sacerdote contrahet, ac per fraudem sacerdos vxorem eius, qui somnium habuit, inibit. quinetiam hæres ipsius erit.

Si quis videre visus sibi fuerit sacerdotem quendam mortuum, hoc ipso portenditur, sacerdotem illum fidem suam amissurum.

Si sacerdotem ægotantem videre sibi videatur, morbum fidei sacerdotis intelli-

telligat, eiusq; patefactionem, & vitam longam, & sanitatem.

Si quis videre visus fuerit caput sacerdotis maius factum, potestas eius in incolas maior euadet.

Si facies sacerdotis maior fieri visa fuit, in rationibus & fortunis sacerdotis potestas atque terror intelligatur.

Si ceruicem eius crassam robustamq; factam videre videatur, in sacrificijs suis potens erit.

Si manus longas & robustas nactus sit, etiam seruos adiutores, eosq; valentes sacerdos consequetur.

Si videre visus fuerit sacerdotem nantum ventrem amplissimum, is sacerdos familiam & opes magnas inueniet, & cognatorum suorum congregationem.

Si pedes eius crassiores facti fuerint, aut solidiores & firmiores: etiam hoc modo consequetur aurum, & amicos auxiliatores, & seruos.

Si in his contraria videre visus fuerit, similiter in deterius res cessuras intelligat.

Si videre visus fuerit sacerdotem, qui cum plebeijs versetur: sacerdos ille coram

ram Deo se quidem humiliabit, sed nihilo minus in fide sua firmus erit.

Si quis videre visus fuerit sacerdotem caliginoso quodam in loco ambulātem, sic somnium intelligat, vt illum in obscuris latebris aduersus deū peccare statuatur.

Si ambulauerit in pleno luminis & vi-
rente loco, Deo sacerdos in luce placet,
ac rectè se gerit.

Si quis visus sibi fuerit, quum laicus es-
set, in sacerdotem electus: si regius est,
honorem à rege maximum & principē
consequetur.

Si plebeius, aut pauper, amplissimum
virum comitabitur, & apud eum tum ho-
norem, tum gratiam inueniet.

Si quis visus sibi fuerit, quum laicus es-
set, electus in diaconum: etiam hic gra-
tiam & honorem inueniet, honore ta-
men sacerdotis inferiorem.

Si quis visus sibi fuerit electus, sed ele-
ctionē repudiasset: potestatem & gratiam in-
ueniet, quā citò perdet, ac periclitabitur.

Si sacerdos visus sibi fuerit amisisse sto-
lam sacerdotalem, ab alio per fraudem
circumuenietur.

Quòd si visus sibi fuerit eam rursus inuenisse, non sine magna coactione supplicioq; corrigetur.

DE SACRIS IMAGINIBVS,

ex Indorum disciplina.

CL. **S**I quis in somnis videre visus fuerit còspectum sibi dominum Deumq; nostrum Iesum Christum, (tale verò vñsum puris duntaxat hominibus, & sanctis, aut fidelissimis plerunque regibus offertur, aut homini supra modum facinoroso, quo conuertatur) eum que secum colloquutum: indiscriminatim eius colloquij verba teneat, quæcunq; tandem fuerint.

Sin cum eo nihil est colloquutus, si rex est, & læticia, & vniuersalibus aduersus hostes victorijs potietur.

Si purus quispiam, & sanctus, & religiosus: stabilitas, & gloria, & incrementum profectus ac læticiæ diuinis in rebus ei portenditur.

Sin is, qui somnium habuit, supra modum peccatis obnoxius est: còuertetur, & resipiscendo vitam finiet.

Hanc rationem rex quoque testimonio suo comprobat, à cuius ira si homini pericu-

periculum immineat, ac visus per quietem rex fuerit illum arcessere, atque intueri: delicta ei, quæcunque commisit, omnia condonat.

Nimirū peccator ille, de quo diximus, per adspēctū domini salutē cōsequetur.

Consimiliter si quis ex illis, quos nominauimus, aliquem Apostolum, vel Prophetam, vel sanctum videre visus fuerit secum colloquentem: si rex est, citra dubitationem colloquij verba teneat.

Si nihil est proloquutus, sed tantum adspexit: minorem ea læticiam inueniet, quæ de intuitu domini speratur.

Si plebeius quispiā est, tam in fide sua, quam opere quisque proficiet. quamobrem & imagines eorum exprimimus.

Si quis imaginem Domini nostri Iesu Christi crucifixi visus sibi fuerit adorasse, vel complexus esse, vel obsecrassē: si rex est, & ipse victorias de hostibus reportabit, & in gloria sua læticiam inueniet & propterea, quod crux, & adfixus ei Dominus noster Iesus Christus, maximas victorias, & omnis ærumnæ mutationem portendat.

Quòd si solam imaginem Domini nostri Iesu Christi, absque cruce, videre visus sibi fuerit: gaudium minus significatur, itidemq; minor victoria.

Si quis plebeius huiusmodi somnium habuerit, læticiam minorem inueniet, quam votis exoptabat.

Si quis imagines Apostolorum, vel Prophetarum, vel sanctorum, videre visus sibi fuerit: si rex est, amplissimæ victoriæ nuntium accipiet, quæ tamen victoriæ famæ non respondebit. Non enim ipsos, sed imaginem vidit. propterea minor erit victoria.

Si plebeius est, in operibus suis gratiã & profectum inueniet.

Si quis videre visus fuerit columnas secum colloquutas, & verborum colloquij meminere: ea quoque finem & effectum plerunque sortiuntur.

Si regi visum hoc oblatum fuerit, aduersus hostes gaudio victoriaq; potietur tanta cum admiratione, quantum prodigij putatur esse, columnam cum aliquo colloqui.

Si plebeio, cõsimiliter is, qui somnium habuit, cum admiratione ac prodigiofè ditekret.

Quas-

Quascunque per quietem columnas homo videre visus fuerit, vel inauratas, vel non inauratas: in ijs, quæ auto catēt, prosperior euentus significatur.

Nam auratæ sæpius afflictionem portendunt, propter aurum.

Si quis imperasse visus sibi fuerit, vt imagines sanctorum conficerētur: si rex est, facinus & modum aliquem adgre- diundi hostes instituet: ac si quidem ima- ginum forma voto responderit accura- tē, conatus etiam hominis prosperè ca- dent: sin autem, pro ratione factæ imagi- nis euentus quoque similis sequetur.

Itidem quisque plebeius in opere suo- talem experietur exitum, qualis in ima- ginum confectione successus fuerit.

DE ARBORIBVS ET

plantis, ex Persarum, Indorum, & Aegyptiorum disciplina.

CLL.

MVLTIPLEX & varia natura est ar- boreorum fructuum.

Folia quidem arborum ad hominum adfectionem referuntur.

Nam virentia plenaq; folia, rectitudi- nem animi significant.

Imbe-

Imbecillia, fœtida, & marcida, debiles animi mores pordendunt.

Similiter fructus fidem & opes significant, ac pleræque arbores ad fidem & diuinam gratiarũ actionem referuntur.

Quemadmodum fructus, folia, stipites, radices arborum, tam nutrimentum, quàm incrementum ex aquæ terræque pinguitudine recipiunt: sic omnis quoque virtutis perfectionem fides in Deum conseruat.

Trunci deradicibus profecta firmitas, ad precationem refertur.

Folia stipitis, ad liberos, & hominum instituta.

Si quis ergo visus sibi fuerit & irrigare arbores, & excolere: vir amplissimus, & populi nutricius erit.

Si quis videre visus fuerit arbores enatas in mari, & saxo, vel alijs locis, in quibus fieri nequit vt arbores nascantur: plurimos homines peregrinos & insolitos prodire de locis illis cogitet, pro ratione multitudinis arborum.

Ac enatæ quidem in mari arbores, cui cumque per quietem oblata fuerint, de persona

persona regis accipiantur: hospites nimium insolitos ad eum venire.

In saxo, & alibi natæ, vbi natura non permittit arbores nasci: portendunt ibi virum quendam peregrinum & ignotum emerfurum, qui potestatem vsurpaturus sit, nec tamen animi sui votum perfecturus.

Si quis videre visus fuerit in domo sua, vbi nulla erat arbor, enatam arborem: breui quidam istic emerfurus est. ac si quidem arbor est fructifera, de cognatis existet: sin fructus expers, de peregrinis.

Si quis videre visus fuerit enatam in domo sua vitem humilem, vel arbuftiuam vitem: si cœlebs est, vxorem ducet, totidemq; liberos ex ea suscipiet, quot vuas in vite conspexit: si nullas vidit, tamen ita speret.

Si quis visus sibi fuerit arbores plantasse, sed interim ignorare, num germinauerint: afflictionem & sollicitudinem inueniet, pro ipsarum arborum ratione.

Si rex somnium hoc habuerit, novos magistratus instituet. ac si quidem arbores germinauerint, oblectationem ex eis capiet:

capiet: sin autem, contrarium accidet.
 Similiter si quis visus sibi fuerit defo-
 disse vel seuisse ossea putamina fructuū,
 qui putamina dura ferunt: sollicitudines
 & curas inueniet.

Si quis videre visus fuerit arborem in
 domo sua, (quod quidem somnium ne-
 quit in hominem condicionis humilis
 & inopem cadere, sed proceribus am-
 plissimisq; viris duntaxat competit) sciat
 cupressum ad reginæ personam referri,
 propter eius arboris elegantiam, & fra-
 grantiam, quodq; nec marcescat, nec a-
 mittat folia.

Similiter & palma de regina intelli-
 gitur, ppter ea quod arbor ea pulchrè flo-
 reat, dulcem fructum ferat, acutis præ-
 dita sit folijs, & ea non amittat. ideoq; re-
 gina læticiam speret, ac personarum, de
 quibus dictum est, aduentum.

Si regi somnium tale fuerit oblatum,
 de arboribus hisce per quietem in regia
 sua conspectis: si Augustam nō habet, ac-
 cipiet: sin habet, voluptatem ex ea perci-
 piet, ac liberos procreabit, pro ratione
 surculorū cupressi, & proceritatis, quin
 & vita longa fruatur.

Con-

Consimilis respondebit euentus, con-
specta per quietem palma. Nam & pro-
creabit liberos, & oblectationē capiet,
pro modo palmularum, & ramorum
ipsius arboris. Idem hoc etiam de

Augusta, imperatoris matre, licet inter-
pretari, propter ramos: & de imperato-
ris sorore, si ramis arbor careat.

Si quis visus sibi fuerit habere punicā
arborem, si fructus arboris dulcis erat,
hominem locupletem inueniet, eiusq;
gaudiorum particeps erit.

Si acidus, durum in hominem inci-
det, à quo adfligetur, pro modo & multi-
tudine fructuum.

Si quis habere quercū visus sibi fuerit,
& sub ea cōsedisse: animi duplicis & in-
cōstantē in hominē incidet, eumq; sanē
potētem: cuius gaudiorū particeps erit,
cū labore ac molestia tamen, propterea
quod glandes minimē sint esculentæ.

Si videre visus fuerit nucem arborē,
sub qua homo quispiam confidens vm-
bram captauerit: seruum arcani tena-
cem consequetur, propter osseam puta-
minum fructus illius duritiem, deq; illo
laticiam percipiet.

Hæc

Hæc eadem omnia si mulieri per quietem oblata fuerint, si maritum non habet, accipiet: sin habet, amorē illius præ se feret, stupri liberius exercendi causa.

Si quis visus sibi fuerit habere pomum arborem, vxorē nobilem inueniet, prout ipse pomi fructus nobilis fuerit.

Si fructus acidus est, malè cū ea viuet.

Sin iustæ magnitudinis, & dulcis, & fragrans: feliciter ac beatè cum ea viuet.

Si quis intra septum horti venisse visus sibi fuerit, deq; fructibus arborum sumpsisse, apud amplissimos viros deget.

Quòd si fructus acidus est, vnà cū ipsis adfligetur: sin autem, diuersum eueniet.

Si rex visus sibi fuerit accessisse ad loca omnis generis arboribus confita, palmis inquam, & citris, & cupressis: si palmæ fructū decerpserit, è nobili muliere subolem suscipiet: si citrium sumpserit, oblectationem ex prole capiet, prout ipsum malum citrium fragrans fuerit!

Sin aliarum arborum fructus nulla cū difficultate decerpserit, si quidem maturi erant, in proceres suos sponte sua beneficus erit.

Sin

Si immaturi, succensebit eis.

Si rex imperasse visus sibi fuerit, ut arbores septorum suorum radicitus euclerentur: quosdam à se homines expellet, pro ipsarum arborum multitudine.

Si arbores diuturnitate temporis vitiatæ ac putrefactæ corruerunt, naturali morte proceres ipsius morientur.

Si videre visus fuerit virgulta, quæ in arbores excreuerint: hoc ad successionem magnatum ipsius pertinet.

Si arborum folia visus sibi fuerit in regiam collegisse, de magnatibus suis aurum inferet, prout ipsa foliorum multitudo fuerit.

Si plebeius quispiam tale somnium habuerit, opes à magnatibus pro foliorum modo consequetur.

Si quis visus sibi fuerit habere myrtum arborem, homini quidē nobili, sed pauperi semet adiunget: propter ipsius arboris fragrantiam: & gaudiorum eius particeps erit.

Si quis novas adquisiuisse vineas visus sibi fuerit, opes & potestatem inueniet, ratione vini.

Si quis in vineis visus sibi fuerit ex parte vindemiam fecisse, legitimos liberos adipiscetur.

Quòd si maturæ sunt vux, commodis paternis liberi seruient: sin autem, contrarium accidet.

Si regi visum hoc oblatum fuerit, in cõcubinis suis oblectationem inueniet: ac fortasse quãdam ex eis Augustam declarabit, ob ipsius vini vim.

Si pauper hoc somnium habuerit, propter vinum & læticiam & potestatem inueniet.

Omnes arbores fructiferæ pro ratione qualitateq; sui fructus interpretationem habent. Qui fructus acidi sunt, & adstringentes, malum: qui dulces & iucundissimi, bonum portendunt.

DE EQVIS, EX IN-

CLII.

dorum disciplina.

EQVORVM interpretatio diuersas ad personas pertinet.

Si quis visus sibi fuerit insidens equæ composite per locum quendam transijse, ipsamet equa sponte sua obsecundante pro ratione ipsius equi, & obedientiæ modo,

mōdo, dignitatem cum amplissima fama reperiet.

Si quis visus sibi fuerit equo vectus, habente magnam, densam, longamq; caudam: potestatis suæ comites & pedisequos inueniet, pro caudæ pilorū & multitudinis & longitudinis ratione.

Si caudas caudarum, vel plures caudas habebat: maior pedisequorum & comitum numerus fiet.

Si videre visus fuerit eundem illum equum vel curta, vel rara cauda præditū: sollicitudinem & potestatis suæ defectū inueniet, prout pili caudæ defecerint.

Si videre visus fuerit equo, cui infidebat, habenti densam longamq; caudam, fortè caudam præcisam: si quidem is, qui somnium habuit, & liber est, & populi princeps: breui tam libertatem, quā principatum amittet.

Si quis visus sibi fuerit equo generoso quidem vehi, sed claudicāti: quilibet in ijs, quæ enixe molitur, ærumnā & obstaculum inueniet.

Si videre visus fuerit equū generosum, qui & contumax sit, & ob oris duritiem intractabilis: grauè peccatum admittet,

& plurimum adfligetur, prout equus ipse durus fuerit.

Si nudus & absque stragulis hic equus erat, maior accessio malorum indicatorum portenditur.

Si visus fuerit equus hic alienus esse, notitamen hominis: & gloriam inueniet, & gaudium speret.

Si quis videre visus fuerit equum per elegantem domum aliquam ingressum, vel prædium, vel regionem, qui equus & ignotus sit, & nudus, & infrenis: eò princeps maximus veniet, pro equi ratione ac modo.

Quòd si equus idem albis naribus & fronte cõspicius fuerit, omnes quatuor pedes ferramentis munitos habens: etiã maior potestas magnatis illius erit.

DE GENEROSIS EQVIS,

CLIII. *Perfarum & Aegyptiorum rationes.*
 Siquis equo generoso insidere visus sibi fuerit, qui & instratus sit, & frenum acceperit: vxore nobili ac venustissima potietur, modò per quietem visus sit equus peculiariter ipsius esse.

Sin alienus, læticiam potestatemq; mulieris

lieris alienæ opera consequetur.

Si vir aliquis amplissimus, aut rex, visus sibi fuerit quosdam ex equis suis instratos ornatosq; basilicè cuidam sponte sua donasse: quandam ex mulierculis, quas habet, ei concedet.

Sin eo inuito, vel ignorante, equum illius conscendit alius: is ipse cum muliercularum eius aliqua stupri consuetudinem habebit, & depræhendetur.

Si visus sibi fuerit acriter & directò equum egisse, atq; in collem peruenisse, ipsomet equo morigerante: magnam tū læticiam, tum obedientiam, in populo & potentatu suo reperiet: prout equus & celeriter & directò cucurrit.

DE VISO QVODAM

nocturno interrogatio.

CLIIII.

QVODAM ex Mammunę Protosymbuli proceribus Sereimum adiit, & hisce verbis consuluit. Videre per quietem visus sum rufi coloris equam, qua vnius ad milliarij spatium ipse vehebar, & illa me vicissim vehebatur. Cui Sereimus: Qua, inquit, hora somniu in hoc habuisti? Sub ipsum, respondit alter, precū

diluculi tempus, siue sub crepusculum.
 Tum ille: Quoniam, ait, iter vnus millia-
 rij cum ea confecisti, mensis hic nō præ-
 teribit, quin tu in prælio, per tumultum
 militarem excitato, sis periturus. Itaque
 tumultu ab Arabibus excitato, iugulatus
 est ante mensis illius exitum is, cui som-
 nium hoc oblatum fuerat.

CLV.

D E P I L A.

SI quis in equo visus fuerit vnà cum re-
 ge, vel amplissimo quodam viro, pilā
 impellere: & gaudium, & gloriam ab eis
 impetrabit, prout ipse pilam feliciter im-
 pulerit, & equus directo cucurrerit.

Si genus hoc ludi rex visus sibi fuerit
 exercuisse, rectum prosperumq; regni
 sui statum inueniet, prout feliciter pilā
 impulerit: sin aut, contrariū portēditur.

Si alius regem ludentem videre visus
 fuerit, consimiliter & ipse particeps in-
 teritus ipsius erit.

Si rex in hoc ludicro videre visus fue-
 rit equum suum impingentem, si ceci-
 dit, acri cum morbo conflictabitur, &
 affligetur in regno suo: sin autem, mi-
 nor erit ærumna.

Sellæ

Sellæ regum equestres ad personas vxorum regiarum interpretando referuntur, & ad ipsum regnum.

Plebeiiorum equi, si quis miles sit, ad arma & prosperitatem ipsius spectant:

Si paganus, ad eius ordinis hominum professionem.

Equi Augustæ, ad ipsius dignitatem extra controuersiam referuntur.

DE ARMIS, PERSARVM, CLVI.

Indorum, & Aegyptiorum rationes.

ARMA securitatem ab hostibus, & hominum rei bellicæ peritorum professionem denotant.

Si quis integra munitus armatura visus sibi fuerit in equo exiisse, si populi princeps est, hostem suum maxima clade adficiet, famosamq; gloriam armis belli reperiet.

Si plebeius, aut pauper est: si quidem arma ferrea sunt, ditescet ac proficiet in professione quisque sua.

Si quis videre visus fuerit populum armatum, sibi cognitum, ad bellum paratum & instructum: eius loci homines & læticiam maximam, & victorias inueniet.

Si populus incognitus fuerit, si vir amplissimus est, qui somnium habuit, futurum statuatur, ut ab hostibus suis adfligatur. Nam ignotæ facies ad hostium personas pertinent.

Si quis in medio populi visus sibi fuerit hasta exerceri, famam atque gloriam inueniet, pro eius in ipso exercitio dexteritate.

Si videre visus fuerit hastam suam fractam, deminuta est ipsius gloria, & morte vel necessarium, vel amicum suum amittet.

Si quis visus sibi fuerit induisse, vel reperisse thoracem, siue loricam: de hostium suorum interitu voluptatem percipiet, ac ditescet, prout ipse thorax ponderosus fuerit.

Si quis visus sibi fuerit induisse clibanium simplex, in professione quisque sua reperiet angustiam: si multiplex & multifidum, pro segmentorum varietate diuitias & securitatem ab hostibus inueniet.

Si quis visus sibi fuerit gestare galeam, robur ac firmitatem in capite, quod ipsi præest, inueniet.

Sin eas, quas manicas vocant, & tibialia:

lia: gaudium & stabilitatem in seruis suis consequetur.

Si gladium vel inuenisse, vel tenere visus sibi fuerit: quoddam læticiæ lumen inueniet, quod gladij splendori respõdebit.

Hoc ipsum quoque secundum Persarum interpretationem de muliere cum prole accipitur.

Si quis gladium fractum videre visus fuerit, mater mortem obibit, & filius superstes erit.

Si mulier visa sibi fuerit sumpsisse gladium, vel cultrum, vel tela: si prægnas est, marem pariet.

Si sumpsit arcum, secundum interpretationem Ægyptiorum mulier aut filia significatur.

Si rex arma gestare visus sibi fuerit, vna cum vniuerso exercitu suo, quæ quidem res ipsi perplacuerit: oblectationem de suis capiet, qui & clade nationem extraneam adficiet.

Si ipse non gestabat arma, suos tamen armatos videre videbatur, quod erat ei volupe: nuntium prælij desideratum accipiet.

Sin eos inermes videre videbatur, ipsi
sibi metum & trepidationem ab hosti-
bus imminere cogitet.

CLVII.

DE VESTIBVS, EX

Indorum disciplina.

INTERPRETATIO vestiũ multiplex
est, pro earum discrimine atq; colorib.

*a Humerale,
sive vestem,
que humeris
iungitur.*

Si quis visus sibi fuerit gestare cambã,
quod scaramangium sericum vocãt, pro
modo pulchritudinis eius, & artis, pote-
statem ac dignitatem inueniet.

Si quis hoc vestis genus laneum vide-
re visus fuerit, ab improbis hominibus
opes consequetur, ppter ea, quod huius-
modi vestis per tonsuram ex lana cõstat.

Si visus sibi fuerit sumpsisse peplum si-
ue sabanum, pro ratione pulchritudinis
& spissitudinis eius vxorem inueniet.

Si diploidem nouam sumpsisse visus si-
bi fuerit, nouam vxorem inueniet.

Ac si quidem ea russata fuerit, plena
delectationis mulier erit.

Si alba formosa & elegans erit.

Si coloris citrini, & morbis erit obno-
xia, & erga maritum acerba.

Si prasini, quod res diuinas adtinet, fi-
delis erit. Si

Si veneti, diues erit, & halitu graui fœtebit.

Si nigri denique, in ærumnam exscortatione incidet.

Si quis videre visus fuerit horum aliquid ereptum vi, vel concrematum: vxorem suam amittet.

Si ablatum furto, vel nusquam adparens: ærumnam in vxore sua duntaxat experietur, idq; propterea, quod sæpe numero vicissim his modis amissa reperiantur.

Subucula de quouis statu domus accipitur, itidemque tegumentum secretarum hominis partium, siue tibiale, de concubina, vel vxore.

Si quis induisse visus sibi fuerit subuculam solito tenuiorem, de minutionem opum experietur.

Si quis videre visus fuerit tibiale suum factum capacius, in vxore sua voluptatem & læticiam inueniet.

Si mulier induisse tibiale visa sibi fuerit, aut amictum virilem, absque pallio bifido: hæc omnia, si prægnas est, fœtum masculum portendunt.

Si

Sin pallium bifidum induit, de filia somnium intelligitur.

Si quis habitum apostolicum gestare visus sibi fuerit, hoc de fide ipsius interpretamur.

Ac si quidem habitus albus est, tantundem in ipsius fide puritatis erit.

Sin sordidus, & ipse impurus est.

Cōsimili ratione, proq; colorum, quos diximus, interpretatione, regia quoque chlamys ad maiestatem & coniugem regis refertur.

Si rex videre visus fuerit chlamydem suam vel ruptam, vel sordidatam: afflictionē in regno suo, & in Augusta morbum inueniet.

Sin videre visus fuerit chlamydem suā splendidiorem factam, pro ipsius chlamydis elegantia laticiam tum in persona propria, tum coniugis inueniet.

Si visus sibi fuerit alteram nactus chlamydem nouam, si nullam vxorem habet, matrimonium contrahet, ac filium procreabit: sin habet vxorem, masculum ita quoque procreabit, & oblectationem ex eo capiet.

Quæ-

Quæcunque vestimenta quis per quietem facta tenuiora videre visus fuerit, eorum ad infirmitatem & inopiam spectat interpretatio.

Hæc enim disciplina de somniorum interpretatione, quidquid spissum est, ac necdum interpollatum, & recēs, potius omnino ducit.

Quæcunque vestes, quarum ad fidem interpretatio pertinet, sordidatæ per quietem visæ fuerint: ad fidei sordes spectât.

Itidem quæcunque mundanas ad res relatæ, sordibus inquinatæ visæ fuerint: afflictionem mundanam significât, pro modo sordium.

Omnis etiam carnis & capillorum immundities, ad ærumnam sordibus respondentem spectat.

Quascûque vestes albas gestare visus sibi fuerit homo, tam in fide sua, quàm mundo laticiam gloriamque reperiet: adeoq; toti mundo in oculis erit.

Rubri coloris palli gaudiû vehementius significant, ac plerunq; mulierculis.

Si quis præter decorum gestare visus sibi fuerit habitum apostolicum rubri coloris,

loris, vel tibiale, vel stragulam vestem: gaudio gloriaq; mundana potietur, cum dedecore tamen, & rixa inter amicos graui, pro ipsarum vestium rubedine.

Citrius color in omni veste morbum significat, pro ratione tincturæ, ceu dictum est.

Quodlibet vestimentum pro specie ipsius interpretationem habet.

Prasinus color, in persona qualibet, ad fidem bonam refertur: & in eo, qui per quietem visus fuit esse mortuus, quum viuat: ad corpus spectat

DE VESTIMENTIS, PERSARUM & Aegyptiorum rationes.

CLVIII.

INTERPRETATIO vestimentorum, ad honorem & gloriam pertinet, exceptis illis, quæ varij coloris sunt, & regia purpura.

Si quis diuersa gestare vestimenta, vel diuersi, vel vnus coloris, visus sibi fuerit: metum & pœnam à rege, vel principi loci domino inueniet.

Consimilis & eadem erit interpretatio, moderatioris tamen mali: si visus sibi fuerit gestare vestem vnã insolitam, quæ plures

plures colores habuerit: adeoque rixam inter amicos experietur.

Omnes vestes densiores, & nouæ, & necdum interpolatæ: meliora quædam plebeijs hominibus portendunt.

Nam quæ subtiles sunt, & tenues, & aëreæ: regi atque magnatibus competunt.

Si rex visus sibi fuerit gestare vestes spissiores & crassiores, quales plebeio conueniunt: afflictionem & sollicitudinem inueniet.

Si rex visus sibi fuerit donasse cuidam ex proceribus suis, vel eundem induisse vestibus proprijs: si purpurea vestis erat, maiorem ei gloriam potestatemque tribuet, & arcana sua credet. (dabit.

Si in alia vestis, pro eius ratione minora Similiter si visus sibi rex fuerit vestem simpliciter alicui donasse, non aliquam ex suis, quas ipse gestat: ditabit hominē, & ei coram populo largietur.

Si mulier hoc à rege cōsequuta fuerit, vel ipsam rex amore complectetur, vel aliquam de cognatis illius.

Similiter si plebeius quispiam visus sibi fuerit vestem à rege cōsequutus, eadem erit interpretatio. Si

Si rex imperasse visus sibi fuerit, ut nota tinctura purpuræ fieret: præclare ratiocinando de statuendis aduersus hostes tropæis dispiciet.

Ac si quidem ei prosperè tinctura cesserit, tropæa felici fine perficiet: sin autem, contrarius euentus erit.

Si rex videre visus fuerit, edicto suo senatum vniuersum rubris secum vestibus amictum: & largus erit, & exhilarabit omnes.

Si rex videre visus fuerit populum suum gestantem vestimenta citrij vel nigri coloris, ærumnam sibi ex morbo, & exitum vitæ imminere statuatur.

Si veneti coloris, ad ipsius quidem hoc opes refertur, sed iniustè per indignationem adquisitas.

Si quis vestes suas sordibus inquinatas videre visus fuerit, peregrè tanto spatio tēporis aberit, & in expeditionibus versabitur: quantæ sordes ipsæ fuerint.

Quòd si expeditio suscepta videatur ad conferenda cum gentibus prælia, casus homini aduersus accidet.

Consimilis & in negotiationibus euentus erit. Si

Si quis vestes quasdam suas amisisse visus sibi fuerit, hoc ad ærumnam referat, prout ipsæ vestes pretiosæ fuerint.

Similiter & putrefactio, & ruptura, & vetustas vestium, de decus atq; paupertatem ei portendit, qui somnium habuit.

Si quis nouum pelliceum gestare visus sibi fuerit, si quidem hyems erat, a magnate quodam opes adipiscetur, pro ratione densitatis pilorum.

Si æstas erat, & nimium sibi visus fuit incaluisse: diuitias & ipse, cum labore tamen ac indignatione consequetur.

Si rex visus sibi fuerit induisse pelliceum de vulpibus, aut feris: maiores ab hostibus opes cum tropæis extorquebit.

Si de ouibus, prouentus ipsius incrementum sumet, pro lanarum copia.

Si rex visus sibi fuerit induisse pelliceum vetus & ruptum, ea res egestatem ac defectum auri regij portendit.

Si quis plebeius visus sibi fuerit induisse pelliceum vulpinum, per astutias ditescet.

DE IGNE, EX IN-

dorum explicatione.

CLIX.

IGNIS

IG N I S interpretatio multas ad perso-
nas refertur.

Si quis videre visus fuerit aliquem lo-
cum, vel prædium, vel domū per ignem
flammæ conflagrantem penitus: earum
ædium dominus, & locorum incolæ, vel
bello, vel acuto morbo peribunt.

Quòd si flamma carebat ignis, nec om-
nia comburebat, sed aliquam partem:
minor ex parte calamitas erit.

Si regi visum hoc oblatum fuerit, aut
principi populi alicuius: ad rempublicā
& populum casus aduersus referatur.

Si quis igne vestes suas exulsiſſe visus
sibi fuerit, interitus illis personis immi-
net, quas suprà indicauimus: referendo
vestimētum quodlibet ad eas personas,
quas interpretando recensuimus.

Consimiliter si homo videre visus fue-
rit vſtum aliquod membrum suum, ca-
lamitas ad personas membris ipsis signi-
ficatas pertinebit, vt interpretati ea su-
prà sumus.

Si quis visus sibi fuerit instar cibi carbo-
nes ignis, carentes fumo & flamma, de-
cerpere: aurū pupillare lucrabitur, pro
ignis deuorati ratione.

Si

Si quis visus sibi fuerit inuenisse, vel habuisse, vel custodiuisse carbones ignis, tam flammæ, quàm fumi expertes: pro modo carbonum, aurum consequetur.

Si quis visus sibi fuerit flamma quidem correptus, sed non adustus: pro inflammationis modo à quodam, qui negotiũ ei faceffet, accusabitur.

Si in vltus à flamma fuit, à principe rerũ istic potiente multabitur, aut in hostili prælio occumbet, aut in acrem tumescens inguinis, aliũmue morbũ incidet.

Si per ignem flamma carẽtem adustus fuit, auri exactione multabitur.

Si visus sibi fuerit sustulisse cinerem siue lixiuũ, mendax & calumniator erit.

Si à furni flamma correptus fuit, aut læsus à testo ignis: ab aliquo magnate, populi nutricio, multabitur.

Si quis ignem sub olla succendere visus sibi fuerit, cũ patrefamilias pugnam conferet eius negotij causa, in quo somnium istud habuit. Nam hoc propterea sic exponitur, quòd in ollam oculi familiaræ defixi sint. Quòd si lignis succendit ignem, verbis cũ eo depugnabit.

Si quis visus sibi fuerit frustra carnis aut cibos ad ignē calfacere, quo ijs vescatur: in alterius potestate sua deuorabit, aut eis cum metu ac trepidatione vescetur.

Si quis lampadem ignis tenere visus sibi fuerit, potestatem inueniet, pro ipsius lampadis modo,

Quòd si de flamma lampadis alii quoque sumpserunt, & ipse potestatem cum alijs communicabit. Nam quicumque fumo & flamma caret ignis, iniuriæ notam habet: quum eius interpretatio, qui flammam emittit, & fumum, ad potentiam, & bellum, & morbum, ceu dictum est, referatur.

Si quis in tenebris palpare visus sibi fuerit, & accedere lampadem, ad cernendum: si quidem accendit, & vidit, impetrandi gaudij potestatisque causâ enixe laborabit, ac voti compos fiet, prout accensa lampas fuerit. sin autem, diuersus euentus erit.

Si regi visum hoc oblatum fuerit, rationes ampliore potiundi gloria perquiret, ac pro ratione somnij, euentus ipsius fidei respondebit.

Simi-

Similiter si quis visus sibi fuerit factus alteri lumen, gloria & honestabit eum.

Si quis visus sibi fuerit ignem accendere, quo se calfaciat: si eo succenso incauit, principi preces offeret, ac pro caloris modo ditescet.

Frigus enim paupertatis interpretatio nem vniuerse continet.

Si ignem accendit, vt carnem assaret: si quidem assauit, in accusandis & puniendis hominibus superior euadet, pro assationis modo.

Si carnem assatam comedit: in hominum conspectu & peccatum admittet, & infamiam, & opes inueniet, pro modo manducationis, & adfligetur.

Reperiri certè nequit significatio boni euētus ex inflammatione per ignem facta, sola persona negotiatoris excepta.

Is enim si videre videatur merces suas accensas, aut eum locum inflammatum, quo merces continebantur: hoc ipsum ad mutationem aliquam, & calliditatem ipsius in negotiando refertur: sed cum metu tamen, & irrisione.

rum & Aegyptiorum disciplinis.

CLX. **I**GNI sterum maximarum interpreta-
tiones habet. Nam & deorum ad per-
sonas refertur.

Si quis videre visus fuerit incēsam do-
mū suam, à rege, vel principe punietur.

Si quis videre visus fuerit vsta lecti sui
stragula, vel vxorem, vel concubinas
suas amittet.

Si aliquod mēbrum vri viderit, in
adffictionem maximā & interitum, pro
cuiusque membri ratione, incidet.

Si carbones nōdum exustos comedit,
à rege vel magnate collocupletabitur.

Si carbones in vase quodam accendit,
pignis modo magnis quibusdā seruiet.

Si eos extinxit aqua, proceribus no-
cebit.

Si adorauit ignem, magnatibus preces
offeret, & exaudietur.

Si cinerem sustulit, à magnatibus mo-
dicas & mediocres opes impetrabit.

Si lampadem accendit, eamq; gestat:
si rex est, hoc ipsum ad gloriam, & victo-
rias, & hostium internecionē refertur.

Si

Si plebeius, dignitatem inueniet, pro modo & quantitate lampadis.

Si rex visus sibi fuerit accensas lampades aliquibus porrigere, siquidē illi noti sunt, dignitates & potentatus eis dabit.

Si aut, beneficijs hostes suos adficiet.

Si rex visus sibi fuerit multa lumina, multasq; lampades in tēplo, vel palatio suo accendisse: pro luminum modo comitia maximorum hominum indicet ad mysterium quoddā læticiæ, atq; eos consimiliter exhilarabit.

Si extincta lumina sua videre visus fuerit, & se quidē inuito: pro modo caliginis, ab hostib⁹ afflictionē experietur.

Si quis videre visus fuerit extinctam domus suæ lucernam: paterfamilias moritur, in quem vniuersi respiciunt.

Si eam rursus accēdisse visus sibi fuerit, alius familiæ pater succedet.

Si videre visus fuerit adtenuatum & deminutum lucernæ lumen, propè vt extingueretur: paterfamilias in morbum incidet, ac paupertatē, prout ipsum lumen defecerit.

Si domum fumo repletā videre visus

fuerit, pro modo acrimonix fumi supplicium à magistratu inueniet.

Si fumus ille boni odoris erat, verbis dulcibus potestatem alijs tribuet, simulque famam inueniet, prout odor ille bonus visus fuit esse iucundus.

Si quis lampadem tenuisse visus sibi fuerit, quæ extincta sit: si rex est, in afflictionem incidet, nec diu superstes erit.

Si plebeius, potestatem quisque suam cum eo, quod desiderat, amittit.

Si citra noxam visus sibi fuerit ignem in veste sua gestare, familiaritatem regis impetrabit, & arcanum ei credetur.

Si quis videre visus fuerit, accensa lucerna, totum vas illius vna inflammatus: paterfamilias excelsitatē & gloriam inueniet, ac postea peribit.

Si rex videre visus fuerit templi, vel palatij sui columnas inflammatas: ea res imperium portendit alterius, & interitum procerum, quos ille prior constituit.

Si ipsemet illas visus sibi fuerit exurre, magnates suos perdet.

Quòd si columnas alias substituisse visus sibi fuerit, magnates alios in illorum loca substituet.

Si

Si quis ad ignem visus sibi fuit incalefcere, principi cuidam semet adiungeret, & pro modo caloris ditescet. Frigus enim paupertatem denotat.

Si quis videre visus fuerit, capillos suos incensos: opes suas, pro modo flammæ, per magistratum amittet.

Si rex est, in prælio populi sui iacturam faciet alius quidam hostis eius, pro modo pilorum.

Si rex videre visus fuerit, clabulam siue currum suum exustum: regnum eius deprimetur.

Si in & sellam in curru concrematam videre visus fuerit, ipsemet morietur. (tur.

Si thronus exustus est, Augusta morietur. Si se curru vectum videre visus fuerit, & rotas inflammatas: ex agitatione morbum inueniet, pro modo inflammationis.

Quòd si expeditionem instituit, eam rescindet,

Quotquot domum collustrauerint lumina, quauis in persona boni, gloriæ, potestatis significationem habent.

Similiter & eorundem extinctio, contrarium quiddam portendit.

Persarum, Indorum, Aegyptiorumq;

CLXI.

rationes.

SI quis in somnis visus sibi fuerit in latitudinem volare de loco in locū, expeditionem suscipiet, qua sublimitatem & opes inueniet, prout in volatu visus fuerit euchi. Respondebit & iter euolationis modo.

Si salijisse de loco in locū visus sibi fuerit, eandem interpretationem putet, at infirmiore.

Si visus sibi fuerit directò in sublime volasse, damnum cum interitu veloci experietur.

Si visus sibi fuerit euectus in cælum, utque manibus cælum præhenderet, enixè laborasse: acrior ei & celerior imminet interitus.

Si quasi per cælū venisse visus sibi fuerit, etiam ita breui morietur, & ante obitum mentem amittet.

Si quis in cælo quasi sedere visus sibi fuerit, ignorans interim, quo pacto illuc peruenerit: in fide sua gratiam inueniet.

Quòd si de necessariorū regis numero fue-

fuerit, celebris & amplissimus euadet.

Si quis visus sibi fuerit habere pulchras in aëre domos, & inusitatas: breui morietur.

Si domus ea pro ædificiorum more structa fuerit, quicumque tandem hoc somnium habuerit, res eius in præcipiti sunt, & interitui proximæ.

Si quis de loco in locum visus sibi fuerit sublatus, à negotio suo citò transibit ad aliud, siue peius, siue melius, pro ratione locorum: itemque impedimento, pro saltus ipsius tractu.

Si quis visus sibi fuerit innixus baculo saltasse, baculus iste potentem ac nobilem virum significat. itaque adiumento viri nobilis expeditionem suscipiet, & læticia potietur.

Similiter si visus sibi fuerit tenendo columnam saltasse, sumpta de diuitijs confidentia expeditionem suscipiet.

Si saltabat innixus virgæ ferreæ, solidiores opes acquireret, pro ratione ponderis ferri.

INDORVM, PERSARVM ET CLXII.

Aegyptiorum consentientes interpretationes.

SI

SI quis instar auis volasse visus sibi fuerit, absque pennis, in aëre vectus: eminentiam gloriæ dignitatisq; reperiet.

Si regi visum hoc oblatum fuerit, omnia sua tam in bello, quam cæteris actionibus desideria perficiet.

Si rex ad cælum quasi volasse visus sibi fuerit, vbi sidera essent: supra reges cæteros & eminentia potietur, & fama.

Consimiliter si verba quædam audierit illic à sideribus prolata, vel in litteris istic perscripta legerit, eorumq; meminerit: quidquid hoc tandem fuerit, auditum, lectum, certo eueniet. Erit etiam pro altitudinis modo longæuus.

Quòd si etiam visus sibi fuerit à terra cum sideribus colloquutus, aut istic aliqua legisse: consimilis erit euentus.

Si rex visus sibi fuerit sursum profectus, in cælo consedisse: regionem ea maiorem, quam possidet, in potestatem rediget.

Si palatium ibidem habuisse visus sibi fuerit, in ditionem rediget ac possidebit ampliorem terram alienam, & domicilium in ea constituet.

Si visus sibi fuerit in ascendendo precipi-

tipitasse, ac cecidisse: regnum suum amittet, ac morietur.

Si de loco in locum saltasse visus sibi fuerit, cum expertè metus securitate ac læticia de loco ad locum transibit.

Si cum formidine saltasse visus sibi fuerit, in expeditionem formidolosam & bellum ibit.

Si hæc plebeio, vel pauperi per quietè oblata fuerint: interpretatio & inferior, & infirmior est ijs, de quibus dictum.

DE NUBIBVS, EX

Indorum disciplina.

CLXIII.

NUBES sapientiæ significationem continent.

Si quis partem nubis adprehendisse visus sibi fuerit, pro nubis ipsius quantitate sapiens fiet.

Si se sublatum à nubibus videre visus fuerit, & quo vellet, abductum: si de illorum est numero, qui sapientiam quærunt, extremum sapientiæ verticem attinget: sin mundanis rebus oblectatur, cum metu principis à potente quodam diuitias consequetur.

DE

CLXIII.

DE NUBIBVS, PERSA-

rum & Aegyptiorum rationes.

SI quis visus sibi fuerit, à particulari quadã nube madefactus, veleius caliginem ingressus: in morbũ incidet pro modo madoris, & opacitate caliginis.

Si videre visus fuerit impletam nubem domum suam, atque inde madefactam: si rex est, domum imperij eius denotat: ac si quidem ei subiecta regio annonæ penuria premitur, fertilis fiet: si nulla penuria est, omnis eius exercitus opes, læticiam plebs inueniet.

Si plebeius aliquis tale somnium habuerit, à principe metum inueniet.

Si rex in nubibus confedisse visus sibi fuerit, & vehi quocunque lubeat: barbari hostes ei seruitutem seruiẽt, quibus ipse cum imperio præerit, ac victorias gaudiaq; nec opinata consequetur.

CLXV.

DE VENTIS, EX IN-

dorum disciplina.

SI quis per quietẽ visus sibi fuerit sublatus à vehementi vento, de loco in locum transferri: longam expeditionem instituet, ac prout ipse venti motus leuis

expe:

expeditusq; fuerit, potestatem apiscetur.

Si puluere vi venti obrutus, caligasse visus sibi fuerit: sollicitudine ac metu à principe percelletur, ac pro modo caligationis oculorū fides eius deminuetur.

Si videre visus fuerit spirantem ventū vniuersalem, aut localem: à rege metus erit.

Si videre visus fuerit arbores à vento fractas, ex indignatione regis peribunt proceres, pro ipsarum arborū numero.

Si domos & ædificia diruta, populi principes interibunt.

Consimiliter omnibus ruinis, per quem tem oblati, ruinæ respondebunt.

Frigus quoque profectum à vëto, paupertatem & patrimonij deminutionem portendit: quum frigus ipsum ex paupertate homo patiatur.

Itidem calor nimius de afflictione intelligitur.

Si quis videre visus fuerit, quasi ventus ingēs eo tempore flaret, quo flores procedūt: si fregit arbores, terræ diuitias portendit: quandoquidem ventus aliquid rebus quoque nascentibus fert subsidij.

DE VENTIS, PERSARVM

Aegyptiorumq; rationes consimiles.

CLXVI. **S**I quis visus sibi fuerit adiutus à vento celerius progredi, perpetuum à magistratu subsidium, læticiam, & opem inueniet.

Sin ab antica parte impedimento ventus ei fuit, euētum contrariū experietur.

Si rex in itinere visus sibi fuerit à ventis impediri: nuntiū è longe dissito principatu accipiet, quo perturbabitur.

Sin ab eis adiuuatur, res lætæ portentuntur.

Si quis videre visus fuerit flantem ventum contrarium, qui fructus læderet: locus ille, quo ventus flare visus est, morbi contagio inficietur.

Si videre visus fuerit flantes aliquo loco ventos vehementes, qui radicitus arbores euellerent, aut palmas subuerterent: pro modo ruinæ, à rege vel loci principe terror & internecio imminebit.

Si omnes venti quieuisse visi fuerint, & populus pusillis esse animis: in eo loco terræ motus accidet, ac præterea loci princeps ad inopiam redigetur.

Si

Si ventus calidus hyberno tempore spirasse visus fuerit, hoc ipsum ad fructus & fertilitatem loci referatur.

Si quis videre visus fuerit flantem hyberno tempore ventum frigidum & acrem, hoc aduersum aliquid illi loco portendere statuat.

Similiter si æstiuo tempore ventus subfrigidus flauerit, ad emolumētum commodumq; loci refertur. Sin alius, diuersum denotatur.

Si rex videre visus fuerit flantem alicunde ventum vehementem, pars incolarum regni eius aut boni quidpiam, aut mali expectet, pro ipsius venti ratione.

DE SOLE, LVNA, SIDERI-

bus, ex Indorum, Persarum, Aegyptiorumq; disciplinis.

CLXVII:

SOL dubio procul ad regis personam interpretando refertur, & ad principis à rege secundi personam luna.

Venus ad personam Augustæ.

Itidem alia maxima sydera, ad viros apud regem amplissimos.

Stellæ reliquæ, ad mūdum vniuersum.

Si quis visus sibi fuerit ad discum sola-

o rem

rem propiùs accessisse, vel eum adpræhendisse: à rege laticiam consequetur, pro ratione propioris accessus.

Si mulieri visum hoc oblatum fuerit, Augusta fiet.

Si rex huiusmodi somnium habuerit, alium sibi regem subijciet.

Si quis visus sibi fuerit pugnasse, vel bellum aduersus solem radios suos spargentem suscepisse: regem oppugnabit.

Si plebeius, à rege supplicio adficietur.

Si visus sibi fuerit instar solis sparsisse radios, pro lucis modo regnabit.

Si regi visum hoc oblatum fuerit, regnum eius ampliore gloria condecorabitur.

Eadem est in persona mulieris interpretatio.

Si mulier visa sibi fuerit peperisse solè, quæcunque fuerit, regem pariet.

Si quis videre visus fuerit egredientes de se radios, qui populo sint impedimento, quo minus ipsum adspiciat: & ipse regno potietur.

Si quis globum solis tenere visus sibi fuerit, radijs carentem: si debilis est, aut adfligitur, conualescet ac laticia fruetur.

Sin

Si vir amplissimus est, regē contēnet.

Si rex, alium quendam maximum regē vel principem in vinculis detinebit.

Si cui visum oblatum fuerit, quasi sol radios in eius domum præter morē sparserit: à rege gaudium & opes consequetur, pro lucis ipsius modo.

Si videre visus fuerit solem, siue discū solarem, ingressum ædes suas: si rex est, regem procreabit.

Si vir aliquis amplissimus, aut plebeius: maiorem ad sublimitatem euehatur, & voluptatem capiet, & regem ipsum excipiet.

Si quis visus sibi fuerit ingressum ad se regem contempsisse, perduellis erit adversus regem.

Similiter si somniū quis habuerit, quasi flamma solis eum in itinere calcecerit: opes à rege consequetur, pro modo caloris.

Si visus sibi fuerit à sole plurimum adustus, pœnam pro modo vstionis inueniet.

Si quis solem in cælo luce radijsq; carentem videre visus fuerit, ad personam regis calamitas spectat.

Si in is, cui tale visum oblatum fuit, è magnatum est numero: regem contemnet.

Si videre visus fuerit populum eadem secum adspicientem, consimiliter & populus regem nihili faciet.

Si cui sol defecisse per quietem visus fuerit, ea res & afflictionem & bellum regi portendit.

Si vicissim repurgatum à tenebris solem videre visus fuerit, ad regis hoc victorias spectat: sin autem, diuersum significatur.

Si quis videre visus fuerit solem nube tectum, & in afflictionem, & morbos, pro occultationis modo, rex incidet.

Si videre visus fuerit orto iam manifesto sole, fuisse collustratum ab eius lumine lectum suum: si nullam vxorem habet, opulentam ducet: sin habet, in amorem opulentæ perueniet, per quam & regis maiestatis gratiam impetrabit, & dignitatem, & eminentiam, pro ipsius lucis modo.

Si quis solem nubibus tectum tenuibus videre visus fuerit, personæ regis afflictionem & morbum portendi, leuiorem tamen, cogitet.

Si

Si deter sum videre visus fuerit, rex ad valetudinem pristinā læticiamq; redit.

Omnino de rege sol intelligitur, à quo si quis vel commodum, vel damnū ceperit: confirmile quiddam à rege expectet.

Si quis videre visus fuerit solem, & lunam, & omnia reliqua sydera suo cum lumine vnum in locum cōgregata, quibus ipse cum potestate præfuerit: aut regno potietur, aut talis fiet, vt ab eo rex ipse cum omnibus suis gubernetur.

Si regi somnium hoc oblatum fuerit, omnia sibi aduersa subijciet.

Si mulieri, dominatū in aula obtinebit.

Si quis absque lumine solem, lunam, sidera congregata videre visus fuerit: si de magnatum numero est, propter istas tenebras omnino ruet in interitum.

Si rex est, circumdatus ab vniuersis bello petetur, & magnam in afflictionem incidet.

Tenebræ siderum illi, cui per quietem offeruntur, etiam auri & opum dissipationem portendunt.

Si alios adficere consuevit iniurijs, duplicatas ab eo populus iniurias experietur.

Sol magnum aliquem regem denotat, ac si quidem is, cui visa iam exposita per quietem offeruntur, in ditionibus & prouincijs regis versatur: ad regem ipsum euentueta spectant. Sin ad aliud imperium & potentatum pertinet, consimiliter res in ipsi^o capite ac magistratu exitu sortietur.

Luna, ceu dictum est, ad personam hominis à rege secundi refertur:

Venus, ad personam Augustæ:

Mercurius, ad personam principis inter regios scribas:

Mars, ad personam primi ducis regij, qui bella gerit:

Iupiter, ad personam eius, qui princeps loco & opibus, & auro, & administrationi regis præest:

Saturnus ad eum refertur, qui facinororum pœnas exigit, & delinquentes castigat.

Si quis videre visus fuerit exortum in domo sua lunæ splendorem, gaudium atque opem consequetur ab eo qui secundum regem primas tenet.

Si coniuge caret, vxorem cum gaudio ducet, ac ditescet.

Si visus sibi fuerit ipsemet lunæ discum

in

in domum suam deducere, vel eum habuisse in potestate: principis illius viri diuitijs & potestate sic vtetur arbitratu suo vt in eis ipse pro lubitu disponat.

Si luna regi defecisse, vel obscurata esse visa fuerit: is qui principem ab ipso locū obrinet, perduellionis crimen incurret, & ad populum conatus ipsius emanabit.

Si visum hoc alij cuidam oblatum fuerit, similiter euentus ad personam illam principem spectabit.

Si videre visus fuerit lunam à tenebris vicissim repurgatam, amissa luce recuperata: rursus ille reuocabitur, & ad eandem gloriam redibit.

Si rex videre visus fuerit, exigua cum luce Veneris sidus oriri: Augustam suam odio prosequetur.

Si nubibus idem sidus vndiq; obductū videre visus fuerit, in Augustæ persona morbum & afflictionem experietur.

Si multa luce sidus illud abundauerit, plusq; maiestatis habuerit: & oblectationem ex ea capiet, & amabit eam, materq; procreabit. Si cecidisse sidus hoc visum fuerit, Augusta morietur.

Quòd si etiam alius quispiam videre visus fuerit, quasi sidus hoc splendorem suum in ipsum, vel domum eius emitteret: læticiam ab ea consequetur.

Reliqua quoque sidera maxima, ceu dictum est, ad personas indicatas referuntur eo modo, quem exposuimus: & qui ea videre visus fuerit, si quidem in regione vel regis, vel amplissimi alicuius viri degit, ad eos interpretatio somnij pertinebit.

Si aliena in ditione viuit, ad eius terræ caput omnia referantur. Plerumque tamē ita res comparata est, vt hæc in aliena terra nemini per quietē offerantur.

CONSIMILES RATIONES

CLXVIII. *ex Persarum & Aegyptiorū observationibus.*

L V N A E interpretatio pertinet ad eū, qui secundus in regno est, solo nimirum rege minor.

Si quis lunam in cælo videre videatur, toto splendentem lumine: gaudium à rege cum diuitijs consequetur.

Si proximo ex interuallo visus sibi fuerit eam videre, vel quod eā sinu manū ue teneat: si vir est vxorem elegantem &

& lepidam accipiet, prout Lunæ discus
plenè visus fuerit illuminatus.

Si mulier est, similiter & ipsa mari-
tum accipiet.

Consimili modo si visa fuerit splendore
suo vel ipsum, vel domum eius collu-
strasse: læticiam ab eodem rege vel ip-
sius familia, vel ipse consequetur.

Si visus sibi fuerit videre Lunam cali-
ginosam & illunem, ad execrationem
& interitum suum fortè mulierem acci-
piet, & à rege punietur.

Similiter si visum hoc oblatum homi-
ni plebeio fuerit, ipse casus aduersus ad
eiusmodi regem referatur.

Cæterorum quoque siderum maxi-
morum multitudo ad nobiles & opu-
lentos, habita proportionis ratione, re-
fertur, & ad eos, qui regi proximi sunt,
quoquo tandem loco degant.

Habent autem pleniorum interpreta-
tionem sidera, quæ proxima visa fue-
rint, vt exiliorem, quæ longiùs remota.

Si quis videre visus fuerit maxima quæ-
que reliquorum siderum, lucisq; plena,
in vnum collecta locum: hoc ipsum de

concilio læticiaq; publica illorum accipiat, de quibus est dictum.

Consimiliter si ea per exiguo prædita lumine, difiecta & sparsa, caliginosaque videre visus fuerit: hoc ad indicatarum personarum calamitatem, & ad regios præfides refertur.

Si ex parte vel adfecta fuisse visa fuerit, vel lucē præbuisse: hoc ad particulare quoque læticiam, vel dolorem referat.

Si quis vniuersis syderibus alijs præfuisse cum potestate visus sibi fuerit, omnes populos in ditionem rediget: ac si quidē idoneus est, imperio potietur.

Si ex parte potestatem in ea visus sibi fuerit habuisse, dominatum vnius populi adsequetur.

Si visus sibi fuerit pascere, bellè disponere, atque in ordinem redigere sidera: principatum populi à rege maximo consequetur, pro ratione temporis, & dispositionis ipsorum siderum.

Si quis sidera manducare visus sibi fuerit, pro modo manducationis homines absorbuisset visus fuerit, inusitati quidam homi-

homines in eius domum venient, & amicè cum eo conuersabuntur.

EIVSDEM GENERIS,

ex Persarum disciplina.

CLXIX.

SI quis astra deorum in numerū relata visus sibi fuerit adorare, rei cuiusdam caussa regi preces offeret, & gratiā inueniet, si quidem astra visa fuerint eū splendore suo collustrare. Si coram eis flere visus fuerit, gratiam apud regē inueniet, pro modo ploratus. Si suffitum eis facere visus sibi fuerit intra templum, propter vim ignis existimationē famamq; præclaram cum potestate apud regem inueniet, pro ipsius fragrantia modo.

Sine eis immolauit, siue ad eò conditionis humilis fuerit, siue magnus: amorē perfectum & verū erga regē declarabit.

DE SIDERIBVS, EX

Indorum traditionibus.

CLXX.

SI quis adorare visus sibi fuerit astra, quæ pro dijs vulgus habet, mentiēdo fraudulētè se geret erga magnates, pro ratione siderum. Nam quæcunq; præter opificem rerum adoratur, falsa sunt atq; vana. Soli nimirū Deo cōpetit adoratio.

Si

Si quis suspexisse visus sibi fuerit, & vidisse sidera per res veras & existentes, putà in figura litterarum: si rex est, aut magnatum quispiam, potestas eius dilatabitur, & longæuus erit, prout ea visus sibi fuit intueri & adspicere.

Si litteras legisse visus est, significatum efficacius erit, ac quidquid sanè legerit, pro certo teneat.

Si non legerit, beneficio minore potietur.

Si quis à sideribus ductus, iter facere visus sibi fuerit, tam terra, quàm mari fortunatus erit, & maximo se, iustoque iudici adiunget, apud quem erit in gratia.

Si errare visus sibi fuerit in itinere, in iudicem stolidum incidet, à quo affligetur.

Si quis videre visus fuerit in mare delapsa sidera, hominum à rege profectam internecionē per hoc visum intelligat.

Si rex tale somnium habuerit, cladem populi sui morientis maximā videbit.

Si videre visus fuerit astra coloris ignei mutuò semet inuadentia, diuersos nuntios de populo suo, & eius interitu, accipiet:

piet: pro inflammationis eorum modo.

Si rex vel augusta videre visi fuerint, quasi degressum è cælo sidus cum eis sit colloquutum: omnem à Deo læticiam, & impletionem desideriorum suorum, impetrabunt.

Si plebeius aliquis hoc videre visus fuerit ad hilaritatem & rectam valetudinẽ cuique cedit, si quidem vel eger est, vel affligitur. Sin autẽ, in professione quisque sua voluptatem inueniet.

DE PLUVIA, EX INDO-CLXXI.
rum disciplina.

Pluvia de impletione voti ac precationis, deque misericordia intelligitur.

Si quis ergo per quietem videre visus fuerit, irrigatum à pluvia prædium suũ: & opes, & læticiam, & misericordiam impetrabit à Deo.

Si regi visum hoc oblatum fuerit, idq; illo tẽpore, quo magna pluviæ penuria: quidquid à Deo petiuerit, impetrabit.

Quòd si etiam caritas annonæ regionem ipsius vexat, fertilitas sequetur.

Si non eo tempore, quo pluvia desideratur:

ratur: minus aliquanto virium habet interpretatio.

Si quis de pluuia bibere visus sibi fuerit, siquidem pura est, post indicatum illud publicum beneficium & is, qui pluuiam bibit, magna diuinitus beneficia consequetur.

Si turbida, in afflictionem & morbum incidet, prout multum bibisse visus sibi fuerit.

Si domum duntaxat suam pluuia madefactam videre visus fuerit, in morbum pestilentem & aegritudines acres familia eius incidet.

Similiter & de alijs diuersis ædificijs, quæ hoc modo conspici per quietem visa fuerint, eadem est interpretatio.

Si quis copiam pluuiæ quandam collegisse visus sibi fuerit, pro modo factæ collectionis, afflictionem & aduersitates experietur.

CONSIMILES RATIONES

ex Persarum & Aegyptiorum monumentis.

CLXXII.

SI quis videre visus fuerit locum & regionem suam moderata pluuia rigatam, eius regionis incolæ regis beneficentiam experientur.

Si

Si vltra, quam vsus postulet, ac immoderate pluatur: incolæ regis indignatione experientur, & tandem misericordiam rursus impetrabunt.

Si visus sibi fuerit in itinere à pluuia madefactus, si rex est, aduersum aliquid voluntati suæ experietur, prout ipsius vestimenta maduerint. Quod si etiam expeditio instituenda erit, omittet eam.

Similiter & de plebeijs, deque persona quavis eadem est interpretatio.

Si quis videre visus fuerit locum irrigatum non ab aëre, siue pluuia, sed alio quodam modo: eius loci incolarum spes & expectatio frustra erit, adeoq; nouam rem quãdam aduersam, & morbos præter naturam experientur.

Vbicunque pluerit, pluuia pura cuius personæ bonum portendit: si turbida fuerit, & impura, diuersum.

DE LVTO, EX IN-

dorum disciplina.

CLXX-
III.

Si quis in luto visus sibi fuerit ambulare, sollicitudinem & afflictionem inueniet, pro ipsius luti copia.

Si fetido in luto ambulat, afflictio grauior

uior eum cum infamia, propter factorem, excipiet.

Si quis figulinum opus fecisse visus sibi fuerit de humo pura, experietur in auro suo malam administrationem, cum sollicitudine & afflictione.

Si videre visus fuerit aliquam vestem suam luto conspurcatam, afflictionem experietur, secundum expositam superius interpretationem, in ijs personis, quas singulas ad vestes retulimus.

Similiter & in membris eadem est ratio, prout antea de singulis membris diximus.

DE TERRÆ FAUCIBVS,

CLXX-
I III.

& alueis aquæ pluriæ, ex Indorum, Persarum, Aegyptiorumq; doctrina.

SI quis visus sibi fuerit iter facere, vel transire per fauces terræ ab aqua pluvia factas, ei ab hoste forti ac potente vis & afflictio quædam imminet.

Si magna cum difficultate visus sibi fuerit eas penetrasse, ab hoste liberabitur.

Si videre visus fuerit, ablatam sibi vestem ab eadem aqua torrente: vel opum suarum, vel personarum, ad quas vestimentum

mentum quodlibet suprâ relatum est, vi
potentis alicuius hostis iacturam faciet.

Quum quis in eodem alueo torrentis
visus sibi fuerit suffocatus, in bello ad-
uersus hostem validum occumbet.

Si quis videre visus fuerit eundem tor-
rentem arbores cum ædificijs ablatas a-
uexisse: si rex est, pro arborum modo tã
homines, quã terras amittet.

Si plebeius, ipsummet in prælio peri-
turum portenditur.

DE FLVMINIBVS, EX

Indorum disciplina.

CLXXV.

FLVMINA, pro ratione magnitudinis
ipforum, ad personas tam humilium,
quã magnorum hominum referuntur.

Si quis visus sibi fuerit ad maximum in
scriptura flumen accessisse, vel transij-
ciendi, vel aquandi causa: si absque na-
uigio transiit, alterius intercessione,
quod cupit, impetrabit.

Si in aquari visus est, de magnatis alicu-
ius opibus sese collocupletabit, pro i-
psius aquationis modo.

Si de flumine bibit, isq; potus & limpi-
dus & dulcis erat: à magnate quodã gau-
dium

dium & dignitatem consequetur.

Si turbidus erat, & insuavis: ab eiusmodi homine vexabitur, & in morbum incidet.

Similiter si de fluminibus alius aquari visus sibi fuerit, opes ab homine plebeio consequetur, pro ipsius fluminis modo & quantitate.

Si visus sibi fuerit in fluuio nataffe, transectionis aut lauandi causa: cum auctoritate superior euadet in ijs causis, de quibus ei cum alio hinc est, modo transecerit. sin autem, contrarium accidet.

Si abluendarum sordium causa natate visus sibi fuerit, amplissimi viri ope, pro ratione fluminis, ex ærumnis liberabitur.

Si rex imperasse visus sibi fuerit, ut eiusmodi flumen deriuaretur: idque deriuatum deinde fuit: amplissimum quendam virum, pro modo fluminis, in seruitutem rediget, ac quod volet, transferet.

Si flumen in alueum suum reuerterit, maximus ille vir vicissim regis amorem in se flectet.

Si rex imperasse visus sibi fuerit, ut flumen aliquod ponte sterneretur: virum maxi-

maximum liberè, non seruilem in modum, pro quantitate fluminis, amore sibi deuinciet.

Si rex visus sibi fuerit aquam fluuialẽ in lacus siue cisternas immisisse, pro modo & quantitate fluminis opes à maximo quodam viro acceptas in thesauros suos referet.

Si quis visus sibi fuerit confecisse receptaculum quoddam, instar lacus, de quẽ fluminibus aquam eò deriuasse: diuitias ab alijs consequetur, & in thesauros suos congeret.

Aqua paulatim manans in morẽ fluminis, licet magnas vires habeat, si ab aliquo vel impediatur, vel obstruatur: nõ tamen ad amplissimum aliquem virum refertur, sed ad vitam hominum.

Quòd si quis aquam huiusmodi collegisse, suæq; ditionis fecisse, visus sibi fuerit: prout aqua limpida fuerit, & ipse viuendi breue vel longum spatiũ inueniet.

Quòd si videre sibi videatur alios quoque vicinos ex ea bibere: de suis opibus eis benefaciet, modò limpida & dulcis aqua fuerit.

Sin turbida, & ingrati saporis: tam ipse, quàm alij de ea bibētes, vitam miseram exigent.

Si locum suum rigare visus sibi fuerit, ad potestatem principis euehetur, & res præclaras ac vtilis inter homines geret.

Si quis visus sibi fuerit iter faciens in loco quodam ignoto, vel ex ignoto vase bibisse: si totū vas ebibit, citò morietur: si aliquid in vase remansit, pro eius, quod superfuit, modo & portione, viuet.

Aqua celeriter fluens interpretationē debiliorem habet ea, quæ trāquillè modicèq; manat.

Si quis visus sibi fuerit accessisse, vel cōsedisse propter amnis alicuius ripā, propè quidē ut abesset à flumine: si luto maculatus fuit, aut territus à flumine, confimiliter ab homine quodam affligetur. Sin aqua sordes suas abluuit, etiam pariratione tam sollicitudo, quàm afflictio, ab illo altero illata, sum mouebitur.

Similiter si ad collum vsque vel supra caput ipsum fluminis aqua peruenit: parerem afflictionē atq; miseriam experietur.

Si ad medium vsque fluminis natando perue-

peruenisse visus sibi fuerit, in alicuius vincula & vexationem incidet.

Si terram adigit, prout abfuerit ab ea, de miserijs subleuabitur.

Si visus sibi fuerit in flumine suffocatus, hominis cuiusdam, fluminis magnitudini respondentis, manu conficietur.

DE FLVMINIBVS, EX CLXXVI.

Aegyptiorum monumentis.

FLVMINA, quæ terram irrigant, hominum vitam significant.

Si quis videre visus fuerit flumen exiccatum, quod terram irrigare solebat: is locus & annonæ caritate, & sollicitudine, & afflictione grauabitur.

Si flumen exundasse visum fuerit, incola gaudium fertilitatemq; consequetur, & ipse Pharao cum magnatibus suis lætabitur. a Nilus intelligitur.

Si videre quis visus fuerit, irrigata per fluuium terra, remansisse pisces: incolæ simul & opes, & morbum inuenient.

Si serpentes remanserint, & ranæ, & bestiæ reptiles: ab hostibus bellum eis inferetur, quos ipsi superabunt, si modo

reptilia vicisse visi fuerint. sin minus, cō-
trarium accidet.

Similiter & illa flumina, quæ terram
non irrigant, ad hominum personas,
proportionis habita ratione, referuntur.
Quidquid eis acciderit vel boni, vel ma-
li: hominibus eueniet.

Si quis retia visus sibi fuerit in flumen
abiecisse, piscium capiundorum causa,
feliciterq; iactum cessisse: si rex est, tam
belli curis, quam reliquis grauatus, exi-
tum felicem experietur. sin autem, di-
uersum eueniet.

Si cui plebeio visum hoc oblatum fue-
rit, prout ipse iactus successerit, opes in-
ueniet. Si planè non successerit, contra-
rius euentus erit.

CLXXV-

II.

DE SOMNIO CVIUSDAM.
QVIDAM vsurpata domini sui per-
sona, Sereimum somniorum in-
terpretem tentandi causa conuenit,
eumque consuluit in hunc modum. Vi-
sus sum per quietem totum ebibisse Ti-
grim fluium. Cui Sereimus: Hoc som-
nium minimè tuum est, ait. nam fieri
nequit, vt in te cadat. Ille rem sic esse,
falsus:

fassus: Equidem, ait, hoc somnium non habui: sed herus meus. Tum Sereimus: Domum reuersus, inquit, cum mortuum inuenies. Vti dixerat, ita factū est.

DE MARI, EX INDORVM, CLXX-

Perfarum, Aegyptiorumq; rationibus. VIII.

MARE, cum profunditate sua, magni regis ad personam refertur: utque amnes vniuersi in mare semet exonerant, sic ad regem opes vniuersæ confluunt.

Si rex videre visus fuerit, novos quosdam amnes & inusitados ad mare peruenisse: à longè diffitis gentibus opes & gaudium consequetur.

Si vñsitados amnes auersos videre visus fuerit, quo minus in mare semet exonerarent: prouentus quidem eius deficiēt, at ipse non deminuetur. Nec enim hoc mari accidere potest.

Si quis visus sibi fuerit aquam bibisse marinam, opes à rege consequetur, pro ut multum parūmue bibit.

Si quis visus sibi fuerit factus maris dominus, in vniuerso regno succedet, ac imperabit.

Si quis somniū habuerit, quasi aquan-
di caussa de mari hauserit, & vasis aquā
in domum suam effuderit: pro vasorum
ratione, regijs opibus implebitur.

Si quis visus sibi fuerit escis hami pisces
in mari cepisse, pro modo capturæ diui-
tias à rege consequetur.

Si reti visus sibi fuerit piscatus, aperte
cum recta seruitute, pro capturæ modo,
à rege ditabitur.

Si somnium habuerit, quasi propter li-
tus obambulans, pedes abluerit: ad re-
gem propiūs accedet, proq; loturæ mo-
do læticia beabitur.

Si visus sibi fuerit iuxta litus maris in
cœnum incidisse, à rege adfligetur, pro-
ut demersus in lutum fuerit.

Si longo ex interuallo mare tranquil-
lum videre videatur, læticiam à rege mi-
norem impetrabit.

Si mare visus sibi fuerit ingressus ad
cincturam vsque, seq; abluisse: regi fami-
liaris erit, proque modo lotionis exhila-
rabitur.

Si ingressus ita fuerit, vt ad verticem
vsque cooperiretur: & sollicitudinem
inue-

inueniet, & afflictionem, & magnam à rege vexationem.

Si tantummodo natabat, oppressio- nem & vim regis experietur: ac prout à terra propius aut longius abfuerit, euen- tus diuersos sentiet.

Si visus sibi fuerit in mari suffocatus, à rege supplicij adfectus vitam finiet.

Si quis mare tranquillum ex interual- lo proximo videre visus fuerit, omni molestia liberabitur, & gaudebit.

Si rex mare vehementer à vento quo- dam noto turbatum videre visus fuerit, à natione versus illum ventum habitante turbas accipiet.

Si videre visus fuerit post illam maris cōmotionē eiectos canes, aliasq; belluas marinas: magnates ipsius peribunt.

Si tranquillum mare videre visus fue- rit, ex regno suo delectationem capiet. Sin turbatum, & ipse turbabitur.

Quòd si etiam visum hoc alij fuerit ob- latum, ad personam regis interpretatio pertinet.

Si visus sibi fuerit ambulare super aquas maris, & fiduciam, & potestatem, & fa- milia-

miliaritatem à rege impetrabit.

Si visus sibi fuerit supinus in aquis ferri, quocunque vellet: huius quoque visipotior & pretij maioris est interpretatio, quàm aliorum iam indicatorum. Sed nõ omnibus offertur, nisi principatum obtinentibus, & qui familiaritatem regis intimam sunt consequuturi.

Si rex visus sibi fuerit pisces cepisse viuos, aut aliquid è profundo traxisse, atque alijs dedisse, vel quodam in loco deposuisse: subditos ditabit, aut thesauros congeret.

CLXXIX.

DE NAVIBVS, EX

Indorum disciplina.

NAVES ad diuersas personas interpretando referuntur.

Si quis intra nauẽ visus sibi fuerit mortuus: mors istæc, quam in nauì obijt, vitam, & ex miseria liberationem significat.

Si visus sibi fuerit implese nauim bonis suis, vt peregrè abiret: sollicitudinem & afflictionem inueniet.

Si nauem ingressus vento prospero nauigasse visus sibi fuerit: suis in rebus proficiet,

ficiet, atque gaudium, pro ratione successus in nauigando, à principe consequetur.

Si ventus contrarius fuerit: & afflictionem inueniet, & morbum, & vincula, & eorum, quæ cupit, impedimenta.

Si visus sibi fuerit ad terram accessisse propiùs, vt adpelleret: tanto leuior, eius afflictio fiet, quanto ad terram propiùs adpulerit.

Si quis videre visus fuerit oneratam nauim frumento, vel leguminibus: sollicitudinem & afflictionem diuturnam inueniet, copix frumenti & leguminum respondentem. Non perit tamen. Nauis enim salutem denotat.

Si quis visus sibi fuerit ædificare nauẽ mercatoriã, arcanæ rei causa quosdam homines conuocabit. Atque hoc ipsum quoque visum nõ nisi maximis offertur.

Quòd si nauim hanc ad animi sui libitum perfecisse visus sibi fuerit, etiam ipse desiderium suum in omnibus rebus explebit.

Si quid deerat: & ipse negotia sua tardiùs expediet, pro ipsius operis modo.

Si

Si visus sibi fuerit in terra sicca velis explicatis nauigare, sollicitudinem lōgam in exigui momēti expeditione quadam inueniet, & extrema ipsius ad interitum tendunt.

CLXXX. DE NAVIBVS, EX PERSARUM & Aegyptiorum rationibus.

SI quis visus sibi fuerit naui flumen aut mare transiecisse, naus hæc corpus ipsius significat, & securitas ab hostibus portenditur.

Quòd si naus periclitata est, salutem ac valetudinem suam, ægritudine correptus, amittet.

Si directò transiecit, in professione quisq; sua successus habebit prosperos.

Si quis visus sibi fuerit naues mercatorias comparasse, seruorum domesticorum opera locuples & opulentus erit.

Ac si quidem videre visus fuerit naues periclitatas, periculum seruis eius imminet, atque ipse ad inopiam redigetur.

Si naues struere visus sibi fuerit, accessio diuitiarum pro ratione ac numero nauium, quas ædificaturum se sperat, portenditur.

DE

DE NAVIBVS REGIIS. CLXXXI.

NAVES regię bello destinatae, ad bellum interpretando referuntur.

Naui, in qua rex ipse sedet, ad Augustae personam refertur.

Si quis dromonem regium vel rimas egisse vel in periculo constitutum, videre visus fuerit: hoc ad interitum Augustae spectat.

Si rex videre visus fuerit dromonem suam aquam haurientem, aut alio modo quodam adfectum: in morbum Augustae incidet, prout ipsa naui adfecta fuerit.

Si dromo regius egisse rimas visus fuerit, ad ipsius usque regis sellam: Augusta morietur.

Si nouum dromonem struxisse visus sibi fuerit, pro modo tincturae illius, ac pulchritudinis, coniugem inueniet.

Si thronum in eodem illo nauigio constituisse, visus sibi fuerit: ex ea filium, haeredem regni, suscipiet.

Si videre visus fuerit thronum illum vel fractum, vel incensum, vel alio quodam modo corruptum: hoc ad interitum filij refertur. Si

Si videre visus fuerit, dromonem suū prorsus in mari defixum, in afflictionē & turpitudinem Augusta incidet, pro ratione temporis, quo defixa nauis hæsit, neque tamen interibit.

Si plures sibi dromones struxisse visus fuerit, peculiariter sibi concubinas adquiret, easq; multum euehet.

Similiter si quid accidisse naui suæ, videre visus fuerit: eius interpretatio ad Augustæ personam pertinebit.

Si videre visus fuerit classem suam instructam, quæ ad bellum sese mouerit, prosperamq; nauigationem nacta sit: omnia pro modo prosperitatis in nauigando, feliciter ei cedent. Sin autem, contrarium accidet.

Si videre visus fuerit nauium suarum vela tum sublimiora, tum maiora facta, quàm prius erant: pro eorum ratione ac modo, læticiam inueniet, & de hostibus victorijs potietur.

Si videre visus fuerit eas ignem emittentes, ad incendendum naues alias, vel terras: quantum sanè virium & efficacitatis ignis ipse habuit, tantundem victoriarum

riarum de hostibus reportabunt.

Si naues suas accensas videre visus fuerit, interitus eis imminet.

Si nouam classem multarum nauium condidisse visus sibi fuerit, pro earum numero validas aduersus hostes suos copias rursus coget.

Licet idem visum alicui, quicumque tandem is sit, oblatum fuerit: ad regem refertur.

DE PUTEIS, INDORVM,

Persarum, & Aegyptiorum explanationes.

CLXXX-

II.

SI quis aquam putealem haurire visus sibi fuerit, eamque limpida: si quidem ipsemet puteum illum fecit, aurum à puella virgine cōsequetur, quod aquæ copiam respondebit.

Si aquam turbidam haurit, ab ea vexabitur, & in morbum incidet.

Si visus sibi fuerit alijs ex aqua puteali potum præbere, quæ vel limpida, vel turbida fuerit: per eam virginem alios aut locupletabit, aut adfliget.

Si quis visus sibi fuerit aqueduct^o quosdam in ædes suas accepisse, atque alijs aquam

aquam inde impertiuiffe: præter expectationem ex hæreditate quadam dictæ scet, aliosq; vicissim collocupletabit.

Atq; hæc aqua fanè puteali præfertur, & ad eorum vitam spectat interpretatio, qui ædes illas inhabitant.

Si aquam eiusmodi videre visus fuerit exiccatam, hoc ad interitum pertinet.

CLXXX- III. DE A Q V A R V M S C A T V -
*rigine, Indorum, Persarum, Aegyptio-
 rum interpretationes.*

SI quis visus sibi fuerit ad aquæ scaturiginem delatus, inde bibisse: sollicitudinē & afflictionē inueniet, prout bibisse visus est, modo locus ignotus fuerit.

Si videre visus fuerit, quasi de pariete, vel alio loco, vel domo quadam, ultra naturæ modum aqua scaturierit: eius loci incolæ sollicitudinem & vexationem inuenient, pro modo scaturiginis. Plerunque nimirum hæc lamentationem & interitum portendunt.

Si collegisse copiam quandam illius aquæ visus sibi fuerit, calamitas pro aquæ collectæ modo diuturnior erit.

Si eam exaruisse, vel euanuisse, per quietem

quietem viderit: malum ipsum quoque cessabit.

DE CALIDIS AQVIS, INDO-
rum, Persarum, Aegyptiorumq;
rationes.

CLXXX-
IIII.

SI quis calidam bibisse visus sibi fuerit, indignationem alicuius, & afflictionem experietur: prout aqua feruere visa fuerit.

Quantum enim ea, quę frigida est, boni portendit: tantum aqua feruens aduersi denotat.

Similiter si quis aqua calida visus sibi fuerit ablui, ærumnam minorem experietur.

Si vinum calida mistum bibere visus sibi fuerit, à principe vexabitur.

Si visus sibi fuerit in calidis aquis obambulare: afflictionē in seruis habebit.

Si visus sibi fuerit os suum eluisse calida, familię suę causam dolorē experietur.

Si calida faciem lauit, indignatio populi portenditur, pro modo feruoris.

DE LAVACRO, EX PER-
sarum, Indorum, & Aegyptio-
rum sapientia.

CLXXXV.

BALINEVM per quietem visum, ad-
 afflictionis & doloris significationem
 habet.

Si quis in somnis visus sibi fuerit intras-
 se balineum, lauandi causa, idq; feruen-
 tissimum fuisse: pro modo feruoris, in
 afflictionem & ærumnam sibi peculia-
 rem incidet.

Si tantum exutus vestimentis, none-
 tiam ingressus balineum, visus sibi fue-
 rit: in afflictionem incidet, at illa dissi-
 pabitur.

Si balineum duntaxat ingredi visus si-
 bi fuerit, & perungi, & ablui: si diues est,
 in afflictione aurum suum amittet, pro
 modo amissorum pilorum.

Sin is, qui somnium habuit, affligitur,
 aut æger est, aut in vinculis detinetur: ab
 hisce malis liberabitur.

Sin ablui visus sibi fuerit aqua tepida,
 minorem & afflictionem, & sollicitudi-
 nem inueniet.

Si lauerit aqua non nimis frigida, vexa-
 tione liberabitur.

Sin valde frigida, interpretatio erit ea-
 dem, quæ de feruente.

DE AQUATIONE FACTA

*per vestes lineas, vel ea vasa, quibus
aqua contineri nequit.*

CLXXX-
VI.

SI quis visus sibi fuerit aquam tulisse lineo vestimento, vel alio vase, quo nequit aqua contineri: homini perfido committet aurum suum, aut in loco nō tuto abscondet.

Si per quietem videre visus fuerit, aquā in eis saluam sibi fuisse, conseruabit & aurum, sed magna cum trepidatione.

Si effluerit aqua, perdet aurum.

Si ab aqua eiusmodi ruptum videre visus fuerit: aurum eius, vbicunque locorum fuerit, manifestabitur.

Si vas ipsum defodisse visus sibi fuerit, vnā cum aqua: in exitium incidet, ac hominibus erit spectaculo.

DE AQUA POCVLO

hausta.

CLXXX-
VII.

POCVLVM ad personam mulieris refertur.

Si quis poculum vitreum, aqua plenu, sumpsisse visus sibi fuerit: vxorem accipiet, & liberos ex ea procreabit.

Nam quidquid vitreū est, ad mulieris personam spectat.

q 2 Si

Si poculum illud fractum videre visus fuerit, aqua nihilo minus salua: mulier morietur, & partus viuet.

Sin aqua effusa, vas saluum videre visus fuerit, morietur infans, salua muliere.

Si vitreo caucalio visus sibi fuerit aquam populo adfundere: beneficus erit, & mercedem atque famam inueniet, pro modo effusionis.

Si aquam fudisse visus sibi fuerit, & accepisse mercedem: nimirum mercedem suam iam habet, & infamia notabitur.

Si populo visus sibi fuerit aquam limpidam adfundere, de qua populus sitiens hauserit: si rex est, qui somnium habuit, homines vi coactos exhilarabit, ac proteret, populiq; princeps & iudex erit.

Si monacho tale visum oblatum fuerit: doctor erit, & pluribus salutis auctor.

Sin aqua turbida fuerit, hereses & opinioniones de Deo impias docendo seret.

CLXXX-
VIII.

DE AQUA IN DOMO

Sparsa, & tectorio ex Indorum sapientia.
Si quis aqua domum suam respersisse visus sibi fuerit, sollicitudinem & afflictio-

fictionem inueniet, pro humectationis modo.

Sin eam madefecisse visus sibi fuerit, pulueris sedandi caussa: calamitatem & ærumnam corrigere nonnihil videtur.

Si scopis domum suam sordidatã purgasse visus sibi fuerit, & sordes in locum quendam notum abiecisse: si vir amplissimus est, opes suas ornabit, & alibi reponet.

Si plebeius, ad afflictione grauatus, & sollicitudine: ab ijs malis liberabitur.

Similiter si quis visus sibi fuerit, araneas expurgasse de domo sua: suis à peccatis quisque repurgabitur.

Sin videre visus fuerit, araneas adhæsisse vestibis suis, aut faciei: pro modo telarum, ab araneis contextarum, afflictionem inueniet.

Si tectorio domum suam illinere visus sibi fuerit, si quidem tectorium album erat, & humidum: pro modo albedinis, & gaudium, & molestiam inueniet.

Sin nigrum, maximam tum afflictionem, tum sollicitudinem inueniet.

CLXXX-
IX.*Aegyptiorum disciplina.*

SI quis laterem paratum & siccum reperisse visus sibi fuerit, eumq; sustulisse: rationes & facultates sine labore suo congestas ab alijs inueniet, pro ratione lateris quem sustulit.

Si quis fecisse lateres visus sibi fuerit, si pauper est, cum labore ac molestia discescet: si locuples, diuitias suas stabiliet, ac in tuto reponet, cum labore tamen, pro ut humectatus fuerit.

Si domum opere latericio struere visus sibi fuerit, accessionem opum, gaudiumq; mundanum consequetur.

Si domum euersam videre visus fuerit, aduersam fortunã in opibus suis experietur, eaq; manifestabuntur.

DE HVMECTATIONE VE-

CXC. *stimentorum, ex Indorum, Persarum, &*

Aegyptiorum monumentis.

SI quis vestimẽta sua madefacta videre visus fuerit, afflictionem atque sollicitudinem inueniet, pro humectationis modo: & in ijs quidem personis, ad quas supra vestes singulas interpretãdo retuli-

retulimus. Quòd si etiam ad profectio-
nem aliquam sese parat, aut negotiorū
administrationem, impiedietur.

Si carnem suam pluuiā madefactam
videre visus fuerit, afflictionem vehe-
mentiore[m] & morbum inueniet.

Si calcei madefacti fuerint, afflictio-
nem & sollicitudinem inueniet seruorū
minoris momēti caussa, nō familiarium.

Si ad carbones humectas vestes sicca-
re visus sibi fuerit, ope principis labore
molestiaq; sua liberabitur, & res eius re-
ctè constituentur.

Si ad solem eas siccaste visus sibi fuerit,
in omnibus suis ærumnis vel subleuatio-
nem à rege impetrabit, vel regis familia-
ritatem.

Si pauperi per quietem hæc oblata
fuerint, is duntaxat exitus erit, vt regis,
aut magnatis alicuius gratiam conse-
quatur.

DE NIVE, GRANDINE, GE- CXCI.
*lu, ex Indorum, Persarum, & Aegy-
ptiorum rationibus.*

Nix, grando, gelu, ærumnas, sollici-
tudines, & tormenta portendunt.

Si quis locum aliquem, vel regionem niue tectam ex aliqua parte videre visus fuerit, vbi cæteroqui more vsitato non ningeat: fertilitatem incolæ loci experientur.

Si ipsum in populum nix ea decidit, ingens hostium multitudo, pro amplitudine loci, homines illos torquet.

Si vsitatum istic erat, vt ningeret: casus & durior, & grauior erit.

Similiter si quis hoc hyberno tempore fieri somniauerit, calamitas leuior erit.

Si in æstate, grauior & acrior.

Si quis videre visus fuerit grandinem alicubi delapsam, hostilem impressionem subitam expectet.

Si videre visus fuerit grandinem, quæ frumenti hordeiq; culmos læserit: in eo bellicæ cædes euenient.

Si arborum folia læsa fuerint, hostis bellum ibidem molietur, nec quidquã efficiet.

Si grandinem citò liquatam videre visus fuerit, citò miserijs illis homines liberabuntur.

Sin ea durabilis fuerit, pari modo & ærumna durabit.

Sigrando nemini nocuit, à rege missi milites ibidem in fossato degent, nec iniuriæ quidquam hominibus inferent.

Glacies, significationē afflictionis vehementioris habet.

Si quis videre visus fuerit, aquas in loco quodam glacie cōgelatas: hoc ipsum ad incolarum afflictionem, & mœsticiam, & ploratum, & sterilitatem, prout ex gelu alferint, interpretando referat.

Quòd si hæc oblata fuerint ei tempore hyberno, calamitas leuior erit: sin æstate, acrior atque grauior.

Si quis in medio domus suæ glaciem videre videatur, pro eius modo vexationem, & ploratum inueniet, & opes suas amitter.

Glaciei malum quibusuis personis cōpetit.

DE STILLICIDIO TEGULARUM absque pluuia, ex Persarum disciplina.

CXCII.

SI quis videre visus fuerit, aquam de tegulis domus absq; pluuia decidentem:

rem: si quidem ex gelu est, ex ærumna liberationem portendi statuatur, pro modo ipsius fluxionis.

Sin sponte sua defluerit, à rege vel domino loci nuntio quodam homines exitiali terrebuntur.

Sin ex aëre moderatè fluxerit, & lim-pida fuerit: incolæ loci illius à Deo læticiam, misericordiam, fertilitatem impetrabunt.

Sin vltra quã opus esset, ac minimè limpida: p̄ aquæ ipsius copia & impuritate, supplicijs à rege vel principe adficietur.

Si quis videre visus fuerit locū, in quo pluerit cinere, vel humo, vel alia quadã specie, absque pluuia: boni quid incolæ loci à rege consequentur, pro ratione & qualitate speciei, qua pluit.

Si quis videre visus fuerit locum sole splendente madefactum, absque nubibus: cuicumque tandem visum hoc oblatum fuerit, ad personam regis interpretatio pertinet. Rex enim à Deo consequetur auxilium, & victorias aduersus hostes: atque incolæ lætabuntur. Sæpè nimirum cælesti rore terra perfunditur & ir-

& irrigatur, sicut & à nubibus.

INTERROGATIO DE

somnio quodam.

CXCIII.

QVVM Amamus, secundus ille Protosymbuli dux bellicus, Sereimum accessisset, eum in hunc modum confu-
luit. In somnis videre visus sum, de om-
nibus totius vrbs tegulis absque pluvia
destillasse turbidam aquam, eamq; ab v-
niuersis exceptam fuisse: me duntaxat,
& meis hominibus exceptis. Respondit
Sereimus, multos perduelles & prædo-
nes aduersus Protosymbulum se com-
moturos: sed ipsum nihil ibi moliturum.
Post dies decem Protosymbuli cædes,
& direptio facultatum ipsius accidit: A-
mamo nullam cum eis habente societa-
tem, sicuti Sereimus futurum prædixerat.

DE PISTRINO, ET CONFE-

ctione farinae, ex Indorum monumentis.

CXCIIII.

SI quis visus sibi fuerit habere pistrinum,
quod moleret: ex opere suo prosperi-
tatem cum vita beata consequetur, pro
modo crassitudinis & pulchritudinis ip-
sorum lapidum molarium, & capacita-
ris loci, quo loco pistrinum stabat.

Simi-

Similiter si quis visus sibi fuerit in alieno seruire pistrino, à pistrini domino cõmoda viuendi ratione beabitur, modo tamen illum adnoscat. sin autem, vitam quidem commodam & beatam præter expectationem inueniet, sed priori nequaquam parem.

Si videre visus fuerit pistrini lapidem duas in partes fractum, ad mortem hoc illius, qui pistrini dominus est, referat.

Si videre visus fuerit adtenuatum, ac frustis quibusdam deminutum: hoc ipsum, pro visi ratione, referat ad victus hominis illius deminutionem.

Si videre visus fuerit, vi cuiusdam ablatum sibi pistrinum: in paupertate vitam finiet.

CXCV. EX PERSARVM ET ÆGYPTIORUM disciplina quiddam huic simile.

Si quis visus sibi fuerit habere pistrinũ, in quo asinus robustus moleret: hoc ad hominis fortunam refertur, qui quidem & prosperitatem, & commodam viuendi rationem inueniet, pro ipsius asini crassitia.

Sin mulus, victum difficulter inueniet.

Est

Est enim difficilis & peruersa muli natura.

Si quis videre visus fuerit, quasi bos obediens in pistrino suo moleret: is in dignitate sua quendam hominem sibi subiciet, cuius opera victum inueniet. quamquam ita plerunque res comparata sit, vt hoc quoque visum alicui nequeat offerri, præterquam viro amplissimo, vel qui maior aliquando futurus sit.

Si opera cameli, vel equi, molere visus sibi fuerit: victus sui causa cum bellicosis hominibus pugnabit, & vincet, prout istæc animalia visa fuerint tractabilia.

Si visus sibi fuerit, aquatica mola structa, farinam confecisse: virum quendam maximum sibi subiciet, pro modo fluminis, & per eum ditescet.

Si rex imperasse visus sibi fuerit, vt molæ struerentur in fluminibus: viros maximums, pro modo fluminū, in bellum mittet: ac si quidem ipsæ molæ fuerint in opere suo conficiundo efficaces, feliciter illi rem gerent, & ex alieno solo lucra secum auferent: sin autem, diuersus euentus erit.

Si

Si rex videre visus fuerit euerfas à flu-
uijs molas suas, insidiatores ac perduel-
les quosdam in ipso facto depræhendet,
pro ratione magnitudinis ipsorum flu-
minum.

In homine quouis vniuersè mola siue
pistrinum ad victum, agriculturam, &
opes refertur: quæque vel bona in his,
vel mala per quietem offeruntur, ad vi-
tam pertinent.

CXCVI. DE VINO, ET POTV-
lentis, ex Indorum rationibus.

SI quis merum bibisse visus sibi fuerit,
aut aqua dilutum vinum: pro hausti
modo, & aurum, & potestatem inueniet.

Si bibendo temulentus factus fuit, au-
ro per iniuriam potietur, amplissimaque
dignitate, pro modo ebrietatis.

Sin absque vino visus sibi fuerit in-
briatus, hoc ipsum de potestate quidem
accipitur, sed quæ vana tandem erit.

Si rex visus sibi fuerit esse temulentus,
potestate præditos in ordinem ditio-
nemque rediget, maximaque læticia po-
tietur, propter vinum.

Si visus sibi fuerit bibere vinum de sa-
charo,

charo, quod ^a *zulapen* vocant: si quidem ^{a Vulgò, L. u-}
 inebriatus fuerit, opes ac potestatem cū ^{lapium.}
 labore molestiaq; inueniet, ppter ignē:
 si non fuerit inebriatus, de opibus som-
 nium duntaxat interpretetur.

Si quis visus sibi fuerit bibere vinum
 ex viuis passis, & inebriatus fuisse: diui-
 tias formidolosas, ac potestatem à mu-
 liere consequetur.

Vinum limpidum interpretati sunt ha-
 rum rerum periti de auri comparatione
 laboris experte, ac ardua.

Potus illi, qui facticij sunt, propterea si-
 gnificationem laboris habent, ac mole-
 stia, potestatisq; crimine carentis, quòd
 igne coquantur.

Si quis visus sibi fuerit cum aliquo rixa
 ri, propter vini potum in poculo: si nouit
 hominem, auri causa tam litem, quàm
 lucrum inueniet is, qui vicerit. si non no-
 uit, auri causa cum hoste dimicabit.

Si visus sibi fuerit pugnare poculi vitrei
 causa, propter mulierem cum eo con-
 tendet.

Si vinum mistum biberit, casum in opi-
 bus suis aduersum experietur, pro mo-
 do feruoris.

Si

Si quispiã notus ei miscuisse vinũ hoc visus fuerit, per illum ipsum vexabitur.

Si ignotus, per inimicum affligetur.

Si quis in torculari calcare visus sibi fuerit, ac vinum conficere: magno cuidam principi seruiet, & administrationes insignes eius fidei committentur.

Si quis videre visus fuerit amnem vini fluentis, (nequit autem hoc in alium cadere, quã regem ipsum, vel magnatẽ) si flumen ditionis ipsius est, potentiam maiorem adquiret, & bellum aduersus hostes geret, ac à nemine omnium subigetur.

Si alienæ ditionis flumen erat, ad eius dominum interpretatio spectat.

Si quis visus sibi fuerit accessisse propius ad huiusmodi fluuium, vel ex eo quid hausisse potestã ei parem, quod sumpsit, à domino fluminis accipiet.

Si quis visus sibi fuerit valde sitire, in fide sua proficiet, & prosperitatẽ in mundo consequetur, ipsi siti respondentem.

Similiter si visus sibi fuerit edere, quẽ esuriret, ac satiari: diuitias & finem laboris inueniet, pro modo saturitatis.

Si mustum in vase portasse visus sibi fuerit, opes absque potestate consequetur. Nam nemo fit temulentus ex vino recenti.

Si mustum bibisse visus sibi fuerit, opes à muliere iucundas accipiet.

Si vinum è vase domi suæ videre visus fuerit effusum: & ærumnas, & lites, & indignationem, & detrimentum in domo sua reperiet.

Si visus sibi fuerit collegisse vinum effusum, turbidum, ipsisq; cum sordibus: diuturna ipsius erit afflictio, pro mora collectionis.

Similiter si aquam domi suæ videre visus fuerit effusam, afflictionem absque indignatione reperiet, aquæ effusæ respondentem.

EX PERSARVM ET ÆGYPTIORUM monumentis interpretationes consimiles.

CXCVII.

QUÆCUNQUE bibunt homines, & quæ ventrem ipsorum ingrediuntur, interpretationem lucri habent: & quæcunque tendunt ad temulentiam, potestatem denotant.

r Si

Si quis visus sibi fuerit bibere, nec inebriari: potestatem suam deprimet, & occultabit.

Si visus sibi fuerit inebriatus, euehetur à principe, pro modo ebrietatis.

DE A Q V I S, Æ G Y -
ptiorum rationes.

CXCVIII.

SI quis aquã Nili bibisse visus sibi fuerit, eaq; pota inebriatus: ab homine potente lucrum inueniet, sine potestate tamen: pro modo illius, quod hausit.

Si cum sacharo aquã Nili bibisse visus fuerit, prosperitatem & voluptatem per indicatam personam consequetur.

Si visus sibi fuerit ex aqua Nili vinum facticiam confecisse, quod biberet: pro ratione adparatus ipsarum specierũ, à magnatibus læticia beabitur, impetrante hæc ipsius hominis ingenio & industria.

Si de aqua Nili, suas in ædes mediocrẽ copiam deriuasse, visus sibi fuerit: respondentes aquæ deriuatæ diuitias, ab amplissimo quodam viro, vel ipso rege, consequetur: nec ipse tantum, sed etiam tota hominis familia.

Si visus sibi fuerit cum fascino Cleopatræ

træ vinum bibere, diuitias & potestatem inueniet cum vxore, prout ipsa vasa pulchra fuerint.

Si dū biberet, visus sibi fuerit adfectus aliquo malo, ventrisq; profluuiū sequutum fuisse: inutiliter opes suas amittet.

Si visus sibi fuerit à vino læsus, intumuisse: diuitias tumori respōdētes, acquiret.

Si vinum facticium visus sibi fuerit parare, quo ad potum vteretur: verbis mendacibus principem circumueniet, vt ab eo felicitatem aliquam impetret.

Quod si de hoc vino biberit, non sine labore rem conficiet: sin autem, diuersus euentus erit.

Si sitiens visus sibi fuerit ab alio potum poscere, quem & impetrauerit: eius ope paupertatem suam cum opulentia commutabit, si quidem id, quod bibit, calidi nihil habuit.

Si admistum aliquid calidi fuit, excusationes contrarias ab illo accipiet.

Si quis ex vase visus sibi fuerit aquam bibere, sumptam de manibus hominis mortui, sibi noti: quicumque tandem is fuerit, citò morietur.

Similiter si visus sibi fuerit bibere sumptam de manibus ipsius siceram, cum aceto: morbo extinguetur.

Si quis vinum acerbum bibere visus sibi fuerit, hoc nec ad opes, nec ad potestatem refertur: sed ad quandam acerbitatem, & afflictionem, acrimoniae vini respondentem.

Si potum facticium bibere, visus sibi fuerit: acerbitatem, potus ipsius insuauitati respondentem, inueniet.

Si vinum de pomis confectum bibere visus sibi fuerit: vanam potestiam praeseferet, nullo cum fructu suo.

DE PALMIS, ET

CXCIX.

earum fructibus.

PALMÆ, arbores, ad feminas generosas, & regij sanguinis, interpretando referuntur.

Si quis visus sibi fuerit per quietem palmam ingressus, ibidem fructus palmarum decerpisse, qui maturi fuerint: auro & opes ex nobilibus feminis consequetur, pro modo fructuum, quos decerpit.

Sin fructus ipse acerbus erat: qui somnium

nium habuit, magno quidem nisu beneficentiam earundem fæminarum impetrare conabitur, sed adfligetur, & pro modo fructus, quem sumpsit, cruciabitur: propter ipsius fructus acerbitatem.

Si visus sibi fuerit, sumpsisse quid è theca sationis palmarum: si rex est, aut magnatum aliquis, ex nobili fæmina sobolem suscipiet: sin plebeius, à filio fæminæ nobilis & amplissimæ gaudio beabitur, pro sati rami modo.

Si abstulisse folia visus sibi fuerit, per easdem fæminas amplissimam potestatem consequetur, idq; propter acumen ipsorum foliorum: sed exiguis tamen, modicisq; cum opibus.

Si de palmæ stipite corticem lanatum sumpsisse visus sibi fuerit: à fæmina diuitias ex parte, leuisque momenti, consequetur.

Si visus sibi fuerit aliquid de palma, quæ exaruerit, fractum abstulisse: pro eius modo, quod abstulit, ex hæreditate mulieris alienæ diuitias inueniet.

DE ARBORIBVS, EX IN-
dorum, Persarum, Aegyptiorumq; disciplina. cc.

NVX, arbor, tam Indica, quàm vulgaris, ad personam hominis amplissimi, senis, parci, refertur: propterea, quòd ipse fructus & durus, & lapideus sit.

Cupressus autem, ad ipsius regis personam, aut nobilis & formosæ fæminæ.

Punica, ad virum nobilem, durum, auro abundantem: hoc quidem, propter fructum: durities verò, & morositas, propter arboris spinositatem.

Vitis, ad mulierem. (diuitem.

Olea, ad hominem hilarem, mansuetum,

Pomus, ad personam mulieris, pro ratione nobilitatis & suauitatis fructus eius.

Arbor, in qua bambax siue gossipium nascitur, ad hominem condicionis humilis, & modicarum opum, refertur.

Arbor mali citrei, ad hominem nobilem & opulentum, propter fragrantiam.

Pirus, ad hominem durum, & exiguas opes possidentem.

Quidquid alicui harum arborum accidere visum per quietem fuerit, tam prosperum, quàm aduersum, ad indicatas personas refertur.

Si quis visus sibi fuerit, arbore nuce quassa-

quassata, fructum eius abstulisse: diuitias cum labore ab homine parco consequetur, quas alter ille recens adquisiuit.

Si nuces in quodam loco visus sibi fuerit inuenisse, si quantum inuenerit, ignorat: aurum thesauri veteris, pro modo somnij, reperiet.

Si in modum cognitum habet, aurum pro portione cōsequetur, cum tumultu.

Si nucis lignum inuenisse ac sustulisse visus sibi fuerit, rem vtilem inueniet ex hæreditate senis.

Si de punica malum abstulisse visus sibi fuerit, modò dulce sit, opes ab homine diuite impetrabit: sin acidū, pro acerbatis modo afflictionem atque morbum ab infelici quodam consequetur.

Si vestis eius punicæ spinis implicata fuerit, & rupta: cum opulento quodam rixabitur, ac si quidem post implicationem factam, ramū fregisse visus sibi fuerit, ad victoriam ipsius hoc spectat.

Si sublatu in oleã, visus sibi fuerit eius fructū decerpere: propter fructus ipsius acerbitem, ab homine ceteroquin hilari & mansueto acerbè vexabitur.

Quòd si etiam de oliuis edit, pro modo manducationis earum dies erummosos & tristes exiget.

Si abstulisse visus sibi fuerit oleæ folia, ditabitur a felici & laudato viro, per vestes.

Si gossipium collegisse visus sibi fuerit, opes modicas ab homine nõ admodum potente consequetur, pro lanæ collectæ modo.

Si fructum vnà cum frutice sustulisse visus sibi fuerit, ac in locum alium transplantasse: seruum obsequiosum & obedientem inueniet, siquidem ipsum fruticem retinuit.

Si punicam inuenisse visus sibi fuerit, in hominem nobilem, existimationis honestæ, diuitem incidet: propter fragrantiam, & fertilitatem eius arboris.

Si de folijs sumpsisse visus sibi fuerit, ab eiusmodi viro cum honesta fama mediocres opes impetrabit.

Si de fructibus eius sumpsisse visus sibi fuerit, filium consequetur, ad nobilitationem opum atque generis sui.

Si videre visus fuerit fructum arboris
huius

huius putridum factum, filio calamitas portenditur.

Si visus sibi fuerit arborem conscendisse: ab amplissimo viro quodam euehetur, cuius præclara fama est.

Si de arbore eadem decidisse visus sibi fuerit, aut ab eius aliqua spina vulneratus: excidet hominis eiusmodi gratia, & affligetur.

INTERROGATIO DE CCI.

arbore^a bericocia.

QUIDAM conuento Sereimo, pluribus præsentibus, eum verbis hisce consuluit. Visus sum in somnis arbore conscensa, quam bericociam vocant, de fructu illius comedisse. Respondit Sereimus, inuenturum à quodam prosperitatem, ac beneficentiam viri boni & opulenti experturum. Pluribus diebus interiectis accessit alius quidam, & iisdem præsentibus Sereimum de eadem re consuluit: quum diceret, se per quietem arbore conscensa, quæ bericocia vocetur, visum fructu illius vesci. Ad illa Sereimus: Ad afflictionem, ait, & tormenta inuenies. Qui adsidebant, ancipites

a Arbitror
illam intelli-
gi, quæ Arme-
niacæ poma
fert, de quib.
Dioscorides:
ἀρμενιακά
μήλα καλὴ-
μένα, ῥο-
μαῖοι παρει-
κόκια κα-
λοῦσι. Νο-
τα vox hodie
quoque Ita-
lis, bricochi.

hære, cur eiusdem visi diuersam interpretationem protulisset. Itaque Sereimus: Consuluit me prior, inquit, eo tempore, quo fructus ille maturus in arboribus erat: hic autem, autumnî tempore, quam ob causam interpretatio quoque diuersa facta est. Quum rem in utroque diligenter explorassent, id accidere deprehenderunt, quod futurum somniator prædixerat.

DE OMNIGENIS FRUCTI-

CCII.

*bus siue pomis, Persarum duntaxat
interpretationes.*

QVÆVIS poma, siue fructus arborum, coloris citrei: pro modo coloris imbecillitatem portendunt, excepta citrei mali arbore. Nam illa subolis procreationem & partum, gaudiumque denotat. Eadem arbor ex colore nihil habet vitij.

Quæcunque arborum poma siue fructus acidi sunt, afflictionem & sollicitudinem significant.

Si quis visus sibi fuerit sustulisse poma citrei coloris, in morbum leuem incidet.

Si ea visus sibi fuerit comedisse, morbus acer & grauis significatur, pro modo coloris.

Si

Si alteri dedisse visus sibi fuerit: tum is, qui accepit, ab eo, qui dedit, vexabitur: inq; morbum incidet.

Generaliter in omnibus arboribus, boni prosperitatisq; significationem habet, fructus earum decerpere: duntaxat exceptis citrei coloris fructibus, & acidis.

Si quis visus sibi fuerit in autumno fructus arborum decerpere, hoc ipsum ad arumnam & sollicitudinem referat.

Ex ijs arborum fructibus, qui diuitias portendunt, si qui diu conseruantur, & cæteris durabiliore atque pulchriores sunt: opes quoque potiores denotant.

E diuerso, vna nigra, tempore vindemiæ: vexationes atque torturas, à magistratu profectas, significat: quum alba leuius quiddam portendat.

Si quis has extra vindemiæ tempus videre per quietem visus fuerit, opes & lucra denotantur.

Si quis & albas, & nigras vuas, pariter decerpisse visus sibi fuerit: hoc ipsum ad opes interpretando relatum est.

Si duntaxat albas, melius quiddam portenditur.

Si

Si quis de vite botros sumpsisse visus sibi fuerit, à muliere diuitias cōsequetur.

Sin eos decerpisse visus sibi fuerit, ad vini confectionem: ad aliquam peruenire potestatem conabitur, nec voti compos erit.

Si videre visus fuerit vitem propriam infrugiferam, vxorē sterilem inueniet.

Sin vitem radicitus euellisse visus sibi fuerit, siquidem propriam, in ærumnam maximam incidet, & ab vxore mortis interuentu separabitur. Sin alienam, in scortatione cum aliena vxore deprehendetur, & adfligetur.

Arbores, quæcunque non magnos stipites habent, ad vilis conditionis homines referuntur: prout ipsi stipites fuerint, & fructus.

DE CUCURBITA, PEPONE,
ac similibus, eorundem rationes.

CCIII.

SI quis cucurbitæ fruticem inuenisse visus sibi fuerit, hominem breui tempore rerum potentem inueniet.

Quòd si sub eius vmbra, visus sibi fuerit vmbra captare: sub homine, de quo dictum, quietem inueniet.

Si

Si fructum cucurbitæ visus sibi fuerit inuenisse: diuitias vanas, cum ostentatione speciosa, & fama, reperiet.

Si eo vesci visus sibi fuerit, si morbo laborat, conualefcet: sin autem, valetudine bona frui perget.

Si crudis vesci cucurbitarum fructibus visus sibi fuerit, mentiendo de suis opibus homines fallet: quippe cucurbita magnam ad fertilitatem non auget.

Si videre visus fuerit factos aridos, mendacia cum veritate commutabit.

DE ROSA ET OCIMO, PER-CCIIII.

farum, & Aegyptiorum interpretationes.

Si quis visus sibi fuerit, ab alio accepisse ocimum, siue basilicum: sollicitudinem & ærumnam inueniet, pro accepti ocimi copia.

Quòd si notus est is, qui dedit: per ipsummet, aut alium ei similem, affligetur: sin autem, per inimicum.

Si ocimum seuisse visus sibi fuerit, idque succreuisse: sollicitudinem inueniet, ac torturam, cum miseria.

Si videre visus fuerit, in loco prædioue suo magnam ocimi copiam succreuisse:

uisse: hoc ad domesticorum ipsius ploratum & afflictionem referatur.

Quòd si & ipse sumpsit ab eis ocimum, particeps doloris erit: sin autem, dolor ad ipsos duntaxat pertinebit. (spectat.

Rosæ interpretatio ad opes & læticiam. Si rosas decerpisse visus sibi quispiam fuerit, ab homine quodã improbo gaudium cõsequetur, propter rosarũ spinas.

Si videre visus fuerit, domum suã rosis conspersam: si rex est, qui somnium habuit, lætum nuntium accipiet, propter fragrantiam & rubedinem.

Si plebeius, gaudium & opes inueniet.

Si fasciculum rosarũ vnum accepisse, vel habuisse, visus sibi fuerit, olfaciendi causa: subolem optatam inueniet, pro modo perceptæ delectationis.

Si duos, aut tres: totidem liberos procreabit. atque hoc ipsum in viri persona solet euenire.

Si quis domum suam præter morem myrti folijs, & thuris arboris, & lauri, cõspersisse visus tibi fuerit: si pauper est, à sanctis hominibus opes adsequetur.

Si vir amplissimus huiusmodi somniũ habue-

habuerit, quasi de re solita: statuatur aliquã sibi calamitatem portendi.

Si quis ramũ habere myrti visus sibi fuerit, si rex est, cũ indigna muliere rē habebit: sin autem, liberos nullos procreabit.

Si plebeius est, consimilem res euentum in ipsius vxore ac liberis habebit.

DE TVBERIBVS, EX PER-
sarum, & Aegyptiorum monumentis. CCV.

TUBERA ad ignobilis faminę personam referuntur, idq; propterea, quòd neque folia superiùs habeant, neque radices inferiùs agant.

Si quis tuber vnum inuenisse visus sibi fuerit, vel duo, vel tria: ignobiles faminas inueniet.

Si ad decem vsque tubera reperisse visus sibi fuerit, etiam horum interpretatio refertur ad mulieres ignobiles.

Si plura, vel nullo definita numero, videre visus fuerit: pro eorũ numero, malis à mulieribus aurum consequetur.

Si quis visus sibi fuerit, accepisse tuber vnum, cum alio tubere paruo: feminam cum filia simili accipiet.

Si affata tubera comedere visus sibi fuerit

fuerit, afflictionem cum diuitijs à muliere habebit: & quidem afflictionem, propter vim ab igne profectam.

Si cocta comederit, similiter opes nanciscetur, sed minores: propter ipsius coctionis aquositate.

Si tubera quodã in loco visus sibi fuerit abdere, si numerum nouit, turpes feminas abscondet: si autem, malis à mulieribus auri thesauros accipiet.

DE OLERIBVS ET LEGV-
minibus, ex Indorum, Persarum, & Aegy-
ptiorum monumentis.

CCVI.

SI quis olera & lactucas edere visus sibi fuerit, cum aceto: pro modo manducationis, & acedinis aceti, miseriam inueniet.

Si hortum eis confitum habere visus sibi fuerit, sollicitudinem eorum copiaz respondentem inueniet.

Si hortum ab eis, radicitus euullis, visus sibi fuerit expurgasse: cum difficultate quadam ab ærumna sua liberabitur.

Si visus sibi fuerit allium, vel cepas, vel porrum comedisse: pro modo manducationis afflictionem cum ploratu, malamq;

lamq; famam inueniet: propter horum
fætorem.

Si non comedisse, sed gestasse visus si-
bi fuerit: miseria minor erit.

Si ea visus sibi fuerit, alij noto dedisse:
pro modo datorũ, ab eo, qui dedit, dies
ærumnosos is habebit, qui acceperit.

Si cocta quis edere visus sibi fuerit, à
magistratu vexationem experietur, pro-
pter ignem illum lenem.

Si visus sibi fuerit apio vesci, aut
siquidem æger est, conualecet: sin autẽ,
mediocrem prosperitatem inueniet.

Si quis fabas, aut lentem, aut cicer, aut
lupinũ inuenisse visus sibi fuerit, aliud-
vetale quidpiam: pro inuentorum mo-
do & mensura, in vexationem & sollici-
tudinẽ incidet.

Lupinum solum, acerbiolem habet in-
terpretationem cæteris omnibus, pro-
pter amarorem.

Si quis hæc in domo sua videre visus
fuerit effusa, pro modo illorum rixam
& acerbicatem domi suæ reperiet.

Si coctis vesci visus sibi fuerit, p modo
mãdicationis in afflictionẽ & morbum
incidet.

Pisum & sesamum, ad opes & aurum interpretando referimus. Sesamum tamen nobilius est, propter oleositatē suā.

Si quis hæc visus sibi fuerit accepisse, vel habuisse copiam horum aliquam, vel in domo sua condidisse, vel edisse: per monetariam auro potietur, & opibus, & gloria, pro copiæ modo: & incrementum ei portendent.

CCVII.

DE PIPERE AC

sinapi.

GENERALITER in quavis persona piper ad rixas, & lites, & gladios, & afflictiones refertur. Sinapi verò, ad morbum, & ærumnam, & ploratum, sicut & cepæ.

Si quis piper inuenisse visus sibi fuerit, vel eius aliquam habere copiam: lites & afflictiones tam domi suæ, quàm foris inueniet.

Si piper edisse visus sibi fuerit, à magistratu supplicio multabitur, pro manducati piperis modo, & eiusdem acredine.

Si ad libram piper mercari visus sibi fuerit, pro mensura piperis homines ad rixas incitabit.

Si

Si grana sinapi reperisse, vel sustulisse, visus sibi fuerit: pro eorum copia, morbum & afflictionem inueniet.

Si cum cibis ea visus sibi fuerit edisse, morbum & ploratum inueniet, acrimoniæ illorum respondentem.

Si parasse sinapi visus sibi fuerit, ad vesendum: multos accusabit, & detrimento adficiet. ac si quidem & ipse comederit, afflictionis particeps erit.

DE ^a MEDICARIO, EX PERSARUM disciplina.

CCVIII.

a Puto intelligi herbari Medicam à veteribus dictam.

MEDICARIUM ad opes & incrementum personæ refertur. Nam ubi semel satum fuerit, ad annos ea cultura septem sufficit.

Si quis medicario visus sibi fuerit agrum suum conseruisse, de suis laboribus commodam beatamq; vitam inueniet.

Si videre visus fuerit, in eodem agro medicarium feliciter prouenisse: diuitias ingentes, & fidem bonam inueniet.

Si visus sibi fuerit in thesauris semen eius occlusisse, minore cum labore nobiliores opes consequetur.

Si triturare medicarium visus sibi fuerit, vt semen eius accipiat: per monetariam & aurum, & opes insignes consequetur, pro seminis collecti copia.

Si satum parum feliciter prouenisse, visum ei per quietem fuerit: spes eum sua frustrabitur, & in paupertate vexabitur.

Si visus sibi fuerit ipsemet vesci medicario, pro modo manducationis ei calamitas hoc viso portenditur.

CCIX. DE RAPHANIS ET DAV-
cis, ex Indorum rationibus.

SI quis visus sibi fuerit vesci raphanis, opes minimas & inutiles adipiscetur, & ad populum mendax & infamis erit, odiumq; promerebitur, propter factorem ructus.

Si quis adlatos sibi raphanos, videre visus fuerit: si rex est, infaustum breui nuntium accipiet, pro manducati raphani copia.

Si plebeius, rixam & pugnam inueniet. Si quis aliquos in mensa videre visus fuerit adposuisse raphanos: si rex est, rixam inueniet, ideoq; consiliarios suos conuocabit.

Si

Si plebeius, rixam domi suæ reperiet.

Si raphanos ferere, vel transplantare visus sibi fuerit: malas res molietur, & calumniator atque maledicus erit.

Si daucum edere visus sibi fuerit, opes exiguas cum ægritudine reperiet: illas quidem, propter dulcedinem: hanc verò, ratione coloris citrei.

Si coctum edere visus sibi fuerit, in morbum minimè diuturnum incidet, propter celeritatem coctionis.

Si vinum è daucis bibere visus sibi fuerit, ita quidem, ut inebriaretur: respondentem ebrietati potentiam cum laboribus & morbis inueniet.

Si minimè visus sibi fuerit ebrius factus, in ad afflictionem & ægritudinem potui respondentem incidet.

DE AGRIS, QUI SERVNTUR, & sationibus, eorundem rationes. CCX.

AGRI consiti ad actiones hominum referuntur.

Si quis ergo per quietem visus sibi fuerit notum quoddam prædium frumento conseruisse, quod germinauerit, & bellè quidem, idque tempore germinationi

tioni cōueniente: siquidem is, cui visum hoc oblatum fuit, è numero fideiū est, ac religiosorum, aut etiam solitudinariis: ad actiones eius in cultu numinis diuini somnium refertur.

Si agricultor ille plebeius est, in professione negotioq; suo quisq; mutationem experietur.

Si quis videre visus fuerit in loco & regione quadam incognita, maturos ad messem agros: si princeps est, aut rex, euentus somnij spectabit ad collectionem & adparatum populi, belligerendi causa: proq; maturitate messis, mature cædentur. Sin aliqua tarditas interuenit, pro eius ratione cædes quoque tardiùs eueniet.

Si quis plebeius hoc videre visus sibi fuerit, opes quisque cum labore consequetur.

Si rex in eodem agro vel messe fieri, vel iam factam videre visus fuerit: atq; secum ipsemet cogitauerit, agrum illū suum esse: breui de clade populi sui cognoscer. Sin alienum, de cædibus extraneorum nuntium accipiet.

Quòd

Quòd si per quietem oblatum regi visum fuerit, quasi de culmis resectis ei manipulos quidam adtulerint: si quidem ipsius erant, populus eius iugulabitur, & pro manipulorum multitudine vincti peregrè abducentur: sin alieni, captiuos ipse accipiet, pro modo multitudinis manipulorum.

Si quis visus sibi fuerit solum habere tenue, cuius nulli prouentus fuerint: si de numero fidelium est, ac religiosorū, sterilitatem bonarum actionum in seipso denotari sciat.

Si plebeius est, breui spem opum, quā fouebat, perdet.

Si quis visus sibi fuerit agrum hordeo confutum habere, quod triturauerit: & opes, & corporis robur adquiret.

Si frumenti messem fecisse copiosam visus sibi fuerit, opes diuturno labore consequetur, propterea quod laboriosè panis conficiatur.

Si quis habere farinam visus sibi fuerit, diuitias nobiliores & laudabiliores nanciscetur, quam quæ per frumentum, & hordeum, & bolum portenduntur.

Nam bolo debilior inest interpretatio, propter ignem.

Si quis habere visus sibi fuerit agrum sesamo confutum, vel aream sesamo plenam: maiora sibi diuitiarum incrementa portendi sciat, quam per ea, quæ recensuimus.

Si agrum milio confutum videre visus fuerit, diuitias milij copiam respõdentes, & læticiam inueniet: sed imparem significationi sesami.

Si visus sibi fuerit oryzam habere, diuitias magna cū rixa, litigatione, tortura consequetur: propter molestiam, quæ in excorticatione oryzæ deuoranda est.

Si oryzam edere visus sibi fuerit, opes eius de maioribus etiã malis proueniẽt.

Si quis visus sibi fuerit aliam leguminis speciem seuisse, atque alterius deinde speciei messem fecisse: si quidem hæc fuerit deterior, & qui somnium habuit, è numero fidelium est: in fide sua quiddam aduersi experietur. sin plebeius est, spes eius, quam in professione quisque sua fouet, voto non satisfaciet. sin demessa species altera melior fuerit, euentum

tum res ea prosperum fortietur.

DE AGRO, ET SATIONE,

ex Persarum & Aegyptiorum disciplina. CCXI.

OMNIS satio multipliciter ad expectationem opum refertur.

Si quis igitur aliquid seuisse visus sibi fuerit, atque hoc enatum fuisse felicitet: opes & spes ipsius eum minimè fallent. sin autem, diuersum accidet.

Si de area nihil collegisse, præter paleas, visus sibi fuerit: opes absque labore inueniet. sin plus frumenti, quàm palearum, collegit: splendidiore quidem diuitias acquireret, sed maiore cum labore.

Æ G Y P T I O R V M R A-

tiones consimiles.

CCXII.

SI quis visus sibi fuerit agrum habere lino cōsitum, si quidem id pulchrum est, & iam adultum: diuitias & gloriam coram hominibus inueniet, propter vestitum qui de lino conficitur.

Si quis præter morem habere visus sibi fuerit arundinetum calamorum dulcium, diuitias optatas & amplissimas adipiscetur, pro arūdicti modo & magnitudine.

Si ex more, diuitias itidem iucundas & maximas inueniet, pro arundineti ratione: sed indicatis modo minores.

Si consitum lupinis agrum habere visus sibi fuerit, sollicitudines & ærumnas habebit.

Si quis ex alia specie, quam de frumento, panem cōfecisse visus sibi fuerit: fraudulentia diuitias ingentes acquirat.

DE GRAMINE, ACANTHA,
*sive spina, & senticeto: Indorum, Persarum,
& Aegyptiorum interpretationes.*

CCXIII.

GRAMEN siue fœnum, in quauis persona diuitias & aurum denotat: magis tamen siccum, quam viride.

Si quis fœnum sustulisse, vel in aceruum cōgessisse, visus sibi fuerit: pro eius tum copia, tum pulchritudine, diuitias & aurum consequetur.

Si fœnum suum pluuia madefactum videre visus fuerit, in opibus suis aliquid experietur aduersi, p ratione madoris.

Si fœnum suum incensum videre visus fuerit, à magistratu diuitijs spoliatur, nō sine cruciatu.

Si visus sibi fuerit ab homine noto fœnum

num accepisse, prosperitatem ab eodiuitiasq; consequetur, pro dati fœni modo.

Si fœnum suum vendidisse visus sibi fuerit auro, vel argēto: per afflictionem & contentionem diuitias suas amittet.

Spina, virum peruersum & malum denotat, pro spinarū diuersitate: exceptis tamen spinosis arboribus frugiferis, de quibus antea dictum. Nam eæ relatæ sunt ad potentiam & splendorem hominum. Si quæ malæ sunt, impotentem, & improbum, & alios vexâtem denotant.

Si quis implicatum se spinis videre visus fuerit, dolorem & afflictionem inueniet, implicationi respondentem.

Si spinas adhæsisse vesti suæ, videre visus fuerit: pro earum, quæ adhæserē, numero: sollicitudinem ac distractionem experietur.

Si visus sibi fuerit à spinis, quum nudus incederet, pedes in itinere læsus: si vir amplissimus est, aut qui versatur in expeditione: pro accepti vulneris modo vulnerabitur.

Si plebeius, in professione quisque sua impedimentum experietur.

CON-

CCXIII.

Indis rationes.

PLERAQUE de spinis visa nocturna,
de fidei sæpenumero lapsibus intelli-
guntur.

Si quis à palmarum spinis vulnerari vi-
sus sibi fuerit, à mulierculis nobilibus &
amplissimis oppugnabitur & adfligetur,
pro modo punctiōnis spinarum.

In vniuersum queuis spina denotat ad-
flictionem, pro modo punctiōnis & vul-
neris.

DE VIRGA SIVE BACVLO,

CCXV.

*ex Persarum, Indorum, & Aegyptiorum
disciplina.*

VIRGA siue baculus, interpretando
refertur ad virū nobilem, pro modo
nobilitatis & roboris ipsius ligni.

Si quis baculum gestare, vel ei visus
fuerit inniti: talem virum sibi cōciliabit,
ad amicitiam, gloriam, atq; robur ipsius.

Si videre visus fuerit baculum suum
fractum, vel fissum: si rex est, dilectum
sibi validumq; seruū amittet. si plebeius,
amittet hominem, cui maximè fidebat.

Si putruisse baculus per quietem visus

ei

ei fuerit, si rex est, ad eam personam referenda calamitas, de qua modò dictum: & similis in plebeijs interpretatio recipienda.

Si rex aliquem virga percussisse visus sibi fuerit, per hominem quèdam suum benè de illo merebitur qui percussus fuit.

DE ARBORVM FRVCTI-
bis, explanationes Persarum.

CCXVI.

SI quis fructus ex arboribus decerpere visus sibi fuerit, à viro potente diuitias consequetur, & arbori, & collectioni fructuum respondentes.

Si sedere sub arbore visus sibi fuerit, & absque labore fructus colligere: sine vlla sollicitudine ditescet.

Si videre visus fuerit, quasi arbor ipsa inclinata flexaq; decerpenti copiam ei faceret: si rex est, aut vir amplissimus, comitabuntur atque satellitio suo stipabunt eum viri, prout arbor ipsa semet inflexerit: si plebeius, gratiam & potestatem populi alicuius impetrabit.

DE ILLORVM COLLO-
quijs, quæ à natura loqui nequeunt: Indorum,

Persarum, & Aegyptiorum rationes.

CCXVII.

SI

SI quis videre visus fuerit omnia secū colloquentia, quibus natura loquendi facultatem nō dedit: si rex est, aut vir amplissimus, aut dux bello strenuus: gaudio potietur, & hostium victorijs: tantūque consequetur admirationis, quātum est in rerum mutarum, quibus cum sermones habet, c colloquio miraculi.

Si quis cum arbore, vel iumento, colloqui visus sibi fuerit: auri & opum vim magnam inueniet, quicumque tandem hoc somnium habuerit.

Si quis visus sibi fuerit colloquutus cū bellua quadam, vel serpente, vel animali simili: hoc ipsum ad victorias de hostibus suis referat.

Nam belluæ, ac serpentes, inimicitias cum hominibus exercent.

Similiter si cum auibus quibusdam visus sibi fuerit colloquutus: ad opes hoc suas referat, propter pennas.

DE VESTITV, EX

Aegyptiorum disciplina.

CCXVIII.

SI quis vilitata vestimenta nigra gestare visus sibi fuerit, læticiam indumento respondentem inueniet.

Sin

Sin hoc vestimentum ei non erat vsitatum, in afflictionem incidet, laxitati respondentem.

Si subuculam nigram gestare visus sibi fuerit, vehementius affligetur.

Consimiliter in omnibus vestimentis, ad quas personas singula superius relata sunt: in eis euētum sortietur & afflictio.

Similiter si quis videre visus fuerit, qui vestes nigras gestare cōsuesset, amictum albo se pallio: simulque ad ignominiam hoc suam reputauerit: in professione ac negotio quisque suo, ad deteriora sese conuertet. Nam quæ albi coloris sunt, ad ornatum quidem referuntur: sed hæc interpretatio propter hominis consuetudinem locum habet. Itidem ad ærumnam, quæ nigra sunt, spectant: sed hæc interpretatio propterea traditur, quod præter consuetudinem aliquid fiat.

Si quis diuersas vestes, vno duntaxat colore tinctas, gestare visus sibi fuerit: à rege, vel loci principe vexabitur.

DE ^a CAMYLAVCHIO,

Indorum, Persarum, & Aegyptiorum explicatus.

CCXIX.

*a Id est, fascia
sive inuolucro
capitis, ad col-
lum vsque tē-
dente. idem
sup. cap. 131.*

SI

SI quis visus sibi fuerit gestare camylauchium, ijs consimile, quæ ab omnibus vsitato more gestantur: hoc ad caput, quod ipso superius est, interpretando refertur. ac si quidē visum fuerit eius capiti rectè conuenire, similiter & ipsi cum capite suo rectè conueniet: sin autem, diuersa erit ratio. Significat enim, hunc hominem capiti siue magistratui suo displicere.

Si quis videre visus fuerit camylauchiū suum sordidatum: afflictionem respondentem sordibus, in capite suo videbit.

Si ruptum videre visus fuerit, aut inuerteratum: eòdem calamitatem referat.

Si decidisse visum fuerit: à capite suo, cui subiectus est, separatur.

Si direptum ab ignoto quodam, superior ille moritur: sin à noto, per illū ipsū, aut alium ei similem ab ipso separabitur.

Si visus sibi fuerit gestare camylauchium obductum pelle felis, aut vulpis, aut animalium hisce similibus: caput improbum habebit, tam ratione fidei, quàm rerum mūdandarū respectu: idq; propter fraudulētam horū animalium naturam.

Si

Si visus sibi fuerit accepisse camylau-
chium præter consuetudinem, dignita-
tis eminentiam consequetur, pro modo
pulchritudinis eius.

Si album camylauchium accepisse vi-
sus sibi fuerit, coram hominibus decus
& læticiam inueniet.

Si prasinum, sublimitatem & celebra-
rimum nomen in fide sua reperiet. (bit.

Si rubrum, gaudij significationē habe-

Itidem de cæteris statuendum colori-
bus, prout eorum interpretationes su-
pra sunt expositæ.

Si quis de purpura regis camylauchiu
gestare, visus sibi fuerit: à rege dignitatē
& honorem consequetur.

Si maximum fuerit hoc camylauchiu,
plus ei boni prosperitatisq; portenditur.

Camylauchium regis ad Augustam
refertur.

Si rex visus sibi fuerit recens accepisse
camylauchium, si Augusta caret, nouā
accipiet: sin habet Augustam, marem
procreabit.

Et quidem si camylauchium plures co-
lores habet, aduersum quiddā ipsius de-
siderijs portendit.

t Si

Si consuetum camylauchium gestare visus sibi fuerit, gaudium ad subolem iam ante susceptam, & ad ipsam Augustam spectabit.

Sirex camylauchiū sumpsisse visus sibi fuerit, vt sese tegat, & muniat à pluuiā, vel sole: contra hostes tropæa statuet, & quidē victoria tegumento respondebit.

Si camylauchium regi per quietem visum fuerit esse de pellibus, hostium diuitias acquiret. Quippe ferarum exuiū ad opes hostium refertur.

DE VESTIBVS VIRGATIS,

CCXX. *| Persarum, & Aegyptiorum rationes.*

INTERPRETATIO virgatarū tunicarum ad personam nobilem, vel ad estimationem honestam referri debet.

Si quis præter morem visus fuerit sibi, sumere vestem virgatam: & nobilitatē, & gaudium illustrius consequetur.

Si coloris veneti fuerit, maiores ad opes perueniet.

Si citrei, morbum duplicem denotat.

Si virgata vestis & nigra pariter erat, & alba: dedecus & afflictionem significat, propter interpretationem duplicem.

Vir-

Virgatæ vestes de metaxa factæ, diuitias alijs solidiores significant: vt cæteræ, tenuiores.

De lanis factæ, copiosiores & maiores his omnibus opes portendunt.

Itidem vestes operij Phrygij, quæ vsia vocant, ad opes indicatis abundantiores referuntur.

Si quis igitur vsiũ gestare visus sibi fuerit aureum, infamiam & afflictionẽ inueniet, auri copiæ respondentem.

Sin vsium lactei coloris, aut venetum: per signaturam siue incisuram argenti diuitias adquiret, colori respondentes.

Sin vsium de diuersis coloribus, & citreum: neruis cruciabitur, pro colorum multitudine.

Si visus sibi fuerit vsium gestare, diuitias vnde cũque collectas à pluribus inueniet, propter ipsius tunicæ opus acut variegatum.

Si vsium rubras quasdam quasi bullas habet, per monetariam siue signaturam diuitias, bullarũ numero respondentes, consequetur: modo res inusitata fuerit. sin vsitata, diuitiæ minores erunt.

DE VERBERIBVS SIVE FLA-

CCXXI.

gris, Persarum & Aegyptiorum rationes.

Siquis visus sibi fuerit neruis ab aliquo noto cæsus, pro modo verberum ex auri signatura quæstum faciet.

Si cum potestate is est, qui percussit: hanc ipsam quoq; cū eo communicabit.

Si rex imperasse visus sibi fuerit, vt neruis quispiam cæderetur: qui cæsus fuerit, ingenti laticia diuitijsq; potietur, pro numero verberum.

Similiter si rex ipse percusserit aliquē super māclauia^a vel charzania, percussus ille celeberrimam & amplissimam dignitatem ab eo consequetur.

^a Horum &
infra mentio,
sub finem,
cap. 249.

Si virga rursus ipsemet aliquem manu sua, percusserit: is qui percussus est, ab homine secundum regem primo, rege sciēte ac volente, laticia potestateque beabitur.

Si gladio rex aliquem percusserit, is qui plagas accepit, si seruus est, à rege emancipatur: si pauper, ditescet: si diues, aut vir amplissimus, magis ac magis eū rex honorare perget: prout sciendi ac vulnerari visus sibi fuerit.

Si

Si gladius nullam scindendi vim habuit, nec sanguis emanauit: in omnibus, quæ diximus, laticia minor erit.

DE LANA, METAXA, ET

gossipio, rationes Indorum, Persarum, & Aegyptiorum. CCXXII.

SI quis vestem gestare visus sibi fuerit, habentem gossipij loco metaxã: solitis diuitijs implebitur, pro metaxæ copia.

Si metaxas plurium colorum, vel coloris vnus, citreis duntaxat exceptis, inuenire visus sibi fuerit: opes his respondentes consequetur. Si tamen citrei coloris fuerint, vnà cum opibus & ærumnam, & morbum habebit.

Si tunicæ pars interior erat lanea, tempore hyberno: qui somniũ habuit, gaudio potietur: sin æstate, cum afflictione diuitias inueniet, prout lanæ modica fuerit copia.

Si quis lanam de ouium tonsura videre visus fuerit, à maximis viris fidas & stabiles diuitias accipiet, propter ouis ipsius cornu.

Si visus sibi fuerit inuenisse gossipium, à viris mediocribus opes istis minores

consequetur. Nam lana vilius est gossipium.

Lana generaliter interpretationem auripuri habet.

Pili & lanæ caprarum, diuitias cum morbo portendunt. ac quis indutum se his videre visus fuerit, diuitias viliores cū labore consequetur, propter caprarum petulantiam.

Si lanam leporinam videre visus fuerit, pro eius copia diuitias à meretrice cōsequetur, idque propterea, quod sexu duplici lepores singuli præditi sint.

Si linum inuenisse visus sibi fuerit, idque pexum erat, pro eius copia vitam laboribus inueniet obnoxiam, propter eas molestias, quæ in conficiundo lino sunt exanclandæ. Sin erat impexum, auro minore cum labore potietur.

Si linum cū suis lignis videre visus fuit, cruciatum his respondentem inueniet.

Similiter si videre quis visus fuerit, inuenisse se congestum quiddam ex omnibus hisce speciebus indicatis: qui somnium habuit, opes atque negotiationem inueniet, quæ horū copiarum respondebunt.

*tapeibus, ex Persarum & Aegyptio-
rum disciplina.*

Siquis recens factos tapetes in ampla capaciq; domo sternere, visus sibi per quietē fuerit: diuitias gaudiūq; mūdanū adipiscetur, pro modo elegātiæ, amplitudinis, & operis tapetū ipsorum. Præterea mutationem dignitatis ad statum ampliorem, cum vita beata portendit.

Si tapetes erāt veteres, diuitiarum con- similiter incrementum, læticiæq; consequetur, absque mutatione dignitatis.

Strati tapetes ijs, qui clavis adfixi sunt, interpretationem prosperiorem habēt.

Si quis adfixos clavis tapetes abstulisse visus sibi fuerit, & in locum quēdam incognitū transtulisse: hoc ipsum de morte sua interpretator, quod hora prosperitatis ipsius necdā venerit.

Si moram fecisse visus sibi fuerit, dum eos sterneret: adhuc & gaudium, & opes mundi speret.

Si rex, aut magnatū quispiam, visus sibi fuerit factos recēs in ædibus suis tapetes strauisse: hoc ipsū ad nouæ læticiæ victo-

riarumq; dilatationem referat. Sin ij veteres erant, negotium quoddam ei succedet, de quo dudū ipse secū meditatur.

Sin imperasse visus sibi fuerit, vt auferrentur: artationem diuitiarum suarum, & auri, cum ærumna, interpretator.

Si tolli iusserit, ac tapetes ipsi vel putruerint, vel in frustra cæsi fuerint: imminet ipsi vitæ finis.

DE PVLVINIS, ET MAPPIS,

CCXX-
IIII,

sive mantilibus, Persarum & Aegyptiorum declarationes.

OMNES puluini, cum mantilibus, ad seruos referuntur.

Si quis videre visus fuerit maxillarium, quod vocant, elegantius factum, quam prius erat: de primæ auctoritatis seruo voluptatem percipiet. Sæpenumero quoque de concubinis hoc accipitur.

Similiter si videre visus fuerit, idē hoc maxillarium furto sibi ablatum, vel laceratum: ad personas indicatas ipse casus pertinebit.

Puluinar etiam de inferiore seruo intelligitur, & quidquid de hoc alicui fuerit oblatum, vel boni, vel mali: suum fortietur euentum.

Map-

Mappæ de omnibus seruis accipiuntur, pro cuiusque discrimine.

Nam si faciei mappa per quietem oblata fuerit, ad seruum domino magis familiarem, quiq; subleuare curas heri solet, refertur: ac quidquid hisce mappis acciderit, siue adeò scindantur, siue concrementur, siue inueterascant: ad personas indicatas ipsa calamitas referatur.

Si pulchriores eadem factæ fuerint, ad eosdem prosperitas quoque, mapparum pulchritudini respondens, spectabit.

Si rex nouum habere maxillarium visus sibi fuerit, iuuenem quendam seruum sibi dilectum euehet.

Cõsimiliter si videre visus fuerit, quasi maxillarium sibi perierit, aut aliquid damni tulerit: ad eiusmodi seruum hoc referatur.

DE SVBSTRAMINIBVS, ET

instratu, Indorum, Persarum, Aegyptiorumq; rationes.

CCXXV.

SVBSTRAMEN lecti notum, ad propriam cuiusque mulierem refertur.

Si quis hoc ablatum furto per quietem putauerit, ad interitum cõiugis eius spectat.

t 5 Si

Si combustū, acri morbo extinguetur.

Si aliud accepisse visus sibi fuerit, pro eius elegantia mulierem inueniet.

Si de loco in locum substramen transfuisse, visus sibi fuerit: etiam vxor illius ab vno negotio se ad aliud conuertet.

Quòd si locus, ad quem transfertur, aut pulchrior, aut deterior fuerit: eidem & ipsius mutatio respondebit.

Si alieno in strato, & domi alienæ, cubasse visus sibi fuerit: si dominum ædiū adgnoscat, per adulterij consuetudinem vxorem ipsius stuprabit: sin autem, fornicationibus indulgebit.

Si visus fuerit, stratum suum colligatū de loco in locum transfuisse: aberit ab vxore sua peregrè, ac reuersus castam & pudicam inueniet.

Si stratum suum crassius factum, & intumuisse, videre visus fuerit: è peregrinatione reuersus, ex seipso coniugem suam prægnatam inueniet.

Si visus sibi fuerit habere stratū quoddam incognitum, vxorem apud exteros inueniet, eamq; sic comparatam, prout ipsum stratum & elengans fuerit, & amplum

plum: atq; ipse in eo cōmodè cubuerit.

Si fratrum sibi cognitum, vel alienum, in lecto positum videre visus fuerit, seq; in eo iacentem: magnam potestatem atque læticiam consequetur, idq; propterea, quod suppositum sit de lignis lectiternium: quæ quidem ligna viros amplissimos denotant.

Prout etiam diu cubuisse visus sibi fuerit, tantundem supra eos euehetur.

Similiter si visus sibi fuerit in throno confedissee, pro ipsius throni pulchritudine potestatem amplissimam inueniet, propterea quod thronus de lignis conficiatur.

Si rex visus sibi fuerit nouum vel habere, vel cōfecisse thronum: hoc ad filium regni successorem pertinet.

Similiter si visus sibi fuerit, in templo quendam solij cōsortem fecisse: si filium habet, regem illum designabit. quippe templum de domo regia intelligitur.

Si q; incubare mollib⁹ substraminibus, omni solutus cura, visus sibi fuerit, vxorẽ suam vexabit, nec vllã eius curã habebit.

Si substraminibus coloratis incubare
visus

visus sibi fuerit, sequetur euentus secundum interpretationem colorum, superius expositam.

CCXXVI. DE ^aFACEOLIIS, EX PER-

a Hoc quid sit, indicatum supra, 131.

sarum & Aegyptiorum monumentis.

Si quis gestare faceolium visus sibi fuerit, amplissimam dignitatem praetoriam adipiscetur, pro ambitu faceolij, quem eius proceritas efficit.

Si videre visus fuerit faceolium de pilis confectum, diuitias cumulatiores adquiret.

Si de metaxa, minores eius opes erunt.

Si faceolium à capite suo solutum, videre visus fuerit: in prosperitate sua dolore ac desertionem experietur.

Sin decidit, dignitatem suam amittet.

Si videre visus fuerit, quasi alius quispiam notus id astulerit vel vi, vel ex amore: tam dignitatis ille, quam diuitiarum hæres & successor erit. Sin ignotus quispiam, hostis ei succedet.

Si videre quis visus fuerit faceolium suum de gossipio factum: tam gloria, quam dignitas eius minor erit.

Si citrei coloris, in ægritudinem incidet,

ac mortem fortasse, propterea quod in capite sit.

Similiter si alijs præditū coloribus per quietem videre visus fuerit, quodlibet illum habebit exitum, quem in colorū interpretatione supra declarauimus.

Si rex faceolium accepisse visus sibi fuerit, ad concubinam hoc refertur, pro ipsius desiderio, & faceolij colore, atque venustate.

Nam si album est, & ipsa formosa erit.

Si rufatum, delectationis plena.

Si purpureum, fortassis eam Augustæ quoque gloria condecorabit.

DE VESTIMENTIS TALA-

ribus, Indorum rationes.

CCXX-

SI quis vestes nouas talaris induisse vi- VII.
sus sibi fuerit, easq; fragrantia quadam imbutas: pauperibus præmia de facultatibus suis constituet. sin illæ fetuerint, in negotio mercedis suæ famā malā adqret, propter vim factoris. quippe vestis talaris, tegmen pedis est: & pes ad seruum, & rem, & victum hominis refertur: quarum rerum conseruatio, de commiseratione erga pauperes pendet. ideoq; de his

de his tum ipsa fragrantia, tum fætor testantur.

Si quis vestem talarem, aliquo colore tinctam, induere visus sibi fuerit: hoc ad maiorem in tribuēda mercede gloriam ipsius pertinet, pro ratione colorū, quorum superiūs traditę sunt interpretationes: excepto colore citreo. Nam is ad tenuitatem præmij refertur.

Si videre visus fuerit, exustas vestes suas talaris: afflictionem & cruciatum à magistratu experietur, ratione diuitiarum & seruorum suorum.

Si furto ablatas, per hostis ludibrium in afflictionem incidet, ac propter opes seruosq; suos damnatur.

Si rex visus sibi fuerit nouas sumere vestes talaris, auctoritatis primæ seruos, & eosdem arcanorum suorum conscios, ipsarū vestium talariū densitate, ditabit.

Similiter si diuersum quiddam oblatū alicui per quietē de vestibus hisce fuerit, hoc ipsum quoq; seruos ipsius respicit.

Si somnium habuerit, quasi vestes talaris presserint calceos, seruos suos affliget, pro modo pressuræ.

Quòd

Quòd si etiam pedem claudum factū
videre visus fuerit, ac vicissim restitutū:
vt claudicatio periculum, sic restitutio
serui eius emendationem portēdit: pro
factæ restitutionis in integrum modo.

DE ZVPA, EX PERSARVM

*& Aegyptiorum interpreta-
tionibus.*

CCXX-
VIII.

SI quis visus sibi fuerit induisse zupā, si
cum potestate est, nomen famamque
præclarā inueniet: idq; propterea, quod
supra vestes alias semper gestari zupa so-
leat. Ac similiter bonum quoque nomē
omnia, quæ homini adsunt, exornat.

Si non est princeps aliquis, sed plebe-
ius: facultatum quisque collectionem,
& custodiam, & securitatē in professio-
ne sua consequetur.

Si visus sibi fuerit zupam sumpsisse de
pilis confectam, opes nomine suo splen-
didiores inueniet.

Si erat è lino, & gossipio: in operibus
suis à tenuioribus subsidium apiscetur.

Si zupa veneti coloris erat, maiores o-
pes inueniet.

Si

Si ruffata, per monetariam diuitias cō-
sequetur, prout ipse color densus & spif-
sus fuerit.

Si citrei coloris, in domo sua vexabi-
tur, & potestas ipsius auertetur.

Si prasini, per mulierem & opes & po-
testatem inueniet.

Si quis eam discidisse visus sibi fuerit,
de suis opibus amittet, adfligetur, pote-
state excidet.

Si fuerit exusta, per principem crucia-
bitur.

Si lacerata, vel inueterata: calamitas
ad opes & dignitatem ipsius pertinebit.

Si rex arcendæ pluuię causa, vel roris,
zupam sumpsisse visus sibi fuerit: substi-
dium inueniet, ad mitigationem ærum-
næ suæ.

Si ea zupa lanea fuerit, gentem impro-
bam atque potētem sibi adiunget, vt ad-
uersus hostes subsidia sumministret.

Si zupam frigoris arcendi causa sum-
psit, thesauros & opes suas recuperabit.

Si videre visus fuerit, inuētum aliquod
in zupa vitium: in explicatis hactenus e-
uentus respondebit.

SI quis sandalijs sumptis incessisse visus sibi fuerit, expeditionē suscipiet. ac si quidem sandalij corrigiam scissam ruptamq; videre visus fuerit, sponte sua relicta expeditione domi residēbit. sin ea prorsus abscissa calceus exciderit, cū arūna inuit^o ab expeditiōe reuertetur.

Si noua sumere sandalia, nec incedere tamē, visus sibi fuerit: vxorem accipiet. Si iam habet vxorem, cum noua concubina cubabit.

Si visus ea fuerit ipsemet gestare, ac manibus intacta tenere: puellā, mulierēve virginē inueniet. sin iam vsus eis fuerat, opulētam mulierem viduam ducet.

Si sandalia ruffata erant, plenam omni delectatione mulierem accipiet.

Si citrei coloris, morbis obnoxiam & contumacem.

Si facta sunt de corio bubulo, filiam suscipiet ex nobili fæmina Romana, patricij ordinis: propter cornu bouis.

Si de corio cameli, ex Arabum natione mulier erit.

Si de corio bubali, de natione mulier erit potente quidem illa, sed paulò stolidiore.

Si de corio equino, prognata de nobilibus erit, & magna potentia præditis.

Si sandalia duo sumplisse visus sibi fuerit, & esse progressus, inde verò ruptum fuisse alterū: in viam se dabit is qui somnium habuit, atque vel fratrem, vel sororem amittet.

Si alterum furto videre visus fuerit ablatū, vel à muliere uxabitur, vel morbo, vel amissione dignitatis, vel morte.

Similiter si is, cui visum hoc oblatum est, iter aliquod instituit: impedimentum ex eo sentiet.

Itidem alia quadam interpretatione, sandalia perdita vel ad vxoris fraudulentiam, vel filix, vel sororis referuntur.

Si quis videre visus fuerit, ea sibi per vim à quodam adempta: hoc de morte conjugis interpretator.

DE PERSICIS MANICIS

CCXXX. *subucularum, ex Persarum disciplina.*

PERSICA subuculæ manica refertur ad rationem & constitutionem vitæ.

Si

Si quis hanc solutā decidisse, per quietem videre visus fuerit: hoc ad necessarij victus dissipationē & interitum referat. Nam subucula significationē habet interioris domesticæ vitæ ac domus.

Similiter si cui visum oblatum fuerit, quasi subucula ipsius & firmior, & ornatiores esset: hoc de facultatibus suis intelligat.

Si rex tale somnium habuerit, de soluta scilicet manica subucule: rem ad exercitum suum interpretando referat, & ad negotia bellica.

Si quod ruptum erat, vicissim restitutum videre visus fuerit: casus aduersus, qui accidit exercitui, corrigetur.

Si salua erat, & integra manica: soliditas eius, & integritas, ad exercitum regium pertinet.

Omnis enim honor, & firmitas, & vita regum, ab exercitibus eorum pendet.

DE ABLVTIONE SORDIVM, & amictu mundo, ex Indorum disciplina. CCXXXI.

SI quis ablutis sordibus, vestes mudas induisse visus sibi fuerit: omni afflictione, sollicitudine, morbo liberabitur: p̄q̄ modo

modo loturæ, & ipsarum vestium splendoris, gaudio potietur, & in conspectu populi honorabitur.

Si visus sibi fuerit induere vestes, novas quidem illas, sed laceratas, quæ refici nequeant: qui somnium hoc habuit, nullos vnquam liberos procreabit.

Sin aliqua restat ratio refectionis, veneficio fascinabitur. ac si quidem videre visus fuerit vel textorem, vel seipsum eas retexentem: inueniet afflictionem & rixam cum coniuge sua, suam ad ignominiam, & erumnam, & sollicitudinem, pro modo factæ denuò texturæ.

Sin ipsemet eas consuit, boni quiddam sibi portendi statuat: & ea fascinatione, quam diximus, liberabitur.

Si visus sibi fuerit, vxoris suæ vestem consuere, hoc ipsum quoque suam ad ignominiam atq; sollicitudinē referat.

Sin eam ipse retexere visus sibi fuerit, exculationes ad vxorem falsas instituet, & in scortatione deprehendetur.

DE ABLVTIONE ET AMI-
ctū, Persarum, Aegyptiorumq;
rationes.

CCXXX-

II.

SI

SI quis visus sibi fuerit deposuisse fordes, itineris cura liberabitur.

Si præter morem, nouas sumpsisse vestes visus sibi fuerit: apud populum suū honorem atque gloriam inueniet, & opes soliditati splendorique vestium respondententes.

Si vestem de pilis confectam, induisse visus sibi fuerit: ab hostibus improbis & inualidis opes atque potestatem consequetur: propter earum ferarum, de quarum pilis ea vestis cōstat, improbitatem ac fraudulentiam.

Si quis de metaxa factam vestem induisse visus sibi fuerit: firmiores illè quidē, sed moderatiores opes cōsequetur.

Si visus sibi fuerit induisse vestes albas & mundas, pro mundicie, & albedinis modo, ab omni dolore repurgatur.

Si vestem laneam, vel lineam, vel è gossipio factam induerit: eæ vestes de diuitijs intelliguntur, nō etiam de potestate.

Si laceratæ sunt, & ex indicatis omnibus constant: qui somnium habuit, ex ærumna in ærumnam incidet.

Si eas cōsuere visus sibi fuerit, aduer-

fitatibus suis pari ratione medebitur.

Quòd si curtae sunt, instar earum quæ podicem constringunt: ingens sperabit gaudium, & minus inueniet, pro vestis oblatae per quietem modo.

Si rex ab ijs sordibus, quas habebat in corpore, visus sibi fuerit repurgatus: ea cura, qua conficitur, liberatur.

Si nouam induisse purpuram visus sibi fuerit, res eius & illustriores & splendidiore euadent.

Si vestes vsitatas & veteres induit, ab lutionis quidem respectu curis & sollicitudine liberabitur: at propter vestitum veterem, in eodem res statu permanent.

Si laceratas induisse vestes visus sibi fuerit, nouum & inusitatum malum, propter insolentiam eius in rege vestitus, experietur.

Si easdem exuerit, etiam malo isto liberabitur.

DE EQVIS MARIBVS, ET

CCXXX- *feminis, Indorum, Persarum, & Aegyptio-*
III. *rum interpretationes.*

EQVVS generosus (qui phares dicitur)
in somniorum interpretationibus ad
eminem-

eminentiam & dignitatem refertur. Similiter & equus, (quæ pharas) generosam fæminam portendit: equi denique vulgares, de nobilitate ac gloria quadam inferiore accipiuntur: itidemque vulgares equæ, de condicionis inferioris mulieribus.

Si quis in somnis visus sibi fuerit equo agili, ac lasciuente vehi: coram populo famam & existimationem amplissimã, & eminentiam, & decus inueniet.

Si in is, qui somnium habuit, ipsemet imperator est: gaudium atque gloriam in Augusta, & aula sua regia, pro ipsius equi venustate ac ornatu, inueniet.

Si plebeius est, in professione quisque sua mutationem experietur.

Si quis equo tali, vel simili vectus, eum visus sibi fuerit egisse celeriter: nobilitatem & eminentiã inueniet, cū prosperitate: prout agiler equus ipse cucurrerit.

Si quis equo generoso vehi visus sibi fuerit armatus, potestatem cum bona fama reperiet, pro armorum ratione.

Si equo tali visus sibi fuerit insidere, ac tenere clypeum: securitatem ab hostibus,

bus, & potentiam equo respondentem inueniet.

De elypeis.

Si regi visum hoc oblatum fuerit, consequetur hominem, quem rerum bellicarum summæ præficiet, fortem ac strenuum aduersus hostes. Clypeus enim ad personam Polemarchi regij, siue summi rei bellicæ præfecti, refertur.

Si clypeum nigrum, vel coloris veneti, videre visus fuerit: Polemarchus regius tolerans & gubernationi erit idoneus, idq; propterea, quod in hisce coloribus non facilè sordes adpareant.

Si album scutum erat, timidus erit, & eorum è numero, qui abiecto scuto fuga sibi consulunt: idq; propterea, quod facile color iste sordibus inquinetur.

Si clypeus rubri coloris erat, maximam rex oblectationē ex isto duce suo capiet.

Si purpureus, ad filium vel fratrem regis refertur.

Si aureus, aut citrei coloris: ad hominē iniurium, & improbi animi, refertur.

Si quis vehi visus sibi fuerit e qua generosa instrata, quæ caudam longam habeat: fæminam honoratam inueniet, &

per

per eam suis in rebus prosperitatem cō-
sequetur, pro modo caudæ.

Si equa nigra est, opulenta mulier erit.

Si quis sponte sua visus sibi fuerit ex e-
quo generoso descendere, sponte pote-
statem suam deminui patietur: sin inui-
tus, ob equi contumaciam scilicet, ex e-
quo decidit: terrorem inueniet, & cru-
ciatum, aut in dignitate sua successorē.

Si carnē equinam edisse visus sibi fue-
rit, insigne nomen inueniet, cum nobi-
litate, ac bona principis adfectione.

DE COLORIBVS, EQVO-CCXXX-
rum, & a sellarijs regum, rationes Persa- IIII.
rum & Aegyptiorum. a Sellis eque-
stribus.

IN regum visis nocturnis, equus candi-
dissimus ad Augustę personā refertur.

Equus instratus splendente sellario fer-
reo, si quidem sella regia est: ad mulierē
Augusta inferiorem refertur. ac si quidē
sella regia est: ad mulierem Augusta in-
feriorem refertur, ac si quidem aliquis
hæc tenere visus sibi fuerit, potestas mi-
nor portenditur.

Si sellarium regiū rosacei coloris fue-
rit,

rit, mulierem delectationis & gaudij plenam denotat.

Equus regius niger ad opulentam mulierem & iniuriam, propter nigredinem, refertur.

Ad summam, vt rem simpliciter explicemus, omnia regia sellaria per quietem oblata, de regijs vxoribus intelliguntur. ac si quidem aliquis horum aliquid à rege visus sibi fuerit accipere: læticiam, potestatem, & mulierē à rege consequetur.

Si quis ignorante rege visus sibi fuerit his insidere, ac præter morem vehi: cum muliere quadam eius clàm stupri consuetudinem habebit.

Si quis videre visus fuerit equam nigram, quæ vtrinque iacula colligata gestaret, ingressam domum suam: mulierē opulētam in domum suam ducet, & ad pedes^a ipsius cōplures ex ea domo morientur, pro telorum numero & copia.

Si quis videre visus fuerit, equam generosam iuuenem, nondum exercitatam, in domum suam ingressam: puellam virginem nobilem in domum suam ducet.

Sin equam vulgarem, hoc ad ancillæ personam refertur. Nam

Nam in visis hominum nobiliū, equæ vulgares de ancillis intelliguntur.

Si tale somnium plebeius habuerit, ad vxorem hoc suam referat.

Quidquid his ad eò siue boni, siue mali acciderit, ad eandem referatur.

DE MVLIS, EX PERSARVM CCXXX.
& Aegyptiorum disciplina.

SI quis visus sibi fuerit inequitasse^a bur doni, benè incedenti: sponte sua suscipiet expeditionem, de qua dolorem & miseriam percipiet.

Omnes enim muli & mulæ, omnium rerum subuersionē homini portēdunt. propterea, quòd steriles sint, & procreare neuter sexus possit.

Si quis inequitasse mulo visus sibi fuerit, & ingressus esse domū, in qua essent charte, de quibus aliquas ipse sumpserit: expeditionem tributorum exigēdorum causa suscipiet, in qua damnum potius, quàm lucrum faciet, propter eius animalis sterilitatem.

Si mulæ quis inequitasse visus sibi fuerit, cum sella siue strato: hoc quouis in homine de fæmina infami, & egente accipitur.

V.
a Hoc est, mulo. reperitur hac vox & Basilicorum lib. 4. tit. 3. cap. 85. ubi non rectè xop. dicitur pro Bopdovay leziur.

Si

Si vir ampliffimus hoc fomniū habuerit, in hominem incidet infamem, & vexationem inueniet, propter mulam.

Si mulam quis amiffisse visus sibi fuerit, ærumnam in ea voluptate, quæ de facultate, præcreatricè percipitur, experietur.

Si quis mulam vendidisse visus sibi fuerit, commodo suo calamitate liberatur.

Si quis à mula pessum datum se, videre visus fuerit: in ærumnam acrem & vehementem incidet.

DE ASINIS, PERSARVM

CCXXX.

VI.

Indorum & Aegyptiorum interpretationes.

DIVERSA est de asinis interpretatio, ac plerunque hominum ad fortunam refertur.

Si quis in sedisse visus sibi fuerit asinæ, per mulierem beabitur. sin asino, ad fortunam ipsius id quoque spectat. itaque felicitatem inueniet, respondentem ei iuri, quod in asinum habet, & pro eiusdem incessu.

Si niger asinus erat, ex auri lucro felicitatem inueniet.

Si albus, felicitatem & eminentiam per
vxorem

vxorem & liberos consequetur.

Si quis asinum emisse visus sibi fuerit, aut ab alio donatū accepisse, quem ipse suam in domum deduxerit, asino se comitante: gratiam apud Deum inueniet, & in domo sua diuitias colliget, prout asinum introduxisse visus sibi fuerit.

Si asinum perditum inuenisse visus sibi fuerit, & abstulisse: gaudium necopinatum inueniet.

Si lac asinum bibisse visus sibi fuerit, in morbum acrem incidet, nec tamen morietur.

Si asinum onustum in domum suam introduxisse, visus sibi fuerit: prosperitatem oneri respondentem, cum diuitijs, & læticia reperiet. sin expertem oneris, afflictiones & metum omnē deponet.

Si videre visus fuerit asinum suū mortuū, citò morietur is, qui somniū habuit.

Si de asino visus sibi fuerit lapsus, ad egestatem extremam redigetur.

Si lac asinæ siluestris biberit, eminentiam cum morbo reperiet.

Si asinum fune visus sibi fuerit trahere, morem ipsi gerente asino: prout asinus

nus hominem sequutus fuit, etiam fortuna ipsum comitabitur.

Si quis asinum habuisse visus sibi fuerit, qui mortuus sit: eius vxor morietur, & in paupertatem incidet.

Si asinum suum ruptum videre visus fuerit, incurabiliter egebit, propterea, quòd nec asinus curari possit.

Si carnem asininam inuenerit, aut comederit: cum morbo lucrum inueniet, pro modo manducationis.

Si asinum sterculinium in domo sua collegisse visus sibi fuerit: pro eius copia, sine labore auro potietur.

Si asini peregrini exuuium reperisse visus sibi fuerit, hæres hominis erit.

Si carnem onagri comederit, eximium nomen & opes inueniet.

Si caudam asino suo præcisam videre visus fuerit, si quidem est sub dignitate, eam amittit: sin opulētus, lucro suo mul-
tabitur.

Si asinum suum cum onere labentem, & cadentem in lutum, videre visus fuerit: in morbum incidet, & detrimentum facultatum suarum experietur.

Si asinum è luto surrexisse, ac perrexisse viderit: ex ærumna sua morboq; liberabitur, & læticia fruetur.

Si asinam habere visus sibi fuerit, quæ pepererit: opes eius duplicabuntur, & auferent: & si vxorem habuerit, filium procreabit.

Si rex visus sibi fuerit, pro strenis asinos à quodam accepisse dono: gaudio præter expectationem fruetur, asinorum pulchritudini respondente.

Si onagros adlatos sibi, videre visus fuerit, lætum nuntium & diuitias ab extraneis breui accipiet, propter onagri velocitatem.

Si asinos suos mortuos videre visus fuerit, hoc ipsum in persona quauis ad ærumnam & interitum domesticorum eius pertinet.

Asini fortunam hominum denotant. quidquid ab eis homo consequi visus sibi fuerit, siue bonum, siue malum: prorsus eueniet.

DE CAMELIS VELOCIBVS, CCXXX.
Perfarum & Aegyptiorum VII.
rationes.

ARA-

ARABICI cameli, fæminei sexus, quæ veloces sunt, miseriam, mortem, & damnationem portendunt.

Si quis harum aliqua vehi visus sibi fuerit, ita quidem, vt ab ea cursu auferretur: eum hominem orcus auferret, idq; propterea, quod nullum animal cum camelis hisce fæminis, quod cursum adinet, in comparationem venire possit.

Si visus sibi fuerit huiusmodi camelû conscendisse, paruoq; confecto spatio, rursus ex ea descendisse: duram in ægritudinem incidet, qua vicissim liberabitur.

Si quam talem inuenisse visus sibi fuerit, & suam in potestatem rede gisse, ac frænasse: potestatem à rege consequetur, per maximi alicuius Saraceni preces & intercessionem.

Si camelum huiusmodi, membrum ali quod ipsius momordisse, per quietem viderit: à magistratu vexabitur, prout antea de membris singulis certas interpretationes tradidimus.

Si videre visus fuerit, quasi camelus eiusmodi calces ipsimet impegerit: sine detri-

detrimento suo terrebitur à principe, propterea quod camelus ungulam equinam non habeat.

Si de camelis huius generis, alias sexus fæminei cõparasse visus sibi fuerit, quas mulxerit: potestatem aduersus Saracenorum nationem inueniet.

Si regi visum hoc oblatum fuerit, nationem extraneam in ditionem rediget: prout cameli paruerint, proq; lactis expressi mulgendo copia.

Si carne cameli quis vesci visus sibi fuerit, morbo diuturno vexabitur, & conualefcet.

Si quis visus sibi fuerit ambulare more cameli, opinionem de se falsam excitabit, magnificè semet extollens: & pudore adfcietur.

Si quis sua cum camelo visus sibi fuerit colloquutus, pro modo colloquutionis potestatem & opes consequetur.

Si quis habere camelum feminam visus sibi fuerit, quam aut vendiderit, aut alienauerit: vel morte, vel diuortio à mala fæmina liberatur.

Si cui visa fuerit huiusmodi camelus

factum masculinum edidisse: de mala muliere filium noxium suscipiet. ~~si~~ famineum, erit & illa suboles matri similis.

Si quis lac cameli bibisse visus sibi fuerit, à principe diuitias habebit, cum terrore, ac morbo.

Si camelum domi suæ mactasse visus sibi fuerit, & carnem eius habere: inueniet à principe cruciatum, & terrorem, & morbum, & miseriam.

Si rex videre visus fuerit, in ditionem suam huiusmodi camelos ingressas: impressionem nationum hostilium eo loci expectet, ac quantum à camelis damni ceperit, tantundem ab hostibus detrimenti metuat.

Si camelos ex eo loco discedentes, onustos videre visus fuerit: opes regias hostis auferet, pro ipsius oneris & sarcinarum modo.

Si rex cameli exuuium siue pellem inuenit, aut sustulerit: opes alicuius principis, vel magnatis lucrabitur.

Similiter si cameli caput inuenisse, vel accepisse, visus sibi fuerit: si cum potestate est, hostium facultates consequetur. si
ple-

plebeius, ab amplissimo quodam viro lu-
crabitur ad x, vel c, vel cīo solidos: tum
quia^a caput summam, siue sortem deno-
tat, tum quod hi numeri perfecti sint.

α κεφαλαίων
more Græco,
fors.

DE BOBVS, PERSARVM ET

CCXXX-

Aegyptiorum rationes.

VIII.

MASCVLI boues de amplissimis prin-
cipibus, fæminæ de annis intelligū-
tur. Si quis infedisse boui nigro visus
sibi fuerit, opulentum hominem, & po-
testate præditum, sibi subijciet.

Si boues aratores in domum suam de-
duxisse visus fuerit, & ligasse: prosperi-
tatem ingentem reperiet, augustamq;
potestatem, & subiectionem hostium,
& ex ærumnis liberationem.

Si plurima iuga bouum habere visus si-
bi fuerit, & morigerorum quidem, quos
mittat quocunque locorum velit: ma-
gnam potestatem nanciscetur, & maxi-
mos sibi subijciet, aliosq; participes po-
testatis suæ faciet. Nec enim facile visum
hoc offertur alij, quã magnati, vel subli-
mem ad dignitatem euehendo.

Si auro iuga bouum sua distraxisse visus
sibi fuerit, pro auri copia, quod accepit,
adfligetur.

x 2

Si

Si rex donasse boues homini cuidam noto, visus sibi fuerit: exaltabit eum, & principē faciet. sin ignoto, ab hostibus cladem aliquam suorum accipiet.

Si iuga bouum agrestium, & indomitorum adlata sibi, rex videre visus fuerit: si quidem erant colligata, principes peregrinos vinctos accipiet, & ingenti gaudio potietur.

Si gregatim boues adducti fuerint, nationes amplissimas in ditionē rediget.

Si rex imperasse visus sibi fuerit, vt boues aratores mactarentur: principibus eius ab ipso met rege periculum imminet. sin boues immorigeros & indomitos occidi iusserit, ad extraneos & alienigenas ea calamitas spectat.

Si rex misisse visus sibi fuerit bouum nō laborantium greges, vt in regione sua pascerentur: eam regionem excolet per alienigenas, quasi colonia quadam eodeducta.

Si quis visus sibi fuerit lesus à boue cornu petente, si quidem est^a sub potestate, aut vir amplissimus, cum pari pugnabit, & ab eo ledetur, prout bos cornu petisse

a Hoc est, si potestatis omnis sustinet.

visus fuerit: sin plebeius, à principe damnum accipiet.

Si à boue impactas sibi calces, videre visus fuerit: minor calamitas erit.

Si visus sibi fuerit in sidere boui rosacei coloris, potestatem inueniet, & in liberis vel vxore morbum.

Si quis videre visus fuerit ingressos domum suam boues ignotos, in eius domum proceres venient. ac si quidem illi boues cornu petiuerint, damnum ei dabunt: sin autem, non est, quod ab eis sibi metuat.

Si quis in regione peregrina pascentem bouem, qui tria vel quatuor habeat, vel plura cornua, videre visus fuerit: in eam regionem princeps quidam veniet, & hominibus illis cum imperio præerit totidem annis, quot cornua fuerint.

Si bouem suum quis efferatum videre visus fuerit, aduersus hunc princeps regionis illius exasperabitur: ac si quidem suam in potestatem bouem redegit, auertet illum: sin bos præualuit, potiores principis vires erunt.

DE BOVE RATIONES CON- CCXXX-
IX.

similes, ex Aegyptiorum disciplina.

X 3

QVI-

QUICUNQUE boues masculos uideri uisus sibi fuerit, de principibus eos intelligat, propter cornu: vaccas, de annis.

Quòd si pingues sunt, annos fertiles portendunt: si tenues & macra, steriles annos.

Similiter & boues masculi, si pingues sunt, principes bonos denotant: si autem, principes improbos & iniustos cum malis annis portendunt.

Boues, qui non sunt aratores, ad amplissimos principes referuntur: aratores, ad viros nobiles, qui aliquando sunt imperio potituri.

Si quis buculam pinguem inuenisse uisus sibi fuerit, aut plures: inueniet annum, vel annos eximios, & bonos, & fertiles: ac in negotiatione quaestumque suo quilibet incrementum.

Si quis buculam, vel armentum quoddam macrum inuenisse uisus sibi fuerit, cuius ipse dominus fuerit: annum, vel annos infelices experietur, pro bucularum numero: itidemque penuriam annonae, detrimentum, paupertatem, pro tenui-

tenuitatis & maciei modo.

Si rex buculas pingues adlatas sibi, videre visus fuerit: pro earū numero prosperos & felices ad bellum gerendum annos inueniet: ac regionis opulentiam fertilitatemq; suæ, pro bucularum pinguitudine ac multitudine.

Quippe somniū regis in his, ad omnes ipsius subditos interpretando refertur.

Similiter si rex videre visus fuerit, adlatas sibi buculas tenues & exiles: annos infastos bellis gerendis, & regioni suæ, pro illarum numero & macie, experietur. Similiter & subditis eius vniuersis eadem portenduntur.

Si quis edere carnem bubulam visus sibi fuerit, ab amplissimo viro diuitias consequetur: itemque subolem masculam procreabit.

Si butyrum de vaccarum lacte factū comederit, opes iucundas & durabiles inueniet.

Si lac bubulum comederit, incrementum rerum, opesq; maximas nāciscetur.

Si bubulam quis mulgere visus sibi fuerit, deq; lacte bibere: si seruus est, eman-

cipatur: ac fortassis hæreditate domini sui domum consequetur, aut hæram suã uxorem accipiet. Sin plebeius est, læticiã & exultationem maiorem inueniet.

Ouillum quoque, ceruinumq; lac, eandem interpretationem habet.

Si quis stercus bubulum colligere visus sibi fuerit, à proceribus opes consequetur, stercoris copiæ respondentes.

Si quis corium bouis inuenisse, vel sustulisse, visus sibi fuerit: hæreditate diuitias amplissimi principis adquiret.

Si bubulum caput inuenisse visus sibi fuerit, opes & thesaurum principis consequetur, propter eam, quæ capite continetur, medullam.

Si bouem in domo sua mactasse, visus sibi fuerit: pro modo & copia carnis, opes alicuius principis consequetur, cum metu magistratus.

Si iecur & pulmonem bouis accepisse visus sibi fuerit, auri puri thesaurum ab alio principe consequetur.

Si ventrem bouis inuenisse visus sibi fuerit, à quodam magnate prosperitatẽ inueniet.

DE VEHICVLO, SIVE CVR-

ru, & plauſtro, rationes Aegyptiorum

V^{EHICVLVM} regium, eminentiam CCXL.
regis denotat: vulgare plauſtrum, di
uerſas ad perſonas refertur.

Si quis in ſomnis vehi viſus ſibi fuerit
curru regio, gloriam ſublimem adſeque
tur, & celebris erit. quòd ſi etiam de illo
rum eſt numero, qui regno idonei ſunt:
regno potiſſimum.

Si quis inſidens currui, generoſis ab e-
quis, vehi viſus ſibi fuerit: & eminētiā
inueniet, & gaudiū, & exitum ſpei ſuæ,
& opulentus erit.

Si & ipſe rex, & vehiculum regium, à
bobus trahebatur: breui viros ampliſſi-
mos in ditionem rediget.

Si quis princeps mediocriſ fuerit, mi-
nor erit, propter bouum ſegnitiem.

Quibuſcūque regium vehiculum per
quietem oblatum fuerit, ad propiorem
regis aditionem hoc refertur: idq; pro-
pterea, quod Iosepho quoque, quum ca-
ptiuitate liberatus, & Ægypti nactus
eſſet imperium, alijsq; ſimiliter, eminen-
tia regiæ gloriæ, priſcis à regibus con-
ceſſæ,

cessæ, per vehiculum significata fuerit.

Si quis in theatro visus sibi fuerit aurigæ in morem regia vehicula gubernare, victoriâq; potiri, & coronari: si bellator est, aut miles, hostes superabit: si aliquis ex proceribus, princeps inter proceres fiet, propter coronam.

Si visus sibi fuerit victus, ex ærumna liberatur, & minore fruatur gaudio. Nâ oblata per quietem afflictio, nihil molesti portendit.

Si plebeio visum huiusmodi fuerit oblatum, quisque gaudium inueniet, ac negotiationis & quæstus incrementum.

Si mulieri, quæcunque tãdem illa fuerit: cum amplissimo viro stupri consuetudinem habebit, & hominibus spectaculo erit.

Si rex vehiculo visus sibi fuerit vehi, sublimiore gloria potietur, & hostes sibi subiciet, omniumq; votorum compos fiet, prout egisse currum visus sibi fuerit.

Si visus sibi fuerit in sella confidere, ac moderatè sensimq; trahi ab equis: in vniuerso populo suo gaudium, tranquillitatem, & exultationem inueniet.

Si

Si quis vehiculum suum fractum videre visus fuerit, in ægritudinē incidet, ac dignitatis aliquam iacturam faciet.

Si visus sibi fuerit aliqd passus in equis, aut bobus, vehiculum trahentibus: pars dignitatis eius humiliabitur.

Sin planè mortui sunt, aut corruerunt: velut interituri: dignitatem atq; gloriam suam amittet, ac grauitè adfligetur.

Plaustra rustica morbum, & cruciatũ à principe, denotant.

Si quis ergo visus sibi fuerit in eiusmodi sedere plastro, & trahi: grauem terrorem, & cruciatum à magistratu expectet.

Sin ex eo descendisse visus sibi fuerit, citò liberabitur.

DE ^a ZATRICIO, EX PER-
sarum & Aegyptiorum disciplina. CCXLI.

SI quis zatricium cum alio sibi noto ludere visus fuerit, lucri causa dimicant inter se: quique vicerit, lucrabitur: & quod habet in votis, perficiet. Sin cum ignoto, cum hostibus absque sanguinis effusione dimicabit, & qui superior euaserit, voti sui compos erit.

Si

*a Ludi genus.
 vide interpretem Theocriti, eidyl. 6.*

Si rex, aut amplissim⁹ vir, aut belli dux, zatricium ludere visus sibi fuerit: de loco prælij cum hostibus cōserendi dispiciet. ac si quidem vicerit, omne animi sui desiderium in bello perficiet: sin à colludente victus fuerit, ab hostibus suis & ipse superabitur.

Si visus sibi fuerit, inter ludendum plures eius ludicri personas cepisse: plures ex hostibus vinciet: sin autem, cōtrarius euentus erit. non tamen eo prælio de summa rerum decertabitur.

Si rex, aut vir aliquis amplissimus, aut belli dux, visus sibi fuerit zatricium suū perdidisse, vel fractum esse, vel ablatum furto: exercitus sui iacturam faciet, ac maximam in ærumnam incidet.

DE OMNIGENIS OVIBVS,

CCXLII. *& ceruis, & hircis: ex Indorum, Persarum, Aegyptiorumq; monumentis.*

SI quis inuenisse, vel accepisse ab alio visus sibi fuerit arietem, anni potestatem consequetur. si plures arietes inuenisse visus sibi fuerit, potestatem consequetur ad annos totidē, quot arietes fuerint: proq; modo pinguitudinis eorum, ditescet.

Si

Si princeps visus sibi fuerit arietes inuenisse, potestatis accessionē inueniet, pro ratione numeri reliqui, postquam facta fuerit arietum computatio, & primo rum potestatis eius annorum.

Si eos sponte sua vendidit, potestatem suam amittet.

Si ablati fuerint, etiam potestas ei auferetur, & afflictionem inueniet auro respondentem, quod pro eis accepit.

Si argētum accepit, pugnam inueniet.

Si visus sibi fuerit arietē occidisse, principem rerum potentem interficiet.

Si videre visus fuerit, adlata sibi multorum arietum capita: sciendum id visum regi duntaxat offerri. Nam hostium capita vinc̄ta venient, & ipse magno gaudio adficietur.

Si rex imperasse visus sibi fuerit, ut arietes mactarētur: si quidem de suis hoc iusserit, principes eius pari modo periclitabuntur. sin de alienis, pro arietum numero hostes interficiet.

Si rex, aut belli dux, visus sibi fuerit arietes cepisse viuos, & in stabulo mactasse. principes infestorum sibi populorum
vin-

vinciet, pro arietum numero.

Si quis arieti visus sibi fuerit inequitasse, virum magna potestate præditum in seruitutem rediget.

Si videre quosdam visus fuerit, adferentes sibi caput hirci cornuti: stolidus quidam bellator ad eum victus deducetur.

Si quis in loco quodam arietes videre, visus sibi fuerit: in eum locum principes veniēt, administrationis & imperij causa, pro ipsorum arietum numero.

Si videre visus fuerit hircos ibidē pascentes, homines in ijs locis iniusti, rapaces, auari imperabunt.

Si ceruos, aliasq; feras & cornutas bestias ibi pascentes videre visus fuerit: hostis eò potens veniet.

Si rex ad venationem ceruorum visus sibi fuerit egressus, aut aliarum bestiarū, quæ cornua gerunt: aduersus hostes rerum potiētes bellū excitabit. ac si quidē animal, quod quærebat, adeptus fuerit: hostem quoq; capiet, gaudioq; ingenti fruetur. sin autem, contrarium accidet.

Si rex visus sibi fuerit cepisse vitulos
cerui-

ceruinos, amplissimorum virorum liberos vinciet.

Si visus sibi fuerit in regia vitulum ceruinum educare, marem vel feminam: hoc ad subolem maiestatis suæ referat.

Si carnem ceruinam comedisse visus sibi fuerit, ab amplissimo viro gaudium & opes consequetur.

Si hircinam, pro modo manducationis morbum inueniet.

Si quis capreas mactasse visus sibi fuerit, afflictionem & sollicitudinem inueniet & citò liberabitur.

Si quis visus sibi fuerit, carnem ouillâ pinguem comedisse: gaudio potietur, & opibus, & gloria.

Si hircinam, cum lacte concreto: in morbum acrem & diuturnum incidet.

Si agnâ inuenisse visus sibi fuerit, vxorem exoptatam accipiet.

Si eandem alienasse visus sibi fuerit, ab vxore sua vel morte, vel occasione quadam separatur.

Si auri pondere vendidit eam, ab vxore sua separatur per litem quandam in iudicio, propter libræ pondus.

Si

Si visus sibi fuerit inuenisse, vel emisse plurimas oves, lac præbentes: inueniet opes, & gaudium, & seruos, pro ipsarum ouium numero.

Si regi visum hoc oblatum fuerit, nationem quãdam in seruitutem rediget, & sibi tributariam faciet, eoq; facto læta bitur, pro ipsarum ouium multitudine.

Si quis oves pascere visus sibi fuerit, & easdem amisisse: ad inopiam redigetur, extremamq; miseriam.

Si videre visus fuerit, oves suas morbo quodam mortuas: si rex est, aut procerũ aliquis, in populo suo per alium principem affligetur.

Si quis lac ouillum bibere visus sibi fuerit, gaudio potietur, & opibus.

Si rex è vase lac bibere visus sibi fuerit, gaudium & exultationem inueniet, & cum muliere consuetudinem habebit, tum vasis pulchritudini, tum lactis suauitati respondente.

Si visus sibi fuerit, inuẽtum hircorum gregem in domum suam abegisse, non repugnãtibus hircis: stolidi populi principatum cum repræhensione accipiet.

Si

Si videre visus fuerit hircorum gregē illum immorigerum, morbum & afflictionem ex potestate inueniet.

Si carnem ouillam crudam ederit, hominum calumniator & criminator erit. Metuat autem Deum, & à vitio desistat.

Si quis videre visus fuerit aliquid mactatum, cui pellis detracta sit, in domum suam illatum: vel ipse, vel alius è domesticis morietur.

Si fæminei sexus mactatum illud erat, ad vxorem ipsius calamitas pertinet.

Si masculum, de ipso intelligitur, vel quodam ei simili.

Si caput ouis edere vis⁹ sibi fuerit, opes inexpectatas, cū vita longæua, inueniet.

Si cui visaper quietem fuerint enata in capite cornua, instar arietis: dignitatem inueniet, & pugnam aduersus hostes, pro cornuum modo.

Si quis huiusmodi cornua fracta videre visus fuerit, affligetur atque contumeliam feret in officio dignitateq; sua, in oculis totius populi.

Si pedes ouillos edisse visus sibi fuerit, bonam valetudinem cum mediocribus diuitijs inueniet.

Si carnem coctam pinguem edere visus sibi fuerit, & iusculum bibere: inueniet diuitiarum suarum incrementum, non sine contentione, propter manducationem. Si iecur ouis comederit, ingentem vim auri consequetur.

Si carnem coctam frigidam comederit, & sordidam: aliorum labore sine labore fruetur.

Si caudam edere visus sibi fuerit, aurū inueniet, quod manducationi respondebit. ac si quidem arietis cauda fuerit, aurum hoc ab amplissimo quodam viro consequetur: sin agnæ, à muliere.

Si agnum inuenisse, vel accepisse, visus sibi fuerit: subolem optatam habebit.

Si carnem agninā edisse visus sibi fuerit, subolē optatā inueniet, bonamq; sibi valetudinem hoc somnio portēdi sciat.

Si gregatim plures agnos inuenisse visus sibi fuerit, gaudio & exultatione beatbitur, pro agnorum multitudine.

CCXLIII. DE DIVERSIS CIBIS, IN-
dorum, Persarum, & Aegyptiorum rationes.

Si quis panem calidum, & feruentem adhuc, edisse visus sibi fuerit: opes cum

eū cruciatu consequetur, pro ipsius visi-
ratione, propter ignis impedimentum.

Si panem frigidum, cum caseo: diuitias
& prosperitatem inueniet, pro modo
manducationis.

Si cum lacte, significantior & splendi-
dior est interpretatio, propter violētā
butyri confectionem.

Si palmulas edisse visus sibi fuerit, ab
amplissima quadam fæmina prosperita-
tem, læticiam, & opes consequetur.

Si fauum mellis ederit, ea nanciscetur;
quæ nūquā sperauerat: & sapiens erit, p-
pter eam, quæ apū inest operi, sapientiā.

Si visus sibi fuerit apiarium fregisse, ser-
uos emancipabit: si ipsemet seruus est,
emancipabitur: si pauper, ditescet.

Si fauum mellis adlatum sibi rex vide-
re visus fuerit, de quo comederit: iucun-
dos redditus, atque læticiam de populo
suo capiet. Nam interpretatio faui ad o-
pus populi spectat.

Si videre visus fuerit, adlatum sibi fa-
uum mellis, qui melle carebat, prouen-
tus eius deficient.

Si quis sacharum edisse visus sibi fuerit,

læticiam peculiarem diuturnam inueniet, pro manducati sachari modo.

Si oliuas comederit, pro earum copia vitæ acerbitem experietur.

Si pepones immaturos, in vita sua pro modo māducatiōis acerbitem inueniet.

Si pepones maturos, in morbum incidet, propter eorum colorem.

Omnis itidem fructus citreum colorem referens, de morbo intelligitur.

Si pepones vulgares ederit, sanitatem inueniet. (tur.

a Cuenmeres.

b Videntur

esse, qui ab

Italis citranguri dicitur.

Si ^a anguria, diuitias infidas consequetur.

Si ^b teträgura, res amplior & magis certa portenditur.

Si pruna, terrorem & morbum, inque rebus vniuersis difficultatem inueniet.

Si quis ad palmam arborem venisse visus sibi fuerit, & fructum eius ad radicem collectum inuenisse, quem partim comederit, partim abstulerit: per scortationem respondentes fructui diuitias mulieris alicuius consequetur.

Si & alij de hoc dedisse visus sibi fuerit, alijs quoque proderit.

Si de fico decerpisse maturas ficus, visus

fus sibi fuerit: ab opulento quodam homine consequetur aurum atque diuitias amplissimas, propter multitudinem granorum, quæ intra ficus sunt. Sin immaturas, ab eiusmodi viro litem atque rixam expectet.

Si poma comederit, prosperitatem inueniet, pro modo dulcedinis eorum.

Sin acida fuerint, in acerbum casum & morbum incidet.

Si pira matura comederit, à duro quodam & amplissimo viro mediocre lucrū accipiet.

Si nuces Indicas, ab extraneis & alienigenis gaudium atq; diuitias cōsequetur.

Si nuces vulgares, lucrum ab homine maximo, eodemque parco, cum labore consequetur.

Si oleū comedere visus sibi fuerit, afflictione liberabitur, & læticia potietur, quæ olei dulcedini respondebit.

Si quis oliuas expresserit, olei conficiendi causa: pro expressi olei copia, prosperitatem cum labore consequetur.

Si placentas ederit, desiderabile bonū inueniet.

*a Ab arundi-
nibus siue ca-
laminis palustri-
bus.*

Si comederit sacharū cānarum, quod paludium vocant: in afflictionē & morbum incidet, propter eius colorem, & ignem: idq; pro modo manducationis.

Si caput hominis ederit, auri diuitias consequetur, & opes ex iniusticia.

DE CALCEIS, ET TIBIALIBUS, & braccis, ex Persarum & Aegyptiorum disciplina.

CCXL-
IIII.

SI quis calceos nouos gestare visus sibi fuerit, in afflictionem & vincula incidet. Sin calceos istos abiecit, si vincus est, è vinculis liberabitur: si in afflictione ac sollicitudine, curis illis soluetur.

Si calceos vsitatos fissos videre visus fuerit, in seruis suis imbecillitatem & morbum experietur. si seruos nullos habet, ad spē & negotia sua somniū referat.

Si calceos suos exustos videre visus fuerit, per principem seruos suos amittet.

Si quis induisse noua tibialia visus sibi fuerit, in opibus suis nouam voluptatem inueniet, idq; propterea, quòd tibialibus crura tegantur.

Si videre visus fuerit, tibialia fuisse rubra: laticia largior erit.

Si

Si lanæ, diuitias citra laborem à principe cōsequetur, pro ipsius lanæ ratione.

Si de gossipio, & homo: similiter à miti patrefamilias ditabitur.

Si de metaxa, minores erunt opes, sed splendidiores.

Si mulier visa sibi fuerit gestare tibialia, si quidem prægnas est, filium pariet.

Si tibialia quis amisisse visus sibi fuerit, maiorem diuitiarum suarum partem amittet, & in ærumnam ac paupertatem incidet.

Si caligas suas scissas videre visus fuerit, & morbum expectet, & opum causa formidinem.

Si nouas braccas gestare visus sibi fuerit, domum nouam adquiret.

Si ruptas videre visus fuerit, sponte sua faciet expensas, & gaudium beatamque vitam consequetur in familia & coniuge sua.

Si eas amisisse visus sibi fuerit, afflictionem & vim experietur in domo sua. fortassis etiam ab vxore sua separabitur.

Si braccæ suæ zonam, siue cingulum nouum videre visus fuerit: nouū domus

suæ custodem adquiret, zonæ pulchritudini respondentem.

Si vilem fuisse zonam hanc, videre visus fuerit: parum idoneus, & vilis erit domus suæ curator.

Si zonam scissam videre visus fuerit, ex eodem homine sollicitudinem & afflictionem inueniet.

Si ruptam, vel ablatam furto: per mortem ab eo separabitur.

Si mulier præter morē braccas viriles gestare visa sibi fuerit, si prægnas est, subolem masculam cōsequetur, per quam domus successionem & hæreditatem impetrabit: si grauida non est, læticiæ mariti particeps erit.

DE CINAMOMO, EX

CCXLV.

Indorum rationibus.

CINAMOMVM ad potestatem generosam & acerbam refertur, propter eius tum mordacitatem, tum fragrantiam.

Si quis in somnis edere cinamomum visus sibi fuerit, potestatem cum egregia fama consequetur ab alio quodam principe, qui & potens erit, & acerbus.

Si quis videre visus fuerit donatum sibi ci-

bi cinamomum, aut emptum ab se, aut repertum: ab huiusmodi viro gaudium & opes consequetur.

Si visus sibi fuerit habuisse cinamomi arborem in agro, vel domo sua: (quod visum regibus duntaxat, aut principibus, aut imperio potituris offertur. Nam arboris eius interpretatio maximum ad dynastiam, & celeberrimum pertinet: & quâ fieri possit, ut qui tale habuit somnium, humilis sit conditionis, & plebeius?) rex erit, aut maxima cum potestate princeps.

Si de fructu eius alteri dedisse visus fuerit, cum illo diuitias & potestatem suam communicabit.

Si rex visus sibi fuerit arborem huiusmodi consequutus, quam excoluerit: cognatum quendam suum amore complectetur, & euehet.

Si cinamomum eradicasse visus sibi fuerit, eiusmodi virum à regia sua radicibus extirpabit.

CONSIMITER EX PER-

sarum & Aegyptiorum rationibus. CCXLVI.

SI quis edere cinamomum visus sibi fuerit, & eminentiam, & præclarum no-

y s men

men in familia sua consequetur, propter
oris fragrantiam.

Si visus sibi fuerit copiam cinamomi
nactus, opes cum subole generosa con-
sequetur.

Si strenæ munerisq; loco cinamomum
accepisse visus sibi fuerit, è peregrina ter-
ra gaudio beabitur.

Si cinamomo velci visus sibi fuerit, du-
ram atque splendidam potestatem inue-
niet, pro modo manducationis.

Si ex eo factus fuit temulentus, prout
hausit, opes inueniet.

Si rex adlatum sibi cinamomum vide-
re visus fuerit, nuntium de peregrinis na-
tionibus accipiet, ipsis quidem acerbū
& ærumnosum, propter lacrumam: at re-
gi læticiæ & exultationis plenum, pro-
pter fragrantiam.

Si rex alijs cinamomum dare visus sibi
fuerit, eos huiusmodi nuntio beabit.

CCXL-
VII.

DE CORONIS, ET VNIO-
nibus, & gemmis, ex Indorum disciplina.

CORONA, regis ad personā pertinet:
sertum, ad alterum à rege, vel ad ho-
minis fidelis de fide testimonium.

Vnio-

Vniones, & magni pretij gemmæ, ad oracula diuina, & Dei cognitionem, & sapientiam diuinã, plerunq; referuntur.

Si quis ergo coronam gestasse visus sibi fuerit, si regij generis est: imperio potietur. sin plebeius, & idoneorum tamen è numero, ad eminentiam perueniet, ac regi proximus, immò secundus erit à rege.

Si mulieri visum hoc oblatum fuerit, quæ maritum habet, & quidem idoneum: regno potietur. Sin autem, perinde vt is de quo modo loquebamur, ad eminentem aliquam dignitatem euehetur, & marem procreabit.

Si quis videre visus fuerit, impositum capiti suo sertum, de pretiosis gemmis, & vnionibus confectum: pro modo pulchritudinis ferti, quicumq; tãdem fuerit, & opes inueniet, & eminentiã, & gloriã.

Si de fidelium & religiosorum numero est, pro Christo martyriũ sustinebit, & celebris erit. Si mulier huiusmodi somniũ habuerit, homini potestate prædito nubet, ac gloriã inueniet. Quippe maritus est sertum atq; corona mulieris. Si quis accepisse visus sibi fuerit ab aliquo,
vel

vel inuenisse gemmas, aut vniones magni pretij: diuinorum dogmatum splendorem inueniet, pro modo magnitudinis & splendoris ipsarum gemmarum.

Si rex visus sibi fuerit in conspectu populi gestasse coronam cãdidam, ex vnionibus confectam: magnificẽtiam atque decorem erga populum suum inueniet, & venustatem coronæ respondentem.

Si erat ea de rubri coloris gemmis, quas lychnitas vocant, cõfecta: gratiam atque gaudium splendidissimũ inueniet, magisq; formidolosus hostibus erit.

Si de gemmis veneti coloris, deminutionem regni sui, propter eum colorem, experietur.

Si de præsini coloris gemmis, celebratissimum apud omnes nomen inueniet, tam fidei, quàm regni respectu. Nam præsinus gemmarum pretiosarum color, vniuersè de recta fide, ac religiosa in Deum pietate accipitur.

Si rex alium quendam coronare visus sibi fuerit, si cognatus is regis est, regiam illi dignitatem tribuet: sin a familia regis alienus, mortis periculum coronato portenditur.

Si

Si rex visus sibi fuerit accipere coronā
 aliam, recens confectam: filium & hæ-
 redem, regni futurum participem, con-
 sequetur.

Quicumque depræhenduntur hono-
 res sibi regios vsurpare, mortem meren-
 tur. quòd si cui per quietē oblatum fue-
 rit, quasi à rege accepta corona redimi-
 tus fuerit: si non est è numero cognato-
 rum regis, ad insignem euehetur gloriā,
 & malè peribit. sin ex cognatis est, impe-
 rio potietur.

Si rex videre visus fuerit ademptam ab
 aliquo sibi noto coronam, idq; per ami-
 citiæ speciem, vel fraude: per illū ipsum,
 aut alium similem regnum amittet.

Si rex videre visus fuerit auctum & or-
 natum, & vniones, & gemmas purpuræ
 suæ, præter morem: in fide sua, & regno,
 splendorem inueniet, ac sublimitatem,
 & magnificentiam.

Si ornatus ille, de quo diximus, ali-
 qua sui parte deminutus fuerit: etiam fi-
 des, & regnum eius, imminuetur.

DE CORONA, ET SERTIS, CCXL.

Perfarum Aegyptiorumq; rationes. VIII.

SI

SI quis coronā regiam gestare visus sibi fuerit, variè notis quibusdam gēmis & vnionibus insertis ornatam atque distinctam: quicumque somnium hoc habuerit, & regnum, & gloriam coronæ respondentem, inueniet.

Si gemmas & vniones instar inaurium de corona pēdentes, videre visus fuerit, regnum obtinebit, quod gemmarum tū magnitudini, tum elegantix respōdebit.

Si rex in aures huiusmodi, siue gēmas pensiles coronæ suæ, videre visus fuerit abscissas: regia ipsius aula perparum erit ornata, nec varijs distincta coloribus.

Si rex coronam suam alteri dedisse, visus sibi fuerit: in consilio regio regnabit is qui coronam accepit.

Si deponendæ coronæ causa, illi homini duntaxat eam porrexit: ad prime regi familiaris erit is, cui corona fuerit oblata.

Si eam notæ mulieri dedit, siquidem Augusta est, regem pariet: sin alia, concubinæ illam loco habebit.

Si ignotæ, tempus fanè prosperum rex inueniet, pro mulieris ipsius forma:
quæ

quæ quidem si deformis fuerit, durum
& aduersum tempus experietur.

Si rex videre visus fuerit coronam
suam lapsam, & fractam, & ornatum il-
lius atque gemmas dispersas: difficulta-
tes, insidias, afflictiones sentiet, quas ta-
men superabit, idque propter eam caus-
sam, quod ornatus rursus colligi possit,
& corona refici.

Si videre visus fuerit eam ab alio per
vim ablatam, vel ademptam furto, vel
ita deperditam, vt nusquam exstaret: a-
misso regno, viuendi finem faciet. Nec
enim fieri potest, vt amisso regno, rex
amplius uiuat.

Regia chlamys ad coniugem regis re-
fertur, itidemque ad ornatum & læticiam
ipsius.

Si ergo videre visus fuerit ornatum
chlamydis suæ, & vniones eius, & gem-
mas auctas: ex Augusta, & ornatu eius,
voluptatem capiet.

Similiter & regia tunica regis ad per-
sonam refertur. Itaque si per quietem
oblatum ei fuerit, quasi tunicæ maius or-
namentum, & vnionum gemmarumque
pondus

pondus accesserit: regnum ipsius & ornatus, & elegantius erit. Sin ornatus hic deminutus fuerit, & margaritæ ac gemmæ inutiles exilesq; factæ: regnum eius & deminuetur, & affligetur.

Si videre visus fuerit quendam è magnatibus suis, qui partem ornatus regij gestaret: oblectationem ex dignitate sua capiet is qui ea gestabat, ac tandem misero interitu peribit.

Si rex visus sibi fuerit inuenisse margaritam vnam, maximi æstimatam: pro modo pulchritudinis eius, fæminam inueniet.

Si gemmas & margaritas adlatas sibi videre visus fuerit, pro earum multitudine gaudio potietur.

Si alij visum hoc oblatum fuerit, quasi rerum istarum magnam nanctus sit copiam: diuitias copiæ respondentes, & gloriam inueniet, cum metu regis. nam regi duntaxat ista conueniunt.

Si mulier huiusmodi somnium habuerit, quãtum sanè gemmarum vel habuit, vel gestauit: tantundè & gloriæ læticiæq; cum marito suo inueniet.

SI quis visus sibi fuerit, abluto corpore, vestem induisse: miseria liberabitur, & ad gaudium gloriamq; perueniet, pro vestis ipsius elegantiâ.

Si videre visus fuerit collapsum domus suæ parietem, vxor eius morietur. Si vxore caret, curatorem domus amittet.

Si parietem rursus struxisse visus sibi fuerit, in horum loca succedent alij.

Si quis visus sibi fuerit colligere tela siue sagittas, hominibus ille mortem molietur.

Si quis sagittam emisisse visus sibi fuerit, aut à sagitta læsus: is qui tactus ab alio fuerit, morietur. si non fuerit mortuus, in difficultatem & cruciatum ingentem incidet.

Si quis ab aliquo visus sibi fuerit ensẽ duntaxat nudum accepisse, coniux eius morietur.

Si in theca salua est, ense rupto: filius ei morietur, vxore salua.

Si quis apostolicum de pilis cõfectum,

z

vel

vel sericum, gestare visus sibi fuerit: per
 uxorem suam prosperitate potietur.

Si visus sibi fuerit inuenisse vel acce-
 pisse sindonas siue lineas telas, aut sim-
 plicia stragula: pro eorum elegancia, mu-
 lierem inueniet.

Si magnam armorum copiam habere
 visus sibi fuerit, & vir amplissimus est: ea
 de securitate ab hostibus intelligat.

Si pauper est, qui tale somnium ha-
 buit, ditefcet.

Si quis inuenisse, vel habere thoracem
 siue loricam, visus sibi fuerit: aurum &
 opes intrepidè, summa cum audacia
 consequetur.

Si gladium inuenisse visus sibi fuerit,
 quem & gestauerit: & potestatem, & fi-
 lium consequetur.

Si arcum tensum reperit, iter quod-
 dam suscipiet, ac feliciter eo confecto
 reuertetur.

Si neruum eius incisum videre visus
 fuerit, ab itinere suo repelletur, & in æ-
 rumnam incidet.

Si tela cum arcubus tenuisse visus sibi
 fuerit, cū gaudio suis hostib⁹ insultabit.

Si

Si arcum suum fractum videre visus fuerit, & ab hostibus formidinē, & vxoris suæ morbum, fortassis & mortem illius expectet.

Si quis ab aliquo gladium, vel cultrum, vel è ferro confectum aliquid, siue scindat, siue non scindat, vel rude ferrum accepisse visus sibi fuerit: si quidem opulentus est, magis ditescet: si pauper, & ipse maiores adquiret opes, pro illius modo atque copia quod accepit.

Si quis hastam accepisse visus sibi fuerit, & amplissima fama potietur, & filio: pro hastæ magnitudine.

Si hastam ab aliquo sublatam ademptamq; videre visus fuerit, existimationem & famam perdet.

Si quis accepisse dono manclauia visus sibi fuerit, potestatem consequitur. si ademptū ei māclaium fuerit, & ipse cū potestate est, potestatem suam amittet.

Si per quietem videre visus fuerit, quasi manclaium ipsius scinderetur: experietur afflictionē in potestate sua, prout latè scissum manclaium fuerit.

Si quis inuenisse charzanium visus sibi

fuerit, potestatem ea minorē inueniet,
quæ per manclaiuum portenditur: &
eiusdem cum illo interpretationis.

Hic quoque
folium unum
perijt.

CCLIX.

★ ★ ★
DE ANULO, EX IN-
dorum disciplina.

SI quis anulum inuenisse visus sibi fue-
rit, eumq; gestasse: siquidem idoneus
est, potestatem amplissimam consequetur:
sin autem, vxorem & opes inueniet,
ac masculam subolem procreabit.

Si quis anulum suum ruptum videre
visus fuerit, potestate sua excidet, ac for-
tassis vxorem quoque, vel filiū amittet.

Si quis anulo ceram vel lutū obsignare
visus sibi fuerit, & alij tradere: qui acce-
pit, ab eo potestatem consequetur, qui
obtulit: sin potestate præditus est, gau-
dium atque prosperitatem.

Si videre visus fuerit anuli gemmam
refixam, & vxor eius, & liberi morbo
corripientur.

Si fissa fuerit, filius eius morietur, & ip-
se in magistratu potestateq; sua miseras
experietur.

Si

Si quis anulum suum, duas in partes fractum, lapsumque videre visus fuerit: vxoris morbum videbit, & liberorum interitum, & potestatis suæ deminutionem.

Si visus sibi fuerit anulū accepisse, qui gemmam ruffatam contineret: potestatem illustriorem consequetur, & læticiam, pro ipsius gemmæ splendore.

Si gemma prasini coloris erat, & potestatem & fidem bonam inueniet, pro ipsius gemmæ puritate.

Si auri colorem gemma referebat, & morbis & ærumnis obnoxiam vxorem iuueniet.

Si gemma veneti coloris erat, coniuncta cum margaritis: opes atque dignitatem inferiorem consequetur.

DE ANVLO EX PERSA-
rum & Aegyptiorum disciplina.

CCLX.

ANVLS ad regni confirmationem refertur. Nam ex eo sepe reges intelliguntur, etiam sine ore.

Si rex visus sibi fuerit anulum alteri dedisse, potestatem illi eximiam inter domesticos suos dabit.

Si anulum dedit, aut adfixit Augustæ

manui: siquidem illa prægnas est, regem pariet: sin autem, nihilo minus concipiet, ac marem edet.

Si rex manui suæ duos adfixisse visus sibi fuerit anulos, pristinum cum alio nouo: post eum filium, quem habebat antea, consequetur alium.

Similiter in Augusta eadem est interpretatio. quæ quidem si filio caret, duos habebit, cum duplici gaudio.

Si rex visus sibi fuerit sigilla de anulo nonnullis dare, sublimes illos ad dignitates euehet, & arcanorum suorum cōscios faciet.

Si rex anulum suum disciderit, in Augustæ persona calamitatem habebit.

Si quis anulum emisse visus sibi fuerit, & gestasse potestatem consequetur, & vxorem, pro modo pulchritudinis anuli.

Si quis visus sibi fuerit anulum, de manu sua sumptum, alterius noti hominis manui adfixisse: illum hæredem, & in potestate sua successorem instituet.

Generaliter anulus ad eos refertur qui potestates tribuunt, & regna concedunt:

ac si

ac si qui hoc facere nequeunt, ijs læticiã,
& liberos, & vxores portendit.

DE SELLIS, ET THRONIS, CCLXI.

Persarum & Aegyptiorum interpretationes.

SELLA dignitatē, aut vxorem denotat.

Si quis inuenisse ligneam sellam vi-
sus sibi fuerit, & in ea sedisse: virorū am-
plissimorum potestatem inueniet.

Si sellam ferream, vxorem nobilē con-
sequetur, & potestatem, & opes: ita tamē,
vt hæc omnia sint inferiora, quàm quæ
per ligneam sellam portenduntur.

Si sella peregrina, & parua erat, in qua
sedebat: cum extranea muliercula rem
habebit.

Si & lignea sella peregrina erat, aut thro-
nus: ad potestatem & vxorem refertur.

Quidquid his acciderit, in huiusmodi
personis suum habebit euentum.

Thronus regius ad regem refertur, aut
ad filium successorem.

Sella regia refertur ad Augustam.

Quidquid his factum fuerit, prosperū
vel aduersū: illis ipsis personis eueniet.

Si rex videre visus fuerit alium in thro-
no suo sedentem, is homo regi struet in-

fidias, propter ipsius facti conatusq; nouitatem.

Sistolam regiam habebat is, qui regis in throno sedebat: successor regis erit.

DE VELIS, ET VELAMINI-

CCLXII. *nibus, siue tapetibus, Indorum, Persarum, Aegyptiorumq; rationes.*

VELA, & opercula siue velamina, afflictionem acrem, & ploratum, & grauem dolorem portendunt, pro ipsorum velorum quantitate ac modo.

Si quis in domo sua praeter morem suspensa vela videre visus fuerit, afflictionē & dolorem ingentem experietur.

Quòd si vela valde spissa sunt, & magna: erit & afflictio tum acrior, tum diuturnior.

Si ea rariora minoraq; sunt, ærūnam quoque minorem esse necesse est.

Cōsimiliter & de coloribus iudicādū.

Si vela varios colores habēt, aut nigra sunt: erit & afflictio cōsimiliter acrior.

Si alba, vel alterius coloris, ex ijs, quos ad laticiam supra retulimus: celerrima ex afflictionibus liberatio portenditur.

Si velum duntaxat vnum in domo suspen-

p̄sum est, vnica erit adflictio: sin plura,
eorū numero & ærumnæ respondebūt.

Si quis hæc in aliena domo videre vi-
sus fuerit, ad domus illius dominum om-
nia referat.

Si quibusdam velaminibus visus sibi
fuerit texisse domum, vel solarium, vel
nauem, instar vmbraculi nubis: adflictio-
nem & difficultatem minorem inue-
niet, pro ratione ipsius velorum operis,
& interpretatione.

Si rex sellaria sua fracta videre visus
fuerit, Augustæ miseria portenditur, &
regijs fæminis.

Si rex visus sibi fuerit esse in naui, to-
tamq; nauim operire: calamitas exerci-
tui eius imminet.

Si rex videre visus fuerit suspenſa quo-
dam in templi, vel domus loco, præter
morem, vela: & adflictionem, & sollici-
tudinem inueniet, pro ratione velorum
& locorum.

Sin & illa pariter, & alia, quæ prius ibi-
dem esse solebant, ablata videre visus
fuerit: ex adflictione ac sollicitudine li-
berabitur, ac gaudio potietur.

DE TEXTURA TELÆ, PER-

CCLXIII.

sarum & Aegyptiorum interpretationes.

SI quis visus sibi fuerit telam pro more texere, quæstum in negotiatione sua faciet, operi texturæ respondentem.

Si textura spissa fuerit, expeditionem suscipiet, ex qua quæstum faciet, pro ipsius telæ qualitate.

Si tela citrei coloris erat, in morbum incidet is qui somnium habuit. ac si quidem opus eius ad finem iam perductum erat, morietur: sin duntaxat inchoatum, diuturno cum morbo conflictabitur.

Si quis telam ordiri visus sibi fuerit, tardum iter inueniet, propter ipsam operis tarditatem.

Si eam parat, si quidem ipse est, ad iter sese parabit: sin alterius, alterum ad iter instruet.

CCLX-

IIII.

DE CIRCUMVOLVTIONE

fusi, Persarum & Aegyptiorum rationes.

SI quis lanam ouis aut caprarum nere visus sibi fuerit, aut pilos, aut cannabim, quod sanè virorum à moribus non abhorret: & iter, & lucrum operi respondens inueniet, propter id lucrum, quod

Si

hinc percipitur.

Si gossipium nere visus sibi fuerit, aut linum: humiliabitur, & ignominia notabitur, idq; propterea, quòd opus hoc muliebre sit.

Si mulieri talia visa semet obtulerint, maritum suũ absentẽ peregrẽ recipiet.

Si mulier inter nendum visa fuerit secuisse filũ, absens peregrẽ maritus moram faciet.

Si videre visa fuerit, quasi verticillum fusi ceciderit: à marito suo separabitur vel morte, vel quadam ex causa.

DE PEPLLO, PERSARVM CCLXV.

& Aegyptiorum explanationes.

SI mulieri per quietem oblatum fuerit, quasi peplum eius ab aliquo per vim ademptum ei sit, vel prorsus abscissum: maritus eius morietur, aut in vniuersum ab ea diuertet.

Si ex parte scissum videre visa fuerit, maritus eius oppressionem atque terrorem magnum à magistratu habebit.

Si videre visa fuerit ablatum furto, ad eundem hoc furtum spectat, quodam scilicet struẽte marito mulieris insidias.

Si

Si maritus vxori suæ peplum furto ademptum videre per quietem visus fuerit: fraude maritus ipsemet vxorem suam circumueniet, cum altera per adulteriũ sese polluens.

Si mulieri, vel viro per quietem oblatum fuerit, quasi mortuus aliquis ab eo pallium posceret: hoc ad mariti personã, vel filij, vel filix, refertur.

Similiter si fausti quid acciderit in eadem veste, ad easdem personas refertur.

Si mulier videre visa fuerit peplum suũ maius, & pulchrius factũ: in marito, vel filio suo, læticiam inueniet.

Si peplum suum scidisse visa sibi fuerit, afflictionem & separationem vel à marito, vel à filio, patietur.

Si peplũ duntaxat gestare visa sibi fuerit, idq; sic amiserit, vt in conspectu populi planè discooperta sit: è scortatione malum ei portẽditur, omnibusq; spectaculo erit, & infamia notabitur.

Si mulier viro carens huiusmodi somnium habuerit, calamitas ista referetur ad eius subolem, vel fratrem, vel genere proximum.

MARITATA quædam mulier con-
 uëto somniorum interprete, verbis
 illum huiusmodi cõsultuit. Vifa sum per
 quietem non tecta in medio populo ob-
 ambulare. quid hoc rei portendit obse-
 cro? Tum ille, maritumne haberet, in-
 terrogat. Illa se maritum habere fassa,
 sed qui abesset peregrè: Non amplius
 eum videbis, ait. Vti prædixerat, ita res
 euenit, illo peregrè mortuo.

DE CAPILLIS MULIEBRI. CCLX-
bus, ex Persarum & Aegyptiorum sententia. VII.

SI mulier videre vifa fuerit tonsos capi-
 tis sui capillos, aut maritus eius mori-
 tur, aut ab eo separatur.

Si vifa sibi fuerit ex parte tonsa, inter
 maritum & ipsam lis erit de diuortio.

Si per quietem oblatum ei fuerit, quasi
 notus quispiam præhenso ipsius capil-
 los à tergo reseceat: is homo cum marito
 mulieris consilium de diuortio clande-
 stinum inibit.

Si videre vifa fuerit aliquem capillos
 ab antica parte tenentem, & rescantem:
 is apertè diuortium inter eos molietur,
 propter

propter factam à fronte tonsuram.

Si quis vxorem propriam totondisse visus sibi fuerit, perductor & leno eius erit, ipso prudente ac sciente se pollutentis adulterio, & ab eadem separabitur.

Consimiliter si visus sibi fuerit vxorem alienam totondisse, partim portenditur, hunc hominem insidiaturum mulieri: partim ad mariti diuortium refertur.

Si mulier ægrotans, visa sibi fuerit tonsa: morietur. si maritus ægrotat, & ipsa somnium hoc habuit, maritus mulieris morietur. Nam tonsura diuortium portendit.

DE VIRIS ET MULIERIBUS,

CCLX-
VIII.

*stolas inter se permutatas gestantibus,
ex Persarum disciplina.*

SI vir quispiam visus sibi fuerit præter morem gestare stolam muliebrem, in opibus suis aduersos casus experietur, cum metu principis, & dedecore vesti respondente.

Si mulieris instar sabanum gestare, visus sibi fuerit: occultum quoddam malū sentiet, ad propinquitatem interitus sui.

Si quis vxoris propriæ stolam gestasse,
visus

visus sibi fuerit: humiliationem & turpitudinem erga coniugem suam inueniet.

Si uxoris alienæ stolam gestasse, visus sibi fuerit: publicè vniuersis spectaculo erit.

Si mulier visa sibi fuerit gestare ^a cabadium scaramangij, vel facecolium virile: a De his sup. cap. 131. ex viro suo gaudium atque delectationem capiet.

Si aliam quandam stolam, & prægnas est: masculum pariet.

Si braccas gestare visa sibi fuerit, hoc ipsum quoque de subole mascula intelligitur, & successione in domo viri.

Si tibialia gestare, virilesq; calceos, visa sibi fuerit: tibialia de mascula subole, calcei de feruis accipiuntur.

Si mulier arma bellica virilia gestare visa sibi fuerit, potestatem per maritum suum inueniet, & ab hostibus securitatem, vel per filium, vel curatorem domus suæ. Quòd si arma erant ferrea, maritus eius & opibus, & vita longa potietur: si de gossipio, vellana, diuitias illis respondentem consequetur.

DE LEONE, AC FERIS

CCLXIX.

*bestijs, ex Persarum & Aegyptiorum
sententia.***L**Eo regis ad personam refertur.

Si quis per quietem cum leone rixari, vel pugnare, visus sibi fuerit: si rex est, aut vir amplissimus, cum principe quodam, hoste suo, vel alio rege bellum geret: quiq; vicisse per quietem visus fuerit, reapse victoria quoque potietur.

Si plebeius aliquis huiusmodi somniū habuerit, consequens erit, vt vel aduersus regem perduellis fiat, vel cum orco luctetur.

Si quis leoni morigero insidere ac vehi visus sibi fuerit, siquidem ad hoc idoneus est, regno potietur: sin autem, amplissimam potestatem consequetur, per quam principem quendam, hostem suum, deprimet.

Si quis leonem videre visus sibi fuerit, cum quo non pugnaverit, sed ab eo duntaxat territum se putauerit: illi à principe, rerum potiente, metus atque trepidatio portenditur.

Si regius est quispiam, cui visum hoc oblatum

oblatum fuit: à rege homini periculum imminet, tandemq; læto fine potietur: idq; ppter ea, quod nihil ei leo nocuerit.

Si quis videre visus fuerit, leonem a facie sua conuersum aufugisse: si rex est, fama duntaxat ipsius impulsu regnum aliud, ei cedit, ac se summittet. Simplebeius, magno metu periculoque liberatus, læticiam consequetur.

Si q̄s vesci carne leonina visus sibi fuerit, à rege diuitias & potestatem consequetur, hostemq; suum proteret.

Si quis lac leoninum bibisse visus sibi fuerit, formidolosas opes & læticiam à rege consequetur.

Si quis membrum aliquod leonis edisse visus sibi fuerit, si rex est, alterius regni partem adquiret: si plebeius, aurum & opes à rege accipiet, atque hostem in potestatem rediget.

Si quis stercus leonis inuenisse visus sibi fuerit, ac sustulisse: diuitijs potietur minoribus, quàm eæ sint, de quibus est dictum.

Si visus sibi fuerit iecur leoninum, vel medullam inuenisse: si rex est, aut vir am

A plissimus,

plissimus, aureos priscorum regum thesauros inueniet. si plebeius, opes & familiaritatem regis impetrabit.

Si quis pellem leonis per quietem inuenit, si rex est, aut vir amplissimus, omnes diuitias & aurū aduersarij regis consequetur: si plebeio visum hoc oblatum fuerit, (quanquam difficulter hoc alijs offertur, præter amplissimos viros) confestim opulentus erit. Si rex videre visus fuerit, leonē ad se vincitū perducere: hostem maximum capiet. Si leonem vincitū ad regem perducunt, hostis maximi vitæ consortem vinculis habebit.

Si catulos leoninos, & leonem māsuetam habere visus sibi fuerit: hoc ipsum ad Augustam, eiusq; liberos interpretando referat. ac si quidem in regia videbantur educari, gaudium sibi portendi statuat, & liberorum in regno successionē.

Si rex in venatu leonem occidere visus sibi fuerit, in bello principem quendam, hostem suum, opera subditorum suorum interficiet.

Si rex cum leone visus sibi fuerit amicè colloqui, admirabili quodam modo cū alio

alio regno pacē colet, prout ingēs miraculū est in ista cū leone colloquutione.

DE ELEPHANTO, EX IN-
dorum disciplina.

CCLXX.

ELEPHANTVS ad amplissimum & opulentum virum interpretando refertur: non tamen ad inimicitias maximas, sed mediocres.

Si quis elephantum venatu cepisse, vel habere visus sibi fuerit: opulentum quēdam, & auro abundantem capiet. atque hoc sanè visum regibus duntaxat offertur, quibus solis competit. Si tamen hoc somnium aliquando plebeius quispiam habuerit, ad fines excelstitatis regię propiùs accedet. Si quis elephanto vehi visus sibi fuerit, princeps erit, & principis alicuius amplissimi possessionibus potietur. Si videre visus fuerit elephantum suum mortuum, ad afflictione quidē ille modica vexabitur: sed de mediocribus diuitijs nihil ei decedet. Nam elephanti diuitiæ, sunt vsus ossium.

Si quis eliphanti stercus inuenisse visus sibi fuerit, opes ab amplissimo viro consequetur in numerata pecunia, pro simi copia.

CCLXXI. DE ELEPHANTO, EX PERSARUM & Aegyptiorum monumentis.

ELEPHANTVS de viro excelfo, potestate prædito, extraneo, diuitias ingentes possidente accipitur: idque propterea, quòd non vbique capiatur, sed tantùm in India.

Si rex videre visus fuerit elephãtos plures ligatos ad se perducì, vel vnum duntaxat: viros principes amplissimos, opulentissimos, sed parum præstantes in rebus bellicis, vinc̃tos accipiet.

Si sine vinculis ferreis hoc factum fuerit, prædicti magnates ad eum sponte suamorigeri facti venient.

Si rex imperasse visus sibi fuerit, vt elephãtus caderetur, ossium suorum causa: virum eiusmodi occidet, ac diuitias eius auferet.

Si rex elephãto vehi visus sibi fuerit, ad eminentiam gaudiumque perueniet, ac maximas opes consequetur.

Si quis elephãto ministrare visus sibi fuerit, in cibo ac potu: amplissimo viro seruiet, ac quæstum ex eo faciet.

Si quis elephãtum peregrinum subito do-

tò domum suam ingressum videre visus fuerit, & gaudium & liberationem ab ærumnis inueniet.

Si visus sibi fuerit elephanti ossa, vel stercus inuenisse: hoc ipsum de opibus intelligat.

DE PARDO, EX PERSA- CCLXX.
rum & Aegyptiorum disciplina. II.

PARDVS ad hostem, cum quo nulla est conciliatio, refertur.

Si quis cum pardo pugnare visus sibi fuerit, si cum potestate est, aut belli dux, cum hoste potente, fraudulento, & formidoloso bellum geret. ac si quidem visus sibi fuerit coëgisse belluam terga dare, hostem in fugam conijciet: sin eam occidit, hostem cædet.

Si pauperi visum hoc oblatũ fuerit, aut homini plebeio: in cruciatum ac metũ principis alicuius caussa incidet.

Si visus sibi fuerit à pardo vulneratus, in morbum & iram suppliciumq; graue principis incidet. Nam vulnus inflictum à pardo virus habet.

Si quis edere pardi carnẽ visus sibi fuerit, opes atque gloriam inueniet.

Si pardo infidere visus sibi fuerit, si rex aut princeps est, hostem potentem ac magnum sibi subijciat: sin plebeius, magnam ad gloriam perueniet, ac magistratus erit.

Si pardum videre visus fuerit, atque se pariter & pardum expauisse, sine pugna & læsione mutua: terrorem principis ac difficultatem experietur.

Si rex pardum, vel pardos adlatos sibi videre visus fuerit: hostem cõtumacem, & potentem, captiuum accipiet.

Sin mansuefactum pardum adduci viderit, ingentem rex famam gloriamque consequetur, ex eiusmodi hominis in ordinem coacti subiectione.

CCLXX-
III. DE LEOPARDO, EX PER-
sarum & Aegyptiorum monumentis.

LEOPARDVS ad hostem nobilem, & magnum, & ad regem refertur: propter nobilitatem ipsius fere, quæ animalia cætera sibi subijcit, ipsa parum alijs parat.

Si quis cum leopardo colluctari, vel pugnare visus sibi fuerit: si rex est, aut princeps, cum alio nobili rege bellum geret:

geret: & is, qui per quietem vicerit, reapse victoria potietur.

Si pauper quispiam, vel plebeius, huiusmodi somnium habuerit: à rege, vel principe, terrorem & cruciatum inueniet.

DE VRSIS, EX PER-

sarum rationibus.

CCLXX-

IIII.

INTERPRETATIO vrsi ad hostem opulentum, & potentem, & stolidum, & audacem pertinet.

Si quis vrsum interfecisse visus sibi fuerit, hostem eiusmodi conficiet, ei que succedet.

Si vrsus infidere visus sibi fuerit, eo que vehi: potestatem mediocrem inueniet.

Si vrsum gladio percussisse visus sibi fuerit, ex hoste suo pereunte læticiam percipiet.

Si carnem vrsinam comedisse visus sibi fuerit, pro modo manducatæ carnis opes ab hoste stolido & opulento consequetur.

Si pellem vrsinam sustulisse visus sibi fuerit, omnes hominis eiusmodi diuitias lucrabitur.

Si lac vrsinum bibere visus sibi fuerit,

A 4 terro-

terrorem à magistratu inueniet, ac morbum diuturnum.

Si caput eius sustulisse visus sibi fuerit, vel quod ab alijs adlatum acceperit: ab hoste stolido diuitias, & quidem ipsam diuitiarum eius sortem ac summam inueniet.

DE HYÆNA, EX PERSA-

CCLXXV.

rum & Aegyptiorum monumentis.

HYÆNA de muliere mala, subfannatrice, venefica, magicam exercente, intelligitur.

Si quis igitur hyænæ visus sibi fuerit infidere, cum eiusmodi muliere rem habebit.

Si iaculum, vel lapidem in hyænam coniecisse, visus sibi fuerit: cum ea rixabitur.

Si cum hyæna pugnans, eam hasta per vim iugulasse visus sibi fuerit: cum eiusmodi muliere consuetudinem habebit.

Si carnem hyænæ comedere visus sibi fuerit, veneficijs à tali muliere circumuenietur, eaque diu durabunt, pro modo manducationis.

Si lachyænæ bibere visus sibi fuerit, in
in

in auro suo detrimentum accipiet, & ad inopiam redigetur.

DE LVPO, EX PERSARVM CCLXX-

& Aegyptiorum disciplina.

VI.

LVPVS ad personam hominis auari & infidi refertur.

Si quis cum lupo pugnare visus sibi fuerit, ab eiusmodi principe potestatem ac bellum accipiet. Quòd si lupum iugulasse visus sibi fuerit, & is cui visum hoc offertur, cum potestate est: hostem eiusmodi delebit. Sin à lupo vulneratum, vel morsum se videre visus fuerit: cruciatum & vim ab hoste iniusto & auaro feret.

Si rex oues habere visus sibi fuerit, quas adorti sint lupi: talis hostis populū ipsius inuadet, proque grassationis lupi modo, populum perdet.

Si rex canes aduersus lupos misisse visus sibi fuerit, cum alienigenis hostem suum oppugnabit, proque canum ipsorum strenuitate, hominem proteret.

Si rex adlatum sibi lupum, vinculis cōstrictum, videre visus fuerit: hostem huiusmodi captiuum accipiet.

SI quis cum vulpecula pugnare visus sibi fuerit, cum homine quodam suo, eoq; versuto, rixabitur. ac si quidem visus sibi fuerit ab illius vnguibus lesus, ab homine suo vexationem inueniet, ac respondentem vulneri sollicitudinem. Sin ipse vulpem occidisse visus sibi fuerit, ab ærumna liberabitur.

Si quis longo ex interuallo respicere vulpeculam visus sibi fuerit, ex torminibus & flatibus in morbum incidet.

Si vulpeculam ad se respicientem videre visus fuerit, à dæmonibus morbo affligetur.

Si cum vulpecula colludere visus sibi fuerit, aut eam, ceu mansuefactam, in ædes suas deportasse: in amorem pessimæ mulieris incidet, & ab ea veneficijs circumuenietur.

Si lac vulpinum bibere visus sibi fuerit, si quidem æger est, conualescet: sin curis grauatus, ab eis liberabitur.

Si videre visus fuerit adcurrētem ad se vulpe-

vulpeculam, quæ tamen ipsum præstigijs suis non anteuertat: mulier in facinore depræhendetur, & pro vana habebitur.

Si rex visus sibi fuerit in venatu, vel itinere, vulpeculam inuenisse: in hominẽ versutum, & in planum incidet. ac si quidem vulpeculam occidit, in periculo & alter erit.

Consimiles habent interpretationes tũ lycopanthæ, tum mustellæ: sed paulò tamen minoris momenti, & inferiores.

DE LEPORIBVS, EX PER-

sarum & Aegyptiorum disciplina.

CCCLXX-

LEPORES ad scortorum, & earum mulierum personas referuntur, quæ fucatam & adsciticiam venustatem adfectant.

V.III.

Si quis inuenisse leporem visus sibi fuerit, huiusmodi mulierem inueniet. ac si quidem visus sibi fuerit eius pellẽ sustulisse, diuitias ex ea lucrabitur.

Si affata carne leporina vesci visus sibi fuerit, & opes ab ea consequetur, & in morbum incidet.

Si leporẽ persequi visus sibi fuerit, eius modi mulierẽ amabit, eamq; sectabitur.

Si

Si visus sibi fuerit in persequendo coniecisse virgam, vel aliquid aliud: siquidem leporem adtigit, eoque potitus est: desiderio votoque suo satisfaciet. sin autem, ad iracundiam & acerbicatem mulier hominem irritando prouocabit.

CCLXX. DE CANIBVS, INDORVM,
IX. *Persarum, & Aegyptiorum rationes.*

CANES ad inimicos referuntur.

Si quis adlatrantem sibi canem videre visus fuerit, verbis infami cum hoste dimicabit. ac si quidem à cane visus sibi fuerit morsus, ab eiusmodi hoste vexabitur.

Si videre visus fuerit, canem lacerantem vestes suas, ab hoste infami diuitiarum & gloriae detrimentum sentiet.

Si canem occidit, hostem eiusmodi perdet.

Si carne canina vesci visus sibi fuerit, opes hostis infamis adquiret.

Si lac caninum bibere visus sibi fuerit, in terrorem & morbum diuturnum incidet.

Quòd si conspectus per quietem canis pastoricius est, aut ferus: hostis ille peregrinus

grinus & extraneus erit. Si leporeus, ex familiaribus.

Si rex omnigenos canes adlatos sibi videre visus fuerit, vel peregrè, vel ex regione propria: tam milites belli peritos, quam suos homines aduersus hostes colliget. Nam in visis regijs, per quemlibet canem miles intelligitur.

DE CATO, PERSARVM

& Aegyptiorum rationes.

CCLXXX.

GENERALITER catus in quorumlibet visis ad personam furis, tam maris, quam feminae, refertur.

Si quis dimicasse cum cato, vel catum occidisse, visus sibi fuerit: furem vinculis constringet, & perdet.

Si notus est catus, fur quoque notus erit: si ignotus, fur peregrinus erit, & extraneus.

Si carnem felinam vel sustulisse, vel habere visus sibi fuerit à fure diuitias, carni respondentes, consequetur.

Si pellem cati vel inuenerit, vel sustulerit: vniuersas furis facultates auferet.

Si cum cato dimicans, visus sibi fuerit ab vnguibus eius laesus: in morbum vehementem-

hemētissimum, & afflictionem incidet.

Si videre visus fuerit mordentem se catum, diuturno cum morbo & debilitate graui conflictabitur.

CCLXXXI DE PORCIS, INDORVM,
Perfarum, & Aegyptiorum rationes.

PORCVS ad personam hostis, qui cōtēnitur, & tamen potens est, refertur.

Si quis visus sibi fuerit manum conferre cum porco siluestri, cum hoste potente & egregiè instructo bellum geret. Solent enim principibus viris hæc visa duntaxat offerri. Quòd si alius quispiam huiusmodi somnium habuerit, nihilominus ad illorum personam referatur. Sin pauper, aut plebeius: ab hoste terrorem, & afflictionem, & cruciatum inueniet.

Si quis apro insidere visus sibi fuerit, hostem suum, virum amplissimum, in seruitutem rediget. Sin is, qui somnium habuit, pauper est: ad conditionem excelsam, & magnas opes euehetur.

Si rex videre visus fuerit adlatos sibi siluestres apros, vel quod eos ipse venando ceperit: hostes potentes, pro conspectorum

etorum per quietem aprorum ratione,
vinctos colliget.

Si porcos cicures adlatos videre visus fuerit, eadem erit interpretatio, sed prædictis tenuior atque inferior exitus.

Si carnem suillam manducare visus sibi fuerit, aurum & opes manducationi respondentes inueniet.

Si quis instar porci visus sibi fuerit incedere, celerem læticiam inueniet.

Si quis porcum habentem cornua videre visus fuerit, hostis sui sublimitatem & gloriam, pro cornuū modo, videbit.

Si talem porcum rex adlatum sibi videre visus fuerit: hostem suum, magnæ admirationis virum, captiuum accipiet.

Si rex, aut princeps aliquis, per quietē adferri sibi viderit porcum arietina cauda præditum: hostem valde locupletem & potentem habebit, quem opes ipsius comitabuntur.

Si rex adlatum sibi porci caput videre visus fuerit, vel quod de capite porci comederit: ipsam sortem & summam opū hostis sui lucrabitur, ipsamq; cæsum superabit.

& Aegyptiorum interpretationes.

SI quis domi suæ dimicare cum simio visus sibi fuerit, is opulētum hostem, & improbum, & imbecillem in domo sua conspiciet: & cui tandem horum victoria per quietem obuenerit, is reapse superior euadet.

Si simiam necasse visus sibi fuerit, hostem eiusmodi domo sua summouebit.

Si simia visa fuerit ei peregrina, per aliorum fraudem hostis eius, cui somniū fuit oblatum, aduersus ipsum veniet.

Si quis à simia morsus, aut ab vnguibus eius læsus esse, visus sibi fuerit: ab hoste malo vexabitur, & grauem in morbum incidet.

Si carnem simiæ comedisse visus sibi fuerit, opes modicas ab hoste malo, nec multum locuplete, consequetur.

Si somnium habuerit, quasi vel oscularetur eum simia, vel colloqueretur, vel demulceret: amore non puro, nec sincero, improbitatem suam hostis in eum declarabit.

Si quis donatam sibi simiam videre visus

fus fuerit, quam ipse suam in domum receperit: ignotum & fraudulentum hostem in domum suam perducet.

Si quis visus sibi fuerit exhibere simiã in populi cõspectu ludentem, is hostem suum in potestatem rediget, eiq; illudet.

Generaliter simia de hoste improbo, cui parvæ sint vires, accipitur.

DE DRACONIBVS ET SER- CCLXXX-
pentibus, ex Indorum, Persarum & Aegy- III.
ptiorum disciplina.

DRACO, regis ad personam refertur: serpētes, ad personas maximorum & parvorum hostium, pro ipsorum magnitudine.

Si quis in somnis serpētem maximum, siue draconem, videre visus fuerit, qui scilicet inuentus sit in domo, vel agro, vel castro, vel loco quodam: in eo loco rex aduersarius conspicietur.

Si quis draconem combussisse, vel arbores eradicasse, visus sibi fuerit: eius incolæ loci respōdentem flammæ & euulsioni arborum ærumnam experientur.

Si quis draconem fulgetris peti visus sibi fuerit, bellum & ruinam alteri regi,

B qui

qui hostis est ei regioni, portendi sciat.

Si regi visum hoc oblatum fuerit, ex regis alterius ruina & interitu voluptatem capiet.

Si regi per quietem visus sit adparere draco, alterius regis fama terrebitur.

Si rex videre visus fuerit, draconem secum absque terrore colloquentem: admirabili quodam modo cum alio rege opulentissimo pacem componet.

Si quis inuenisse, vel comedisse carnem draconis, visus sibi fuerit: à rege maximo diuitias carni manducatae respondentes inueniet.

Si quis visus sibi fuerit interfecisse draconem, si princeps aliquis est, aut rex, alij potenti regi cladem inferet: si plebeius est, regno potietur. nam regi duntaxat hoc competit.

Si quis serpentem oppugnare visus sibi fuerit, si quidem illum occidit, hostem sibi detectum, serpenti respondentem, vi diuina conficiet.

Si concidisse, vel rupisse serpentem, visus sibi fuerit: pro laboris suscepti modo, diuitias ab hostibus suis nanciscetur.

Si

Si rex visus sibi fuerit occidisse serpente-
 rem, hostem maximum quidem illum,
 sed inferiorem rege, cædet.

Si rex visus sibi fuerit, à serpente mor-
 sus, quē deinde persecutus occiderit:
 ab hostib⁹ vexabitur, & insidiatores in i-
 pso facinore deprehēsos è medio tollet.

Si rex videre visus fuerit serpentem, in
 regia sua cōspectum: in palatio suo per-
 duellem anteuertet.

Si quis carne serpentina vesci visus sibi
 fuerit, incrementum diuitiarum suarum,
 atque de hostibus læticiam percipiet.

Si quis cū serpente visus sibi fuerit col-
 loqui, gaudium atque læticiam inueniet,
 hostibus etiam pacem colentibus.

Si serpentem mortuum inuenisse visus
 sibi fuerit, in hoste suo reperiet, quid-
 quid animo suo exoptabat.

Si quis in aureum serpentem maximū,
 gemmeis squamis ornatum ac distinctū
 in tergo, incidisse visus sibi fuerit, eum q̄s
 suum fecisse: regnum & dominatum po-
 puli consequetur. atque hoc ipsum quo-
 que regibus, aut ei qui regno potiturus
 est, vel qui militū copias habet, cōpetit.

Si rex inuenisse serpentem aureum & varium, draconi similem, visus sibi fuerit, aut talem ab alijs adlatum sibi: magnam auri copiam consequetur, ex aliorum regum thesauris.

Si rex, aut alius quispiam, exisse visus sibi fuerit ad locum quēdam, vbi magnos serpentes cum alijs paruis conspexerit: eum in locum magnus hostis quidam suo cum populo veniet. ac si quidē eos per quietem occidit, hostes quoque cædentur: sin illis mordentibus, ipsi fugerunt: victoria penes hostes erit.

Si quis somnium habuerit, quasi sibi serpens magnus, aut mediocris adparuerit, vel vulnus inflixerit: & morbum, & terrorem hostilem experietur.

Serpētes generaliter ad hostes, eorum magnitudini respondentes, referuntur.

DE FVCIS, ET APIBUS, TAM
CCLXXX- *siluestribus, quàm domesticis: Indorum,*
IIII. *Persarum & Aegyptiorum rationes.*

SI quis somnium habuerit, quasi per quietem conspexerit fucos flauis coloris in locum, vel regionem quandam delatos: in eum locum hostis veniet, in-
star

star animalculi vitibus infesti, quod cer-
cum vocant. ac si quidem videre visus
fuerit pungentes eius regionis incolas,
fucorum plagæ damnum ab hostibus il-
latum respondebit.



ab amplissimo & eminenti viro diuitias Hic quoque
folium unum
deest.
consequetur, pro modo māducationis,
& alarū ratione, quæ potestatē denotāt.

DE STVRNIS, ET LVSCI- CCLXXX-
nijs, & hirundinibus, Persarum & Aegy- VIII.
ptiorum sententia.

STVRNI & hirundines ad copias ca-
strenses referuntur, itemq; volucres
illæ, quæ locustas deuorant.

Si quis has aues gregatim venisse quen-
dam in locum, videre visus fuerit: si qui-
dem locustæ istic erant, ad defensionem
subsidiūq; loci rex suos ablegabit exer-
citus, pro modo multitudinis auium per
quietem conspectarum.

Si non propter locustas venerunt, ar-
boribusq; loci damnū dedere: hostis
cò veniet, omniaq; vastabit, pro modo
damni ab eis dati. Si nihil damni datum

B 3 est,

est, nec tempus id erat, quo fructus in arboribus existerent: multitudo populi quædam eò veniet, absque detrimento.

Generaliter hæc, cuicumque per quietem offerantur, de populo accipiuntur.

Si luscinia per quietem conspecta fuerit, ad iucundū ea nuntiū refertur, prout ipsa luscinia vox sua visæ esse visa fuerit.

Si lusciniam tenuisse, visus sibi fuerit, vel a clubio conclusisse: optatum seruum vel ancillam inueniet, quorum solatio fruatur.

a T est, auia-
rio.

DE PAVONE, PERSARVM

CCLXXX-

& Aegyptiorum rationes.

IX.

SI quis inuenisse pauonē visus sibi fuerit, & opes ingētes, & splendidā dignitatem, vel vxorē formosissimā inueniet.

Si domi pauonem mansuefactum habere visus sibi fuerit, cum diuitijs vxorē inueniet, quæ marē gloriosum & illustrē pariet, propter aureum splendorē alarū.

Si carnem pauonis edere visus sibi fuerit, à rege diuitias consequetur. Nam pauo sæpius & regem non magnum denotat, propter ornatum alarum, & cristā, quam in capite gerit.

Si

Si carnem pauonis fæminæ comedit, diuitias ab ampliffima muliere confequetur.

Si pauonem fuum mafculum mortuũ videre uifus fuerit, uel quòd perierit: in adflictionem incidet, & paupertatem, & in dignitate fucceffor ei dabitur: fin pauo fæmina fuerit, ad uxorem ipfius fpectabit calamitas.

DE CICONIA, ET GRVE,

ex Indorum, Perfarum, & Aegyptiorum ccc. c.
disciplina.

GRVS ad inopiam generaliter refertur, ciconia uerò ad perfonam potentem & illuftrem, propter naturalem in ciconia uim concoquendi ferpentes.

Si quis inueniffe gruem, uel ciconiam, uifus fibi fuerit: in homines inopes incidet, de quibus nihil lucri percipiet.

Si quis domi fuæ grues alere uifus fibi fuerit, inopes pascet, eaq; re famam fibi pariet.

Si grues mactaffe uifus fibi fuerit, in pauperes iniuftus erit.

Si uidere uifus fuerit eas auolantes, fe relicto: periculis & incõmodis illis liberatur.

Si quis inuenisse ciconiam visus sibi fuerit, à morbo gaudium cum valetudine prospera inueniet.

Si rex, aut amplissimus vir aliquis, habere ciconiã cicurem, siue domesticam, visus sibi fuerit: hominem virtute præditum, artisq; medicæ peritū inueniet.

Si carnem gruis, aut ciconiæ, comedisse visus sibi fuerit: ex gruis quidem manudicatione, morbum inueniet: ex ciconiæ verò, sanitatem & diuitias.

*a fortassis
oua: ut uia
pro aëiale
gatur.*

C. C. X. C. I.

*b nomen
hoc auis
est.*

Si quis inuenisse . . . ciconiæ visus sibi fuerit, diuitias ijs respondentes à viro illustri consequetur.

DE ^bLVPE, EX PERSARVM
disciplina.

LVPEs ad personam egregij militis, & grassatoris refertur.

Si quis ad præhendisse lupem visus sibi fuerit, vel eum iugulasse: in talem hominem impudentem incidet, eumq; conficiet.

Si lupem in venatu furti causa se habuisse per quietem putauerit, talem virum satellitem suum faciet, eumq; mittet ad faciendum non magni momenti furtum,

furtum, propter exilem auis huius vsum in venatione: quæ quidem generaliter de fure intelligitur, eodemq; visorum euentus spectat.

DE CORVIS, ET CORNICI-

bus, & aue, quam^a Lipopulum vocant: ex Persarum & Aegyptiorum interpretationibus.

CCXCII.

a Quasi dicas deserticem pullorum. corus species est.

Sicorum quis inuenisse visus sibi fuerit, in hominem senem, vetulum, peregrinum, inopem, gulosum incidet.

Si coruum domesticum & cicurem, habere visus sibi fuerit: eiusmodi hominem domi suæ habebit.

Si cornicem habere visus sibi fuerit, hominem vigilacem inueniet, seruumq; vel ancillam mendacem.

Si rex, aut amplissimus vir aliquis, videre visus fuerit crocitantem in domo sua cornicem: si per quietem hoc boni vel mali ominis loco duxit, eiusmodi nuntiū accipiet. ac se penumero in hisce de cornicibus somnijs, falsus est suspitionis exitus.

Eadē est interpretationis de lipopulo ratio, nisi quod paulò tenuiora portendantur.

DE C O L U M B I S, E T T V R-
 ture, & palumbo: ex Indorum, Persarum,
 & Aegyptiorum disciplinis.

CCXCIII.

SI quis accepisse columbam ab aliquo visus sibi fuerit, è terra peregrina: læticiam cum diuitijs inueniet, ac fortassis vxorem quoq; ducet, ac fæmillam procreabit.

Si plurimas columbas inuenisse visus sibi fuerit, quæstuosas & lucrosas ratiões inueniet, pro columbarū multitudine.

Si pullos columbarum inuenit, seruos pufillos & minorēnes feliciter inueniet.

Si columbarum nidos inuenisse visus sibi fuerit, ipsisq; cum pullis eos sustulisse: familias captiuas consequetur, easq; rediget in seruitutem, & inde læticia diuitijsq; potietur.

Si columbam habere visus sibi fuerit, quæ auolando aufugerit: ab vxore separatur, vel à filia, vel ancilla lucrosa.

Si videre visus fuerit columbas suas iugulatas, aut mortuas: pro earum numero seruos suos amittet.

Si regi visum hoc oblatum fuerit, non ad ipsius milites, sed seruos fabricenses, & textores refertur.

Si

Si quis edere columbas, aut pullos columbarum, visus sibi fuerit: aut ab alijs eos accepisse: diuitias & læticiam à seruo habebit.

Turtur & palumbus ad res easdē referuntur, significatione tamē imbecilliore.

Si mulier videre visa fuerit columbam, vel palumbum, vel turturem in capite suo confidentem, ipsa q̄; prægna est: filiam pariet.

DE GALLIS GALLINA-CCXC-
ceis, & gallinis, ex Persarum & Aegy- IIII.
ptiorum monumentis.

Si quis inuenisse, vel habere gallinas visus sibi fuerit: seruos quæstuosos inueniet, illis tamen inferiores, qui per columbas denotantur.

Si gallinas, cum plurimis pullis, inuenisse visus sibi fuerit: seruos cum liberis nanciscetur, pro modo conspectæ per quietem multitudinis.

Si discerptas videre visus fuerit, amissio calamitas q̄; viso respondens portenditur.

DE GALLINIS, EX CXCXV.
disciplina Persarum.

Si

SI quis inuenisse gallinas suas visus sibi fuerit, opes minores à seruis consequetur.

Si gallum gallinaceum elegantem habere visus sibi fuerit, inueniet curatorem pro seruis suis vtilem.

Si cum gallo gallinaceo pugnare visus sibi fuerit, inueniet afflictionem, & cū illo curatore suo rixam.

Si visus sibi fuerit eum iugulasse, seruū suum vel curatorem amittet.

Si discerptus sit, eadem erit interpretatio.

CCXCVI. **DE ANSERIBVS, EXPER-**
sarum sententia.

ANSERES de seruis quæstuosus & mitibus intelliguntur.

Si quis multos anseres inuenisse visus sibi fuerit, eiusmodi seruos cōsequetur.

Si quid eis acciderit, vel si discerptos videre visus fuerit: consimilis est interpretatio.

Si quis anseres edere visus sibi fuerit, opibus atque lætitia potietur, per seruos eiusmodi, pro modo pinguitudinis anserum.

Si

Si quis alam anserinam inuenisse visus sibi fuerit, opes durabiles inueniet, propter alarum celeritatem.

Si videre visus fuerit, anseres fæminei sexus, ancillas optatas consequetur.

Si quas ex ijs amisisse visus sibi fuerit, ad optatam & dilectam ancillam calamitas ea pertinebit.

Generaliter anseres, tam masculi, quã fæminei sexus, ad seruorum & ancillarũ personas referuntur: & quidquid de his alicui per quietẽ oblatum fuerit, in istis exitum fortietur.

DE PERDICIBVS, EX PER- CCXC-
sarum & Aegyptiorum disciplina. VII.

PERDIX ad formosam & elegantem fæminam refertur.

Si quis igitur in somnis videre visus fuerit inuentam ab se perdicem cicuratam, aut quod eam habuerit domi suæ: ex animi sui voto vxorem inueniet, eamq; formosam, & probam ac beneuolam.

Si perdicem feram adprehendisse, vel ab alio quodam visus sibi fuerit, accepisse: vxorem inueniet, formosam quidem illam, sed contentiosam, & quæ non nisi
diffi-

difficulter adiri possit.

Si perdicem habuisse visus sibi fuerit, ac perdidisse: ab vxore sua separabitur.

Si perdicem comedisse visus sibi fuerit, opes in re vestiaria consequetur à muliere.

Si mulier inuenisse perdicem visa sibi fuerit, si prægnas est, femillam pariet: sin autem, femillam concipiet, ac pariet.

Si rex venari perdices visus sibi fuerit, tam in Augusta, quàm alijs mulieribus voluptatem inueniet.

Cōsimiliter si perdicibus vesci visus sibi fuerit, cū optata muliere rē habebit.

Perdices enim vniuersè de vxoribus, & filiabus accipiuntur.

CCXC-
VIII. DE MVSCIS, ET CVLICIBUS, *Indorum, Persarum, Aegyptiorumq; rationes.*

MVSCÆ & culices, de hostili nuntio, deq; morbo intelliguntur.

Si regi per quietem oblatū fuerit, quasi quo loco versaretur ipse, plurimæ vel muscæ, vel culices aduenissent: in afflictionem incidet, ac sollicitudinem, ac eribitatemq; propter acceptum de exercitū suo nuntium. Ea-

Eadē est de belli ducib⁹ interpretatio.

Si pauper, aut plebeius quispiam, somnium hoc habuerit: afflictionem inueniet, ac morbū, mortisq; deplorationē.

Si quis videre visus fuerit muscas, aut culices, os narē sue suas ingressas subitò: cum ærumna & doloribus ruinam hostium spectabit.

Consimiliter si quis videre visus fuerit, quasi multitudo quædam muscarū, aut culicum, in locum quendam venerit: eò loci hostium expectet aduentum, & incolarum afflictionem.

DE FORMICIS, EX PER- c c x c i x .
sarum & Aegyptiorum monumentis.

FORMICÆ plerunque mortem portendere iudicantur.

Si cui visum per quietem oblatum fuerit, quasi quo loco ipse habitaret, ex foramine quodam multitudo formicarum proruperit: hoc ipsum de morte sua, breui sequutura, interpretetur.

Si quis videre visus fuerit formicas incedentes in via, domumq; suam ingressas: in morbum duntaxat incidet, ipsiusque familiæ auferent.

Si

Si quis formicas frumentum gestantes, domum suam egressas, videre visus fuerit: & morbo liberatur, & mala familia, & formidine, qua cruciabatur.

Si quis in area, vel horreo suo, formicas videre visus fuerit: in afflictionem & paupertatem incidet.

DE LOCUSTIS, EX INDO-

ccc.

*rum Persarum, & Aegyptiorum
disciplinis.*

LOCUSTA generaliter ad hostiū multitudinem haud dubiè refertur. Sic enim sacris in literis perscriptum est, locustas iussu diuino ad vastationes regionum instar alicuius exercitus proficisci.

Si quis aut rex, aut potestate præditus, locustas aduersus aliquam regionē profectas, videre visus fuerit: eo in loco multitudinem hostium cum magna potentia expectet, quantumq; locustæ damni dederint, tantundem & illi nocebunt.

Sin alicui nihil illæ nocuisse visæ fuerint, sed duntaxat illac transisse, vel in loco mansisse: copiæ militares eò sine maleficio venient.

Si regi visum hoc oblatum fuerit, pro mul-

multitudine locustarū, & afflictionem experietur, & bellum hostile.

DE † TROGLETIS, ET DI. CCCI.

uerfis passeribus, ex Persarum & Aegyptiorum interpretationibus.

† species est hirundinis sic appellata, quod in foraminibus & cavernis nidu lentur.

SI quis tenere passerem visus sibi fuerit, ab amico suo ignominias audiet atque conicia.

Similiter si multos tenere passerem visus sibi fuerit, lites & rixas aduersus amicos & necessarios suos instituet.

Si videre visus fuerit magnam passerum garrientium copiam, domū suam ingressam, erogationem & expensas ē domo sua faciendas, vel per hominem quendam ipsius, vel per ipsummet, portendi sciat.

DE AVIBVS AQUATICIS, CCCII.

ex Persarum & Aegyptiorum sententia.

SI quis visus sibi fuerit aues tenere marinas, aut stagnis, aut aquis simpliciter gaudentes: rem exoptatā animo suo consequetur.

Si de his aliquas iugulasse visus sibi fuerit, optabiles & iucundas diuitias in-

ueniet, pro manducationis modo.

Si visus sibi fuerit alas earum collegisse, hoc ipsum quoq; diuitias portendit, sed aliquanto minores.

ECCIII. DE CANCRIS ET ALIIS,
quibus testacea sunt operimenta, Persarum Aegyptiorumq; rationes.

Cancer ad hominem versutum & inemendabilem refertur, propter tortuosum animalis huius incessum.

Si quis inuenisse visus sibi fuerit cancerum marinum, vel amnicum, in hominem versutum & inopem incidet, commorantem in regum aulis, aut amplissimorum virorū ædibus: idq; propterea, quod mare de regia, fluuij de magnatibus accipiantur.

Si quis edisse vel cancerum, vel aliud quid opertum testaceo tegmine, visus sibi fuerit: à tali viro quæstum modicum, & fanitatem consequetur. Nam ex huiusmodi animalibus ad curationē corporum multa sunt inuenta.

Si visus sibi fuerit ostreis vesci, vel alijs

alijs talibus: in morbum incidet.

DE CONSIDERATIONE AC CCCIIII.

*interpretatione somniorum, consentien-
tes Persarum & Aegyptiorum
rationes.*

Insomnia, sicuti iam antea diximus, ad diuersas personas diuersè referuntur. Nam in vno & eodem viso nocturno, alia regis de persona est interpretatio, deque plebeiis alia: alia de agricola, & alia de milite: alia de magnatum aliquo, & alia de inope. Iudicium de viris aliud, & aliud de feminis. Alia per æstatem, aliâque hiberno tempore promenda interpretatio. Aliter statuum id temporis, quum dies incrementum sumit, aliter, quum deminuitur. Aliter luna crescente, ac rursus aliter eadem decrecente. alia denique visa celeriter euentura iudicantur, alia tarde. Atque hæc, vt diximus, antea relata sunt in interpretando ad personas quaslibet, puta regis & pauperis, amplissimi viri & plebeiorum, mulieris & viri, militis & agricolæ.

Sunt igitur interpretationes conformandæ tam ad hybernum, quàm ad æstiuum tempus. Nam tempus hybernum, & æstiuum, in arboribus & plantis respici solent. Quippe si cui visum aliquod de arboribus offeratur, isq; te de illo ipso in somnio cõsulat: tu vicissim de noctis hora perquirito.

Nam quæ ad tertiam noctis horam vsque, per quietem offeruntur, eorum euentus ad annum usque vigesimũ extenditur.

Quæ ab hora tertia conspiciuntur in somnis, vsque ad sextam, eorum euentus ad octo, vel decem, vel quindecim annos sese porrigit.

Quæ a sexta, vsque ad nonam, iis respondet euentus ad quinque, vel quatuor, vel tres annos.

Quæ ab hora nona sese offerunt visa, vsque ad matutinum tempus: iis ad vnum vsque annum, vel sex, vel tres menses, vel mensẽ vnum, vel decem dies respõdet euentus. In Augustæ persona tamen hæc vel ipso illo die, vel intra duos, vel tres dies eueniunt.

De horis autem diei nihil definimus.
nam plerumque ad horam diei septi-
mam res extrahitur, atque ita re-
spondet euentus inso-
mnia.

GLORIA TIBI DEVS
NOSTER, GLORIA TIBI.
AMEN.

I N D E X
TITVLORVM, IN APO-
mafaris apotelesmata.

A.

<i>de Ablutione Sordium & Amictu mundo.</i>	
pag.	307
<i>de Aedificiis.</i>	159.162
<i>de Agro & satione.</i>	281
<i>de Agris qui seruntur & sationibus.</i>	277
<i>de Amputatione Capitis.</i>	107
<i>de Angelis.</i>	5
<i>de Anulo.</i>	356
<i>de Anseribus.</i>	396
<i>de Aqua in domo sparsa.</i>	244
<i>de Aqua poculo hausta.</i>	243
<i>de Aquarum scaturigine.</i>	240
<i>de Aquatione facta per vestes lineas.</i>	243
<i>de Aquis.</i>	258
<i>de Aquis calidis.</i>	241
<i>de Arboribus.</i>	261
<i>de Arboribus & Plantis.</i>	171
<i>de Arbore bericocia.</i>	265
<i>de Arborum fructibus.</i>	285
<i>de Armis.</i>	183
<i>de diuersis Armorum speciebus.</i>	353
<i>de Auctis crurium pilis.</i>	20
	de

TITVLORVM.

de Asinis.	316
de Anibus aquaticis.	401
de Auribus.	41

B.

de Bobus.	323
de Boue.	325
de Brachiis eorumq; suris.	61

C.

de Cæde ac Ingulatione.	110
de Calceis, & Tibiariis, & Braccis.	342
de Camelis velocibus.	319
de Camylauchio.	287
de Canibus.	380
de Capillis Muliebribus.	365
de Capitis Manducatione.	31
de Cato.	381
de Cancris, & aliis quibus testacea sunt ope- rimenta.	402
de Ceruice.	57
de diuersis Cibis.	338
de Ciconia & Grue.	391
de Cinamomo.	344
de Circumuolutione fusi.	362
de Clauiculis humerorum.	60
de Coloribus, Equorum & sellariis regū.	313
de Columbibus & Turture & Palumbo.	394

I N D E X

<i>de Colloquiis illorum, quæ à natura loqui ne- queunt.</i>	285
<i>de Consideratione ac interpretatione somni- orum.</i>	402
<i>de Corona & Sertis.</i>	349
<i>de Coronis & Vnionibus, & Gemmis.</i>	349
<i>de Coruis & Cornicibus.</i>	399
<i>de Costis.</i>	80
<i>de Coxis & renibus.</i>	81
<i>de Cruribus & Pedibus.</i>	103
<i>de Cucurbita, Pepone, ac similibus</i>	268

D.

<i>de Dentibus.</i>	51.54
<i>de Dentibus infimis, tam superioribus, quàm inferioribus.</i>	56
<i>de Dentibus quos Caninos vocant.</i>	55
<i>de Draconibus & Serpentibus.</i>	385

E.

<i>de Elephanto.</i>	371
<i>de Equis.</i>	178.180
<i>de Equis maribus & fœmininis.</i>	310

F.

<i>de Faceolis.</i>	300
<i>de Femoribus.</i>	87
<i>de Fide.</i>	9.13.15
<i>de Fluminibus.</i>	225.229
	de

TITVLORVM.

de Formicis.	399
de Frontibus & Naso.	48
de Fructibus omnigenis siue de pomis	266
de Fucis & Apibus, tam syluestribus, quàm domesticis.	388

G.

de Gallis gallinaceis, & gallinis.	395
de Genibus.	89
de Genis, Cerebri membranis & ore.	49
de Gramine, Acantha, siue spina & sentice- to.	282

H.

de Hominis membrorum significatione.	21
de tota Hominis carne.	76
de Humectatione vestimentorum.	246
de Hyana.	376

I.

de Igne.	193.198
de Igne gehenna.	4
de Imaginibus.	168
de Intestinis, & interiore membrorum quasi sylua.	72
de Iudicibus.	16.17.18

L.

de Lana, Metaxa & Gossipio.	293
de Latere.	246

I N D E X

<i>de Lauacro.</i>	241
<i>de Leone & feris bestiis.</i>	368
<i>de Leopardo.</i>	374
<i>de Leporibus.</i>	379
<i>de Lepra.</i>	100
<i>de Lepris. siue Squamis cutis.</i>	97
<i>de Limfaticis.</i>	98
<i>de Lingua.</i>	52
<i>de Locustis.</i>	400
<i>de Lupo.</i>	377
<i>de Lupe.</i>	392
<i>de Luto.</i>	223

M.

<i>de Macie corporis. siue gracilitate.</i>	102
<i>de Manibus.</i>	63
<i>de Mari.</i>	231
<i>de Medicario.</i>	275
<i>de Migrationibus.</i>	161
<i>Mortuorum resurrectio.</i>	1.2
<i>de Mortuis & Morte & Sepultura.</i>	130.134
<i>de Moscho, & Composita fragrantia.</i>	26
<i>de Mulieribus.</i>	121
<i>de Muliere Sacerdotis.</i>	142
<i>de Mulieribus & suctione Mammillarũ.</i>	117
<i>de Mulis.</i>	315
<i>de Muscis & Culicibus.</i>	398
	<i>de</i>

TITVLORVM.

N.

de Nanihus.	234.237
de Niue, & Grandine & Gelu.	247
de Nubibus.	205
de Nuditate.	105
de Nuptiis.	128
de Nutibus.	114
de Nutibus oculorum & contractione Nu- ptiarum.	113

O.

de Oculis.	43.45
de Oleribus & leguminibus.	272
de Omnigenis Ouib. & Ceruis & Hircis.	332
de Osculis.	139

P.

de Palmis & earum fructibus.	260
de Palpebris & superciliis.	47
de Paradiso.	3
de Pardo.	373
de Pauone.	390
de Pectore.	67
de Perdicibus.	397
de Peplo.	363
de Persicis manicis subucularum.	306
de Pila.	182
de Pilis barbae, alarum, & pubis.	33
	de

I N D E X

<i>de Pilis corporis.</i>	35
<i>de Pilorum significato.</i>	22
<i>de Pilorum tinctura.</i>	30
<i>de Pipere ac Sinapi.</i>	274
<i>de Piſtrino & confectione farinae.</i>	251
<i>de Plagis & Vulneribus.</i>	95
<i>de Pluvia.</i>	221
<i>de Poſſeſſione terra ac Aedificiorum.</i>	146
<i>de Porcis.</i>	382
<i>de Puteis.</i>	239
<i>de Purgante Medicamento.</i>	143
<i>de Prophetis, Apoſtolis & doct̄oribus.</i>	7
<i>de Pudendis.</i>	86
<i>de Puluinis, & Mappis ſiue Mantilibus.</i>	296
R.	
<i>de Raphanis & Daucis.</i>	276
<i>de Rege & Cruce.</i>	115
<i>de Roſa & Ocimo.</i>	269
S.	
<i>de Sandaliis.</i>	305
<i>de Sanguine ac Hulcere.</i>	90
<i>de Scoptulis & Mammis.</i>	71
<i>de Sellis & Tronis.</i>	359
<i>de Simiis.</i>	384
<i>de Sole, Luna & Sideribus.</i>	209
<i>de Somnio Protoſymbuli.</i>	37
<i>de</i>	de

TITVLORVM.

de Somnio cuiusdam.	230
interrogatio de Somnio	160
interrogatio de Somnio quodam.	251
de Sponsa.	113
de Stercore & Vrina.	92
de Stillicidio tegularum absq; pluuia.	249
de Sturnis, & Luscinis, & Hirundinibus.	389

de Substraminibus & instratu.	297
de Suspensione in crucem, siue furcas.	78

T.

de Tapetibus in domo expansis.	295
de Temulentia.	100
de Terræ motu.	156
de Terræ faucibus & alueis aquæ pluuia.	224
de Textura tela.	362
de Trogletis & diuersis passeribus.	401
de Tuberibus.	261

V.

de Vase quo suffitū facimus, & fumigatione.	27
de Vehiculo, siue curru, & Plastro.	329
de Velis & Velaminibus siue Tapetibus.	300
de Ventis.	206
de Ventre.	69
de	

I N D E X

<i>de Ventris Vermibus.</i>	75
<i>de Vestitu.</i>	286
<i>de Vestibus.</i>	186.190
<i>de Vestibus virgatis.</i>	290
<i>de Vestitu & tonsura.</i>	28
<i>de Vestimentis talaribus.</i>	301
<i>de Verberibus, siue Flagris.</i>	292
<i>de Vermibus.</i>	76
<i>de Vino & potulentis.</i>	254
<i>de Virga siue Baculo.</i>	284
<i>de Virga virili.</i>	82
<i>de Viris & Mulieribus, stolas inter se permutatas gestantibus.</i>	366
<i>de Vnguibus.</i>	65
<i>de Visceribus & intestinis.</i>	74
<i>de Viso cuiusdam nocturno.</i>	156
<i>de Viso quodam nocturno.</i>	181
<i>de Visis per quietem sacerdotibus.</i>	165
<i>de Vite arbuscina interrogatio.</i>	29
<i>de Vnctione.</i>	25
<i>de Voce.</i>	42
<i>de Volatu & Saltu.</i>	202
<i>de Vomitibus.</i>	141
<i>de Vrinis.</i>	38
<i>de Vrsis.</i>	375
	de

TITVLORVM.

de Vulpibus.

378

Z.

de Zatricio.

331

de Zupa.

303

F I N I S.

REVUE

de l'Économie

1872

2

1872


de l'Économie

1872

de l'Économie

REVUE

1



202400d

1770

legasima 7^{to} chartul 74

